





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4417/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4417/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4417/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4417/A


4417/A

A. XXIX. mon

~~2883~~

3
July 04

a 269. 7488



7488
IO. BAPTISTAE
MONTANI VERONENSIS
MEDICI ET PHILOSOPHI
EXCELLENTISSIMI,

Consultationum medicinalium

ad varia morborum genera,

Centuria tertia.

Vnà cum Indice Alphabetico.

Cum priuilegio Illustriss. Senatus Veneti,
in annos X.



Venetijs, in officina Erasmiana,
apud Vincentium Valgrisi
M D LVIII

TYPOGRAPHVS LECTORI S.

V'M superioribus annis diuulgasse-
mus ex nostra Typogra-
phia LECTOR candide primā
Consultationū Medicarū cen-
turiam magni illius ac prope di-
uini Medici pariter ac Philoso-

phi singularis D. IOANNIS BAPTISTAE
MONTANI, Veronensis, quas (vt audio) partim
ipse suis auditoribus inter differendum publicē
cōmunicauit, partim domi, priuatimq; discipulis
mira facilitate prælegit, vel dictitauit: effectū est
(frustra oblatrantibus quibusdam obscuris, & ma-
leuolis blatteronibus) vt Montanica à plurimis vi-
su, lectu, & cognitu digna existimarentur, quippe
qui non minùs doctē, q̃ attentē dicta, factaq; sua
omnia ad amussim pensitasse videatur, cui id tri-
bui sentio à bona Medicorum huius ætatis parte,
vt alter Galenus dici & haberi iure merito & pos-
sit: & debeat: nec enim abs re tam liberaliter illu-
stris. hic Senatus Venetus publicis impendijs cum
aluisset Patauij, nisi rarum hominis ingeniū inter
reliquos mortaleis admiratus esset. ad cuius hono-
ris corollariū, pro laude vulgaris famæ ego, nihil
aut parum habeo profectò, quod addam, nisi vnū
hoc, in medium proferam hoc loco, me, ab innu-
meris promiscue admonitum, rogantibus alijs,
cohortantibus alijs, vt hinc inde perquirerem
gnauiter, si quid vspiam extabat tam digni aucto-

4
ris, hætenus incognitum: quidquid enim esset,
iniquum illi ducebant, benevolentium iustis desi-
derijs intercipi. Exploratum verò vt plurimis est,
rei Medicæ tyronibus imprimis, nihil MONTANI
monumentis à multis sæculis exquisitius, aut ex-
cellentius repertum esse. Excitatus itaq; sum sanè
(vt ingenuè fatear, vt, cum amicorum genijs hac
in parte obsecundarer, tum, quod semper adnissus
sum, adnitorq; sedulo, studiosorum commodum
adiuarem) ad altiores cogitationes, sicunde tale
quidpiam, quod à multis, & doctis & probis viris
probatur, nancisci bona fors ferret, non defutu-
rum me, ilico recepi, neq; impensæ, neque labori
parciturum esse: quin ad bonorū omnium vsum,
ac studiosorum gratiā veniat in nostra officina.
Sic igitur diu multumq; cogitanti mihi, forte (vt
fit) ad famam ipsam prioris Centuriæ, à nobis
iampridem editæ, cum literatus, tum in rebus
Medicis apprimè versatus, & Medicus & Philo-
sophus D. IOAN. CRATO Vuratislauiensis,
benevolentia quadam peculiari, erga præcepto-
rem optimè de se meritum, impulsus, secundam,
seu alteram nobis transmisit Centuriam, olim ab
se se accuratè (dum legentis MONTANI, aut ra-
tiocinantis verba, ab ore pendens, quod aiunt,
exciperet: hæc fideliter concinnauit, & nonnul-
la alia, ad id subiectum pertinentia, nimirum Di-
scursus, vt ita dicam, seu animaduersiones, ac Cu-
rationes febrium, quæ omnia typis nostris sunt
impressa) collectam, ac perscriptam, eam nos nu-
perrimè,

5

perrimè, ijs, qui de MONTANO rectè iudicant,
legendam dedimus, quanta quidem à nobis fieri
potuit diligentia, & industria ad Archetypum ex-
pressam. Maledicis interim invidia rumpantur,
vt ilia Codro. nam non ita eorum garrulitatem
metuo, integer, quàm tyronum commodis ser-
uire cupio. Quod quidem opus, nihilo secius
postquàm desideratum iri, atq; priores illas Con-
sultationes supra biennium à nobis emissas, planè
confiderem, communi fretus benignitate, nulla-
tenus quiescendum esse mihi arbitratus sum, quin
omnes bibliothecas perlustrarem, sicubi adhuc
lateret aliquid à proposito non alienum. Quid
multa? non quidem spe & effectu honestissimus
noster caruit affectus. Nam breui, quemadmo-
dum euenit, in mare currentes ierunt de monti-
bus vndæ: atque ex vna occasione opportuna,
opportunior altera subinde orta est. In hac bo-
na mentis inclinatione adiutus sum à multis viris
fide dignis, nam certatim enixioribus animis illi
ipsi, qui sub viuo eo Magistro operam nauarunt
rei Medicæ, sensim flagrare, & lætari cœperunt,
vt quamprimum promerent in publicam studio-
forum vtilitatem, quod per multos annos abdi-
derant, intraq; Musæa Continuerant: quod,
qua ratione alia, aut consilio adducti fecerint,
non video, quàm, quòd impudentes iudices in
alienis rebus vitio vertendis, homines vereren-
tur, quasi aliena pro suis ostentarent, & graculo
Aesopi comparandi essent, aut certè (quod res
A 3 ipsa

ipsa est) expectarent commodam aliquam opportunitatem sibi dari, selecta, quæ habebant apud se MONTANI Miscellanea promulgandi. Afferentibus deum alijs alia ad me, Centuriam tertiam obiter ita contexuimus Consultationum, seu Curationum Medicinalium, à prioribus duabus instituto ac stylo nequaquam dissimilem, in omnium summam gratiam, qui feliciter iactis fundamentis literarum, aliquò in hac arte progredi student, & præter disciplinæ profectum tolerabilem, luculentum emolumentum aliquando adepturos sese non diffidunt: ea tamen lege, ut si, exiguus licet, hic noster labor non displicuerit, totis viribus adnitemur impofterum (quotquot habere in manibus MONTANI lucubrationes, integrum nobis fuerit) eas statim typis excusas tibi LECTOR candide inspicandas ordine præbere. Tu interim, si sapias, valetudinem tuam cura, Vale, viue, & labore nostro lætus fruire.

IO. BAPTISTAE MONTANI⁷
VERONENSIS MEDICI
ET PHILOSOPHI
EXCELLENTISS.

nonnullorumq; aliorum in arte Medica praestantium

Consultationum medicinalium

ad varia morborum genera,

Centuria tertia.

Consult. I. De curatione morbi Gallici.



VRATVRO secundum rationem
morbum Gallicum, necesse est, ut
in primis corpus aegrotantis expur
get. Prima igitur die hora matuti
na tres horas ante prandium assu
met bolum infrascriptum.

R. Floris Cassiae nuper extractae 3 xij.

Cum saccharo fiat bolus. Quod si ab ipsa Cassia aegrotus abhorreret, ipsius loco assumat tale medicamentum,

R. Electuarij de Sebesten s. 3 i.

Specierum Hierae s. 3 ij.

Misce, & fiat bolus tribus, quoq; horis ante prandium deglutiendus. Postridie assumat sequentem syrupum, quem etiam per septē continuos dies in aurora potabit.

A 4 Recipe

R. Syrupi de Fumoterræ

De succo Buglossæ

ana ʒ i.

Aquæ Cichorij

ʒ iiij.

Misce pro uno syrupo, & sic pro alijs septem. Pon-
tabit deinde post ultimum syrupum in aurora cum cus-
todia huiusmodi medicamentum.

R. Confectionis Hamech

ʒ s.

Syrupi rosati solutiui

ʒ iiij.

Cum modico aquæ Fumiterræ fiat potio. Assumptis
omnibus his medicamentis per duos sequentes dies mane
& sero, per horam ante cibum accipiet ʒ s. Sacchari
rosati pro quaque uice. Verum illud etiam est obseruan-
dum, quod accepto bolo, & duobus sirupis secanda om-
nino uena est dextri brachij, fietq; sanguinis extractio
in quantitate octo ʒ. & ad decem usque interdum. His
omnibus peractis assumet deinde ægrotus hos sequentes
syrupos, à quibus optimè purgabitur.

R. Myrobalanorum Citrinorum

Chebulorum

Indorum

Emblicorum

Belliricorum

ana ʒ vi.

Contundantur grosso modo, deinde fricentur mani-
bus cum oleo Amygdalarum dulcium, deinde infundan-
tur in lib. sex aquæ Fumiterræ, per horas xxiiij. postea

R. Epithymi

Polypodij

Folliculorum Senæ

ana ʒ iiij.

Liquiritiæ

ʒ i. s.

Citri

ʒ i.

Cora

Corticum Ellebori nigri 3 iij.

Decoquantur omnia simul secundum artem, usque ad consumptionem medietatis, deinde facta diligenti expressione & colatura, seruetur decoctum pro syrupis, postea R. huius decocti sextam partem

Iulepro sati 3 i. s.

Misce pro uno, & sic pro alijs, usque ad sex: qui quidem syrupi ultimo loco descripti, si nimis fortasse agrotatē expurgarent, alternis diebus essent assumēdi. His peractis decoctum ligni Indi accipiet hoc modo confectum. Primum quidem inueniet lignum perfectum, magni ponderis, & quod plurimum ligni intus habeat, atque ex hoc assumet xv. seu xvi. libras, & pro qualibet uice abradet libram tantummodo, quam infundet in vij. libris aquæ Endiuie, & totidem aquæ Absinthij per horas xxiiij. fietq; decoctio usque ad consumptionem librarum sex. Postea facta colatura, reseruabitur decoctum in uase uitreo, ex eoque singulo quoq; mane assumet libram unam pro uice, per tres horas ante prandium, loco syrupi. à prandio, & per horas septem tantundem decocti potabit, & per tres horas post talem potionem cœnabit. Atque hæc præcepta erunt seruāda per totum tempus, in quo decoctum accipiet, quod quidem tempus erit quadraginta dierum. Cibus erit dimidium pulli pro uice, & utetur pane quod buffetum appellant. Vinum erit album, oligophorum, clarum, non adstringens, atque hac uiuendi ratione utatur per decem primos dies, xx. sequentibus diebus, singulis diebus 3 v. uuæ passæ assumet pro cibo, & tantundem panis biscocti. Potus autem erit talis.

Rx.

R. libram unam ligni, ex quo supradicti syrupi fuerunt confecti, ipsamque infunde in uigintiquatuor libris aquæ putealis per horas uigintiquatuor. fietque decoctio usque ad consumptionem librarum decem, atque potabit hoc decoctum in hoc uiginti dierum spatio ad libitum suæ uoluntatis. Decem autem ultimis diebus eadem utatur uiuendi ratione, qua usus est primis decem diebus, ac præterea per totum tempus, in quo potabit decoctum prædictum, assumet, per interuallum tamen dierum octo, bolum Cassiæ in quantitatē 3 xij.

Consult. II. Pro quodam laborante tussi, à sputo saniei proueniente.

VIR nobilis, sicut ego audio, plerumque incidit in sputum sanguinis, ex quo arbitrantur fuisse ulcus in ipso pectore aut pulmone, quod sputum sanguinis uidetur uersus in sputum saniei, sputum autem sanguinis uidetur sequutum esse casum ex equo, & facile est, ut utrumque subsequutum sit. Primò quod ex casu ex equo facta sit contusio, & soluta continuitas ipsius pectoris, aut pulmonis, deinde ex male curato uulnere, aut ulcere pectoris, aut pulmonis sit subsequutum sputum saniei: nisi enim sanantur ij primis diebus, solent cadere in sputum saniei. Quo pacto autem sit curandus, dicamus: si illud quod dicemus, uerè sit cura aut potius sit præseruatio ab ulteriori lapsu. Curabitur enim hoc pacto, siue præseruabitur ab ulteriori & uehementiori malo. Primo instituat recta uiuendi ratio, ita ut non aggreget excrementa plura. Præterea opus est, quod interdum expurgetur

getur totum corpus, tertio expurgetur pectus, & affecta loca exiccentur, et consolidentur. In primis uiuenda ratio sit, ut utatur optimis cibarijs, & exiccantibus, ut pullina carne, auium paruarum, carne uitulina, & frequenter hoedina, ubi detur occasio. et derelinquat crassas carnes, ut bouinas & porcinas, atque agninas: interdum utatur carne castratorum iuuenum: raro utatur piscibus, liceat interdum uti piscibus fritolis. Demittat legumina, utatur ptisana, farre seu alica. Vinum sit pauciferum, rubrum, minime acerbum, interdum dulciusculum, dimittat labores & fortia exercitia, & alia istius generis. Purgetur corpus per totam hanc hyemem, singulisq; 7. aut 8. diebus accipiat 3 vi. Cassiae cum 3 i. Hierae. Superueniente uere semel accipiet eandem Cassiam, post bibat quinq; aut sex de Syrupis infra annotatis.

R. Syrupi uiolati

De succo Farfarae ana 3 i.

Decoctionis Farfarae 3 iij.

Misce, post accipiat istas pillulas.

R. Pillularum Cocciarum

De Agarico Mesuae ana 3 s. fiant pillulae v. utatur frequenter Diadragantho cum bolo Armeno, interdum utatur Diacodio liquido. Ad mundificationem pectoris, utatur frequenter hoc electuario, paulatim accipiendo de ipso.

R. Sacchari uiolati rosati ana 3 ij.

De Pino 3 i. cum syrupo uiolato fiat mixtura. interdum utatur hac decoctione calida pro syrupo.

R. Foliorum Farfarae

Boraginis

Betonicae

Betonice ana m. i. s.

Ficum siccarum pinguium num. vi.

Decoquatur, et cola. cui adde mellis uiolati ʒ iiij.

Boli Armeni ʒ ij. fiat Syrupus, & hoc pacto curetur.

Consult. III. Pro quodam suspicante se pati morbum Gallicum.

PRIMUM quidem circa finem mensis Februarij, post lune coniunctionem infrascripta utatur purgatione. In primis mane per horam ante prandium, tale bolum assumat.

R. Floris Cassie ʒ i.

Specierum Hieræ ʒ ij. cum saccharo fiat bolus. Quod si ratione amaritudinis abhorreret ab huiusmodi medicamento, ipsius loco assumere poterit eadem hora, atque eodem modo ʒ i. s. floris Cassie, sed prius medicamentum erit utilius. postridie uero potare incipiet infrascriptos syropos.

R. Syrupi de Cichorio Nicoli. sine Rha barbaro

De Fumoterræ simpl. ana ʒ i.

Decoctionis infrascriptæ ʒ iiij.

R. Ceterach

Capillorum Veneris

Betonice

Endiue ana m. s.

Radicum Liquiritie ʒ ij.

Decoquantur omnia in lib. iij. aquæ Fumiterræ ad consumptionem duarum partium, & facta diligenti expressione & colatura, seruetur decoctum pro tribus syrupis, atque ita perseuerabit in assumendis singulo

singulo mane syrupis calidis hora debita usque ad septimum numerum, renouando decoctionem cum deficiet. Præterea assumptis duobus primis syrupis, laudo, ut sibi secetur uena dextri brachij, basilica. s. extrahendo 3 vi. sanguinis circiter. Assumptis autem 7. syrupis prædictis, postridie potabit sequens medicamentum, dummodo aliquod impedimentum illi non acciderit, ueluti sudor, alui profluuium, aut magnus motus, ut ira, et maestitia animi insignis: in talibus enim casibus, atq; huius generis satius erit differre medicamentum, & perseuerare in assumendis syrupis. Usq; quo animus & corpus à perturbatione quiescant, medicamentum sit tale.

R. Confectionis Hamech 3 iiij.

Syrupi rosati solutiui 3 iiij. cum aqua Fumiterræ fiat potio breuis, danda in aurora cum custodia, & per totam eam diem unà cum sequenti moretur domi, remouendo se à cunctis negotijs. In his autem sequentibus duobus diebus post assumptum medicamentum, assumet mane & serò per horam ante cibum 3 s. Sacchari optimi rosati. Perfecta hac purgatione in illis duobus diebus in quibus saccharum rosaceum assumet, dabit operam, et quidem diligentem, ut à pharmacopola fideli, & perito infrascripti syrupi præparentur, nam in his consistit purgationis perfectio: & pharmacopolæ sæpe incident in errorem in his syrupis, cum non sint assuefacti ad eorum præparationem. Omnia autem, quæ ipsos ingrediuntur, electa sint. Hi syrupi bis, ter, ac etiam quater laborem purgabunt ab humore nigro & cineritio, ex cuius purgatione multum subleuabitur, & non leuem percipiet utilitatem. Cæterum cum omnia corpora non sint

sint equalia, si forte fortuna hi syruipi expurgarent ipsum pluribus uicibus quàm tribus aut quatuor, aut si in illis tribus uicibus tanta humorum copia expurgaretur, ut debilitate aeger afficeretur, tunc consulo ne assumat quotidie syruipos, sed interponet diem unum, & quemadmodum sibi uidebitur, quod ipsius corpus peius aut melius sit toleraturum. Syruipi autem sint sex, sex etiam uicibus assumendi. Hi syruipi nunquàm aliquod corpus molestia affecêrunt, cui propinati sunt, imò operantur sine molestia, neq; ob id domi egrotos contineo, sed permitto ut deambulent, per quæ loca sibi libuerit, dummodo cōmoditatem habeant, exonerandi uentris, & à uento non offendantur, neq; à superfluo labore exoluantur. Descriptio horum syruiporum talis est.

R. Myrobalanorum Citrinorum

Chebulorum

Indorum

Belliricorum

Emblicorum ana ʒ i. contundantur grosso modo, deinde fricentur manibus cum oleo Amygdalarum dulcium, deinde ponantur in infusione per horas 24. in lib. 7. aquæ Fumiterræ, postea

R. Folliculorum Senæ

Epithymi

Polypodij ana

ʒ iij.

Liquiritiæ rasæ

ʒ ij.

Decoquantur omnia simul secundū artem ad cōsumptionem medietatis, postea facta diligenti expressione & colatura, seruetur decoctum, quod postea diuiditur in partes sex, pro sex syruipis prædictis, & quilibet syruipus

rupus dulcoretur cum ꝓ ij. Iuleprosat, & dabitur calidus in aurora. Finitis syrupis: cum illi placuerit (quod ut faciat omnino consulo) potabit decoctum ligni Indi, tempus erit opportunum, quia corpus erit optime dispositum, et præparatū, modus autem assumendæ decoctionis ligni, erit talis, qualis ab omnibus in usu est, præterquam quod non laudo, ut fiat decoctio ligni, qua utimur pro syrupis in aqua communi, ex eo, quod uim nimis magnam obtinet, & nimis inflamat. Vnde consulo, ut loco aquæ communis, utatur aqua Endiuia. Secunda uerò ligni decoctio pro potu fieri poterit in aqua cōmuni, ex optimo fonte, aut ex aqua, quæ sit clara & in continuo fluxu.

Consult. IIII. Pro iuvene laborante Catarrho descendente ad pectus, & febre putrida, & cum periculo, ne incidat in Hecticam.

IUVENIS hic ægrotus patitur huiusmodi symptomata. In primis habet catarrhū nō omnino salsum, neq; omnino expertē à quacunq; amaritudine, habet deinde tuſim non siccam quidem, sed humidam, laborat ad hæc febre, & ea quidem putrida, periculum tamē est, ne facile in Hecticam incidat, et ne iam fermē sit Hecticæ febris principiū. Vt uerò possit curari noscendi sunt morbi, à quibus symptomata hæc dependent, & res naturales. Temperatura igitur istius iuuenis est calida omnino, quantum ad totius temperaturā, in passiuis uerò uel temperata est, uel uergit ad aliquam siccitatem. Quantum uerò attinet ad membrorum temperiem, est certē inæqualis temperiei, nam cor & hepar calidum et sic-

cum

cum obtinet, cerebrum calidum & humidum, uentriculum tamen habet frigidiorē. Solet autem in omnibus sex rebus non naturalibus maxime errare: ætatis est 19 annorum, in qua facile homines solent incidere in phthisim. Hæc dicta sint de rebus naturalibus huius adolescentis, si duo addita sint, quorum alterum est, hunc adolescentem in aere crasso, humido, & turbulento habitare, alterum uero est hunc adolescentem esse eius figure, quæ in phthisim solet facile incidere. halitus enim est, & pectoris angusti. Causæ autem illius catarrhi est intemperies capitis calida & humida, à qua superfluitates multiplicantur, unde postea fit catarrhus. Tussis uero illa fit propter humores à capite ad brachia, arteriam, & pulmonem transmissas. ad caput uero tum à uentriculo male disposito, & hepate calido, tum à toto ambitu corporis transmittuntur. Febris uero illa adest propter aliquam materiam putrefactam, timendum est autem, ne incidat in hecticam, & phthisim, tum propter pulmonem imbecillum, facileq; recipientem, tum propter caput transmittens, tum quia facile in pulmone putrescent aliquæ materiæ, ex quibus febris hectica accendetur. Vt autem, sanetur duo sunt præstanda, alterum est, ut liberetur ab his affectibus, à quibus premittitur: alterum est, ut ab imminente tabe, phthisiq; præseruetur. Tollenda est igitur capitis intemperies, uerum prius caput & corpus est purgandum. Et quoniā prius fuit secta uena, tempusq; anni iam calidum est, & iuuenis est macilentus, periculumq; est, ne incidat in hecticam, ideo non puto amplius esse uenam secandam, leniatur tamen uenter in primis cum Cassia, & puluere Anisorum,

Anisorum, deinde materia concoquatur, et præparetur, quod fiet cum syrupo uiolato, & de succo Farfaræ. hi enim & corroborant, & frigefaciunt leuiter, & prohibent descensum catarrhi. Decoctum uero erit Farfaræ, Violarum, & Boraginis. Concocta materia, euacuetur non Rhabarbaro, sed Cassia cum Agarico. Vterer etiam pillulis Coccij, nisi esset hoc tempus calidum, & temperatura calida. Purgetur deinde caput non masticatorijs, ne materia trahatur ad pulmonem, sed caput purgijs, ut aqua hordeacea cum Saccharo, uel succo Bli ti cum Saccharo, aut succo Hederæ. Tollatur deinde capitis intemperies: quod fiet cum Rosis, Chamæmelo, Nymphaea, & Betonica, & cum Sandaraca. hæc enim decoquantur in lixiuio, aut aqua dulci, & sæpè hæc lotio reiteretur, à qua tolletur capitis intemperies. Euacuanda est postea materia, quæ est in pulmone Diapenidion, et Diatragacantho. Theriaca etiã uel Mithridatum optima sunt, si cum saccharo rosaceo misceantur. nam rosaceum saccharum abstergit, corroborat, & prohibet hominem à phthisi. Quod si quid interim materiæ generetur, id paulatim euacuabitur per leuem aliquam purgationem. Curabitur hoc pacto adolescens: præseruabitur autem eisdem remedijs, in primis si utatur recta uiuendi ratione, deinde si sæpe saccharo rosaceo: utatur ad abstergendum & corroborandum pectus & pulmonem: qua quidem in re ualet etiam syrupus de Farfara: deinde si caput seruetur ijs quæ diximus, immune ab omni intemperie & catarrho.

Consult. v. De phthisi, seu ulcere pulmonis.

IN hoc morbo ulcus quidē abstergendum primò est, deinde consolidandum, & exiccandum. Abstergit autē lac asininum & humanum, sed magis nutrit humanum, asininum magis abstergit: & ideo Galenus, ubi curat ulcus, laudat magis lac asininum: ubi tabem, humanum. Abstergit & saccharum, hydromel, ptisana, ipsiusq; cremor, syrupus de Farfara, de Liquiritia, de Hyssopo, et id genus alia. Absterfo ulcere debitis remedijs postea est conglutinandum.

Consult. vi. De Sene septuagenario, laborante ventris stypticitate, & vigilijs, & tristitia quadam cum periculo, ne incidat in melancholiā.

VIR septuagenarius temperaturæ siccae, in præsentiā (qui aliàs passus est tumorem præter naturam in utroq; crure) laborat alui adstrictione, uigilijsq; , ita ut non dormiat nocte, sed excitetur, et melancholicis quibusdā accidentibus ita uexatur, id est subtristis est, & timet sine ratione, ut imminet periculum, ne fiat melancholicus. Circa curam instituenda est recta uictus ratio, qui sit calidus & humidus, uergens ad temperiem, quando & temperatura naturalis & ætas & morbi & causa morbi ita exigunt. Carnes igitur sint calidæ, & humidæ, ut hœdinæ & gallinacæ, et maximi gallinarum iuuenum, & columbarum & uitulorum iuuenum, sed hoc raro, uiscidæ enim sunt carnes, et crassi nutrimenti. Oua sorbilia tremula optima sunt, laudabiles pisces non denegentur,

negentur, sed rarus sit eorum usus, ut Passerculorum, Mulorum, Solearum, & id genus pisciū. Vinum sit pauciferum, non dulce neque acre. Animi sint mitiora accidentia, moderatum exercitium. Superueniente uere si utatur interdū Lactuca cocta cum oleo aceto & sale et saccharo, & maxime in cæna erit optimum, somnū conciliabit, et uentrem leniet. Quod si in ferculis interdum daretur Malua spinachia, Blitum, Borago non erit malum. Prunis exiccatis dulcioribus & Passulis maioribus si utatur, erit bonum. Superueniente uere purgetur corpus, et alteretur caput & reliqua membra. In purgando corpore id obseruandum est, ut relinquuntur omnes exiccantes medicinæ, ut Aloë, Hiera, et quæcunq; alui pillule. Utatur Cassia aut syrupo, uiolato, aut Manna, aut id genus leniente pharmaco, cuius quantitas sit proportionem ætatis, uirium, et consuetudinis. Lenito uentre cōcoquatur materia cum similibus syrupis lenientibus, quibus admisceantur ij etiam, qui uim habeant attenuandi, inter hos syropos erit uiolaceus, rosatus, de Cichorio, ueluti.

R. Syrupi uiolati ʒ i. s.

De Cichorio ʒ s. Cum decoctione Cichorii & Lactucæ fiat syrupus. Euacuetur postea materia cum tali medicamento.

R. Floris Cassiæ nuper extractæ ʒ i.

Rba barbari electi ʒ iij.

Misce. Euacuato corpore uesperis post tres horas à cæna, quæ sit leuis, utatur istius electuarij, quantum est nux magna.

R. Sacchari rosati ʒ ij.

B 2

Philoi ij

Philonij optimi 3 i. s.

Specierum Diarrhodon

Aromatici rosati ana ꝑ ij. cum syrupo de Papa-
uere fiat electuarium: interim lauet caput cum decocto
Anethi, Nymphae, Rosarum, Chamameli. Odolet fre-
quenter destillatam aquam Violarum, in qua dissolutum
sit aliquid Camphorae, aut Musci: conciliabunt enim haec
somnum. Item purgato corpore lauet per intervalla pe-
des cum aqua tepida, in qua sint decocta, quae paulo an-
te diximus.

Consult. VII. De quodam iuvene patiente in-
cute pustulas & scabiem, pruritumq; & pal-
pitationes sub musculis, ac etiam frequentia
& vehementia suspiria.

MULTA sunt symptomata in hoc, quae diligenti in-
digent consideratione. Vt autem relinquamus praeteri-
ta accidentia, quae sanè multa & uaria sunt, ad praesentia
tantummodo consideranda deueniamus. in primis aeger
hic patitur in uniuersa cute pustulas, scabiemq; admo-
dum malignam, patitur deinde in eadem cute magnum
pruritus, et sub musculis palpitationes, postremo ue-
rò patitur suspiria uehementia & frequentia. Haec sunt
accidentia, de quibus noster agrotus conqueritur. Vt
autem curetur, cognoscendae in primis horum acciden-
tium causae, à quibus dependent. Haec autem sunt & mor-
bi, & quae uerae causae appellantur. Causae sunt mala in
uiuendi ratione cura, atque in omnibus sex rebus non
naturalibus peccatum, adhuc efficax causa horum ac-
cidentium est exhibitio illius argenti uiui per os, & ex-
terius

terius applicatio, à quo totum corpus refrigeratū fuit, debilitateq; affectum: causæ uerò horum symptomatū magis proximæ sunt & natiua hepatis caliditas (quæ per cutis colorem, pilos & amplitudinem uenarum declaratur) & acres, multi, adusti, maligniq; humores, Morbi uerò est affectio ipsa Gallica, et hepatis intemperies pessima affecta qualitate. His declaratis facile est inuenire causam horum symptomatum: quantū enim ad palpitationes attinet, harum causa est uapor in cavitatibus musculorum contētus. Cū enim propter causas prædictas membra omnia sint debilitate affecta, non possunt bene digerere propter caloris debilitatem, & per consequens remanet materia in illis cavitatibus nō consumpta & uaporosa, à qua fiunt palpitationes, ab eadem causa fiunt & pruritus & scabies illa maligna. Cū enim propter hepatis caliditatem & affectionem Gallicam multi adusti, maligniq; humores generētur propulsi ad cutem, & pruritum, et scabiem illam malignam efficiunt. illorū uerò suspiriorum caussa est, multi uapores contenti in ipso corde propter causas prædictas, & necessitas cordis euentandi, & refrigerandi: Cū enim multi uapores opprimāt calorem naturalem, constringitur cor, & expellit eos uapores, & sic sequitur suspirium, si uerò dilatetur, ut refrigeretur in hac dilatatione, si magna necessitas sit, fiunt suspiria: unde suspirium nil aliud est nisi inspiratio et expiratio aëris uaporumq; propter causas antedictas, & quandoq; fit tantū una pars suspirij uel altera, prout cor maiori uel refrigeratione uel expulsionē uaporum eget: & quandoq; fit suspirium cum uoce, idq; ut melius expel-

B 3 lantur

Suspirium
est

lantur uapores. potest etiam in caussa esse istius suspirij animi affectus. Hæ sunt causæ ipsorum symptomatum, restat ut prognosticum & curationem dicamus. Si uolumus rectè prognosticare, duo sunt à nobis animaduertenda, morbus. s. & corpus ægrotantis. Morbus hic est malignus & longus, corpus autem ægrotantis est admodum uegetum, operationes enim habet omnes sanas, quare ego confido fore, ut hic ægrotus sanitati restituitur. Quantum ad curam, ut rectè instituitur, cognoscendi à nobis & euacuandi sunt humores. Ii autem in hoc corpore duo sunt, pituita, et melancholia adusta, semper enim cum hepate calido. et affectu Gallico generatur maxima copia pituitæ, idq; quia in hepate calido generantur plurimi uapores, et humores adusti, qui per uenas & corpus diffusi debilitate afficiunt calorem naturalem, & illum opprimunt, unde debilitato calore naturali corporis & uentriculi maxima pituitæ copia generatur, et nunquam ferme aliter contingit. Vnde in curando est concoquenda pituita, deinde bis & ter exquisitè purganda, idq; tum quod facilius educetur melancholia adusta, postea tum quod aliter fieri non poterit. Si enim exhibeatur medicamentum bilem nigrā & pituitam euacuans, opus erit, ut sit forte, quia melancholia est crassa, terrestris & uiscida, ita etiam licet minus est pituita, medicamentum autē tam forte non poterit ferre ægrotus. Quod si leue sit medicamentum, neq; pituitam, neq; bilem educet: quare prius est exquisitè purganda pituita, deinde ad cōcoctionem bilis atræ est deueniendum, quod fiet cum balneo aquæ dulcis, in qua Althea, & folia Lilij albi sint decocta. Ab hoc enim
balneo

balneo & fiet coctio, cum sit calidum & humidum, & preparatio cum sit contrarium humori peccanti, & resolutio. Deinde bonum erit, ut per quinq; aut sex dies sumat in balneo decoctum ex floribus Boraginis, Fumiteræ, Buglossæ: ex hoc enim decocto concoquetur maxime natura illa melancholica adusta. Deinde exhibeantur nostri illi syrupi magistrales cum Elleboro, purgantes hanc melancholiam. Purgato corpore ab his duobus humoribus, tunc est deueniendum ad exhibitionem decocti ligni Indi, atque hoc decoctum potius cum decoctione Boraginis et Violarum est exhibendum, quam cum aqua fontis, neque ob id timendum est, ne forma ligni & uirtus amittatur, quin imò credendum est magis roborari, ut quotidiana patet experientia.

Consult. VIII. An foetus quinq; mensium cum dimidio, possit uiuere.

CASSANVS. Vitales menses sunt septimus, nonus, decimus, undecimus, et in hac sententia est Hipp. in libro de septimestri foetu, & Aristoteles in vij. de historia animalium, atque ita intelligitur quod in ijs mensibus foetus uitales sunt, id est uiuere poterunt per totum decursum uitæ humanæ, in reliquis non sunt uitales, id est per totum spatium uitæ uiuere non poterunt, licet per aliquot dies possint, ut testatur Aristoteles in septimo libro de historia animalium, inquiens: septimo natos mense uiuere, atq; adolescere posse, quasi dicat eos, qui nascuntur ante hunc mensem uiuere quidem posse, sed non adolescere. Quod autem septimus, nonus, decimus, undecimus mensis uitales sint, id uidetur sumi à luna, ut in diebus

B 4 decre

decretorijs septimus nonus, decimus & undecimus decernunt, licet cū aliqua inter eos differentia, non sextus aut octauus, ita in mensibus euenit, uiuunt autē per plures, aut pauciores dies intra septimum nati, prout meliorem aut peiorem habent constitutionem. Decimus autem mensis si uitalis est, non puto esse intelligendū de toto mense: quandoq; enim propter abundantiam naturæ, uel qualitatem non potest fœtus perducī ad perfectionem in nono, & ducitur in decimo. Hoc etiam notandum est, quod si prædictus mensis undecimus, dicitur uitalis, id quidem in principio, non autem in medio, aut fine mensis est intelligendum.

Consult. IX. Pro senē octuagenario, qui passus est apoplexiam & paralytim, nunc verò patitur destillationem a capite ad diuersas partes, deinde patitur febrem.

AVDIVI clariss. Doct̃or E. T. ita exacte determinasse casum circa essentiam & causas, ut non opus esset ut accederem, quoniam omnia recte consulta sunt. Vt autem officio meo fungar, non discedendo à dictis E. T. quoniā bene dicta sunt, primum, quod est, considerandū, est, natura morbi, et subiecti. Subiectū autē est in ultimo senio constitutum, quæ quidem senectus est pessimus morbus, et comparando morbum hunc ad senectutem, longē maior est morbus senectus, quā morbus quo affligitur. Habemus igitur ætatē in ultimo senio, et corpus quoad radicem ualidum. Quod si compararetur alijs decrepitis robustum est, absolutē tamen non est robustum. Nos autem indigemus robore absolutē, nō secundum comparationem

tionem ad aliud. Habemus igitur imbecillum corpus, nec est considerata temperies elapsa sed præsens, quoad præternaturales dispositiones. Non omitam proximè elapsa: apoplexiam & paralysem leuem passus est, quæ quantum adferant incòmodi in omni corpore argumeto esse potest apoplexia, quæ ita prosternit vires cerebri, & calorem innatum, & vires cordis propter consensum cordis cum cerebro, ut uideamus iuuenes, cum in apoplexiam inciderint, nunquàm restitui, quantò magis senes, si incidèrint: uel non euadent, uel rarò, semper tamen percipient tale nocumentum. Considerandum est igitur hoc symptoma, licet non curemus: admonet tamen esse ægrum deteriorem, nunc uerò patitur duas dispositiones, destillationem. s. à capite ad diuersas partes, quæ quidem occupat fauces, & uidetur branchos, & aliam partem occupat & dicitur rheuma, ad ischiam etiã, & crus in genu usque ad talum descendit, et ibi facit tumorem in præsentia œdematicum: et adeò copiosa est hæc destillatio, ut nunc perseueret cum tussi, quæ non est sufficiens ad excernendum catarrhum crassum. Alia dispositio est ipsa febris, quæ iam mensis est, ex quo incipit affligere, et ita affligit, ut nunquàm sit sine febre ferè. Hic tamen mos erat huius febris, ut alternis diebus magis inuaderet. Quoad febrem, quæ primo considerata est, et primo etiam curanda, fortasse si consideremus exeuntia quæ maximè indicant naturam febris, et præcipuè urinam quæ indicat febres putridas, & si minerã putredinis habeat extra uenas, quia humor ille qui putrescit extra uenas, est ille, qui effunditur extra, ideo urina indicat humorem putrescentem. Cum ergò urinas rubeas,

rubeas, & crassiusculas, quæ tales perseverant, habeat, super humorem peccantem attestantur, ut cum sint in humano corpore duo humores rubei, sanguis et cholera ἔσθιν à Græcis appellata, à Latinis rubea: igitur cum non uideamus sanguinem in hoc corpore abundare, & signa sanguinis apparere, non est sanguis absque dubio qui peccat, tum etiam quia sanguis putrescens non facit periodos, relinquitur igitur quod sit bilis, quæ putrescit in aliqua minera putredinis, de qua nondum constat. Habemus igitur hinc febrem à putredine humoris biliosi, habemus præterea egestionem biliosam, ita ut hæc duo arguant bilem putrescere, & quia inuadit sine typo cum calore segni & leni, sine siti, sine capitis dolore & sine sudore, credendum est, quod sit mixta cum pituita, & sit ex genere bilis quæ dicitur maioris famæ, & hoc uerissimile est, cum abundauerit tanta copia pituitæ, et maxime cum corpus sit frigidum, & siccum. Hæc enim temperatura, ut dicit Galenus in secundo de temperaturis maximam pituitæ copiam generat. Bene uerum est, quod si caliditas & siccitas temperaturæ excederent, redundarent bilis: nam, quandiu remanet uestigium caliditatis, bilis abundat, in processu uero cum sit corpus frigidum & siccum, abundat pituita, nec uerum est, quod dixit olim Cassanus, quod generet talis temperatura humorem frigidum & siccum, quia talis humor generatur à caliditate ulterius adurēte. Cum ergo uir iste frigidus et siccus sit, ratione ætatis credi debet, quod sit in eo pituita multa bile mixta. Febris ergo ut ex motu eius & exeuntibus apparet, est febris, quæ à cholera uitellina crassa, mixta cum pituita multa sit, ideo

ideo longa est: talis ergo est causa, & mos febris. Vbi uero, et quomodo putrescat est uidendum: omnis bilis generatur in hepate, sed quomodo generetur in isto uiro, adduxit multas causas E. T. ex uictu dulci, qui bilem generat, & præterea potuit esse causa, quod factæ sint in hepate obstructions à catarrho, & cum in uenis Mesaraicis factæ sint obstructions, id facit magis ad calorem hepatis augendum, et calefaciendum, quia cum sanguis retinetur, facit multiplicare bilem, quæ cum per uenas deferatur, quia uenæ omnes non sunt obstructæ, sed plures (atque ob id calor non euentatur, sanguisq; incallescit) partim per renes, partim per porum felleum ad intestina deferitur, et ideo per secessum & urinam plurimam bilem emanantem uidemus. Minera ergo putredinis est, quia uenæ sunt plenæ bile & pituita, & putrescit pars in uenis, pars extra, quod putredo uaria sit, et modo in uenis, modo extra uenas sit, quia natura potest transmittere materiam extra uenas absq; typo, ut in primo ad Glauconem dicit Galenus, & non fit rigor in tertiana, nisi propter multitudinem materiæ subito occurrentis ad loca sensibilia, et ob sensibilitatē multam. Cum igitur priuetur multa bile sincera, et membra sint sicca sine sensibilitate, ideo potest putrescere extra uenas, et intra etiam, sed quicquid sit, siue in uenis, siue extra uenas natura putrescat, hæc cholera est crassa mixta cum pituita multa. Hæc quantum sit de ratione febris factæ ex obstructione, quæ si aperiatur, transpirare poterit corpus, et bilis non generabitur, quia remota prohibitione transpirationis, omnia probe succedent. Circa catarrhum uero dicendum, quia senes habent

habent catarrhum congenitum, & cum à catarrho occupantur, dicit Hippoc. branchi & catarrhi in senibus raro maturantur. dicit Hippoc. raro, Galenus uero in cōmentario dicit nūquam tales catarrhos in senibus maturari: addidit rationē, quia sunt ipsis congeniti, quia cerebrum cum non possit concoquere alimentum, & uapores eleuentur, ideo tum ratione proprii alimenti, tum ratione uaporum, tum utriusq; nō euadunt ab his senes, & ideo catarrhi sunt senibus congeniti. Præterea cum uapores sint multi in corpore senum, propter imperfectionem concoctionum, plurimi etiam ascendunt, & cum non possint expelli, multiplicantur catarrhi, maxime autem multiplicantur in illis, qui caliditate habuere in iuuentute ualidam. ubi enim perfecta frigiditas est ut in sene, qui fuit frigidus, non fit in eo multa euaporatio, ideo nec multitudo catarrhi, & non nisi per alimentum cerebri. Corpus autem fuit calidum in iuuentute, ut apparet ex toto ambitu, & nunc etiam hepar calidum est: ideo fit multa euaporatio ad caput, atque ob id catarrhi multiplicantur. Multiplicatio autem catarrhi ratione cerebri tolli non potest, quia non potest fieri, quia cerebrum sit frigidius seipso, ideo non possumus catarrhū curare. Possumus quidem facere ne cito moriatur. Cum igitur hæc duo ita se habeant in hoc corpore, quid esset dicendum, & quid faciendum? de his quæ possunt contingere, aliquid dicendum. quod ad catarrhū attinet, non curabitur perfecte. Quod ad febrē, poterit, sed cum difficultate. Ratio est, quia hæc febris non est nisi à forti causa, & non habet uirtutem, quæ adiuuet medicamenta, quia Medicus naturæ minister,
natura

natura uerò operatrix: non igitur facile curabitur. De faciendis est primò uidendum, cui primo sit occurrendum. Dico quod intentio circa febrem est dirigenda, non neglecto catarrho, quia febris periculosior est, quia dissimilis naturæ senis: catarrhus autem familiaris. neque ea febris dependet à catarrho, nisi quia facit obstructionem, & bilis multiplicatur, quæ miscetur cum pituita: ideo obstructions sunt tollendæ, sed quia ab humoribus pendent, tollendi sunt: & prouidendum est, ut obstructions hepatis aperiantur. & quia materia crassa est, quæ euacuari debet, attenuantibus indigemus, deinde educantibus humores crassos in uenis existentes, & sic uera indicatio ab humoribus sumitur. alia à uirtute, quæ cum sit in corpore senili, non possumus facere, quæ morbo conueniunt. Primo igitur Manna esse exhibendum. E. T. consuluit. Sed diceret aliquis, tu euacuabis subtiles humores, hic autem crassi peccant, ideo non euacuabis humores peccantes. dicit enim Hippocr. sit alia purgentur, qualia oportet, confert, &c. cum ergo non purgetur humor, qui conuenit, non iuuabit. Dico, qd & si tenues humores euacuet Manna, non debemus abstinere ab eo, quia ab humoribus præparatis debemus incipere, qui sunt in uenis Mesaraicis, ideo tutissimè conuenit, & quia proderit etiam catarrho cū feбри non sit occurrendum, neglecto catarrho, ideo conuenit. nō tamen dico, quod Manna penitus saluabit, sed quod erit principium operationum, quia uidi ego sæpe, quod Manna, licet tenues humores euacuet, aperit obstructions: & facta præparatione, uidi crisin fieri, & post quatuor dies sanitatem fuisse sequutam: ideo inciperem

perem à Manna, tanquam à re tutissima, & darem id
uesperi: imò fœlicius operantur, ut est mos Romæ, ut
libentius dent in nocte, & experiuntur fœliciter opera
ri, sed ante cibum statim. Et exhiberem ʒ i. s. uel ij.
postea deuenirem ad alia, nisi natura adiuuaret nos:
altera die nec brodium, nec syrupum darem, quia nol
lem, ut brodium medicinam lauaret, nec syrupus di
stribueret humores, quos uolo euacuare, altera die quæ
tertia erit, darem syrupum, qui haberet uim abster
gendi & mundificandi. Propositum est oxymel, à quo
non recederem, sed uellem ut esset magis acetosum, &
præparetur cum sua acetositate: id enim quod habent
Apothecarij dulce est. Non derelinquerem mel rosa
ceum ratione stomachi, quia membra senum sicca sunt
sine pinguedine, & intestina non habent pinguedinem,
unde possemus uenire ad excoriationem, uellemque ut
esset subamarum, quia multum refert habere optima
medicamenta. Postea facerem decoctum accipiendo a
quã Endiuie uel Capill. Ven. nec erit dimittenda Farfa
ra propter excellentiam, quam habet ad tußim, ideo uel
lem, ut haberemus tres has aquas ad pondus librarum
singularum, & decoquerem in ipsis aliquid Anisorum,
ut earum frigiditas corrigeretur, quoniam omnes aquæ
destillatæ frigidae sunt, ut etiam aqua destillata à Calam
etho calidissimo, quod stimulat linguam ut Piper, fri
gefaciat. Et uidi inflammatos homines propter potum li
gni Indi ab aqua Calamenthi infrigidari summopere.
Quia igitur in aqua Endiuie est frigiditas, aqua Capill.
Veneris ad tēperamentū accedit, uellē miscere Anisorū
aliquid, ut oppilationes aperiantur, et corrigatur fri
giditas,

giditas, & fiat decoctio, ita ut duæ libræ aquarum remaneant ex tribus; & exhibeantur huius decocti ℥ iij. mellis uiolati ℥ i. oxymellis. s. ℥ s. Cum autem dati erunt quinque, aut septem syrupi, si uiderem coctionem, replicarem medicamentum, & constante uirtute cum Māna uel infusione Rhabarbari, uel syrupo rosato solutiuo euacuarem, nec accederem ad Agaricum, quia laboriosè soluit, & nauseam facit, nec recederem à benedictis, ne haberem uirtutis defectum. Oportet igitur ipsam sustinere, & cum deuenerimus ad infusionem Rhabarbari, & ad syrupum rosaceum solutiuum, sufficient nobis. Si postea symptoma catarrhus urgeret, cum linimentis procederem. & ego maxime confido in uno à methodo Galeni sumpto. Vellem uti acciperemus adipem anserinum, quia maxime penetrat, & licet antiqua expositio laudibus extollat arietinum, id perperā dicitur, quia textus Græcus habet anserinum. Et cum modico Croci & oleo Amygdalarum dulcium conficerem linimentum, iuuabit enim ad concoquendas materias crassas. Nunc autem masticatoria non conuenirent, sed facta euacuatione caput purgia per nares conueniēt ad euacuandum catarrhum, et si per spatium leue facere uellemus possumus. Quare si uellet masticare radicem Capparum uel Mastichen laudo, corroborat enim, nec facit uiolentiam in attractione ad fauces. Victus sit talis. Pro potu, sit uinum pauciferum. Quoad cibum, iussulis ex hordeo optimò cocto, & Farre cum lacte Amygdalarum utatur, & accipiat oua sorbilia, quia in tertianis oua Galenus iuuenibus exhibebat. Utatur etiam aliqua frictione. Quo ad uerò excorationem, non laboret

boret super nates, quia longitudo decubitus faceret deuenire ad gangrenam & ischiadem: ideo petiæ lineæ subtilissimæ in oleo de Cerussa madefactæ, loco ponantur, uel cum carie lignorum Salicis, & modico olei rosati, uel puluis ille ficus conueniret, uel de Lithargirio simplex unguentum. Vellem ut super re molli sederet, & cum subtilissimis petijs, ne aliquid asperum inuaderet ipsum. Quoad œdema, non esset malum, si aqua salsa marina acciperetur, et germina Ebulorum coquerentur in ea: & fierent lotiones, & petiæ lineæ magnæ infusæ essent, facerent enim ad resolutionem, nec reprimerent, & corroborarent membrum, nec materia illa diutius permaneret destruens calorem innatum.

Consult. x. Pro quodam patiente hæc: Primò tristatur & timet, quæ non sunt timenda, secundò in maciem deuenit. tertio adest cordis tremor singulis diebus in fine coctionis. quartò ante prandium, & cœnam adest erosio ventriculi.

TRISTATUR iste uir sine causa, timet quæ non sunt timenda, et non letatur. Hoc est primum symptoma, quo affici maxime cōsuevit. ē aliud, qđ quotidie in maciē deuenit, et maxime in hoc anno uidet se aridiorē factū. tertio conqueritur, quòd hoc anno correptus sit à quodam cordis tremore, quo frequentius solebat corripī: dixit etiam singulis diebus circa finem concoctionis ante prandium & cœnam erosionem uentriculi pati, ita ut debilitetur, & quærat subito cibum, & in famem incurrat, in qua irritatur. Assumpto autē cibo nil sentire dixit. Hæc sunt

sunt symptomata, quibus affligitur hic uir. Hæc symptomata cum sint præter naturam sunt tollenda, & inueniendæ causæ, quia sine his non possumus modum curandi, & præseruandi inuenire. Incipiamus à timore & tristitia præter naturam, quam melancholiam appellat. Causæ horum accidentium sunt, quia timor iste prouenit, quod corrupta sint imaginatiua, et cogitatiua, quia cogitat quæ non sunt cogitanda. Imaginatio autem & cogitatiua sunt operationes uirtutis animalis in cerebro apparentes secundum Medicos: est igitur affectus iste cerebri actio corrupta operationum intrinsecarum animalium cerebri; causa potest esse dispositio in cerebro præter naturam, uel in toto ambitu corporis, uel in parte aliqua. In cerebro non potest principaliter esse, quia habemus signa manifesta, habet enim manifesta interualla, & perseverat plurimis diebus sine ipso affectu: si enim haberet affectum in cerebro essentialiter, perpetuum haberet timorem, non est igitur in cerebro essentialiter, sed per consensum. Consensus autem iste præcipue & per se talis metus sine causa à uaporibus melancholicis, & ab humoribus melancholicis prouenit, ut dicit Galenus in tertio libro de locis affectis. Non possumus dicere, quod sit in ambitu uenarum, & totius corporis per se, quia non consequuntur accidentia, quæ solent consequi, ubi humor melancholicus fuerit in uenis, ratione cuius uapor ascendit, & fiunt symptomata melancholica. Cum non sit in his duobus locis, querendus est alius locus: & quia metus sine causa per se non fit, nisi ab humore melancholico, uidendum est cum illis duo non sint, quid sit in causa huius metus. Galenus loco citato

C

posuit

posuit aliam speciem melancholice, quam Hypochondriacam appellauit, ratione membrorum naturalium, & posuit eam (ex Diocle) ex feruore sanguinis existentis in uenis Mesaraicis inter hepar et uentriculum causatam. Cum ergo non sit in cerebro, uideamus num sit in ambitu totius, uel in uenis illis Mesaraicis. Quod potius sit imaginatio ista, et tristitia præter naturam ratione affectus hypochondriaci per signa propria probatur et pathognomonica. Primò uidemus affectum hunc periodicare, sed hoc signum sit commune. Præterea patitur tremorem cordis. Notum autem est, quam communiantiam habeat cor cum uentriculo. Imò tremor ille appellatur morsus cordis, et cardiacus affectus, et nesciebant distinguere antiqui an cordis, uel uentriculi affectus esset. Ego credo, quod potius ratione uentriculi fiat, quoniam uir hic habet cor ualidissimæ caliditatis, & sic citatis resistens nocumentis, imò tremorem non patitur in corde ratione suæ imbecillitatis, sed ratione uentriculi, ergò propter uapores ascendentes à uenis Mesaraicis fit mordicatio, & apparet circa finem concoctionis, eamq; percipit talem, ut deficere uideatur, nisi cibum assumat, & hoc est ratione humoris acidi mordicantis, quæ mordicatio facit, ut incidat in talem defectum, ex quo quiescit cibo assumpto. Ad hæc, propter priuationem reliquorum signorum, quod affectus iste non sit ratione sanguinis adusti in uenis, apparet, quia non uideo nigredinem in corpore, ut possim id affirmare, quia carnes sunt optimi coloris, & adijcit Galenus sexto libro de tuenda sanitate, humorum dominium ex corporis colore indicari, nisi in profundo latuerint humores. Si ergo

gò

gò in uenis illum haberet humorem, ab eo nutriretur, & color carnis similis esset humori illi. Cùm igitur non uideam uestigium melancholici humoris, quia illi qui habent talem humorem in uenis nutriuntur ab illo, efficiunturq; admodum nigri: ex alia parte cùm uideam signa attestantia affectum hypochondriacum, ideo non dubitauì, quòd passio hæc sit ratione affectus hypochondriaci. Sed quoniam hanc ægritudinẽ non possumus curare, nisi uideamus eius naturam, & quomodo consequuntur accidentia alia: dico igitur omnia symptomata dependere ab hoc affectu: & si remouebitur hic affectus, tolletur tremor, qui fit ratione uaporum, qui ab eo loco eleuantur. Ad hæc arefactio totius corporis pendet ab eadem causa, & natura ægritudinis huius hoc indicat, quia dicit Galenus, quando humores crudi in uentriculo generantur, hepar autem trahit eos humores crudos à uenis Mesaraicis, et quia fortior sit attractio propter ualidam hepatis caliditatem, & humor tenuis facile ebullit, ideo fit inflammatio, et ea maximè accidit, ubi hepar est calidum, & uenter frigidus. Et cùm hic uir sit temperaturæ calidæ, & habeat calorem in hepate cum uentriculi frigiditate, quæ licet naturalis non sit, est tamen acquisita, tum quia lætatur calefactione uentriculi, tum etiam quia dicit deterius se habere in hyeme, quàm in æstate. Et licet dixerit Hippocrates, uentres sunt natura calidi, dixit propter Antiperistasin, quia frigiditas aëris occurrens unit caliditatem interiùs, atque ideo calidi sunt. In senibus autem frigiditas occurrens penetrat ad uentriculum, quia non fit in illis antiperistasis cùm sint pauci caloris: ideo

C 2 peiàs

peius se habent in hyeme, ut animalia frigida. In æstate autem cum calor aëris corrigat frigiditatem, ideo melius se habet. Præterea abundant flatibus, pituita crassa, rugitu: hæc sunt signa frigiditatis. Stante igitur hepatis caliditate, & uentriculi frigiditate, tarda fit concoctio, abundant cruditates, hepar calidum trahit multum cibum crudum continuò, & dum in illis uenis Mesaraicis fit redundantia talis humoris crudi, exhalatio fit deterior, quia obstruuntur uenæ huiusmodi. Et quia fit maior hepatis caliditas propter obstructionem illam, & cum non possit fieri transpiratio, cōtingit quod ex maxima hepatis caliditate naturali, & aduentitia, ex obstructionibus sanguis multiplicatur crassus et adustus ex nimia caliditate: & sanguis ille redundat ad uenas, & ambitum uenarum, redundat dico per accidens, quia non est principalis ægritudo in uenis, sed per consensum à primò affectu, quia adustio fit in hepate ratione maximi caloris ipsius, & hinc pendent omnia. Est ergò sanguis adustus in ambitu totius, qui cum non sit simplex, & uerus, sed mixtus multis crudis humoribus, ideo corpus non bene nutritur, et licet sanguis multus sit in uenis, non nutritur, quia non est gratus naturæ, & ideo macrescit. Et licet sumat cibum, non facit ad ueram nutritionem. Et hæc est causa tertij symptomatis propter cruditatē, et putredinem humorum tenuiū, qui transeunt in aciditatem, & ideo isti euomunt acida. Non nutritur ergò, quia nec hepar nec uenter generat laudabiles humores: causæ uerò cur debilitatem ante cibum sentiat, duæ sunt, quia cum male fiunt coctiones & digestiones membra redduntur auara: ideo uenæ trahunt

trahunt ab hepate, hepar à uenis Mesaraicis, Mesaraicæ à uentriculo. Facta ultima coctione, nō percipit uentriculus mordicationem. Debilitatur, quia indiget multo nutrimento: tum etiam propter humores acres, sumpto cibo obtunditur acrimonia, hepar inuenit quod attrahat, & uenæ, & tunc cessat symptoma. Hæc sunt symptomata & causæ symptomatum scilicet, quod pendet ab affectu hypochondriaco. Cur autem habeat interualla per duos annos, id est, quia cū nō sit per essentiam in capite, sed ratione obstructionis & humoris feruescentis in uenis Mesaraicis, ideo habet interualla, & si leuabitur obstructio ab euacuantibus, et uictu debito liberabitur, si uerò multiplicat, id est uel ab aëre, uel à cibo, aut ab alia causa extrinseca uel ab humore corporeo. Nō fuit autē mirum si hoc anno facta sit multiplicatio, quia dicit Hippoc. tertio epidemiarum, aër nubilosus & humidus, spiritus existens in ambitu totius & sanguis ab aëre nubiloso crassescit, & non fiunt debite transpirationes, multiplicantur humores, fiunt malæ concoctiones, caliditas obtunditur, fiunt obstructiones, et symptomata dicta, unde humor melancholicus nō per se genitus, sed per accidens multiplicatus est, propter. s. feruorē hepatis adurentis propter obstructionē, quæ facit inflammationē in uenis, et sanguis seipso calidior factus est: affectus autē nō est per se ab humore melancholico, sed à phlegmatico frigido ebulliente circa illas partes, unde à Medicis cura uariatur. Alij enim ad calida recurrunt & nocent hepati: alij ad frigida, & nocent stomacho. Vnde fit, ut, cū unum sanetur, alterum læsum remaneat. Cū igitur humor phlegmaticus

ticus frigidus sit causa huius affectus, & non humor calidus, frigiditate non indiget, sed eget apertione obstructionum: ideo Galenus tertio de locis affectis, contra Dioclem disputans, cum de inflammatione uenarum Mesaraicarum loqueretur, dixit Dioclem non assignasse rationem, cur ex ascensu uaporum fiant tristes imaginationes, et humor melancholicus non sit redundans, ac si esset alienum, quod fieret affectus melancholicus ab humore non melancholico: ideo Galenus loco dicto posuit distinctionem, quod alia sit melancholia species, cum uapores eleuantur ab humore crasso frigido, qui spiritus obtenebrant, et illae tenebrae sunt causa, quod timeant, cum spiritus non habeant claros, timent, ac si uiderent tenebras, quia nati sumus, ut uiuamus in luce, ex spiritu animali. s. qui lucidus est. Qui ergo fuerint tenebrofi ex melancholia uera, patiuntur melancholiam, qui autem ex uaporibus ab humore pituitoso, in hypochondriacam passionem incurrunt propter obstructionem uenarum Mesaraicarum. Ego nullum aliud praesagium proponam, nisi quod à Galeno propositum est, qui loquens ex Diocle, dixit: quod à quacunque causa proueniat hypochondriaca passio, prorogatur in pluribus, et non curatur, nisi sumus diligentes, & in multis annis. Quantum ad curationem attinet, cum hic duo sint humores multiplicati praeter naturam, in ambitu totius, tam ratione uentriculi, quam hepatis, ut ex urina apparet, quod coloratior est, quia feruor est in toto, & excessus maior, quam sit opus, & obstructio adest: ideo ad ueram curationem, primo cacochymia, quae est in toto, remouenda est, quia non curabitur obstructio hepatis,

patis, neque eius temperatura neque uentriculi redigetur in melius, si sinamus hos humores. Ideo primo corpus est euacuandum, & hæc est prima indicatio curandi: circa euacuationem, sanguinis missio, & pharmacia proposita est. Vtrunq; conuenit, quia sanguis malus multiplicatus debet euacuari, ut natura rectificato hepate, faciat sanguinem meliorem. Sed non debemus incipere à sanguinis missione, nisi lenitium sit exhibitum. Et accederem ad sectionem uenæ basilicæ, ut fieret euentatio, & refrigeratio hepatis. Si basilica non inueniatur, media secetur, ex Hipp. & Galeni sententia, secundo regiminis a cutorum: sola autem media secatur, cum affectus est in cerebro, ita ut ab utraq; parte euacuetur. Facta sanguinis missione, non omitterem euacuationem per pharmacum, sed concocta sunt medicanda. Ideo cum obstructio sit in Mesaraicis, debet aperiri, ut melior fiat attractio: ideo syrups abstergentes & aperientes conueniunt. Et quia humores frigidi & calidi uigent, ideo incidentes syrups conueniunt, qui non calafaciant & infrigident, ut acetosi. & quamuis acetosi non conueniant melancholicæ, mixti tamen cum syrupo de pomis, qui calidus & humidus est, humores adustos reducent ad temperamentum, & non fiet læsio. Ex acetoso incisionem habebimus, & cum melle rosato præparabimus ad abstergendum. Decocta autem sumantur ex Boragine, Buglossa, capillis Veneris. Pro euacuatione, confectio Hamech, Sena, Polypodium, Epithymus, quæ euacuant humores melancholicos, & corroborat illud electuarium, quia in eo ingrediuntur omnes Myrobalani. Et forte est securius medicamentum, quam

Diaphanicon, & addere possum syrupum rosatum solutiuum ad confortandum cor, & hepar, quia facit solutionem aliarum medicinarum meliorem. An uerò hæmorrhoides essent prouocandæ? Certè fluor sanguinis circa uenas Mesaraicas existens, ita calefacit hepar, ut postea melancholia multiplicetur. Prouocarem autè, sed in uere cum sanguisugis, quæ aperiunt uenas, ex qua apertione fluit sanguis. Balnea laudo aquarum dulcium, corpus enim humectant, concoctionem adiuuant, caliditatem hepatis temperant, & corroborant corpus, ideo pararem tinam in domo, & ibi permanerem usq; ad guttur, & post balneum inungerem corpus cum oleo de rosis. Balnea non fiant, nisi factis euacuationibus, & aptis præseruationibus ad præseruandum. Patauina balnea nō conueniunt, sunt calida enim & sicca, & nisi timerem uentriculum, laudarē Calderiana, quia aperiunt obstructions, prouocant urinā. Pro conseruatione sanitatis, & tollendis obstructionibus, ex membris naturalibus, laudarem, ut uteretur saccharo rosato cum puluere Rha barbari, quia ex hoc semper aliquid educetur. In æstate uerò omisso saccharo 3 vi. uel v. Cassiæ eligerem cum 3 s. Rha barbari. Propter dies æstiuos, miscerem cum saccharo rosato confectionem Dianthos, & species Diamusci dulcis, & Diacinnamomum, uerum optimum esse debet.

Consult.

Consult. XI. Pro quodam, patiente tensionem in hypochondrio dextro circa costas mendasas, & tensionem in toto ventre inferiori, & dolorem, qui incipit à spina, & extendit se ad utrumq; renem: egestiones habet liquidas, & interdum veluti loturas carnis.

SYMPTOMATA huius præclariss. uiri sunt hæc. Primum est tensio hypochondrij dextri circa costas mendasas, in regione uentriculi cum dolore, ut uix sentiatur tensio; cum comprimimus leuiter, si uerò satis cōprimatur, percipitur. Secundum est tensio in toto ventre inferiori. Adhæc dolor est, qui incipit à spina, & extendit se ad utrumq; renem: egestiones etiam liquidæ sunt, & quædoq; ueluti loturas carnis egerit. Urinas tenues, & uarias habet, aliquando fuluas, aliquando albescentes. Interdum nauseam patitur cum deiectione à appetitu. Sed prima symptomata sunt tensio hypochondrij dextri cum dolore dorsi, qui ad utrumq; renem extenditur. Habet etiam in toto corpore dispositionem ad cachexiam, est enim emaciatus, habet tamen carnē subtumidam. Oportet primum considerare locum affectū, an sit unus uel plures. Secundò tumorem, & dolorem hypochondrij dextri, inueniemus enim ex his causas symptomatum. Aegritudo, à qua dependent dolor, & tumor, uel est in hepate, uel in uentriculo, uel in musculis exterioribus, sed cum actio læsa non sit in uentriculo, & licet non appetat, concoquit tamen, & contentiua læsa non est: & licet feces sint liquidæ, sunt tamen in substantia & colore concoctæ (quare autem sint liquidæ,

quidæ, postea dicitur) & si est læsio aliqua in uentriculo uel diminutio operationum, ea est per consensum: cum igitur non sit in uentriculo is affectus, uel erit in musculis, uel in hepate. Sed non est in musculis, quia dolor est obtusus per compressionem, et uix percipitur, nisi fortiter comprimatur. Adhæc reliqua signa apparent, quæ affectionem in hepate esse declarant. Erit igitur in hepate, quia dolor & tumor sunt in loco hepatis. Sed quanam sit in hepate ægritudo dubiū est: est autem ea frigida, id autem indicat totius cutis decoloratio, quia in ea est color plumbeus. Nam cum hepar non possit chylum in sanguinem mutare, fit decoloratio, cum autem superassat, non fit decoloratio, sed ulcera apparent ea in parte, in qua humor decumbit, uel in toto. Adhæc inquit Galenus, octauo medicamentorum, secundum loca, quod, ubi est temperatura frigida in hepate, alteratrix uirtus afficitur, ita ut liquidæ egestionēs appareant, similes carnis loturæ. Cum igitur non possit hepar deducere chylum ad rectam sanguinis formam, ideo regurgitat ad intestina, & apparet lotura carnis: nam si esset à temperie calida, non diminueretur chyli attractio, sed potius augeretur. Adhæc, per tactum in loco hepatis non apparet caliditas. Quod si sint egestionēs liquidæ, & urinae fulvæ, huius rei potest esse causa extrinseca, & intrinseca: extrinseca, ut uina potentia, intrinseca, ut obstructiones, ratione quarum calēs fiunt & corrumpuntur humores. Adhæc harum urinarum potest esse causa caliditas renum, cum autem ibi sit dolor & tumor ex compressione, erit præter intemperiem tumor. Tumor autem (ut puto) scirrhus est à pituita

tuita crassa: id autem apparet per tactum, & esse in con-
nexo hepatis, tumor autem est in dextra & sinistra par-
te, quia ex eo sanguine diminuto flatuantur humores, et
faciunt tumores. Doloris uero dorſi, qui extenditur ad
renes, puto causam esse sanguinem pituitosum, delatum
ad uenam cauam in gibbo hepatis. Cum enim sanguis
defertur ad eum locum calidissimum, ebullit ibi, & fa-
cit dolorem, & usque ad renes defertur, quoniam à ue-
na caua deducuntur uenæ usque ad renes. Egerit mul-
tam urinam, quia multum bibit. Venenum non puto illi
datum esse, nam uenena frigida si sint, si nō interficiunt
uno die, conuertuntur in substantiam corporis, uel uin-
cuntur: si calida, corrodunt, et uomitus sequitur æru-
ginosus, si à tota substantia agunt, statim interficiunt.
Causæ illius intemperiei frigida sunt causæ extrinsecæ
alterantes, & intrinsecæ, ut cruditas humorum, obstru-
ctiones, et alia. Indicationes curandi debent esse, ut
attenuentur humores, incidantur, tollantur obstructio-
nes: id fiet cum moderatè calidis, & ideo Ptisanam
laudo conditam cum modico Piperis uel Cinnamomi.
Cum autē in toto corpore adsit cacoachymia, antequam
causa coniuncta morbi tollatur, est euacuandū corpus,
primo per secessum, deinde per urinam: mox per sudo-
rem. In euacuando corpus per secessum debemus uita-
re ualentes medicinas, liquant enim substantiam hepa-
tis, & relaxant uenas, ita ut recipiant superfluitates.
Ad hæc, fit attractio ad locum læsum, & ideo Rha bar-
barum, Diacatolicon, Manna lenitiuum conueniunt
cum modico Agarici, si uellemus, sed præparentur
prius humores cum syrupo acetoso, Oxymelle, melle
rosato.

*Nota d'uen'
re.*

rosato. Pro prouocanda urina syrupus de Cichorio cum Rhabarbaro, et de radicibus Byzantinis cōueniūt. Prouocationem sudoris instituerem cum oleis calidis aperientibus, & balneis preparatis cum herbis, quæ habeant uim resoluendi. Balnea Patauina conueniunt, tollent enim intemperiem & scirrhum. Linimentis postea uterer cum oleo de Spica, de Absinthio. Ad hæc, uellē, ut singulis hebdomadibus uteretur pillulis de Hiera & Rhabarbaro, & per interualla assumeret florem Cassie cum Rhabarbaro.

Consult. xii. Pro quodam sene in patiente renum debilitatum.

seni mori
 CVM mihi narres casum distincte, & quod hucusque non est suspicio calculi, neque principium, sed tantum renum debilitas, & fortasse etiam dilatatio in proprijs meatibus, & quod podagra seriùs accessit, multò debilior, ideò pro curatione huiusmodi accidentium scias, quòd tales fructus secum afferunt anni, & membra reduntur debilia, non ob infirmitatem, sed ob naturam, magis & minus, prout hic uel ille à principio genitus fuit debilior, uel fortior, uel prout homo in suis temporibus seipsum magis offendit laborando. Omnia igitur membra in senibus debilia sunt secundum naturam: sed horum nonnulli debilitatem magis patiuntur, propter rationes dictas in capite, sicuti catarrho subiecti, uertiginosi, lippi, surdi, & sæpe etiam insensati. Alij uerò in pectore magis læsi sunt, atque his incurabiles contingunt tusses. Alij uerò maiorem in stomacho læsionem habent, in renibus,

nibus, in uesica, in iuncturis: atque omnibus his contingunt morbi sui determinati, sicuti uomitus, nausea, calculi, dilatatio renum, difficultas urinæ, podagra, dolor articularis paucique sunt quibus in senectute hæc incommoda non contingant, licet magis et minus citius, aut serius: temperaturæ etiam, et complexionis sunt diuersæ. Diuersitas est etiam in uictu, in uiuendi ratione, in cælo, in cibis, in accidentibus animi, studij, exercitiorum, atque hinc fit, ut diuersis diuersi morbi eueniant: atque hæc omnia contingunt non propter infirmitatem, sed secundum naturam, quia calor naturalis quotidie fit debilior, et membra fiunt sicciora: Et, cum calor non possit concoquere alimentum (ut solebat) necesse est, ut corpus abundet humoribus, nunc quidem crudis, nunc putridis, qui tanto magis abundant, quanto membra debiliora sunt, et sicciora, et licet indigeant multo nutrimento non possunt tamen nisi paucum suscipere, cum ob eorum debilitatem et siccitatem, tum quia alimentum non est rectè præparatum à calore naturali. Multiplicatis autem his humoribus, si pauci erunt, expellentur à membris, sed quando singulis diebus multiplicabuntur, remanent in corpore, et ad debiliorem partem expellentur. Atque hinc oriuntur tot morbi senibus, tanquam diuersi, de quibus facit mentionem Hippocrates. Hoc discursu usus sum, eo consilio ne doleas ob morbum renalem, quia conueniens est ætati, neque speres, ita recuperare sanitatem tuam, ut redeat in eum statum, in quo erat iam ante uiginti quinque annos. sed contentus sis, ut ita provideatur, quod morbus non suscipiat incrementum, aut quod à debilitate renum, ad calculos, aut grauior-

graviorem infirmitatem non deueniat, quod incontinen-
tibus accidit, quod de te timendum non est. Dicam igitur
in primis, quid agendum pro renum conseruatione.
Deinde respondebo tuis quaesitis particularibus, atque
in hoc morbo, sicuti in alijs, necessarium est regimen uni-
uersale & particulare. Voco regimen uniuersale, quod
commune est statui sanorum, neque magis uni morbo,
quam alijs appropriatur. Particulare autem uoco illud,
quod praeter communem obseruationem, habet mensu-
ram determinatam, & respectum ad morbum specia-
lem. De uictu uniuersali nihil dicam, cum sit omnibus
notus. De particulari, debes scire in primis hanc regu-
lam, quod tam calor, quam frigus excedens sint ipsorum
renum inimici. Calor dilatat, & dilatando attribuit ad
se plus quam conuenit, & expellit, id quod esset retia-
nendum, frigus oppositum facit, non attrahendo serum
sanguinis, ad quos munus renes sunt destinati, neque ex-
pellendo illud (ut par esset) ad uescam. Vnde est in seni-
bus uidere saepe duas inter se oppositas passionis, ex eo,
quod diuersè passi sunt, in frigore aut calore, & in e-
mittendo urinam, parum eius, & cum labore & gutta-
tim, aut copiam humoris coagulati. Vitare igitur haec
extrema debemus. Nimius calor, aut ex eo est, q̄ nimis
laborat, aut quia homo se exponit aëri calido, ut est in
aestate, aut in igne: fit etiam hoc à cibis maxime calidis,
ut sunt aromata, & uina potentia. Ad hocq; redu-
citur Venus, quae in senibus semper superflua est. Et
quando dico superfluum laborem, & superfluam aëris
caliditatem, intelligo, respectu corporis, debilitatem
renum patientis, qui facile à quocunque leui excessu al-
terantur

*in infirmitate
debilitate.*

terantur ob debilem in resistendo virtutem. Nimia renum frigiditas fit à loco, aëre, & cibis frigidis, ut sunt fructus, Cucumeres, Cucurbitæ, Lactuca, Endiuia, Omphacium, sed ante omnia aqua frigida, & uina recentia. Inimici igitur primi renum sunt nimius calor, & nimium frigus, sed non hi soli, sed omnes reliqui excelsus sunt contrarij, sed non tantum, ut sunt diuretica, nimis aperientia, ut Asparagi, Apium, Pastinaca, Petrose linum, Fœniculus, Melopepones, uinum album subtile, & id genus alia, & maximè à cibo: nam præterquam quòd aperiunt uias urinæ, plus quàm par est, conducunt partem cibi, & superfluitatis indigestæ, & hinc fiunt, nascunturq; in commoda. Quare in conseruandis renibus hæc sunt fugienda, & præsertim à prandio. Sed non ob id, quia renes dilatare malum est, adstringere erit bonum, imò interdum erit peius, & maximè quando uenæ aut uie erunt plenæ aliquo excremento. Adstringuntur renes à uinis austeris, Piris, Cydonijs, Datylis, & id genus alijs. Præterea in cibis ea fugienda sunt, quæ sunt crassi et uiscosi nutrimenti, sicut omnia legumina, pisces crassi, & tenui, Sturiones, Sombri, Anguillæ, Tenchæ, Ostreæ, Limaces, Fungi, caro bouina, palustres auiculæ, uina dulcia, aut nigra: & quando utrunque sunt, sunt pessima: alimenta uiscida, ut caro porcina, caseus recens, & omnia lacticia, quemadmodum sunt etiam composita (quæ Tortellæ, seu Raffioli appellatur) alimenta frixa, condimentum ex melle & saccharo: omnes hi cibi periculum afferunt secum, nam cum generent succum crassum, renes, si sunt dilatati, attrahunt ad se talem humorem, ex quo postea periculum

lum obstructionis, aut lapidis impendet. Si adstricti sunt renes, non attrahunt & uarij morbi generantur. Alimenta nutrimenti sicci sunt, ut caro leporis assata, caprae, orobus, longusq; usus aceti: & deniq; nullum genus excessus renibus conuenit, & in hoc reliqua membra excedunt. Ratio est, quod, cum sit naturale munus ipsorum renum attrahere ad sese sanguinis aquositatem, & purgare totum corpus à tali excremento, necesse erat, ut admodum densi essent fabricati, et meatuum strictorum, ut sola aquositas attraheretur. Et hinc est, quod cum renes dilatati plus sunt, quam par est, attrahunt etiam sanguinem, ut uidere est in urinis sanguinis. Cum tales sint renes, non est mirum si à quocunq; excessu laedantur, nam paulo plus dilatati renes, aut angustiores reddituri impediuntur à propria actione, & conuenienti, et sanguis paulo crassior aut subtilior redditus est in causa, ut in eosdem errores & incōmoda dilabatur. Et hoc fit saepius in corporibus debilibus, aut ubi pars haec debilior reliquis reddita esset. Vnde tibi omnes excessus sunt fugiendi. Quantum ad medicamenta, mihi probatur saccharum rosatum ratione praeservationis. Laudo eius continuum usum, quo nil est melius pro renibus conseruandis. Hoc remedium est ita moderatum, ut, si renes sint dilatati, reducat eos ad suum statum, si oppilati, abstergit: si calefacti, refrigerat: neq; ob id nocet affectibus frigidis cum sit moderatum: sed ante omnia mundum retinet stomachum, corroborat, abscinditq; catarrhū, & hoc prodest senibus. Assumat igitur singulo mane per horam ante prandium sacchari rosati ʒ s. & interdum leuiter post assumptionē deambulat, bulabit,

saccharum
rosatum re-
nū pseru-
tione.

bulabit, interdumq; , sicuti esset bis uel ter in mense, addet saccharo rosato \mathfrak{z} i. uel \mathfrak{z} s. Rha barbari electi, sed tunc assumet mane tribus horis saltem ante prandiū, atq; ita toti corpori bene succedet, ab infirmitatibusq; ipsum præseruabit, & à podagris, renibusq; hoc remedium utile erit, nam præterquàm quod eos mundificat per urinam, corroborat etiam atque astringit sine uiolentia. Et hoc satis sit pro præseruatione. Sed quando renes essent ita dilatati, ut sanguis exiret, tunc reliquo corpore mundo existente, ut esset facile utendo prædicta uictus ratione, laudarem ut in astringendo sumeret in aurora hunc infrascriptum puluerem calidum in aqua capillorum Veneris, aut Asparagorum, aut Cardui, aut Fœniculi.

\mathfrak{R} . Boli Armeni orientalis

\mathfrak{z} i.

Gummi Arabici

Tragacanthi ana

\mathfrak{z} ij.

Rosarum rubearum

Myrtillorum

Hypocistidos ana

\mathfrak{z} i.

Corallorum rubeorum

\mathfrak{z} s.

Misce, & fiat puluis subtilis, de quo sumat \mathfrak{z} s. singulis uicibus cum \mathfrak{z} iiij. prædictarum aquarum, & in eisdem diebus destillationis, in quibus hosce sumet syru-
rupos, utetur tali renum unctione.

\mathfrak{R} . Succi foliorum Lentisci

Foliorum Myrti

Succi radicum Consolidæ maioris ana \mathfrak{z} i.

Infrigidantis Galeni simpl. \mathfrak{z} ij.

Misce, et fiat linimentum secundū artem. Hæc fieret

D

in

in exitu sanguinis. De duabus purgationibus singulis annis faciendis, credo ipsas non fore necessarias, dummodo utatur prædicta uiuendi ratione. Permitterem balnea, ut Calderiana, refrigerabunt enim stomachum. Abstineat quantum fieri potest, à fructibus. Vinum sit coloris rubei, clarum, maturum, & non magnum admodum. Utatur aceto pro condimento, & ob id non nocet. Lac & lacticia etsi nihil sunt ad rem, tamen cum assuetus sit, poterit ante prandium interdum uti lacte recenti, aut iunctiada, cum modico capitis lactis, & utetur interdum, parce tamen, caseo recenti, à ueteri abstineat. De piscibus, laudo Alberos, Barbones, Auratas recentes captas in alto mari. Decoquantur aut in craticula, aut in iure. De fructibus ut sunt Pira, & Cydonea cocta cum saccharo, laudantur à me. De cæpis & alijs, nocent ut alimenta, prosunt interdum ut medicamenta, incidendo humores crassos, & resoluen-
uendo uentositatem.

Consult. XIII. Pro quadam muliere laborante Catarrho subtili, & acuto, descendente ad fauces, & tracheam arteriam.

FRACASTORIUS. Laudo in primis illius Medici opinionem, qui abstinendum esse à medicamentis putat, & præsertim hoc anni tempore maximè calido. Et ex sententia mea ab omnibus certè est abstinendum, Man-
na fortasse excepto, quod cum iure pulli assumi posset. Nihilominus laudo, ut alijs remedijs occurramus catarrho, si talis est, sicuti audio, & impressioni, quam facit in faucibus, & in trachea arteria, unde paucus il-
le san-

CONSULT. MEDICIN.

le sanguis exit, interdum superficialis : utrumque enim timendum est, si non provideatur. Pro cibis laudo lac, à quo obtunderetur acuitas catarrhi, & utile esset etiā ad abrasionem iam factam abolendam, seu tegendam. Ob eandem causam laudo Ptisanam, Risa præparata, & id genus alia cum immisione Papaueris serò in ferculis. Laudo etiam, ut cum cubitum concedit, assumat unum aut duo cochlearia syrupi eiusdem Papaueris, ut atque in die Diacodio in forma solida, assumendo ipsum in os, & permittendo, ut paulatim liquefiat. Neque etiam præter rationē esset, ut parum seminis Papaueris in pane misceretur, quo utitur : & hæc dicta sint habita ratione stomachi, & cæterarum rerum. Præterea concludo, ut utatur hoc lambitiuo, à quo non leuem spero utilitatem : Tale autem est

℞. Tragacanthi

3 ij.

Succi Liquiritiæ

3 i.

Sapæ q. s. Fiat electuarium. Fugiat animi perturbationes, tanquam maximè sibi noxias.

Consult. XIII. De catarrho in vniuersali, minante subitam suffocationē, nisi provideatur.

ARCYLANVS. Si Medicus uocetur ad huiusmodi casus, et inueniat ægros cum tanta anhelitus constrictione, ut non possint loqui, neque bibere, et cum facie nigra tendente ad liuidum, & cum sudore quodam ob anhelitus angustiam, existimet hæc tanta nocumēta, et tam subita prouenire à catarrho multo subtili, subito ad partes pulmonis præcipitato, aut ad aliquas partes, ob quarum nocumentum anhelitus impeditur, & sic

D 2 esse

esse in continuo fluxu. Quapropter tales ægroti sunt statuendi in aëre libero, luminoso, ad frigidum declinante, inuungendaq; est eis dieta tenuissima, prohibenda est eis omnis locutio, & motus corporis, situandi; sunt sedentes pectore dilatato, parum pannis cooperto, cum nulla strictura pannorum circa collum, neque circa alias partes, dandusq; ipsis in potu est syrupus de Papauere cum aqua Iuiubarum, & hordei. Dandum est etiam Diapapauer, & Diacodion, et interdum in magna necessitate danda est illis una ex pillulis opiatís, aut parum Philonij, aliquando etiam ad anhelitum dilatandum ponenda est umentosa super spondilibus pectoris, aliquando etiam plethorico existente pectore, secunda est uena, ubi materia inciperet figi in parte obtinente principatum, interdum ponendæ sunt umentosæ in pulpis spatulæ ad diuersionem faciendam, atque hac methodo stutamur in curandis catarrhis, à quibus per uiam suffocationis tantum periculi impendet, omnes ægroti per nos sanitati restituentur. Quòd si cum euacuantibus, diuertentibus, et materiam agitantibus procedamus (ut sentit Mesue) periculum est, ne magis fluant humores ad pulmonem, & subito necentur ægrotantes.

Consult. xv. Pro quodam iuvene, qui passus est febrem putridam, qua cessante, vel imminuta periculum hecticæ impendet, vel iam forsan adest hecticæ principium.

CRASSVS. Ut ex literis potui colligere, hic iuuenis oppressus fuit à febre putrida, ex quo humore nescio, sed iudico fuisse choleram permixtam cum aliqua portione

portione pituitæ. Sed in præsentia, deleta febre putrida, aut saltem imminuta, multum uidetur esse periculū, ne in hecticam cadat, & fortasse sit iam principium. Quod cum ita sit, necesse est omni industria corpus ipsum humectare, & refrigerare, et cum factæ sint debite purgationes, cōsiderandum est, an sudor ille qui exit, subleuet ægrotum nec ne, nam subleuando infirmum, nō oportet impedire, sed debitis remedijs prouocantibus sudorem, opitulari. Quod si debilitate ægrum afficiat, est impediendus, refrigerando aërem, nudando corpus, ipsumq; ungendo oleis astringentibus, superq; spargendo puluerem rerum stypticarū, utendoq; cibis crassis, uiscosis, & astringentibus. Si cessante sudore remanebit febris illa lenta, tunc est humectandum corpus in balneo aquæ dulcis tepidæ, ferendo in camerā propè lectum, quam tinellam appellant, qua utuntur stuffarij Patavij, et in ea suauiter reponatur, et sit aër cameræ temperatus, et stet in ea aqua tantisper, dum cutis corporis rubescat, et parum tumescat. Postea exeat e balneo, & siccetur corpus, ponaturq; æger in lecto molli & tepido, et totum corpus ungatur oleis uiolato, & Amygdalarum dulcium mixtis, et hoc fiat singulo mane ante prandium. Cibi sint frigidi & humidi, ut sunt cremor Ptisanæ, far, & actu frigidi ei exhibeantur, & panatella ex aqua ei propinetur. Quod si timentes debilitatem uirtutis, ius carnis illi dabimus pullarum, quæ prius hordeo, Endiuia, Cichorio, Soncho, & id genus alijs herbis frigidis atque humidis nutriantur. Potus sit aqua hordei uel uinum album oligophorum. Si febris durabit, maciesq; crescet, erit sumendum lac mulieris

iuuenis bonæ temperaturæ, quæ utatur cibis frigidis
 & humidis, aut lac asinæ, quæ nutriatur modo prædi-
 cto de pullis, colādo lac eo modo, quo docet Galenus vij.
 & x. artis medendi. Hæc sunt uera & principalia re-
 media huius iuuenis, inclinante ipso ad hecticam, ut ex
 cæteris scriptis intellexi.

Consult. xv. Pro quodam patiente renum do-
 lorem. MED. SAR.

R. Passularum

S. Com.

ana ʒ i.

Violarum

ʒ ij.

Prunorum

num. x.

Buglossæ

Endiuie

ana M. i.

Polypodij

Senæ

ana ʒ ij.

S. Carthami contusi

ʒ i. s.

S. Anisorum

Fœniculi

Endiuie

ana ʒ ij.

Macis

ʒ ij.

Corall. rubeorum

Myrobalanorum Citrinorum

Chebulatorum

ana ʒ s.

Infundantur omnia in aqua per diem naturalem. De
 inde bulliant ad consumptionem duarum partium, &
 facta prius bona confricatione manibus, colentur bene
 exprimendo, & in colatura dissoluantur medullæ Cas-
 sic

ſiſte fistulæ ꝓ viij. pulueris ſacchari lib. s. & bula-
liant ſimul lento igne ad ſpiſſitudinem mellis, & fiat ele-
ctuarium. Ex hoc electuario prima uice assumi poteſt
cochleare unum bis in menſe per horas quinque ante ci-
bum, & augeatur uel minuatur doſis ſecundum Electua-
rij operationem.

R. Granorum ſiſticorum

ꝓ i. s.

Quatuor Com.m. frigid.

ana ꝓ i. s.

Specierum Diacinnamomi

Aromatici roſati

ana ꝓ i. s.

Sacchari albi

q. ſ.

Fiat conſectio in morſellis cum aqua Alkekengi, &
ſumatur una conſectio pro uice, mane & ſero per ho-
ram ante cibum.

R. Olei uiolati

ꝓ i.

Adipis gallinæ

Anſeris

ana ꝓ s.

Ceræ

q. ſ.

Fiat unguentum, quo ungantur lumbi. Vitet re-
num calefactionem, dimittendo equitationem et coitum.
Abſtineat à fructibus, leguminibus, paſtilibus, lactici-
nijs, piſcibus, herbis multum frigidis & humidis, & à
uino turbido, nigro, & groſſo. Tempore uero doloris
fiat primo enema ex oleo communi, & iure pulli. Deina-
de aliud tale.

R. Florum Chamæmeli

Capillorum Veneris

Meliloti

Parictariæ

ana M. i. s.

D 4

Lini

Lini

Foenugræci

Anethi

ana ʒ i. s.

Bulliant simul in sufficienti quantitate aquæ,
deinde

R. Huius decoctionis

lib. i.

Olei Anethini

Amygdalarum dulcium

ana ʒ i. s.

Cassie nouiter extractæ

ʒ vi.

Diaphanici

ʒ iiij.

Sacchari rubei

ʒ i.

Vitellos ouorum

nu. ij.

Salis communis

ʒ ij.s.

Fiat clyster, qui calidus imponatur, deinde infunde spongiæ magnas in decoctione suprascripta, & facta expressione, superponatur una obuoluta in panno lineo calido, et cum incipit frigescere, exprimatur alia, et calida similiter ponatur, & si non quiescit adhuc dolor, fiat emplastrum ex medulla panis infusa & mollita in decoctione Altheæ, & cum oleo Chamæmelino distemperetur, & calidum supponatur.

Consult. xvi. Pro quodam patiēte hypochondriacam Melancholiam.

IN CASV nobis proposito quem opinamur esse flatuosam melancholiam, seu hypochondriacam, quam sequuntur symptomata nobis enarrata, gurgulatio. s. quædam cum dolore in hypochondrijs, et maxime in dextro ubi tensio percepta est manifesta cum quadam inflammatione euaporatione, ascendente à dextro hypochondrio
uersus

uersus spatulam, sudores etiam quidam sunt post cibum
secundum cernicem, sunt etiam in nocte: emittit etiam
aliquando uermes, nec nō per mariscas profluit aliquan-
do sanguis, cuius causa uidetur multum leuari ab huius-
modi accidentibus, conqueritur etiam de alui astrictio-
ne. Qua in re consulentes, omnibus omīssis quæ ad mor-
bi essentiam, causas, & signa pertinent, curationē aggre-
diemur, quam in principali affectu submouendo consi-
stere dicimus, quem arbitramur esse obstructionem, quæ
a multis, crassisq; humoribus facta fuit, impactis in ue-
nis Mesaraicis, & uisceribus omnibus, & maxime he-
pate. Pro qua tollenda & uictus ratione & medicamen-
tis agendum est. Quod ad uictum attinet, is quidem in
hunc modum est instituendus, ut comedat optimum pa-
nem, bene coctum, mediocriter salitum, ac bene fermenta-
tum, purum, sine aliqua cōmixtione, carnes come-
dat laudabiles, ut sunt pulli gallinacei bene nutriti, sed
liberè degētes, nō impinguati in carceribus, aut caueis,
hœdina etiam caro, uitulina, & castrati optimi, ad rem
est: aues quin etiam nemorales: et montanæ, quæ sunt
in cōmuni usu, ut turdi, merulæ, passeruli, perdices,
phasiani, et similes aues, dimittēdo omnes, quæ in aquis,
& paludibus degunt. Oua etiam recentia sorbilia, aut
tremula optima sunt, abiecto albumine, non frixa, nec
aliquo modo indurata. pisces mali sunt, nisi fuerint ex
petrosi: alij enim sunt fugiendi: lacticia omnia praua
sunt, res ex pasta confectæ sunt euitandæ, ex oleribus
comedere quandoq; poterit, potius subducendæ alui
gratia, quæ quod pro cibo cōmoda sunt, ex his potissi-
mum conueniunt Borago, Buglossa, Atriplex, Spina-
chium,

chium, modò in acētarijs, modò in ferculis condiendo. fructus uituperantur, sed aliquando tamen comedat in pauca quantitatē. Ex acrioribus, et si sint cacochyma, quia tamen attenuari possunt, usum ipsorum non interdici-
mus, sed paucum. Aromatum usus moderatus intem-
poribus præsertim frigidis sit. Acetum non damnamus, quinimò in hoc casu conueniens est, sicuti agrestæ & omnium acerborum usum omninò non interdici-
mus. Vinum non sit nouum, non crassum, non nigrum, sed sit optimè depuratum, clarum, substantia tenue, colore aut album aut rubeum, facultate non aquosum, neq; admo-
dum potens. Caueat à multa repletionē tam cibi quàm potus, pariter etiā non ingerat altera cibaria, nisi prio-
ra iam destributa & concocta fuerint. Sumpta cæna statim non dormiat, sed saltem per horam & dimidiam somnum differat, à prandio somnum euitet, nisi fuerit consuetus, aut ex aliqua causa noctes duxerit insom-
nes. Exercitio utatur mane ante cibum per horam, ut scilicet non statim post exercitium comedat. Similiter ante cænam. Aëris omnes euitet excessus, ut caloris, frigoris, uerùm potius frigoris quàm caloris. Procu-
ret alui lenitionem, ut cum iusculo pulli, cum saccharo rubeo, aut inexpurgato, cum prunis decoctis in uino dulci, aut cum passulis, & saccharo sub dio in nocte ex-
positis, aut cum oleribus oleo conditis, omnibus ante ci-
bum per quartam partem horæ assumptis, aut aliquan-
do cum clystere cōmuni, & aliquando cum una pillula ex Aloë lota aut, cum drachmis tribus aut quatuor Te-
rebinthinæ Cypriæ, aut eius loco cum laricina aut abie-
tina resina ad eandem quantitatē. Caueat ab animi affe-
ctibus

Atibus prauis, letetur continuo, rideat, uerseturq; continuo cum amicis dilectis, letisq; coitu moderate utatur, crebrum eius usum fugiat. Deueniendo ad medicinalia, nisi fluxerit sanguinis multitudo per mariscas in copia moderata, suaderem, ut hoc uere lenita prius aluo, aut cum pharmaco leniente, aut cum clystere, nisi sponte fluxerit, secaretur uena hepatis dextri brachij ad quantitatem sanguinis moderatam, prout presenti Medico uidebitur. Hoc facto ueniendum erit ad aperientia ipsas obstructions, quare per dies aliquot sumat hos syropos mane in aurora calidos, ac superdormiat, si poterit, uel saltem decumbens quiescat.

R. Syrupi de Cichorio.s.

Acetosi simpl.

De Lupulis ana

℥ s.

Decocti Cichorij

Fumiterræ

Lupulorum

Boraginis

Agrimoniæ

Ceterach

℥ iij.

Misce pro syrupis viij. aut x. quibus assumptis accipiat in aurora in calidū hoc pharmacū, super quod immediate somnum unius, aut duarum horarum ad summū concedimus. Sit tamen hoc factum in die non impedita à lunæ coniunctione, aut oppositione, & prandium ad sex horas differat.

R. Rha barbari electi ℥ i. s. infundatur in infrascripto decocto ad horas x. cum modico Spicæ ac irratione uini Maluatici, & fiat expressio.

Recipe

R. Agarici trochiscati cum Gingibere 3 i.

Syrupi rosati solutiui 3 ij.

Cum supradicta expressione fiat potio.

R. Myrobalanorum omnium ana 3 s.

Epithymi

Ellebori nigri

Polypodij ana 3 i.

Florum cordial. pugil. ij. s.

Anisorum 3 i. Fructuum q.s. fiat decoctio in aqua Agrimonie secundum artem, et fiat levis expressio. Facta hac purgatione, laudo, bibat ex aquis Thermarum Aponensium per dies octo aut decem. Antequam autem superueniant calores, mihi placeret, ut singulo mane per dies xv. aut xx. (nisi aquas predictas biberet) assumeret pillulam unam ex infrascriptis per horas tres saltim ante prandium, uel plures etiam, ac superbiberet 3 ij. uini Absinthitis, quod in hunc modum parabitur. Ponatur in phialam aut uas simile m. i. ex coma Absinthij, et repleatur uas uino albo aromatico. et sic stet infusum semper, quoad assumpserit totam quantitatem, quam assumere uoluerit, ita ut nunquam inde extrahatur, stet tamen infusum Absinthium prius quam prima uice assumat per horas xij. ad minus.

R. Trochiscorum de Rha barbaro

De Eupatorio

De duabus Amygdal. Galeni ana 3 i. fiant pillule viij. cum uino predicto. Posset etiam maxime in temporibus frigidioribus assumere mane per horas v. ante cibum 3. Mythridati electi, uerum cum hoc assumit, trochiscos non assumat, nec aliud quidquam. Nec mihi displiceret,

appliceret, si aliquando mane tribus horis ante prandium sumeret masticando ꝑ i. Rhabbari. In hoc etiã tempore ueris, æstatis & autumnii laudo usum balnei aquæ dulcis, moderatè calefactæ, stando in ipso balneo per horam, aut minus iuxta tolerantiam. Deinde exiccando corpus, & lectum ingrediendo per aliam horam aut minus, sicuti uidebitur Medico præsentī. Tempore autem quo utetur balneo, abstineat ab exercitio, ne nimis corpus resoluatur.

Consult. xviii. Pro Epileptico, oppresso alijs etiam symptomatibus.

MVLTAE quidem sunt affectiones malæ in hoc uiro, sed ea est præcipuè, propter quam hūc sumus conuocati, nempe epilepsia. In inuestiganda igitur natura, & curatione huius affectus immorabimur, nam ex hac etiam reliqua apparebunt. Si rectè cognoscere hunc affectum uolumus, oportet inuestigare ipsius naturam. Inuestigabimus autem, si ipsius causas internas, externasq; considerabimus. Internæ causæ morbi comitiales duæ sunt, formalis & materialis, formalis causa huius symptomatis est obstructio uentriculorum cerebri, licet non absoluta, à qua læduntur omnes operationes animales, materialis uerò causa, sunt humores pituitosi, crassi q; uel qualitas aliqua mala. Extrinsecæ uerò causæ sunt omnes sex res non naturales, in quibus maximè errauit. Præterea qualitas illa impressa per morbum Gallicum, exhibitio argenti uiui, et id genus alia sunt causæ extrinsecæ huius morbi. Cum hæ sint causæ huius morbi, non est mirum, si propter ipsum cerebrum debilitate

litate affectum (recessit enim ualde à temperatura naturali, quæ est calida & sicca) et propter intemperiem, & multiplicationem humorum, sint sequuta est symptomata. In primis epilepsia propter humorem pituitosum, dolor capitis, tuberculaq; propter delationem illius materie ad uarias corporis partes. Quamobrem dubitandum est ualde, ne hic pereat, cum multis de causis, & præsertim ob morbum Gallicum difficulter remoueri possit epilepsia, & periculum sit, ne incidat in apoplexiam. Tamen cum iam sit præparatum corpus per syruos de Fumoterræ, de Epithymo, & euacuatum per confectionem Hamech, rationem huius affectus habere tantummodo per uictum attenuantem, id est calidum & siccum, uellemq; ut uino paucifero uteretur. Et facerem, ut abstineret ab animi accidentibus. Deinde darem illi decoctum ligni Indi ad remouendam malam qualitatem hepatis ex morbo Gallico contractam, postremo adderem cauteria.

Consult. XIX. Pro quodam laborante febre pestilenti cum lenticulis.

CUM sit à nobis febris putrida pestilens, ex putredine sanguinis exorta, curanda, necesse est, ut statim ad remedia accedamus, quæ possunt huic morbo opitulari. Cum igitur in hoc ægroto appareant iam in vij. die pustulæ in cute, quæ aliquam crism facere naturam declarant, expurgatio autem illa fiat per conuenientem regionem, id est per cutem, per quam natura solet superfluitates expellere, ideo motus ipsius naturæ est adiuvandus,

dus, quomodo autem iuuari possit, dicendum est. Cura
 febris pestilentis est exiccatio, cum enim huiusmodi fe-
 bris à plurima dependeat putredine, necesse est, si pu-
 trede tolli debet, ut causa materialis ipsius tollatur, quæ
 quidem est nimia humiditas aduentitia. Exiccabitur au-
 tem corpus, & tolletur putredo & per ea, quæ faciunt
 ipsum corpus diffilare, & quæ rarefaciunt cutem, & ip-
 sum corpus. Quare cum natura tentet euacuare mate-
 riam per cutem, est adiuuanda, quod fiet, si rarefiet cu-
 tis, si diffiletur materia, & euaporet. Id autem præsta-
 bitur primum cum frictionibus, deinde cum quodam lini-
 mento, quod ex Nitro, duabus partibus aquæ Chamæ-
 meli, & una olei Amygdalini constat. Hoc enim linimen-
 to diffilabitur corpus, rarefiet cutis, materia euapora-
 bit, præsertim cum attrahat leuiter, & æqualiter, &
 non sicut Cucurbitule uolenter aut inæqualiter, id est
 & cum plurima spiritus, & caloris affectione. Fiat
 autem decoctio usque ad cōsumptionē aquæ, & postea
 totum corpus unā cum frictione illo linimento ungatur:
 neque timenda est caliditas Nitri: nam illa leuis est, &
 si quæ est, facile ab oleo & aqua extinguitur. Cauen-
 dum autem, ne illud linimentum refrigeretur, prohibe-
 retur enim euaporatio, quod malum est, nam omnia ad-
 stringentia insigniter lædunt, prohibentq; euaporatio-
 nem putredinis, ipsamq; continent in partibus internis.
 Prohibebitur autem refrigeratio linimenti, si aliquo in-
 dumento bombycino, uel lineo corpus induatur, atque i-
 ta occurreretur putredini. Quantum uerò pertinet ad
 Petroselinum, ego id non exhiberem, ut huiusmodi mate-
 rias moueret: nam maxime uaporem, & materiam at-
 tollit

pestilentis
 febris cura

enim meli
 febris pe-
 stilens.

Nota de pe-
 troselino

*sy. & alia
q̄ resistit
putredini*

tollit ad caput, unde insanix interdum oriuntur: syrupi uero efficares ad resistendū putredini, sunt, ut syrupus de acetositate Citri, syrupus de succo Acetosæ, & acetosus. s. Cichoriaceiq; syrupi; qui (de Cichoriaceis dico) uim habent resistendi putredini, & leuiter etiam infri gidant. Bolus etiam Armenus, Scordium, Corallum, cornu cerui, siue ustum, siue non, hæc omnia in puluerē. redacta, & contrita habent maxime uim putredini resistendi, exiccant enim & tollunt ipsam putredinem. ∴ huius pulueris in iure pulli, poterit bis in die exhiberi, atque hoc remedio maximam rationem habebimus putredinis tollendæ. Victus sit pulli gallinacei, & caro hœdina, Ptisana, oua, cum prædictis pulueribus: hæc enim omnia resistunt causæ morbi, & corroborant uirtutē: ius quoque pulli maximè conuenit. Conuenit etiam saccharum rosatum, & Mithridatum. Potus sit syrupus acetosus, uel succus Limonum, aut Aurantiorum cum saccharo. Et ex hoc potu maximam æger percipiet utilitatem: resistit enim causæ ipsius putredinis. Vberior tamen paulò uictus est instituendus, ne cogamur postea nutrire corpus cum maximo detrimento. Ii fieret aliud quod linimentum cordi ex unguento rosato, uel cerato optimum esset. Corroborabitur enim locus & temperabitur. Sectio autem uenæ non est adhibenda, cum iam sit maxima putredo, & uirtus non admodum fortis.

Consult. xx. Pro muliere grauida, laborante febre acuta, cum æstuatione stomachi, & leui quadam Lypothymia.

HABEMVS præclarissimi Doctores mulierem grauidam in 7. mensibus, laborantē febre acuta, in qua & sitis

fitis magna, & summus calor reperitur. Laborat etiam aestuatione quadam leui stomachi, ita, ut sit leuis quædam lypothymia. Vt autem curetur, essentia huius febris est à nobis dignoscenda. Noscemus essentiam, si humores, locum, & magnitudinem febris noscamus. Humores, à quibus hæc febris dependet, sunt tres, biliosus. s. pituitosus, & melancholicus. Tota hæc massa à sanguine puro distincta putrescit, quod ex crassitudine urine, ex excrementis, & longitudine paroxysmorum declaratur. Sanguis uerò ebullit, atque ita hæc febris propè est, ut pestilens euadat. Locus est ambitus uenarum. Sæua autem febris est, quod ex symptomatibus colligitur. Casus difficilis est, tum quia grauida est, & foetus magnus, tum etiam quia ingens, & grauis morbus. Vt curetur procurandum est, ne humores generentur: & si qui geniti sunt, paulatim & leuiter educantur. Atque in primis alteranda sunt membra principalia, ita enim & generatio humorum tolletur, & febris ardor extinguetur cum non possumus uti sanguinis missione, neque medicamento solutio propter imprægnationem. In primis igitur hoc linimento exterius inungerem factum ex oleo rosaceo completo, & cera alba lota. Ventriculum uerò cum roborante linimento, factum ex oleo Myrtorū & Cytoniorum. Et si quid parum olei de Absinthio addatur, non displiceret, his enim linimentis & corroborantur membra, & extinguetur calor. Cordi uerò applicarem unguentum rosatum Mesuæ, cum speciebus cordialibus temperatis, & Sandalis. Interius uerò exhiberem syrupum acetosum factum ex aceto albo optimo, & saccharo exquisito, & aqua rosacea, & cum

E aqua

aqua Endiuia, Acetosaq; miscerem, ut corpus refrigeretur. Id sero ac mane exhiberem. Quantum ad lubricitatem uentris, quæ procuranda est, attinet, laudo clysterem factum ex iure pulli, in quo decocti sint furfures, & hordeum, addendo mel rosaceum, & oleum uiolatum: ita enim absterget & non laedet matricem. De uictu. Oua non sunt admodum ad rem, nisi cogamur nutrire. Iuscula sint pulli, alterata cum Acetosa, Endiuia, Cichorio. Transacto nouilunio poterit iterum Manna exhiberi, uel cum eo Rha barbarum cum prius exhibitum contulerit, uel solum Manna reiterari, & hoc pacto fieri poterit euacuatio.

Consult. xxi. Pro Adolescente laborante doloribus articularibus, & pustulis in ambitu totius corporis, ac etiam ophthalmia.

TRIA sunt in hoc adolescente præter naturam toto genere inter se diuersa. Sunt in primis dolores articulares cum aliquo leui tumore. Dolor est huius nature, ut facile à rebus calidis tollatur, ut à fomentis, & id genus alijs. Præterea ita interdum sæuus est, ut summa cum difficultate ab egrotante toleretur. Tumor autem facile tactui cedit, eiusdemq; est cum cute coloris, neq; est insignis magnitudinis, ita ut uideantur à quibusdam flatibus huiusmodi tumores generari. Sunt deinde pustulæ in totius corporis ambitu cum pruritu, nigrescentes, & duriusculæ, si interius considerentur. Pruritus uero ita malignus est, ut nunquam non ab ipso totum corpus scalpatur. Cum his pustulis quæ sunt in totius corporis ambitu adest etiam ulcus amlignum, & cacoëthes

cacoëthes in ipso præputio. Tertiò est in oculo dextro inflammatio in coniunctiua membrana, quæ à Medicis ophthalmia dicitur. Hæc autem inflammatio est ab humore calido, cum sit cum rubore cutis, & cum calore. Adest præterea cum hac inflammatione insignis dolor. Inflammatio uerò est admodum maligna, non enim tantum coniunctiuam occupauit, sed etiam uueam membranam, & pupillam: unde maximum ex hac re imminet periculum. Hæc sunt præter naturam, quæ adolescens hic patitur. Cum igitur hæc ita se habeant considerandum à nobis est, quanam sint causæ horum affectuum. A primo autem est à nobis incipiendum. Quantum ergò attinet ad dolores articulares facile credo à principio huiusmodi dolores fuisse procreatos non per defluxum alicuius materiæ, sed per intemperiem. In primis cum totum corpus, singulasq; ipsius partes considero, uideo (cum uenter calidus sit, & hepar, & corpus uerget potius ad quandam siccitatem, quam humiditatem) non posse ab his membris demandari ad aliquam partem materiam frigidam, & pituitosam, cuiusmodi ea est à qua ij dolores fiunt. Quòd si ea demandaretur, non frigida, sed calida foret. Deinde cum hic adolescens oppressus fuerit hisce doloribus propter lotionem aquarum frigidarum, facile est existimare fuisse à tali aqua contractam in ipsis articulis, qui exangues natura sunt, & frigidi, intemperiem frigidam, à qua tales dolores successerunt: cuius signum est, quòd facile cessant ij dolores à rebus calidis. Quòd si à principio materia horum humorum fuisset in causa, totum potius oppositum successisset. Caliditas enim cum inueniat materiam crassam & frigidam,

E 2 dam,

dam, ipsam cōmouet, non digerendo, cū alioqui esset
quieta, unde maiores dolores excitantur. Hisce igitur
signis ego credo à principio illius dolores ab intempe-
rie frigida sine materia euenisse. Verum autē est, quòd,
postea temporis successu cū in omni cōtione excre-
menta generentur, & maior copia excrementorum in
diminuta cōtione eueniat, fuerūt in hisce partibus mul-
ti humores crudi collecti. Cū enim uirtus articulorum
propter illam intemperiem non posset rectē cōcoquere
alimentum, multa excrementa remanebant, quæ cū nō
expellerentur propter debilitatem uirtutis expulsiuæ,
multi humores crudi ea de causa fuērunt in hoc corpo-
re per illam intemperiem procreati, à quibus & maio-
res dolores, & illi leues tumores sunt generati. Puto
autem cum huiusmodi materia frigida esse aliquid ma-
teriæ calidæ coniunctū, quod ex acuitate doloris signi-
ficatur. Id autem factum est ratione temperaturæ ca-
lidæ & siccæ, in qua necessariò humores cholericici ge-
nerantur. Hæc dicta sint de essentia huius primi affe-
ctus. Pustula uerò illa, & pruritus, cū ea sint nigre-
scentes & malignæ, & pruritus sit admodum molestus
significatur ab aliqua materia maligna hæc omnia de-
pendere, cuiusmodi est melancholia adusta. Id etiam
declarat ulcus illud malignum in præputio existens. Hu-
ius autem materiæ & horum affectuum nō possum aliā
causam assignare, nisi affectionem Gallicam, quæ cū
sit affectio talis in hepate, non calida uel frigida, necessa-
riò in ea humores adusti generantur. Huius etiam affe-
ctus signum est, quòd adolescens hic cum multis mulie-
ribus concubuerit, quæ erant tali morbo infectæ. Et
licet

licet non sequatur, hic concubuit cum muliere morbo Gallico infecta, ergo morbo Gallico correptus est: ualeat tamen, concubuit cum tali muliere, & tales pustulas ex eo concubitu cepit, ergo morbo Gallico correptus est. Diximus iam causas secundi affectus. Quantum uero pertinet ad ipsam ophthalmiam, apparet ipsam per signa iam dicta, ex tenui sanguine & calido genita esse. Caput autem puto esse in causa huius defluxus propter multas causas tum intrinsecas, tum extrinsecas, quas nescimus. Quare uero hic defluxus magis factus sit ad oculum dextrum, quam ad sinistrum, non possumus huius rei aliam ascribere rationem, nisi illius oculi imbecillitatem, quae multis ex causis, nobis incognitis, potuit fieri. Hæc habui, quæ dicerem de horum affectuum essentia. Quantum uero ad prognosticum attinet, nihil aliud dicam, nisi ipsum curatum iri, modo paruerit, & si assumpserit ea, quæ à Medicis præcipiuntur. In curandis hisce tribus affectibus, uidendum est, à quonam curatio sit prius incipienda. Puto autem curationem esse incipiendam ab ipsa ophthalmia, tum quia ægrotus propter hunc affectum nos potissimum uocauit, tum quia ita ratio exigit, quia magis urget ophthalmia, tum quia in ea est uehementissimus dolor, tum quia inflammatio in se magna est, quæ non tantum coniunctiuam, sed uueam, & pupilam occupat, unde periculum est, ne amittat uisionem, ac ne in suffusionem incidat malignam. Curabitur autem, si primum leniatur uenter cum Cassia, et speciebus Hieræ. Deinde si uena humeralis secetur, ut diuertatur, & euacuetur materia, tum quæ facit, tum quæ factura est ophthalmiam. Facta uniuersali euacuatione ego

E 3 deinde

deinde aliquos syropos exhiberem, qui maximam opem præstarent ophthalmiæ, ut est syrupus factus ex succo rosarum, Fœniculi, Verbenæ, cum decoctione Euphrasiæ, et cum saccharo. Acciperem igitur dictæ decoctionis ʒ iiij. & illius succi ʒ ij. atq; ita efficerem syrupum, qui per septem dies exhibeatur. Euacuato corpore, et facta tali humorum præparatione, si quid postea per medicamentum uideretur euacuandū, euacuetur. Deinde erit ad aliquod medicamentum deueniendum discutiens, & resoluens materiam, à qua fit talis inflammatio. Et quoniam iam fermè transactum est principium talis inflammationis, ideò repellentibus non admodū egemus. Hoc uerò in casu esset ad propositum decoctum Fœnugræci cum pauca quantitate decocti rosarum: discuteret enim talem materiam huiusmodi fomentum humidū, & ipsam aliquo modo repelleret. Collyrium etiam ex Aloë, & supradicto decocto esset maximè ad rem. Toleretur enim sic dolor & causa, à qua inflammatio, dolorq; dependent. Eo igitur pacto ego curarem ophthalmiam, curata ophthalmia deinceps accederem ad curationem dolorum articularium, aduersum quos præsertim iuuarent aquæ Anconitanæ, non interius assumptæ, propter hepatis caliditatem & affectionem Gallicam, sed exterius applicatæ, id est in ipsis innatando: ita enim resoluetur, & exiccabitur materia talium dolorum. Quod si lutum etiam hisce membris apponamus, nihil erit quod magis sit ex usu. Curatis his duobus affectibus, ego postea ad curationem morbi Gallici deuenirem, quæ quidē fiet cum decocto ligni Indici, sumpto in aqua Endiuie propter corporis caliditatem, ne nimis calefiat, et exiccetur.

cetur. Ante uerò assumptionē huius decocti ligni Indici si uideretur iterum corpus esse expurgandum, purgetur. Et purgetur in primis pituita, deinde atra bilis, facta tamen prius horum humorum debita præparatione.

Consult. xxi. Pro puella patiente menstruum suppressionem:

FRIZIMELICA. Puella hæc etiam si in ea ætate sit constituta, in qua fluere menstrua deberēt (agit enim 18. annum) illi tam non fluunt, fortasse propter malā in sex rebus non naturalibus uiuendi rationem. Cæterum licet ibi menstrua non appareant, singulis tamen mensibus patitur dolorem circa uentrem, & maximè statutis quibusdam temporibus. Præterea hæc menstruorum suppressio non solum à causa extrinseca, sed ab intrinseca etiam fieri potest, quæ quidem est uiarum, per quas sanguis pertransit, naturalis angustia, crassus etiam sanguis, propter usum alimentorum crassorum, & multas cruditates redditus, inter causas intrinsecas huius affectus reponi debet. Vnde nō est mirum, si huic puellæ naturales purgationes fuerint suppressæ. Vt curetur, parandi in primis sunt humores, ut facile possint impelli à uirtute expultrice, etiam quod uix naturaliter angustæ sint, neque possint eas reddi ampliores. Præparabimus autem humores, si fluxiles à nobis fiant, fient fluxiles si tenues reddantur, tenues autem humores reddentur medicamentis, quæ leuiter attenuant, et leuiter calefaciunt, ut sunt Petroselinum, Fœniculus, Asparagus, Ceterach, ut semina Anisorum, Fœniculi, Dictamus, Calamentum, Pulegium, Origanum, Salvia, Betonica, & id genus alia,

E 4 si dea

si decoquantur. Horum medicamentorū decoctum frequenter exhibeatur. Ex syrupis, laudantur à me oxymel, Syrupus de Betonica, de Calamentho, de radicibus, & tribus & quinq; , Bizantinis. Et aliæ id genus confectiones ad rem sunt, ut Diacalamentum, Diacyminū, & similia. Sed non est utendum his confectionibus nisi concoctis prius humoribus, sic neque decoctis, & syrupis, prius enarratis, nisi primum corpore euacuato, quod rectè fiet cum Cassia & Hiera, & interdum solis pillulis de Hiera. Præter hæc maximè conuenit recta uiuendi ratio, quæ sit attenuans, in debita quantitate, tempore, & ordine, cuiusmodi sunt pisces saxatiles, pulilli, columbi iuuenes, hædi, & castrati iuuenes. Ex piscibus Aurata, Passerculus, Trigla & similes conditi perpetuò oleo aceto & sale. Vt autem uiæ fiant ampliores, utatur frictionibus inunctis manibus fricantis, attenuantibus oleis, ut Nardino, Liliaceo, Chamæmelino, Sesaminno, & oliuarum oleo ex maturis oliuis. Laudo etiam interdum balneum ex aqua dulci tepida, in qua decoctæ essent herbæ relaxantes, et attenuetes ut Althea, Malua, semina Lini, Fœnugræci, & alia id genus. Venter autem & dorsum in exitu balnei inungantur supradictis oleis. His remedijs poterit puella hæc menstruorum effluxum habere, præsertim si uiro tradatur. Venæ etiā sectio, cum humores erunt prius parati, & uiæ apertiores, in prouocandis mensibus maximè conuenit. Secetur autem saphæna.

Medica

Medicamentum utile ad eos expurgandos,
qui morbo Gallico laborant.

R. Myrobalanorum Citrinorum

Chebulorum

Indorum ana 3 s.

Passularum 3 iij.

Prunorum

Sebesten ana num. xij.

Polypodij 3 iiij.

Liquiritiæ 3 ij.

Sileris montani 3 iiij.

Fumiterræ

Florum Boraginis

Buglossæ

Violarum

Scolopendriæ ana m. i. s.

Epithymi m. ij.

Colocynthidis 3 v.

Succi Fumiterræ lib. iij.

Aquæ Fumiterræ lib. iiij.

Misce, & fiat decoctio ad consumptionem dimidiij.
& facta colatura, R. prædictæ decoctionis 3 iiij.
pro uice, cui adde syrupi de Fumoterræ 3 i. s. Misce,
& fiat potio.

Consult. xxiii. Pro quodam, renum dolo-
rem patiente.

QVONIAM renum atq; hepatis caliditas solet esse *causa efficiens*
causa efficiens arenularum, & calculorum, materialis *arenularum & calculorum*
autem,

autem, humores partim cholericici, partim phlegmatici, qui ob uarios errores in uictu commissos solent generari, ideo in uera cura dicti affectus, necessarium est prouidere utriq; incōmodo, id est, contemperanda est caliditas illorum membrorum, & prohibenda est multiplicatio humorum, atq; ad has duas res peragendas necessaria sunt duo potissima instrumenta, quorum alterum est recta uiuendi ratio, quæ quidem apud me est maioris momenti: alterum uerò est præsidium medicamentorum. In primis igitur de priore uerba faciemus, deinde alterum attingemus. Viuendi ratio non solum uaria est ratione alimentorum, & potus, sed aëris etiam, animi accidentium, somni, & uigiliarum, euacuationum, & retentionum, motus & quietis, quæ quidem non minoris momenti sunt, quàm cibus & potus, atque ideo omnia sunt consideranda in præseruando huiusmodi ægroto. Cauebit igitur quantū fieri poterit omnes aëris excessus tam calidos, quàm frigidos, neque deambulabit, uel laborabit in sole, aut uentis, et maxime in Austro, non dormiet in locis subterraneis, aut humidis, aut in aëre, aut in lecto sine tegumento, aut nudus, ut fieri solet in caloribus. Fugiet iram, atq; animi tristitiā, atq; quemcunq; animi affectum, quoad poterit. Exercitiū corporis erit mane aut sero ante cēnam, neque defessus assumet alimentum, sed prius quiescet per spatium saltem semihoræ, neque, cū sit calidus propter exercitium, deponet uestes, aut se uento, uel aëri frigido exponet. A prandio uel cēna per quantū longius tempus fieri poterit, cauebit quemcunq; laborem animi & corporis, ita ut neque scribat, neque legat, nisi res fortasse iocosas, non multum

multum admodum laborando, & uellem, ut spatium hoc temporis esset ad minus horarum quatuor. Quod si per tantum temporis spatium nō poterit se abstinere ab aliquo motu corporis, uel animi, abstineat saltem quantum sibi licuerit. Non capiet somnum post cibum, & maxime à prandio, & à cœna, neque cubitum concedet, nisi duabus horis à cœna transactis, mane è lecto maturè surget, neque dabit sese somno nimis longo. Dabit operam, ut quotidie uenter fungatur officio suo, et quotiescunq; secus euenerit, supplendum erit per sex 3. huius iuris, sumpti mane per horam ante prandium. Quod quidē ius hoc infrascripto modo præparetur, & erit utile non solum ad lubricandum uentrem, uerum etiam ad contemperandum humores, & renum caliditatem.

R. Hordei mundi pugil. i.

Radicum Althææ num. iij.

Mercurialis m. i. Omnia hæc bulliāt in lib. i. iuris pulli, uel una cum dimidia, usque ad consumptionem dimidij, atque hoc iure utetur modo prædicto cum saccharo. Sed in primis cauebit à coitu à cibo, & si utatur, caueat modos non conuenientes, quemadmodum est diu propter delectationem semen detinere iam præparatū, iacere modo opposito, ut est sub & supra, atq; hæc omnia sunt circa coitum cōsideranda à iuuenibus, tanquāmaximè utilia in hoc casu. Coitus igitur erit temperatus, temperatus, inquam, nō solum in modis, et in horis usus, sed etiam in frequentia, quia meo quidem consilio debet esse admodum rarus, & semel in hebdomada. Circa cibum, abstinebit à pane non fermentato, & male cocto, atque ab ijs panibus, qui Bæilati dicuntur, & à
quoniam

quouis pane cocto sub cinere, et à quocunq; genere mixturæ ex farina, ut sunt eæ, quas Macarones appellant, aut id genus alia. A carnibus omnibus ueteribus abstinebit, ut est boum, & castratorum, & aliorum animalium: Animalia etiam palustria uitabit, ut sunt anseres, anates, pisces crassi, ut est id genus piscium, quod Tonnos appellant. Et sobriè reliquis piscibus utetur: Fugiat omnia genera lacticiniorum, & caseum quemcunque, tam recentem quàm ueterem: A cibo contineat se ab esu fructuum. Vel ante cibum uti poterit aliquibus ficibus bene maturis, optimo Melopepo ne, aut prunis iam rectè maturis, sed parcè de his sumendum est. Utetur recentibus ouis pro libito, decoctis aut in igne, aut in aqua. Varietatem ciborum maximè cauebit. Delectabitur uno tantum modo cibi, eoq; simplici, & ex tribus cibi partibus unius diei mane unam tantummodo sumet, sero autem duas. Ex oleribus nullum, præsertim crudum mihi probatur, sed suis tēporibus uti poterit Capparibus, Asparagis, & Lupulis. Vinum erit potiùs album, quàm nigrum, subtilium partium, neque potens, quod erit miscendum cum aqua non admodum frigida, sed recenter à fonte sumpta. Et hoc erit illi consuetum uti cibis, neq; admodum calidis, neque frigidis, sed temperatis. Et hæc satis sint, quantum ad uictus rationem pro præseruatione. Quantum ad medicamenta sciendum est, quòd 15. die Maij necessarium est ei, ut utatur ordinaria purgatione, quæ quidem fiet per modum infra scriptum. In primis laudo, ut ei secetur uena iecoraria ab eo latere, in quo plus sentit dolorem renalem, uel dextro, uel sinistro. Et cum indifferenter esset dolor in utroque latere,

re, anteponendum est dextrum. Sanguis extrahetur ab octo, usque ad decem ℥. Modus autem uitæ regiminisq; particularis erit huiusmodi. Per duos dies ante purgationem utetur recta uiuendi ratione, & potius tenui quàm crassa, tertio postea die ante prandium per dimidium horæ assumet ℥ x. floris Cassiæ. Et postridie, perfecta Cassiæ operatione circa horam tertiam diei sectio uenæ fiet modo superscripto. Quarto postea die incipiet uti infrascriptis syrupis.

R. Syrupi acetosi. s.

Mellis rosati

ana ℥ i.

Decoctionis infrascriptæ

℥ iiij.

R. Radicum Althææ

num. iiij. s.

Maluæ

Melonum

Anguriæ

Cucurbitæ

ana ℥ ij.

Capillorum Veneris

Comarum uirentium Fœniculi

ana M. i.

Bulliant omnia simul in lib. ij. aquæ Endiuæ, usque ad consumptionem dimidij, dein coletur, & exprimatur pro tribus uicibus, & sic perseueret usque ad 9. syru-
pos. Assumptis prædictis syrupis, postridie bibet tale
medicamentum.

R. Floris Cassiæ.

℥ vi.

Electuarij de succo rosarum

℥ ij.

Syrupi rosati solutini

℥ iiij.

Cum aqua Capillorum Veneris fiat potio danda in
aurora cum custodia. His peractis per octo, aut quindecim
cum

cim dies continuos, quod magis laudo, assumet singulo mane & sero, per horam ante cibum unciam dimidiam sacchari rosati. Quod quidem saccharum laudo, ut per totum anni decursum sibi fiat familiare, sæpius eò utens horis prædictis, quia pauciora experietur magis accommodata ad suam dispositionem remouendam. Factis huiusmodi purgationibus per mensem inunget renes infra scripto unguento.

R. Succi rosarum

Violarum

Plantaginis

ana ʒ i.

Olei rosati completi

ʒ i.

Ceræ albæ

ʒ ij.

Misce & fiat linimentum pro renibus. Et in primis post purgationem uictu utetur sobrio, & rationali, seruans quod supradictum est. Quòd si in Sicilia essent balnea ferrea, ut in Italia Lucæ, & Calderiana Veronæ, laudarem, ut in æstate circa dies caniculares per duos aut tres dies continuos ea quidem liberet, lauans etiam se intus secundum ordinem consuetum. Prætèrèa magis mihi probaretur, ut saltem bis in mense tres asumeret ex pillulis infra scriptis.

R. Rhabarbari electi

Aloës

Agarici

ana ʒ ij.

Rosarum

Myrobalanorum Citrinorum ana ʒ i.

Spicæ

Sem. Fœniculi

ana ʒ s.

Puluerizentur omnia per se, & misceantur, & cum muci=

mucilagine radicum Altheæ condita cum saccharo, fiat Magdaleon, de quo singulis vicibus fiant pillulæ tres, pondere 3 i, assumendi per horam ante cœnam, & hæc satis sint, quantum ad præseruationem. Tempore autem paroxysmi, si forte eueniret, (quod Deus nolit) quod primum agendum est: id est, quod si ei uomitus sit facilis, ita ut euomat cibum totum, tunc in stomacho exstentem, & quidquid exitum optaret, deinde aliquantisper eo subleuato à uomitu, laudo ut ei unus, uel duo, uel tres, uel quatuor clysteres imponantur, tantum temporis spatium inter unum & alium interponendo, quantum doloris magnitudo permittit.

R. Florum Chamæmeli

Foliorum Maluarum

ana M i.

Furfuris

M. ij.

Bulliant in sufficienti quantitate aquæ, ad consumptionem medietatis: deinde

R. Cassiam pro clysteribus

3 i. s.

Mellis uiolati

3 ij.

Olei communis

3 iiij.

Misce cum prædicta decoctione, & fiat clyster. In secundo clystero seruando prædictam decoctionem, imponentur huiusmodi electuaria.

R. Hieræ picræ

3 vij.

Mellis uiolati

3 ij.

Atque ita fiet in tertio, & quarto clystere, si opus erit. Atque hic notandum est, quod si prius corpus purgatum non est, aut per uomitum, aut per clysteres, aut per utranque uiam, quod multò melius esset, non est aliquo modo applicandum loco dolenti aliquod genus fomenti,

*fomentum pro
venibus.*
menti, neque panni calidi, neque unguenta, ut uulgo
fieri solet, nam id est augere dolorem, & reddere homi-
nem desperatum: sed factis purgationibus, tunc uti pote-
rit aliquo leui fomento, ut est Parietaria mortificata in
oleo: seu lini, aut in Manteca. Et hoc etiam fomentum
bonum est. Sumuntur farina, ex qua fit panis, ranzæ pu-
gilli circa duo, Sapæ cyathus unus magnus, & alius cya-
thus olei dulcissimi, & alius uini dulcis perfectè, atque
haec omnia bulliant leuiter miscendo usquequo redactū
est ad substantiam emplastri, non admodum sicci, sed
mollis, atque hoc inuoluatur in panno lineo, & ponatur
super locum dolentem, utile admodum ad dolorem remo-
uendum uel sedandum. Factis clysteribus, prouocatoque
uomitu, si dolor perseveraret: dabitur ei sero aut ma-
ne, (ut melius erit) aut etiam meridie, & circa mediam
noctem, (quia in huiusmodi casibus non expectatur tem-
pus,) medicamentum infra scriptum.

R. Floris Cassiæ

3 vi.

Specierum Hieræ.s.

3 ij.

Misce, et fiat bolus cum saccharo, assumendus in par-
uis bolis, & statim assumet cyathum iuris, in quo deco-
cta sint oleum, Malua, & hordeum. Et, si post medica-
mentum dolor perdurat, potabit octo uel decem 3 olei
Amygdalini, cuius dimidium factum sit ex Amygdalis dul-
cibus, dimidium uerò ex amaris. Et cibus non uescetur,
neque bibet post assumptum oleum per spatium horarum
septem. Quod si & post hoc remedium dolor persiste-
ret, assumet mane & sero per tres horas ante cibum in-
fra scriptam decoctionem.

Sumantur 3 xij. iuris pulli, in quo ebulliant radices duæ
Althææ

Altheæ, pugillus foliorum *Maluæ*, Grana *Alkekengi* num. x. Grana xx. *Cicerum nigrorum* 3 s. *Cinnamomi* non confusi, sed diuisi in partes: atque hæc omnia bulliant simul usque ad consumptionem dimidij, et coletur. Atque in hac colatura 3 i. Mantecæ 3 i. recentis olei, aut si quis Mantecam abhorret 3 i. olei *Amygdalini* recentis, & 3 i. sacchari perfecti ponantur, atq; ita utatur hac calida potione. Per totum tempus laudo sobrietatem in uictu, ut est panatella, iuscula hordeacea ex iure pulli, & potus aquæ hordeacæ cum saccharo, qui quidem potus nunquam debet esse in toto hoc tempore frigidus. Utatur etiam clysteribus singulis diebus, sed non eius generis prædicti: sed solum utens prædicta decoctione, addet 3 iij. olei *Chamæmelini*, ij. olei rosati completi, & uitellos 2. ouorum. Et hæc sunt, quæ pertinent ad tempus paroxysmi.

Consult. xxiiii. Pro quodam, qui passus est vulnus in tertia vertebra, & priuationem subitam sensus & motus in brachio sinistro, nunc verò mouet quidem illud membrum, sed diminutè, ut etiam crus, sed multò magis crus læsum est in motu.

HABEMVS ægrotum hunc præ manibus curandū, qui nonnulla patitur symptomata, sensui admodum manifesta. Patitur enim uulnus in tertia uertebra, nec nō passus est priuationem subitam sensus, & motus in brachio sinistro, licet nunc moueatur quidem, sed non ita extensiuè, neque ita liberè, quemadmodum prius erat solitus mouere. In curando huiusmodi uiro duo sunt à

F

nobis

nobis facienda: alterum est, quod essentia horum affectuum est à nobis cognoscenda exquisitè, alterum est, quod ad curationem eorum est à nobis accedendum. In cognoscenda essentia horum accidentium, duo sunt à nobis inspicienda, affectus. s. & locus affectus, de quibus maxima apud me est difficultas. Videndum est igitur, in quonam loco sit primogenio affectus. Certum est, quod locus læsus primogenio affectu non est spinalis medulla propter tres rationes, nam primò uulnus abest ab eo loco per duos digitos, deinde uulnus non penetravit, sed per obliquum in superficie uersus latus sinistrum decubuit: postremò hic locus non est læsus propterea quod ab eo ad crura nerui non proueniunt, sed ad brachia: neque enim usq; ad xx. uertebam oriuntur nerui, qui ad partes inferiores deueniunt. Quare relinquitur, non esse læsam spinalem medullam, sed propter illud uulnus dicendum est collectam fuisse multam materiam in loco affecto, quæ postea per uertebras lumborum uertebris, & ossi sacro communicata fuit in causa, ut nerui orientes ibi, atq; ad infimas partes accedentes, impedirentur: quò minùs uirtus animalis ad ipsa crura deferretur. Quare uerò non sint læsa brachia, cum nerui læsi sint ad ea uenientes, dicendum est, id euenisse, quia uulnus fuit in superficie factum, & per obliquum, ita, ut & nerui, & ipsorum principium parum aut nihil prorsus sit affectum. Hæc dicta sint de loco affecto. Affectus est spasma, non uera contractio, quoniam non est symptoma uehemens, & est contractio propter humiditatem imbibitam in ipsis ligamentis uulneris ratione. Vera autem paralyssis non est, licet à principio ita fieri potuerit. Illa uerò

uerò macies in crure, est propter repletionē uenarum: & suffocationem fermē caloris naturalis illius partis. Curabitur, si prius exquisitē corpus euacuetur. Vnde à missione sanguinis nō admodum abhorrerem. Quantum pertinet ad aquas Anconitanas, nil potest præstantius inueniri, nam per os exhibitæ resoluent eas materias, à quibus motus, & sensus impeditur, euacuabunt & aperient illas obstructiones, à quibus prohibetur illius membri nutritio. Natationes uerò in ijs tantisper sunt concedendæ, quousq; uis cruris & crus ipsum alioqui maciatum non resoluatur.

Consult. xxv. Pro quodam patiente deprauatam visionem, stuporem & dolores articulares, & tubercula in pectore.

BREVIS ero, uiri præstantissimi, multis de causis, quas minimē in præsentia recensebo, eiusdem breuitatis causa, seu gratia. Tria (ut potui ex uestris uerbis colligere) magnificus iste uir patitur symptomata. Alterum est, quòd deprauatē uidet, & imagines quasdam sibi uidetur assidue perspicere. Alterum uerò est stupor in brachio, ac in nonnullis alijs partibus, itemq; dolores articulares. Tertium uerò, tubercula quædam sunt in pectore, ac prope clauiculam. Vt igitur rectē in hoc nostro discursu procedamus, cognoscenda à nobis est natura horum symptomatum. Natura autem accidentium sunt ipsæ causæ. Causæ autem uel sunt extrinsecæ, uel intrinsecæ. Causæ igitur tum extrinsecæ, tum intrinsecæ à nobis cognoscendæ sunt, si curationem rectē adhibere uelimus. Verum, cum causæ uariē agant pro di-

F 2 uersitate

temperatura
cognitio et
signos suphu

factis nism
tentur.

temperatura
cordis et he-
patis huius
temperatura
sequitur.

uer sit iste temperaturarum, ea de causa in primis à nobis
cognoscenda istius magnifici uiri naturalis temperatu-
ra est, ut, quantus in ea lapsus sit, rectè perspicere pos-
simus. Temperatura autè à nobis noscetur per ea, quæ
apparent, huiusmodi autem sunt signa. Signa uerò su-
mentur uel ab actionibus, uel à passionibus. Ab utrisq;
igitur istius temperaturæ à nobis signa sumentur. In
primis autem ab actionibus naturalibus. Actiones natu-
rales sunt duplices, generatiuæ. s. & nutritiuæ. Actio-
nes generatiuæ facultatis, quæ fuerunt à principio ge-
nerationis, semper nobiscum manent, nutritiuæ uerò
actiones immutantur. Quoniā uerò ex sententia Galeni,
& secundum etiam rationem, temperaturam cordis &
hepatis sequitur totius temperatura, ea de causa horum
membrorum perspicenda à nobis est temperatura, quæ
quidem meo iudicio à principio generationis fuerunt
calida, & humida, licet nonnihil in præsentia sint immu-
tata. Id uerò in ipso hepate declarat latitudo uenarum,
pilorum flauities, pili circa hypochondria, & totus ha-
bitus corporis, uergens ad rubedinem & caliditatem
atque humiditatem quandam. Talem præterea in cor-
de temperaturam declarat irascentia, & facilis placæ-
bilitas, pulsus magnus & frequens, pili circa pectus, &
id genus alia. Quod cum ita sit, patet & totum corpus
fuisse calidum & humidum. Verum his declaratis, deue-
niamus ad causas horum symptomatum. Cum itaque ta-
lis fuerit huius uiri temperatura, facile potuit in hæc
symptomata deuenire. Primum autem, ob causas extrin-
secas, ob aërem. s. ob inordinatam in cibo & potu secun-
dum quantitatem, qualitatemq; rationem, ob nimium
somnia,

Somnum, ob otium, ob abstinentiã Veneris, itemq; ob nimiam animi molliem. Ab his itaque causis extrinsecis congregata fuit causa intrinseca horum symptomatum. Ob ea enim quæ enumerauimus, distemperatus fuit uentriculus, ipsumq; cerebrum, ex quo multa materia pituitosa & cruda fuit in hoc corpore collecta, quæ per uenas ad uarias corporis partes delata illa symptomata, quæ audiistis, effecit. Primum delata ista materia ad cerebrum, deinde ad oculos, conturbauit spiritus, qui per neruos ad oculos deferuntur: & conturbatio spirituum fuit in causa, quare illud symptoma in oculo fieret. Deinde rursus delata ad uentriculum, sustulit appetitum, in uarijs corporis partibus effecit stuporem, & dolorem in articulis, & deniq; illa tubercula in pectore, quæ audistis. Hæ sunt horum symptomatum causæ: reliquum est, ut ad curationem deueniamus, si primum illud à nobis erit dictum, facile sublata causa, & tubercula & stuporem sublaturum iri: illud uero symptoma in oculo, non ita facile curabitur, quoniam dubito, ne per essentiam illud symptoma in eo oculo reperiatur, ob temporis diuturnitatē. Primum itaq; secarem uenam, quoniam & materia multa est, & uirtus efficax. Deinde concocta materia, cum syrupis de Endiuiā, & Boragine euacuarem. Postea darem stillicidium balneorum, & aquam in potu. Verum ante hæc omnia instituere oportet rectam uiuendi rationem, qui sit attenuans, quoniam nunc hæc temperies est per frigidum & humidum excedens. Victus autem attenuans est calidus & siccus: potus tenuis & uinum pauciferum. Deinde regere illum oportet in alijs quinq; rebus non naturalibus, ita, ut cor-

pus istud distemperatum ad temperiem reducatur.

Consult. xxvi. Pro quodam patiente læsionem actionum naturalium, sicut est urinae stillicidium, ardorq; , tumefactio pedis : & animalium, sicuti est dolor in aliqua parte, stupor, & motus priuatio.

ACTIONES læsæ ea sunt, quæ ducunt nos in cognitionem morbi, quandoquidem morbus nihil aliud sit, nisi affectio primò lædens operationes. Habemus igitur in hoc præstanti uiro actiones læsas, & naturales & animales. Naturalium altera actio læsa est in pede, quæ pars non potest attrahere, concoquereq; alimentum ob affluxum illius materiae, altera actio læsa est in ipsa urina, in qua pituita, & crassa quædam sedimenta apparent. Altera est ardor in emittenda urina, & ipsius stillicidium, operationum autem animalium est, & dolor in aliqua parte, et priuatio motus, stuporq;. Cum itaq; hæ sint operationes læsæ, necesse est, ut sit morbus, à quo primò in hoc corpore læduntur hæ operationes. Morbus autem probè à nobis noscitur, si causæ ipsius tum intrinscæ tum extrinscæ cognoscentur. Causæ extrinscæ in unum omnes conueniunt in generando morbo, aër enim primò frigidus & humidus, mala in cibo & potu uiuendi ratio, otium præter rationem, & exercitium, nimia Venus, mollities, somnus nimius fuêrunt in causa, quare hepar & cor fuerint distemperata per frigidum & humidū: alioqui illa membra erant naturaliter calida & humida: & ex consequenti totum corpus: quod ex latitudine uenarum, ex colore rubeo, ex pilis

*morbi cogni-
tio*

ex pilis non crispis, nec nigris, ex morum suauitate, &
 id genus alijs intelligi potest. Hæ igitur fuērunt cause
 extrinsecæ (atque adhæc, argentum uiuum, frigidum &
 humidum in quarto gradu, à Galeno uenenum existima- *Nota d'argenti uiui.*
 tum) propter quas istius magnifici uiri temperatura na-
 turaliter calida, & humida deflexerit ad frigiditatem
 & humiditatem, et talem intemperiem, quæ est causa
 intrinseca. Vnde reddita duo in primis membra frigida
 & humida, hepar. s. & uenter, fuērunt in causa,
 quare generata sit pituita, quæ delata ad uarias partes,
 fecit illa symptomata quæ recensuimus. Primum in pede
 fecit illam tumefactionem talis humor, qui quidem hu-
 mor pituitosus in ea parte est, non per essentiam, sed per
 consensum à uentriculo & hepate. Deinde urinæ mix-
 tus, reddidit eam albam, crassamq; ut apparet. Hic idem
 humor, mixtus urinæ in uestica, et delatus ad penem,
 crassior quàm par est, existens, fuit in causa, quare uri-
 na per stillicidium demitteretur. Ardoris uero urinæ po *urine ardoris*
 test esse duplex causa, uel exiccatio illarum glandula- *ca.*
 rum, facta per Venerem, uel admixtio bilis ipsi pitui-
 tæ, quæ sua acrimonia illum effecit ardorem. Motus etiã
 in aliqua parte priuatio, & dolor, & stupor fit pro-
 pter eandem materiam ad eas partes delatam, quæ qui-
 dem efficit, ut non rectè eæ partes moueantur, & sen-
 tiant, & ut exulceratæ nonnihil, uel compressæ per eam
 materiam dolorem inducant. Hæc de causis horum sym-
 ptomatum sint à nobis dicta. An uero possit sanari, ego
 existimo, facile posse causas intrinsecas remoueri, dum-
 modo abstineat sese à causis illis extrinsecis. Curandum
 igitur hunc esse puto, per hanc rationem. Primum est

alterandus, & uenter, ac hepar per calidum & siccum. Sed ante quàm id fiat, oportet corpus euacuare. Euacuabitur autem per uenæ sectionem, basilicæ, aut mediæ. Deinde dandi tres sunt syruipi, qui concoquant materiam, quibus assumptis euacuanda est materia uel per confectionem Hamech, uel per aliquid huiusmodi. Et reiterata euacuatione, ego postea curarem, ut uenter, heparq; ad pristinam temperiem reducerentur. Id autem optimè fieri poterit per aquam ipsorum balneorum.

Consult. xxvii. Pro quodam patiente calorem in pedibus, & stuporem, dolorem dorsi, urinae obstructionem, & impedimentum in eiaculario semine, atque etiam in expandenda manu, si clausa est, & claudenda si expansa.

EST Galeni sententia, in libris de locis affectis, quòd, ut plurimum coniectura quadam (quæ sæpe fallax est) ducitur Medicus in morborum cognitionem. Quod, si unquàm accidit, id perfectò euenit in hoc magnifico Viro, qui uaria symptomata, et inter se contradicentia ferme patitur. Primum symptoma est calor in cruribus, cum se cooperuit, ingens, et stupor in pede, dolor dorsi, & cum procumbit, melius in eo dolore se habet, quàm cum erectus stat. Nulla seminis eiaculario, atque urinae obstructio, quæ emitti non potest, quousq; testes non fuerint contrectati, atque etiam penis. Præterea patitur etiam aliud symptoma, nam mane cum surgit si manus est expansa, nequit claudere, nisi alterius subsidio. Si clausa est, nequit aperire. Quæ cum ita sint, primum à nobis

in nobis cognoscenda est huius magnifici uiri naturalis temperatura, & quantus lapsus præsens sit. Deinde causas & extrinsecas & intrinsecas horum symptomatum perspicere oportet, ac particularem uniuscuiusque, ac demum ad curationem deuenire. Quantum igitur pertinet ad naturalem huius uiri temperiem, crediderim ego excessum in hoc corpore fuisse caliditatis. Primum enim si habitum corporis considero, & præsertim musculos, apparet, quam sint robusti, sine ulla pinguedine, & quam solida sit carnis substantia, deinde latitudo uenarum, proceritas corporis, latitudo thoracis, bellicositas, audacia, caliditatem attestantur. Neque est, quod quidquam prohibeat nos, ut id credamus, præsertim color, qui non id attestatur, et flauities nulla pilorum.

Ut enim dicebat Galenus in libris de temperaturis, color et pili mutantur ab æris temperie, cum tamen alioqui temperatura sit diuersa. Cum igitur talis sit temperies huius uiri, & si nihil non propter temperaturæ fortitudinem potuerit efficere superioribus temporibus, tamen accedente senio (agit enim 55. annum) succubuit temperatura, & uicta est à rebus non naturalibus tandem. Primum enim ab aëre mirum in modum frigido, deinde à pessima uiuendi ratione secundum quantitatem & qualitatem, à somno et uigilijs, à nimijs exercitijs, & laboribus, et angoribus, & curis animi, & deniq; ab omni genere peccati in sex rebus non naturalibus. Quæ cum ita sint, quid mirum est, si naturalis temperies huius uiri, alioqui bona, sit immutata, & primum hepar sit factum seipso frigidius & uentriculus, cor, ac deniq; uniuersum corpus? Qua facta intemperie in illis partibus,

color & pili
ab æris
temperie mu-
tantur?

partibus, sequuta sunt illam symptomata quæ audiuitis. Haftenus causas & extrinsecas & intrinsecas diximus horum symptomatū. Videamus nunc, quomodo sequuta sint hæc symptomata illam intemperiem. Primum, propter intemperiem frigidam uentriculi & hepatis, cum non potuerit generari bonus sanguis, abundauit multa pituita, quæ postea præcipua fuit causa horum symptomatum.illum sane calorem in pedibus, ex eo arbitror prouenire, quod, cum passus sit aliàs erisypelata in ijs partibus, et nunc, cum admodum cooperiantur, excitatur ille calor. Ille autem stupor factus est propter pituitam eò dilatan, quæ quidem etiam pituita delata ad uasa seminaria & colatoria seminis, atque urinæ, fecit obstructionem, at non possit semen emittere. Quare uerò ob titillationem testium & penis urina emittatur, dicendum est, quod spiritus excitantur ob illam titillationem, qui calidi aperiunt sibi uias, & uirtus expultrix propter eas uias factas à spiritibus facilius postea expellit urinam. Manus uerò clausa, quod non possit aperiri, & contra, hinc factū esse existimo, quod, cum deferantur uapores ad eas partes crudi, qui cum non possint rectè resolui, faciunt ea symptomata: opprimunt enim musculos, ne possint fungi officio suo. De dolore uerò dorsi, ego crediderim esse calculum in renibus satis insignem, ob labores perpeffos, & ob uim doloris, & quia causa efficiens fuit calor. s. & materialis, pituita nempe. Oportet igitur, ut uenter & hepar alterentur per calida & sicca. Sed ante id secetur uena basilica, & extrahantur 3 x. sanguinis, quoniam est uirtus fortis, & abundantia multa. Deinde per syropos Cichorij disponenda,

disponenda, & concoquenda est materia, quæ per Colocynthida uel per Hamech est euacuanda semel, & bis, instituto attenuante uictu, & postea reducendus est uenter, heparq; (si fieri potest) ad temperiem: id autem fiet per balnea.

Consult. x x v i i i. (seu potius animaduersione quædam) qua fluxionum omnium nomina, causæ, & signa ostenduntur.

SUPPONAMVS fluxum uentris, (ut alias ostendimus) esse actionem læsam facultatis expulsiuæ intesti-
norum. Vel igitur huiusmodi læsio primogenio affectu
inerit intestinis, uel aliunde communicabitur, si aliunde
communicatur, uel ad ipsa non transmittitur, quod trās-
mitti debet, uel defertur, quod deferri non debet. Di-
cimus nō transmitti quod est transmittendum, quoniam
facultas motiua à cerebro descendens, aliqua occasione
intercipitur, ita ut inde muscoli in recto intestino exi-
stentes resoluantur, & inde continuo, præter uolun-
tatem excrementa egerantur, sicut contingit in epilep-
siis, apoplexijs, & in aliqua interdum paralyfi. Hoc
fluxus genus, sub symptomatis sensu contentum, nomi-
ne carens, tanquam quæ semper à sua causa pendeat, et
eius curatione tollatur. Defertur autem, quod deferri
non debet, uel à causa extrinseca, ut à cibis, uel qua-
litate uel quantitate, uel ordine, uel tempore sumendi
excedentibus, aut ratione medicinæ nimium effrenis,
uiolenter attrahentis humiditates, & mordicantis, aut
ratione ueneni assumpti colligantis, & putrefacientis.
Quodlibet horum ex proprijs accidentibus, & ex his-
storia

storia relata per egros, uel assidentes dignoscitur, uel
 fiet à causa intrinseca, & tunc uel motus huius causæ
 erit naturalis, uel præter naturam. Si naturalis, cri-
 ticus hic fluxus dicitur, consequiturq; ægritudines,
 nullo plerunque remedio indigens, si erit præter natu-
 ram quod fertur, uel erit sanguis, & hic uel ab hepate
 transmittetur ad intestina ob alterantis potentie imbec-
 cillitatem, atque hæc imbecillitas à duplici causa fieri
 potest, à caliditate. s. & frigiditate. Si à caliditate fiat
 hæc imbecillitas, sanguis effluens erit crassus, nigerq;
 si uero fuerit ob frigiditatem, erit sanguis tenuis, ablu-
 tioni carnis recenter mactatæ similis, appellabiturq;
 hic fluxus hepaticus: uel ab omnibus uenis deferetur ob
 mutilationem alicuius membri, aut retentionem hæ-
 morrhoidarum, aut menstruorum, aut fluxionis san-
 guinis, uariisq; erit sanguis defluens ruber, & natu-
 ralis. Est autem uterq; horum defluxuum sine dolore,
 atq; hic ultimus à Galeno cruenta dysenteria uocatur.
 At, si, quod defluit bilis fuerit cū alijs quāplurimis humi-
 ditatibus i extraneas qualitates à putrefactione immuta-
 tis, appellari solet hic fluxus nomine generis diarrhœa,
 cuius notæ sunt egestio biliosa cum prædicta humorum
 diuersitate, dolor nunquam in eodem loco persistens, sed
 omnia intestina modò hic, modò illic ueluti lacerans,
 ac diuellens: multitudo excrementorum cum foetore,
 totiusq; corporis repentina extenuatio. Vel erit, quod
 defertur pituita, quæ uel à stomacho, uel à cerebro de-
 scendit: & hæc uel acida uel salsa, uel insipida, quæ à
 cerebro descendit cognoscitur per signa destillationis
 aut catarrho, appellaturq; hic fluxus à recentioribus
 cerebræ

Sanguinis fluxus
 uulgaris

Diarrhœa
 fluxus

Pituitæ fluxus

cerebralis. Si uero à stomacho fit, discernetur per im-
 potentiam, per nauseam, per paucitatem sitis, dice-
 turq; hic fluxus stomachalis. Si pituita erit acida, dolor
 erit moderatus, iuuabiturq; uenter à calidis. Si insipi-
 da, nullus omnino dolor infestabit. Si salsa, dolor erit ue-
 hemens, & sitis, quandoq; febris, & abrasio intestino-
 rum, quam ferè semper dysenteria subsequitur. At si
 quod defertur, nigrum fuerit, uel erit succus melanchol-
 icus purus, non assatus, qui ob imbecillitatem splenis de-
 iicitur, appellaturq; hic fluxus splenicus, uel (ut isti di-
 cunt) spleneticus. Vel erit atra bilis genita, propter suc-
 ci melancholici, uel bilis flauæ assationem, à qua in eo-
 dem die plerumque fit læthalis dysenteria, cancriq; in-
 testinorum. At si fluxus uentris fuerit primogenio affe-
 ctu, uel erit ob malam intestinorum intemperiem, & flu-
 xus iste stercorosus uocatur; neque enim excrementa re-
 tinentur ob intestinorum imbecillitatem, sed crebrò e-
 geruntur. Notæ huius fluxus sunt liquida, ac non admo-
 dum fœtida excrementa, sub tamen forma stercoris, pi-
 tuitæ commixta, modicus uentris dolor, excitatio ad
 egestionem interdum frequentius quàm noctu, ac præci-
 pue sumpto cibo. Quod si talis mala complexio, non inte-
 stina tantum, sed etiam uentrem obtineat, fluxus iste li-
 enteria, & quandoq; coeliacus nuncupatur, qui maxime
 indicatur, quoniam cibus sumptus statim egeretur, pa-
 rum aut nihil immutatus. Vel uitium erit in compositio-
 ne, & tunc uel obstructæ erunt uenæ Mesenterij, & in-
 de generatur fluxus, quem chylosum uocant, quem indi-
 cabit chylus, cum fæce liquida egestus, nullius aut pauci
 admodum fœtoris particeps. Vel erit ob cicatricem, à
 dysen-

*Stomachalis
fluxus.*

niger fluxus.

stercorosus

*lientericus.
& coeliacus.*

chylosum

hinc mori
Nota d' alia
 dysenteria in uentriculo aut intestinis relictam, euenitque inde alia species lienteriae, de qua loquitur Paulus. Vel erit solutio continui. i. ulcera in intestinis, et haec uel in quinque superioribus, appellaturque hic fluxus communi nomine dysenteria, quam acerrimus intestinorum, continuusque subsequitur dolor, egestionisque cruenta ac saniosa. Vel intestino ultimo, quod rectum uocant, et est tenasmus, qui cognoscitur ab inani et ingenti egerendi desiderio, doloreque acerbissimo, sedis loca torquente. Notandum, apud antiquos coeliacum affectum quandoque sumi pro lienteria, et cum illa confundi, quandoque pro eo fluxu, quem nos diarrhoeam diximus appellari, et hoc est necessarium uobis aduertere, ut remedia distinguere sciatis ad coeliacos, ab antiquis descripta, quae quandoque uidentur opposita, ac reuera ita sunt. Nec mirum, quoniam et coeliaci affectus nomen equiuocum est, et ad dispositiones contrarias. et haec de fluxibus dicta sufficiant.

Consult. xxi. Pro quodam patiente ophthalmiam. *et alias Tunculo inflammationes.*

Cum simus pertractaturi de eo affectu, quo laborat magnificus hic adolescens, et qui à Græcis Ophthalmia appellatur, tria sunt à nobis quam breuissime agenda. In primis sunt declaranda ea accidentia, quae in hoc adolescente apparent: deinde huius affectus essentia per proprias causas est inuestiganda, postremo de curatione ipsa breuissimis uerbis est agendum. Quantum pertinet ad primam partem, apparet in primis in hoc adolescente inflammatio illius oculi tunicae, quae coniunctiua nominatur,

minatur, deinde non solum in ea parte est inflammatio, uerum etiam in palpebris, quæ inflammatio dicitur à Græcis echinophthalmia. Postremò, quandoque etiam apparuit inflammatio in cornea tunica, quæ à Græcis dicitur chymosis, à Latinis autem suffusio. Hoc autem proprium fuit huic adolescenti, quod nunquam uidendi facultate in hisce inflammationibus priuatus est, nisi quandoque, licet leuiter, in ipsa suffusione. Hæc sunt quæ in hoc adolescente apparent. Quantum uerò pertinet ad secundam partem, certum est, quod cum affectus hic sit inflammatio, inflammatio autem fiat per defluxum humoris à prædominio calidi, certum est (inquam, in hac inflammatione esse defluxum. Antequam autem ad defluxum declarandum accedamus, sciendum est, inflammationē, in quacunque parte corporis sit, eiusdem semper esse naturæ, uariari tamen ipsius nomen secundum loca, in quibus inuenitur, ut patet in ophthalmia. Adhæc notari debet, inflammationem semper fieri ab humore calido, uel sanguineo, uel sanguine bili admixto, licet secus opinatus sit Auicenna, qui ab humoribus etiam frigidis uoluit fieri posse inflammationem. Ego autem puto, defluxum talium humorum non posse generare inflammationem, sed alium tumorem præter naturam. Cum igitur ophthalmia sit inflammatio meritò fiet ab humore calido. Iam demonstrauius ophthalmiam fieri per defluxum. In omni autem defluxu quatuor necessario sunt, humor, locus, seu pars à qua transmittitur ille humor, membrum in quo talis humor recipitur, & uia, per quos talis humor transmittitur. Consideremus quatuor hæc in hoc adolescente, quibus si adiunctæ erunt causæ, abunde cognosce-

inflammatio
ab humore
frigido fieri
contra Auic.

gnosceamus naturam huius affectus, atque essentiam. Humor in hoc adolescente est sanguineus et calidus, admixtus etiam bili crassa, ac cæteris humoribus, à prædominio tamen calidus, & sanguineus: id autem testatur & color loci affecti, nempe rubeus, et levis dolor, & multus humor ipsorum oculorum, qui quidem sanguinem ipsum declarat. Præterea & curatio, ut utar ratione Hippocratis, id ipsum declarat, nam missio sanguinis maximè illi confert, neq; per aliam uiam, quando primò inuasit, sublatus est, quàm per sanguinis missionem: signum est igitur, causam huius defluxus esse humorem calidum & sanguineum, id etiam testatur temperatura calida, de qua postea loquemur. Membrum mandans hepar est, cum in eo sanguis generetur, à quo transmittitur humor peccans: hoc enim membrum in hoc adolescente calidum est, quod & ex pilis nigris & ex colore subnigro declaratur, et ideo generat plurimum sanguinis calidi & feruentis: quale enim membrum est, talis est humor qui ab eo generatur. Quantum uerò attinet ad qualitates passiuas, puto hepar esse temperatū. Quam ob rem ij, qui tali præditi sunt temperatura, ex sententia Galeni in secundo libro de temperaturis, carnosissimi sunt, et generant plurimum sanguinis calidi. Cum igitur talis sit temperatura, non est mirum si talem sanguinem generet, qui calidus cum sit tendit ad partes supernas: calidi enim proprium est, sursum ferri, et ideo uera erysipelata ex subtili sanguine, uel bili subtili admixto fiunt in partibus supernis, nam in infernis partibus fiunt tantum spuria erysipelata. Cum autem sanguis hic feruidus sit, non omnino aptus est ad nutritionem, humor enim

enim dulcis & mitis optimè nutrit, & ideo expellitur quod reliquum est ex nutrimento huius sanguinis à uirtute expultrice (quæ fortis est in hoc corpore, cum calidum sit, et meatus ampli) ad ipsum cerebrum: cerebrum uero per accidens & secundario ad partes imbecillas transmittit. Cum enim redundat recrementum aliquod, semper deuenit ad partem imbeciliorem. Membrum uero recipiens ipse oculus est, qui debilis est, et præsertim ipsius tunica coniunctiua, et palpebræ. Ad has enim partes à uenis iugularibus intrinsecis capitis deueniunt uenæ deferentes sanguinem. inflammatio enim fit, cum sanguis ex amplioribus uenis in strictiores, et tandem in aliquam partem extra uenas decumbit: ubi putrescens, efficit inflammationem, atque hæc causa est, quare in humoribus non fiat inflammatio, et cæteris partibus, cum ad eas uenæ nō pertingant: pertingunt autem ad coniunctiuam & palpebras. Oculus autem debilis est, propter insitam tum malam compositionem, tum temperiem. Vergit autem ista inflammatio magis ad oculum sinistram, quoniam pars sinistra naturaliter dextra debilior est. Viæ uero, per quas defertur hic humor sunt uenæ, quas iugulares appellant, quæ disseminantur postea in coniunctiuam, et palpebras. Ita igitur dictum est à nobis de omnibus rebus, quæ in omni defluxu sunt. Aduertendum autem est in hoc adolescente caput esse calidum et humidum. His declaratis, considerandæ sunt ipsæ causæ, quæ uel intrinsecæ sunt, uel extrinsecæ. Intrinsecæ sunt, sanguinis calidi multitudo, ab hepate calido dependens, quæ tendens ad cerebrum, & oculum facit hanc inflammationem, quod etiam ex curatione,

G quæ

quæ per uenæ sectionem sæpe facta est, declaratur, Extrinsecæ causæ sunt mala uiuendi ratio, coitus, nimium exercitium, & id genus alia. Explicata iam essentia & cognita huius affectus, est deueniendum ad ipsam curationem. Curatio autem ipsa haud simplex est: uel enim debetur morbo facto, uel futuro. Quantum pertinet ad morbum factum, cura est manifesta, cum is tollatur per sanguinis missionem. Quantum attinet ad præseruationem, utendum est in primis recta uiuendi ratione, ut cibus, qui refrigerent, et non augeant sanguinem, ut ptisana est. Vinum sit tenue, et aquosum, ita enim refrigerabit corpus & deriuabit humorem ad caput tendentem. Vterer etiam aqua, per quam sanata fuit ipsius soror, nisi debilitate uentriculum afficeret, & nimis in hypochondrijs hæreret. Utatur etiam moderato exercitio. Verùm hæc non sufficient, nisi interdum utatur aliquo medicamento corpus ipsum expurgante, et diuertente materiam ad caput tendentem: & ideo, Cassia cum Hiera, uel Rha barbarum cum Hiera mihi summopere probatur, expurgat enim humorem ad caput tendentem, Myrobalani etiam, Chebuli dicti, secundum omnem modum administrationis mane & sero conueniunt, uerùm neque hæc sufficient. Cum enim sanguis perpetuò generetur in maiori copia, et calidior quàm conueniat, aderit continuò causa ophthalmiæ, unde sequetur morbus, et ideo intentio nostra in hac cura maximè est dirigenda ad tollendum hunc humorem, nam de partibus non est cura habenda. Supponatur autem in primis, renes esse horizontem desinientem partes supernas à partibus infernis, deinde sciendum est,

est, quod diuersio uel simplex est, uel composita, si materia fluxura est, fit diuersio simplex, quoniam morbus non est, neque est euacuanda materia à loco læso, atque hæc diuersio fit per locum remotissimum secundum rectitudinem. Si uerò est, & causa, et morbus, tunc diuersio erit composita, et eligemus medium locum, per quem & causam tollamus, morbumque ipsum, uel materiam, actu morbum facientem. Quod si materia tantum est in loco, neque amplius fluat, tunc est facienda deriuatio per locum propinquum. In hoc adolescente, cum non sit amplius ophthalmia, sed egeat tantum præseruatione, eligemus locum remotissimum, hoc autem crus est sinistrum, si sit ophthalmia in oculo sinistro, hæc enim pars remotissima est, cum sit sub renibus, & secundum lineam rectam: & ideo in hac parte fiat cauterium, postea uerò aliud erit efficiendum in brachio, si urgebit res. Quod si actu esset ophthalmia, tunc cauterium in nucha erit efficiendum, cucurbitulæ in collo applicandæ, & sub auribus affigendæ, ita enim à loco læso materia euacuabitur. Et hæc dicta sint de ophthalmia.

Compositio ad vermes.

℞. Gentianæ

Centaurei minoris

Aloës

Agarici ana

3 ij.

Caryophyllorum

Nigellæ

Costi

Sem. Santonici

G

z

Anisi

Anisi

Scordij ana

3 i. s.

Cornu cerui usti

Rosarum rubearum

Sem. Acetosæ

Margaritarum ana 3 i. Puluerizentur omnia per se subtiliter, deinde misceantur, postea inspergantur succo Limonum admixto cum acerrimo aceto & aqua rosacea æquis portionibus, et permittantur exiccari, & hoc iteretur septies. Vltimò adde Croci 3 s. Musci, Ambra ana gra. x. & cū syrupo de corticibus Citri fiat Magdaleon, et tutò dari potest à 3 i. usque ad duas, & potest fieri pauca dosis, et multa, prout libuerit, si uoletis, in officina conseruari potest, et confici pillulæ, uel in bolo exhiberi, cum modico mellis rosati, uel puluerizetur, & cum aqua Cardui benedicti potest sumi, prout magis agro satisfiet.

Consult. xxx. Pro quadam muliere patiente diuturnum capitis dolorem: & quodam viro patiente stomachi imbecillitatem.

Sic. B. Ligni sancti abradi lib. i.

Corticis eiusdem ligni 3 s.

Aquæ claræ fontis lib. xvij. Misceantur omnia in uase terreo, ad usum adhuc nō accomodato, sed prius humefacto, capace prædictæ aquæ quantitatis, atque stent in infusione per horas 24. sæpe illa miscendo. Ap- plicetur deinde uas hoc igni claro, non uiolento, fiatq; decoctio usq; consumptionem tertiæ partis ipsius aquæ, quo facto ponantur in eo decocto huiusmodi herbæ, bul- liantq;

liantq; usquequo molles, tener.eq; reddantur. Pro uira
hæ sint herbæ, Betonica, Serpillum, Mentha, Borago.
Pro muliere autem Betonica, Fumus terræ, Perforata,
Borago, accipiatuŕq; singulorum ana pugil. i. Deinde
℞. Vini albi maturi, non in excessu potentis lib. iij.
prædicti ligni 3 iij. Misceantur, & stent per aliquod
tempus in infusione sine alia decoctione. Facta postea
decoctione ligni ex aqua, atque ab igne semota, proij-
ciatur supra eam uinum unà cum ligno prædicto, coope-
riaturq; uas usquequo refrigeretur decoctum, factaq;
diligenti colatura, reponatur decoctum in uase uitreo
bene obturato. Dum fit decoctio, spuma conseruetur,
utilis ad capitis dolorem. Modus autem usus huius de-
cocti talis erit. Mane per horam ante diem assumat hu-
ius decocti seu syrupi calidi 3 vi. quiescatq; postea per
horas 4. interea, si sudor proueniret, dabitur opera ut
exiccetur, et non refrigeretur. Post quietem assumet
alimentum, serò pariter hora 23. potabit eandem uini
quantitatem, quiescatq; in lecto usque ad secundam uel
tertiam noctis horam, quo quidem tempore poterit ci-
bum assumere. Præterea. ℞. quod reliquum est ligni
ex prima decoctione, aquæ fontis lib. 36. infundanturq;
omnia per horas 12. fiatq; decoctio usque ad consum-
ptionem tertiæ partis, et additis lib. viij. uini, quo qui-
dem pro potu utatur. Si quid ligni remanebit adhuc, po-
terit illud quidem in alia aqua decoquere interdum, cui-
us usus erit ad crurum, & pedum lotiones, et per con-
sequens ad diuertendum. Aduertendum, quòd si, dum
hoc uinum huiusmodi ordine assumunt, ægrotis super-
ueniret calor aliquis insolitus aut alius labor multi mo-
menti,

menti, cessandum esse puto per duos dies à uini assumptione, aut saltem per unum, uel sumet uinum semel in die usquequo illud accidens quiescat. Et si corpus uidebitur excalesfactum, utatur hordeo, aut farre optime mundo, & decocto, atque condito iure carniū, de quibus postea erit sermo. Numerus dierum, quibus uti debet hoc remedio, non est determinatus, quia neque morbi, neque causæ neque complexionēs, et ætates in omnibus sunt æquales, quia tamen 40. dies communiter determinantur, uolo, ut cum hi ægroti ad xx. diem peruenerint, quiescant per unum diem, et assumant eas pilulas, quas postea describam ordine consueto. Cibi sint boni succi, facilis digestionis, ut gallinæ, capri, pulli, pernice, auiculæ, uitelli ouorum recentes, & tremuli. Vsus harum carniū erit, ut elixentur aliquo conditæ sapore excitante appetitum absque nocumento capitis. Abstineat à piscibus, leguminibus, carnibus crassis, cibis salstis & acutis. In ferculis utatur interdum Fœniculis, Boragine, Mentha, Anethoq; & nonnullis folijs Betæ. Utatur interdum Boragine tantum condita, temperata aceto atque passulato. Cappares etiam interdum laudo eodem modo conditos. Cubiculum sit clausum, & calidiuscule. Vitet diurnum somnum, infusionem manuum in aqua frigida. Habeat quotidie aut saltem alternis diebus beneficium uentris. Vitet quamcunq; acuatam cogitationem, omnia prætermittens, præter spem sanitatis suæ, dependētis tamē in primis à Dei bonitate. Antequam incipiat assumere hoc uinum, si hoc anno illi non fuisset secta uena, suppressis menstruis laudo, ut cōstante uirtute sibi secetur uena pedis saphæna, prope
tempus

tempus suarum purgationum, hoc est, per sex dies ante. Ante uenæ sectionem per quatuor dies assumet decoctum Betonicæ, Saluæ, Boraginis & Matricariæ cum saccharo, ad quantitatem ʒ iij. uel iiij. Et post etiam uenæ sectionem per quatuor similiter dies idem decoctum potabit: Quo facto, assumet huiusmodi pillulas.

R. Pillularum de Fumoterræ

Indarum, Cocciarum ana ʒ s.

Cum Syrupo de Betonica fiant pillulæ ʒ. Quod si sibi menstrua effluerent, finito tempore eorum, prædictum decoctum per 6. dies assumet, et postea pillulas assumet, quiescatq; deinde per unum diem, et postea uinum incipiat assumere. Sed ne etiam caput relinquatur sine aliquo remedio exteriori, consiliū do, ut ægro- tæ caput ungatur spuma ligni primæ decoctionis. Quod si maioribus remedijs egeret, licet plerisq; usa sit, laudo tamen unum, quod & magni uiri est, & ipsa etiam experientia comprobatum.

R. Serpilli

Verbenæ

Rosarum, licet siccarum ana ʒ ij. decoquantur q̄ in oleo communi in duplici uase, et hoc oleo inungat sibi caput ante & retro. Laudo lotiones pedum, & assumendo uinum & nō assumendo. Prætermitto caput purgia, masticatoria, quia quousq; uinum hoc assumet, erit à cæteris remedijs supersedendum. Hoc tantum dicam, quod assumpto uino, si nō succedat, quemadmodum spes est, laudo ut fiat sibi cauterium post caput, aut saltem foramen equinis crinibus, quod sedazum uulgò appellant. In cooperimento etiam capitis laudo, ut sibi hæc impo-
nantur.

G 4

nantur, Maiorana. s. Salvia, Mentha, Betonica, Sena,
Caryophylli, nux muscata, Cinnamomum. Pillularum,
quibus uti debet ægrota medio tempore assumptionis ui-
ni, descriptio talis est.

R. Pillularum de Fumoterræ

Aggregatiuarum

De Rha barbaro ana 3 s. Cum syrupo de Fumo-
terræ fiant pillulæ v. Pro uiro autem hæ pillulæ erunt
commodæ, quibus utetur singulis mensibus, aut alternis
saltem, et si illi erit animus sumendi uinum, per tres dies
ante eas assumet, uitans cibos crassos, frigidosq; ui-
numq; noxium, & superfluum cibum.

R. Pillularum de Hiera cum Agarico 3 i. s.

Fiant cum melle rosato pillulæ v. Sumptis his pillulis,
poterit etiam uti interdum, si opus erit pillulis ex Aloë
lota, ad corroborandum stomachum bis in hebdomada,
eo. s. tempore cum stomachus erit perturbatus.

R. Pillularum Aloës lotæ 3 i.

Consult. xxxi. De cauterio.

FRIZIMELICA. Omnia cauteria aut ferro fiūt,
aut medicamento acuto. Medicamenta uerò acuta aut
subtilium partium sunt, ut Euphorbium, aut crassarum,
atque ita sicca, ut sua siccitate membra corrumpant. De
cauterio quod ferro fit, cum inter Medicos de eo con-
stet, nihil dicam in præsentia. De eo uerò, quod acuto fit
medicamento pauca subiiciā. Medicamenta acuta subti-
lium partium, ut Euphorbium, non rectè ingrediuntur
cauteriorum potentialium compositionem, id autem est,
quia nimis inflammant. Ob id etiam, medicamenta quæ
crassarum

crassarum partium sunt & sicca admodum, à me non laudantur. Metallica interim medicamenta non carent reprehensione. Quam ob rem medicamenta horum cauteriorum, duo in se habere debent, & quod acutum sit, & quod exiccet, ita, ut acuties siccitate reprimatur, & siccitas acuties adiuuetur. Tale autem medicamentum, est quod ex calce, & cinere constat: in utroque enim simplici vis est & acuta & exiccandi. Verum quia hæc uniri non possunt, nisi per medium, ideo fit, ut aqua necessario ad horum mixtionem requiratur, sed in hac frigiditas & humiditas remaneret, nisi omnia simul decoquerentur, igitur decoctio horum est efficienda. Inter cineres, ficus cinis, Spicæ, caprificiq; laudatur, nec non cinis, qui ex Quercu montana, Iunipero, Fraxino, Nuce, & sarmentis conficitur. Validus etiam is cinis est, qui fit ex stercorebus uaccarum, boum, canis, & leporis, & ex nucleis oliuarum & uuarum. Sarmenta quinetiam leguminum, ut Fabarum, Cicerum, coria animalium, ut boum combusta, & ranæ in olla occlusæ optimum cinerem efficiunt. Omnia autem hæc in olla, præter sarmentata, sunt comburenda, & hæc de cinere dicta sint. Calx uero fit ex marmore, et lapidibus uiuis combustis. Quin etiam testæ animalium, & cortices ouorum, & nitrum si comburantur in olla, calces optimas pariunt. Calx autem recens esse debet. Sunt qui calcem & cinerem ex face conficiant uinaria, quam tartarum appellant. Hæc sunt, quibus utendum est pro calce, neque tutum esse puto ad Arsenicum, Calcanthum, atramentum sutorium deuenire, & hæc de calce. Modus uero conficiendi cauterij multiplex est, interdum enim acre, interdum mediocres,

diocre, interdum leue conficitur. Acre fit, cum reci-
piuntur, utriusq; partes v. & cinis etiam acrior sumi-
tur, si mitius est faciendum, partes duæ cineris, et ter-
tia calcis accipientur. Si igitur conficiendum huiusmo-
di cauterium est, accipiemus calcem contusam cum ci-
nere, ac deinde hæc duo ponantur in olla fundum ha-
bente perforatum, & aquæ dulcis lib. 7. aut 8. (si mix-
tura ipsa erit libra una) superponantur, deinde defluat
aqua in uas suppositum, & iterum infundatur, & hoc
frequenter fiat, & per duos dies, quousq; uideris aquã
nigricantem aut albicantem. His factis, iterum tantun-
dem calcis & cineris in ea aqua ponatur, atque in ea
tandiu maneant, & agitentur, quousq; aqua acris &
salsa reddatur. Mox fiat decoctio in uase æneo magno,
& cum facta erit decoctio ad certam spissitudinem in
uas minoris capacitatis mutetur, & ita frequenter mu-
tetur, quousq; in sal redigatur, quod postea in uase ui-
treo clauso angusti orificij, atque in loco sicco prope
ignem erit conseruandum. Alius modus cõficiendi cau-
terium est per distillationem, nam ea aqua, de qua fa-
cta fuit mentio, si distilletur, ualet primus liquor ad
dentium absterfionem, secundus ad ulcerum exiccatio-
nem, tollendaq; carnis condilomata, tertius est omnium
acris, quo utimur ad uesticas & leuia ulcera inducenda.
Postremo post effluxum horum humorum seu liquorum
in uase remanet sal, quo utimur pro cauterio, atque ij
duo sunt modi conficiendi cauterij. Notandum autem
est, uas illud, in quo aqua ponitur tres partes uacuas,
& unam plenam habere debere. Tempus autem appli-
candi cauterij est cum corpus est ab excrementis ua-
cuum:

cum: locus autem esse debet is, qui sit aptus ad deriuandum, ut si à capite deriuandum sit, in cruribus, brachijs, uel collo est ponendum, seu applicandum: cauenda sunt capita musculorum in applicatione, uenæq; , nerui & arteriæ. Cum applicatur capiti cauendæ sunt commissuræ ob fila neruea, quæ à dura membrana oriuntur, cauenda sunt loca nobilis, multiq; sensus. Applicato cauterio uelum tinctum triapharmaco est ponendum, & ne ulcus putrescat, Cerotum album est applicandum, et si locus dolet, linimento aliquo est utendum. De cauterio uero, quod ignito ferro fit, nihil aliud dicam, nisi quod consulo, ut ab eo abstineamus, ipsiusq; loco potentiali potius utamur.

LECTORI.

Consilia aliquot Montani, breuiora licet, quæ ex eius colloquijs obiter excerpta sunt: tamen, quia utilia sunt, omittere nulla ratione potuimus.

Consult. xxxii. In suffusione oculorum.

SVFFVSIO est morbus in situ, & fit cum aliquis humor collectus est inter corneam tunicam & pupilam: curatur potissimum acu pungente, sed prius est corpus purgandum.

Consult. xxxiii. Pro corroborando capite.

PVLVISCVLI inspersi capiti ex Macere, Caryophyllis, Maiorana, Ozymo, rosis & Sandalis. Hæc enim super caput debent inspergi, & postea pyleum est imponendum. lixiuium dulce quinetiam ad rem est, factum non ex cinere, sed ex Assaro, Sena, Polypodio, Chamæmilla,

Chamæmilla, Stœcade, Maiorana, Iride. Sapo fiat ex Mace, Caryophyllis, Musco, Cinnamomo, & Ambra, atq; etiam Agarico. Antidota uerò in huiusmodi casu conuenientia sunt Theriaca, Mythridatum, Saccharum rosatum, Myrobalaniq; Chebuli conditi.

Consult. xxxiiii. Pro cura Vertiginis.

PRO curanda uertigine est prohibenda generatio uaporum & humorum, quod quidem fiet per uictum in sex rebus non naturalibus secundum rationem institutū, prohibendi sunt uapores geniti, ne ascendant, & diuertendi sunt humores, quod sanè fiet duplici instrumēto, medicamentis. s. & chirurgia. Medicamenta erunt syrupus rosatus solutius cum Rha barbaro, uel

℞. Cassiæ

℥ i.

Agarici

℥ i. s.

Misce. Pillulæ quin etiam factæ ex Rha barbaro, Agarico, & Hiera. s. summopere conueniunt. Antequam autem purgetur humor peccans, præparandus est conuenientibus syrupis, sicuti est syrupus acetosus de acetositate Citri cum aqua Pentaphylli, & Acetosæ, per chirurgiam diuertentur humores, in primis quidem cauterijs factis in cruribus. Deinde, si aperiantur hæmorrhoides non sanguisugis, cum sanguinem attrahant subtilem & crassum relinquunt, sed ab alijs instrumentis. Vltimò caput est corroborandum. Ad hanc autem intentionem conueniens est saccharum rosatum, confectio Diatriasandalon, & Myrobalani conditi: puluis etiam in aures iniectus ex Sandalis, Myrtis, rosis, & Sandalæ raca,

raca conueniret ad refrigerandum, quemadmodum etiā si super caput hæc aspergantur. Odoramentū præterea esset cōueniens factum ex Sandalis, rosis, Violisq; & Nenuphari, Camphora, atque ex aceto rosato & sindone odoraretur. Extrinsecus etiam conueniret inunctio olei rosati.

Consult. xxxv. Pro Catarrho defluente ad pectus.

FRIGIDVS est hic catarrhus, crassus partim, & partim tenuis, partimq; fluens, & partim iam fluxus. Conuenit igitur pro curando huiusmodi catarrho modica quidem sanguinis missio, sed crebrior. Præparandus deinde syrupis catarrhus hic est, quemadmodum sunt syrupi, de Liquiritia, de Hyssopo, de Farfara, & de Betonica. Medicamenta uerò purgantia erunt, ut Agaricus cum Cassia, uel cum Terebinthina, pillulæ aggregatiuæ, de Hiera cum Agarico, Coccia, Myrobalani. Pro corroborando capite, & pulmone, ne reciperet catarrhum descendentem, conueniens est saccharum rosatum cū bolo Armeno, qui maximè prohibet descensum catarrhi, idq; post purgationē. Ad corroborandum uerò caput & pulmonem conuenit Theriaca, uetus & noua, Myrabolani Chebuli conditi, à quibus etiam hepar & uentriculus corroborantur. Balneū etiā ad diuertēdū catarrhum laudatur. Expurgandum etiā esset caput, et pro caputpurgio succus Cyclaminis opus est. Pro masticatorio Mastyx simplex, dein Staphisagria cum Pipere. Cauteria quin etiā in crure, brachijs, & genu conueniunt. Sinapismus ex Thapsia, & flammula

mula Iouis & Apio canino, seu Ranunculo facit ad catarrhum diuertendum.

Consultatio xxxvi. Pro muliere patiente catarrhum, flatus & rugitus in intestinis, fluxū hæmorrhoidalem, diminutionem menstruorum, cachexiam, & dolorem in pectore.

MULIER hæc, quam curandam suscepimus, est calidæ & humidæ cerebri temperaturæ, calidi & sicci cordis, atque etiam hepatis, & frigidioris atque humidioris uentriculi. Hæc autem intemperies horum membrorum est ascititia, naturalis uerò est calida & humida. Laborat catarrho à capite descēdēte, qui in substantia modò tenuis, modò crassus est, & sapore inspidus. Patitur deinde flatus, & rugitus in intestinis, nec non fluxū hæmorrhoidalem in maxima quantitate, præcedentem semper tempus menstruum. Menstrua tamen in hac muliere sunt diminuta. Patitur arefactionē in corpore, & cachexiam. Urinæ sunt tenues, albæ, & crudæ. Postremò patitur dolorem in pectore, qui ante fluxum menstruum incipit, & post desinit. Causa catarrhi est intemperies frigida, & humida uentriculi, cuius ratione superfluitates abundant, & uapores, qui postea caput petunt. Est etiam intemperies calida hepatis, à qua multi uapores ad caput transmittuntur. Caput uerò cū sit calidum & humidum facile suscipit quæcunque excrementa. Accedit ad hæc error in uictu & aëre, qui subtilis est, & reliquis rebus non naturalibus. Quòd uerò catarrhus modò sit crassus, modò tenuis, id est ratione uariorum ciborum, & uariarū cō-

cō-

coctionum. Est autem insipidus, quia caput humidum est, & uenter. Flatus uero illi, rugitus atque dolores ab humoribus frigidis à capite descendentes, & qui à uentriculo generantur, fiunt à debili calore, unde eleuantur plurimi flatus, ex quibus fit dolor & rugitus. Fluxus hæmorrhoidalis fieri potest uel ratione dilatationis meatuum, & uasorum, uel ratione orificiorum, quæ sunt nimis patefacta, uel fit uitio sanguinis, idque uel quia plurimus est, uel tenuis, uel acris, uel humens, uel ratione uirtutis expultricis membrorum mandantium, uel propter imbecillitatem membrorum recipientium. Omnes autem hæ causæ in hac muliere concurrunt. Est in primis dilatio orificiorum & uasorum, quia fluxus hic à rebus calidis irritatur, & ab astringentibus cohibetur, fit etiam ratione copiae, quia maxima quantitas sanguinis apparet, & dimissa est sectio uenæ. Fit etiam ratione tenuitatis & acredinis sanguinis, ut ex ipso sanguine manifestum est. An uero fluat à supernis partibus, dubium est. Nam si flueret, esset commixtus fecibus. neque ualet ratio sanguinem hunc non posse fluere ab hæmorrhoidibus, quoniam fit in maxima quantitate, id enim falsum est. Habet menses diminuta, tum quia habet 40. annum, tum quia alio tendit sanguis. Urina est cruda, & tenuis, tum quia serum alio tendit, tum propter imbecillam uentriculi concoctionem, & nutritionem. Dolor in pectore, quoniam materia à capite descendens, tendit ad uenas pectoris, easque distendit, & cessat postea, quia ea materia per menses expurgatur. Cachexia illa fit propter malam concoctionem et nutritionem. Haec autem
mulier

mulier facile incidit in hydropem propter fluxum hæ-
 morrhoidarum, nihilominus non sunt adstringendæ hæ-
 morrhoides, sed semper una aperta seruanda est, ne fiat
 diuersio sanguinis ad alias partes. Vt curetur, necesse
 est omnia membra corroborare. Et quoniam æstas est,
 ideo laudo syrupum de Endiuiâ, confert enim ad corro-
 borandum iecur, & uentriculum. Pro capite, Syrupus
 de Betonica, mel rosatum, Zeuma saccharinum. con-
 ueniunt. Atque ex singulis 3 vi. accipiantur cum de-
 cocto uel Cichorij, uel comæ Absinthij, uel Betonicæ,
 uel Violarum. Postea cum Manna, uel Cassia & infu-
 sione Rha barbari, uel cum syrupo rosato solutiuo erit
 corpus expurgandum. In autumno, si uellet sese expur-
 gare, uteretur oxymelle composito, Agarico, & confe-
 ctione Hamech. Pro corroborando uentriculo & capi-
 te uti debet saccharo rosato, & bolo Armeno ante in-
 gressum lecti. Utatur lotionibus capitis, cum rosis Ba-
 laustijs, corticibus Granatorum, & Agarico in lixiui-
 decoctis, & sapone confecto ex Agarico, & Iride. Pro
 flatu utatur saccharo rosato cum Cinnamomo, & Ca-
 ryophyllis. Ad corroborandas uirtutes uti debet Myro-
 balanis Chebulis, Indis, Citrinis. Utatur etiam confectio-
 ne ex Pistachijs, & seminibus Melonum, atque pincis
 conflata.

Consult. xxxvii. Pro cura Hypochondria-
 cæ Melancholiæ.

PRO præparatione humorum peccantium in hoc af-
 fectu conueniunt syrupus acetosus, de pomis, & mel ro-
 satum,

satum cum decocto Buglossæ, Boraginis & capill. Veneris. Medicamenta uero purgantia commodissima sunt cōfectio Hamech, quæ euacuat humores crassos & adustos, & corroborat ratione Myrobalanorum, cui cōfectioni Hamech misceri poterit syrupus rosatus solutius, sanguisugarum usus in prouocandis hæmorrhoidibus, quarum apertio in hoc affectu utilissima alijs uidetur licet, non admodum mihi probatur, quia sanguinem tenuem attrahunt, & relinquunt crassum. Et, si aliqua utilitas ex earū applicatione percipitur, ea quidem non est propter humorum & sanguinis attractionem, quæ fit per eas, sed ex apertione uenarum. Ad corroborandum iecur & uentriculum & euacuandum post euacuationem conuenit saccharum rosatum cum puluere Rha barbari, uel Cassia. Cōfectio etiam Dianthos, species Diamusci dulcis, & Cinnamomum cum saccharo rosato conuenient ad corroborationem capitis & uentriculi.

Consult. xxxviii. Ad cordis tremorem, cum deliquio animi.

OPTIMUM in huiusmodi affectu est hoc unguentum, maxime aptum ad cor roborandum.

R. Specierum cordialium temperatarum 3 iij.

Sandalorum rubeorum

Rosarum rubeorum ana

3 s.

Corallorum rubeorum

3 i.

Olei rosati

3 ij.

Misce, et cum modico ceræ fiat linimentum pro corde. Electuarium quoque utile ad eandem intentionem,

H

cuius

cuius descriptio talis est.

R. Sacchari rosati ʒ ij.

Boraginati ʒ i.

Corallorum rubeorum ʒ ij.

Sandalorum rubeorum ʒ i.

Sem. Citri ʒ ij.

Musci

Ambra ana gra. iij.

Iulep rosati ʒ i. Misceantur omnia, & fiat electuarius secundum artem.

Consult. xxxix. Pro puella, laborante catarrho, febre, dolore iuncturarum, uentriculi frigiditate, & hepatis caliditate.

PURGANDVM est corpus, & caput, deinde corroboranda sunt membra. Quantum ad purgationem, leniatur in primis uenter tali medicamento.

R. Electuarij lenitiui ʒ i.

Syrupi rosati solutiui ʒ i. Cum aqua Cichorij fiat potio. Deinde ad præparandos humores peccantes, talem assumat syrupum.

R. Syrupi de Betonica

Mellis rosati

Oxymellis. s. ana ʒ s.

Aquarum Endiuie

Betonice ana ʒ i. s.

Misce pro syrupo. Pro purgando corpore utatur Agarico cum Aloë, uel Rha barbaro. Pillule etiam ex Aloë, & Rha barbaro per interualla sumptæ non leuiter conferent. Pro expurgando capite, utatur & castoreo

putpurgijs, et masticatorijs. Caputpurgia fiant ex succo Betæ, Cyclaminis, & Maioranæ. Pro masticatorio utatur Mastiche, & sola, et cum Dictamo. Pro corroboratione corporis, & præsertim uentriculi, hepatis, iuncturarum optimi sunt Myrobalani Chebuli conditi, Mythridatum quin etiam, Theriacaq; Saccharo roseo mixta, & Diamuscum dulce, conferent ad eandem intentionem, & potissimum capitis corroborationem. Pro resoluenda autem hac materia, quæ in iuncturis est, hæc inunctio utilis erit.

R. Olei rosati ℥ ij.
De Terebinthina ℥ i. Misce.

Consult. xxx. Pro muliere quinquagenaria, laborante visus debilitate.

PURGANDUM est corpus. Ante uero purgationem est fluxile reddendum. Id autem fiet syrupis, ut est Oxymel, syrupus acetosus, & putamina Citoniorum cum aquis, uel decoctis conuenientibus, medicamenta erunt Colocynthis, Agaricus, Scamonea, pillulæ Coccia, confectio Hamech, pillulæ aggregatiuæ, cum in hoc corpore omnes peccent humores. Pro euacuando autem capite singulis hebdomadis uti poterit pillulis ex tribus constantibus, Agarico, sim. Rha barbaro & Aloë, quæ poterunt corrigi cum Euphrasia, capil. Veneris, modico Macis, Cinnamomi, & Spicæ Nardi. Ad diuertendam materiam ad oculos fluentem, cauteria à me laudantur, & applicatio sanguisugarum hæmorrhoidibus. Pro expurgando autem capite optima erit Mastyx.

H 2 Consult.

Consult. xxxxi. Pro prouocatione menstruorum.

VTILE est in hoc affectu decoctum Chamemilla, Liliorum alborum, & Anethi. Pessulus etiam ex oleo Maioranæ, & Ambra utilis est ad eandem intentionē, nec non frictiones in coxis & applicatio cucurbitularum, & decoctum radicum Valerianæ, florum Pulegij Chamemeli ex uino, quod Romaniam uocant.

Consult. xxxxii. Ad frigidum catarrhum.

LENIATUR in primis uenter Cassia cum Hiera, postea sumat aliquem ex his syrupis, ut syrupus de Stœcade simplex, syrupus acetosus, de Betonica, Oxymel utiles sunt. Decoctum autem sit Betonicæ, Endiuæ, & Cichorij, ut habeatur etiam ratio hepatis calidioris. Medicamenta in hoc affectu commoda erunt Agaricus, Rha barbarum, et Agaricus cum Rha barbaro uel cum Cassia. Pro expurgando autem capite utilis erit pro masticatorio Mastyx, Staphisagria, Piper, & radix Capparum maximè cōmoda ad extrahendam pituitam. Caputpurgium autē fiat ex succo Maioranæ, Betæ, Cyclaminis. Ad corroborandum autem caput puluis ex Caryophyllis, Agarico, & Ladano pari portione utilis est. Lotio etiam capitis cum rebus calidis commoda est. Pomum etiam odoriferum continuo in manibus habeat, confectum ex Nigella, Ladano, Nuce muscata, Caryophyllis, Ambra & Musco, utile profecto ad caput calefaciendum & corroborandum.

Consult.

Consult. xxxxiij. Pro quodā habente do-
lorem capitis per cōsensum à ventriculo, & à
toto corpore ex vaporibus crassis & frigidis.

Bis in anno, uere. s. & autumnō medicamentis hu-
mores peccantes purgantibus est hic agrotus expur-
gandus. Singulis etiā septimanis ante cœnā assumat 3 .
pillularum ex Hieras. Ad subducendā etiā aluum uti-
lis est Terebinthina pinguis pondere 3 iij. tribus horis
ante prandium hostiæ inuoluta. Ad corroborandum ue-
rò stomachum & caput utile est saccharum rosatum
sumptum per horam ante prandium & 3 s. pro uice.
Pro corroborando uerò capite præcipuè utatur lauan-
do illud lixiuio in quo rosæ decoctæ sint, Salvia & fru-
stulum Agarici, fiat linimentum ex oleo Caryophyllo-
rum, et frictiones in toto corpore: atq; hæc agenda sunt
ne succedat paroxysmus. Quòd si agrotus erit in pa-
roxysmo, utendum erit tali linimento in collo, fronte,
temporibus, & circa scapulas.

R. Terræ sigillatæ

Boli Armeni orientalis ana

3 i.

Hypocistidos

Acatie ana

3 ij.

Albuminis ouorum conquassatorum num. iij.

Aceti mediocris

3 iij.

Misce, quo linimento uti poterit in principio paro-
xysmi, uel paulò ante.

H

3

Consult.

Consult. xxxxiij. Pro quodam laborante
hypochondriaca Melancholia.

CAUSA huius affectus sunt humores melancholici
crassi, à quibus fit obstructio, ebullitio atque inflamma-
tio inter splenem atque stomachum. Intentiones sunt
corroborare ipsum splenem, & aperire ipsas obstru-
ctiones. Purgabitur bis in anno, autumnus. s. & uere.
Et uere secetur uena basilica sinistri lateris. Medica-
menta autem, quibus in purgatione uti poterit sunt
Cassia, Rha barbarum, syrupus rosatus solutiuis. Pur-
gato corpore, laudo usum balneorum Calderianorum.
Cæterum assumpto aliquo ex supradiçtis benediçtis me-
dicamentis pro corpore exquisitiùs purgando, assumat
in primis hos syropos.

R. Syrupi de Fumoterræ 3 i.

Buglossæ, de pomis 3 s. cum aquis conuenienti-
bus fiat syrupus, quo syrupo per aliquot dies assumpto,
capiet postea tale medicamentum.

R. Confectionis Hamech 3 iiij.

Syrupi rosati solutiui 3 iiij. Cum aqua Betonicæ
fiat potio. Post purgationem uti poterit Saccharo rosa-
to, conserua Boraginis, & Buglossæ. Hic est igitur mo-
dus purgandi, quo bis in anno ægrotus uti debet. In in-
termedijs autem temporibus accipiet ter seu quater in
mense has pillulas.

R. Epithymi Cretenfis 3 vi.

Agarici alterati 3 iiij.

Corticum Ellebori nigri 3 iiij.

Specierum Hieræ s. 3 iiij. Cum melle rosato fia
Magdaleont

Magdaleon, de quo singulis vicibus accipiat 3 i. & sumat per horam ante cœnam, & parum cœnet, bibatq; & fiant ex illa 3. pillulæ iij. cum melle rosato. Purgato corpore, accipiet per horam ante prandium parum conseruæ florum Boraginis, & Buglossæ.

Consult. xxxv. Pro homine habente cor, hepar, caput, & renes calidos, laborante catarrho falso, podagra, & duritie splenis.

CORPVS hoc indiget expurgatione, & humorum præparatione. Pro præparatione syrupus de Endiuia, rosatus, Oxymel: cum aqua Endiuia, Buglossæ, uel cum harum herbarum decoctione conuenientes sunt. Euacuatio autem fiat cum pillulis Coccijs, et de Hermodactylis.

Pro splene indurato cōueniēs est aqua chalybeata, quia refrigerat & obtundit hepatis caliditatem, à qua generantur humores adusti, qui efficiunt duritiem illam in splene. Ad reprimendos uapores cerebri, & ipsum contemperandum alioqui calidum utiles sunt pulueres ex Nymphæa, Rosis, & Violis. Medicamentum utile ad expurgandos humores, qui in hoc corpore dominantur eiusmodi est.

R. Myrabalanos

Foll. Senæ, & Epithymum, fiatq; decoctio secundum artem in s.q. aquæ, & in eo decocto infundantur rosæ multoties, & in hac infusione rosarum 3 iij. aut v. infundantur secundum artem Rha barbari electi, et fiat expressio, deinde

R. Huius colaturæ 3 iij. qua utatur singulis septimanis loco syrupi. Hoc autem medicamentum utile est

H 4 ad

*Nota d'ay.
cali beata*

*vinū fluxū
facit ad loca
dolentia*

ad euacuandas materias biliosas, crassas atque adustas,
& corpus ipsum refrigerat. Vinum interdicatur egro-
to, quia fluere facit humores ad loca dolentia, ceterum
notandum est ante syropos lenitium esse exhibendum,
idq; ne per syropos materie malæ in uentriculo, intesti-
nis, & primis uenis existentes, per corpus deducantur.

Consult. xxxxvi. Pro ægroto, laborante he-
patis intemperie frigida cū scirrhi principio.

IN HOC affectu conueniunt medicamenta bene-
dicta, ne dissoluatur uis hepatis, ut est Māna, Diacatho-
licon lenitium, Rha barbarum, modicum Agarici, sed
ante hæc medicamenta exhibeantur syrupi disponentes
corpus, & humores, ut est syrupus acetosus, Oxymel,
& mel rosatum. Conueniunt etiam in curando hoc affe-
ctu, expurgantia corpus per urinam, talia autem sunt
syrupus de Cichorio, cum Rha barbaro Bizantino &
de radicibus. Euacuatio quin etiam per halitum conue-
nit, quæ quidem fieri debet cum rebus aperientibus &
resoluentibus, ut olea sunt, & balnea præsertim Pata-
uina. Pro corroborando hepate extrinsecus maximè
conuenit in hoc affectu frigido huius partis oleum de
Spica, & de Absinthio, & confectiones habentes uim
corroborandi. Vtile etiam erit ægroto in curando affe-
ctu, si singulis septimanis utatur pillulis de Hiera &
Rha barbaro, idq; ut tollantur obstructions, & inter-
dum Cassia cum Rha barbaro.

Consult.

Consult. xxxvii. Pro ægroto, laborante catarrho defluente ad pectus, cum intemperie frigida capitis, & febre hectica.

IN curando hoc ægroto, secundum Galeni præceptum, cum fluat uenter, non est ei aliquod genus medicamenti exhibendum, quia timendus est casus uirtutis, & præsertim in homine tabido, etiam si euacuatio non sit sufficiens. Alteranda igitur tantum sunt membra, & corroboranda. Pro capite confert lixiuium dulce factum ex ligno Salicum, in quo Agarici ʒ ij. rosæ, & Chamæmilla decoquerentur. Vtilis etiam erit puluis hic super caput sparsus, constans ex Sandaraca, rosis, & lignis Iuniperi contritis, Stæcadeq; ac Maiorana. Verum ante hæc remedia non erit alienum, caput ipsum expurgare per tale caputpurgium.

R. Florum Chamæmillæ m. i.

Hordei pugil. i.

Maioranæ m. s.

Agarici electi ʒ ij. Decoquantur omnia simul in aqua Violarum ad consumptionem medietatis. Deinde facta bona expressione addatur sacchari optimi ʒ s. & fiat caputpurgium. Et quoniam membra omnia naturalia maxima sunt debilitate affecta, ideo laudo, ut utatur hoc electuario, à quo membra omnia naturalia humectabuntur, & corroborabuntur.

R. Sacchari rosati uiolati

Boraginati ana ʒ ij. Et sumat ʒ. pro uice, per duas horas ante prandium. Emplastrum hoc etiam mirum in modum corroborabit membra naturalia.

Recipe

R. Carnis Citoniorum decoctorum in uino austero ʒ iiij.

Carnis Dactylorum ʒ ij.

Passularum ʒ iiij.

Farinæ hordei ʒ ij.

Olei Amygdalarum dulcium ʒ ij.

Misceantur omnia, & cum uino decoctionis Citoniorum fiat emplastrum. Indigemus etiam, cum ægrotus hic febre hectica laboret, humectatione, quæ fieri deberet atq; introduci per balneum. Sed quoniam per debilitatem ægroti non licet, ideò loco balnei huiusmodi linimento utendum existimo.

R. Medullæ cruris uituli ʒ s.

Olei Amygdalarum dulcium recentis, & recentium Violarum ana ʒ i.

Misce cum paucio uino paucifero, albo, & fiat linimentum. Ad corroborationem autem cordis, & temperamentum confert hoc linimentum.

R. Vnguenti rosati Mesuæ ʒ i. s.

Specierum cordialium temperatarum ʒ ij.

Misce. Pulvis autem superius descriptus ordinandus hoc pacto, est aptus ad capitis corroborationem.

R. Stæcados

Maioranæ

Baccaris

Rosarum

Sandaracæ

Mastiches ana ʒ ij. fiat pulvis subtilissimus. Pro sistendo catarrho bolus Armenus conuenit in introitu lecti, in quantitate unius Ciceris. Pro uictu Ptisana, & ouis,

ouis, & pro potu uino paucifero albo utatur. Deco-
ctum etiam Farfaræ, Hordei, Liquiritiæ ex iure pulli
maximè esset ad propositum.

Consult. xxxviii. Pro ægroto, laboran-
te doloribus & morbo articulari cum frigi-
ditate corporis, & omniū membrorum prin-
cipalium imbecillitate, & catarrho.

CORPVS hoc in primis in uere est hoc pacto ex-
purgandum.

R. Floris Cassiæ nouiter extractæ 3 x.

Specierum Hieræ. s. 3 ij. cum saccharo fiat bo-
lus, sumendus tribus horis ante prandium. Postridie
accipiat hunc syrupum.

R. Mellis rosati

Syrupi de Absinthio ana 3 i.

Decoctionis Liquiritiæ 3 iiij. fiat syrupus, quem
assumat per x. dies: in hoc spatio dierū. foueat hypo-
chondria, uentriculū & reliquum corpus oleo Chamæ-
melino, moderatè calido bis & ter in die. Apparentibus
signis concoctionis accipiat hoc medicamentum.

R. Floris Cassiæ 3 i.

Agarici preparati 3 ij.

Liquiritiæ puluerizate 3 ij.

Misce, & fiat bolus, dandus in aurora cum custodia.
Postea per tres dies assumat mane ante prandium 3 s.
Sacchari rosati pro uice. Utatur prætereà ter in men-
se infrascripto bolo.

R. Carnis pinguiſſimarum ficuum, quæ per seda-
ccum seu cribrum fuerint excolatæ 3 s.

Medullæ

Medullæ Carthami

3 ij.

Misce, & fiat bolus, & si parum educat, addatur Rha barbari puluerizati 3 i. Et, si bolus fuerit durus, emolliatur cum syrupo de Liquiritia. Utatur etiam singulis diebus tribus horis ante prandium Acori radicibus, saccharo conditis, uel Myrobalanis Chebulis. Pro corroboratione capitis utilis erit hæc lotio, singulis septimanis adhibita.

R. Lixiuum, confectum ex dulci cinere ligni, in quo decoquantur Saluia, Maiorana, Betonica, & modicum rosarium, & loco Saponis utatur Agarico, decocto in eodem lixiuio. Ad diuertendum humores à capite utiles erunt frictiones, & post frictiones usus commodus erit alicuius olei odorati, ut de Spica, de Caryophyllis. Si alius non profluat, utatur clysteri communi, confecto ex Betæ, Maluarû, Furfurûq; decocto, addito oleo communi, sale, et oui uitello, et quâdoq; 3 ij. mellis rosati. Vel, si clysteri uti recusarit, accipiat Maluam, Betam, & Mercurialem, decoquantur in iure pulli, & facta colatura. mane accipiat per tres horas ante cibum lib. i. huius decocti. Pro potu utatur uino albo, quod remedium est ad materias auertendas, per urinæ meatus, contra multos, qui uinum in articularibus morbis interdunt. Dolores articulares leniantur, uel cum lana succida moderatè calida, uel cum pelle uulpis noua, & cum oleo Chamæmillæ, uel Chamæmilla contusa, uel flore Cassiæ, cum floribus Chamæmillæ puluerizatis. Cætera medicamenta repercutientia, tanquam noxia reijcienda. Tempore autem exacerbationis dolorum mollem habeat aluum: tenui uictu utatur, uinoq; hoc tempore abstineat.

stineat, ipsiusq; loco mulsa utatur hoc modo confecta.

R. Aquæ partes 12. mellis optimi, & despumati. i. & admisceantur modicum quid Saluæ, aut Cinnamomi, prout gustui magis uidebitur familiare, & bulliant simul usque ad generationem spumæ, continuo ipsam spumam abijciendo.

Consult. xxxix. (ratiocinationis plena) De cibis & medicamentorū qualitatibus, in temperie, & excessu.

ÆQUALITAS in temperatura actu, & in mixtione, tantum sit de calido, quantum de frigido, humido & sicco. Excessus autem actu, ut si exuperet caliditas, frigiditas, humiditas, uel siccitas. Nihil autem refert an hæc æqualitas, uel excessus sint absoluti uel relatiui. Vel huiusmodi excessus est in potentia, quæ uel est actiua, ut scribendi in scriba, uel passiua atque hæc uel propinqua, ut potentia sanguinis ad carnis generationem: uel remota, ut est panis potentia ad sanguinem generandum. Ea autem quæ corpori admouentur, uel sunt cibus absolute, cuius plurimum uertitur in corporis substantiam, nulla facta alteratione sensibili in ipso corpore, atque est totus in facultate passiua, uel est cibus medicinalis, minusq; huius uertitur in corporis substantiam, facta aliqua alteratione sensibili in corpore, caliditate, frigiditate, humiditate, siccitate & secundum substantiam totus est in facultate passiua, secundum uero aliquam qualitatem in facultate actiua: uel quæ corpori admouentur sunt medicina, atque ea, uel cibalis, uel absolute. Cibalis est, cuius minima pars uertitur in corpo-

ris substantiam sensibili alteratione facta in eodem corpore, caliditate, frigiditate, & cæteris: secundum substantiam tota est in facultate passiva, secundum uerò aliquam qualitatem in facultate actiua, ut Portulaca & Solatrum. Absolutè medicina est, cuius nihil uertitur in corporis substantiam, totaque eius substantia est in facultate passiva, secundum aliquam qualitatem in facultate actiua sine detrimento tamen corporis, sed alterans tantum, ut Theriaca, & Mythridatum. Vel ea, quæ admoventur corpori, sunt medicina uenenosa, uel uenenū absolutè. Si est medicina uenenosa, est purgans, alterans, & erodens: atque huius nihil uertitur in corporis substantiam, secundumq; aliquam substantiam est in facultate passiva, secundum uerò aliquas qualitates est in facultate actiua cum manifesto corporis detrimento, alterando & corrumpendo, ut Opium: diminuendo & euacuando, ut Scammonea: erodendo, ut Cantharides, Euphorbium. Intelligitur uerò ne mole excedant, nam si excederent omnino perimerent & corrumperent. Si uerò est uenenum absolutè, corrumpit totam corporis substantiam nulla facta sensibili operatione ab ipso calore naturali in ipso ueneno, & est totum in facultate actiua, ut Saliua, Vipera, Aconitum. Notandum uerò est, has omnes facultates medicinarum non determinari, tales esse, uel tales, nisi determinetur corpus, cui applicatur. secundum enim uarietatem temperaturarum non tantum in specie, sed in indiuiduo uario modo deducuntur ad actum proprium, respectu cuius sunt facultates, et potentiæ. Ex his sequitur primum Corollarium, quòd quamuis medicinæ, uel cibi sint æquales respectu humani

ni

ni corporis, non sunt eiusdem temperaturæ. Corollarium secundum est, quod una et eadem res potest esse ci-
bus, & medicina, imò cibus & uenenum respectu diuer-
sorū, ut Elleborus homini medicina, cibus Coturnici:
Cicuta uenenum homini, cibus Sturno. Corollarium ter-
tium sequitur, quod medicina in propria temperatura
inæqualis cum excessu insigni quarundam qualitatum
potest esse, eadem tamen respectu corporis, cui applica-
tur erit temperata, ut oleū, & Lithargyriū respectu cor-
poris humani. Quartum Corollarium sequitur, q̃ quāuis
medicina dicatur esse in potētia, respectu caloris innati,
qui uario modo ipsam alterat, deducendo ad actum, ista
tamen uarietas oritur ex uaria medicinarum tempera-
tura.

Consult. L. De cura uermium puerorum.

R. Rhabarbari

Agarici trochiscati ana 3 s.

Oxymellis s.

Aquæ graminis ana 3 vi.

Misce, & fiat potio parua: item

R. Agarici præparati

Rhabarbari electi ana 3 s.

Oxymellis s.

Syrupi de Endiuia

Aquæ graminis ana 3 s.

Misce, ut fiat potio parua. Pillula quinetiam ad ean-
dem intentionem.

R. S. Citri mundatorum

3 ij.

Dissol.

Diffoluantur in uino, Maluatico, exprimanturq; , &
expressioni misce

Aloës lotæ, cum succo rosarum 3 iij.

Agarici 3 i. s.

Rhabarbari 3 i. s.

Camphoræ 3 i.

Croci gr. iij.

Myrrhæ 3 s.

Misce, & fiat Magdaleon, ex quo pillula i. quantitate
unius 3 uel 3 s. fiat, antequam cibum sumat.

Consult. LI. Ad fluxum hæmorrhoidarum.

R. Vnguenti Comitissæ q. s.

B. Pulueris Balaustiarum

Myrtillorum

Gallarum rosarum ana 3 i.

Misce. Ad fluxum diarrhœum

R. Sumach

Radicum Cichorii

Radicum Plantaginis

Caudæ equinæ ana M. i.

Fiat decoctio in iure pulli pro uicibus duabus : cly-
ster aptus ad mitigandum dolorem hæmorrhoidarum.

R. Aquæ hordei lib. s.

Olei de sem. Lini

Rosati ana 3 ij. Misce.

Consult.

Consult. LII. Pro hydropico ex ascite cum tympanite.

HABEMVS hominem qui fuit Cursor, & prius incidit in anginam, quæ vexavit eum per 40. dies. Est ualde prudens, ut mihi uidetur, inter eius ordinis homines: quia audiuit uinum non conuenire, abstinuit à uino per duos menses: quia uerò sitiit admodum, multum aquæ bibit, in quo non satis fuit prudens: & iam undecimus est dies, ex quo incidit in tumefactionem pedum, & uentris inflationem. Credit se melius habere, cum non apparet tumor adeò magnus in pedibus: sed deterius habet multò, quia materia ascendit ad uentrem, & percipit ex motu uelut fluctuationem quandam, & uidetur initium esse ueræ tympaniæ, & ascitis: plerumq; enim iunguntur ista. Tympaniam non possum deprehendere ita manifestè hodie, ut heri ex uentris inflatione. Sed quibus ex causis oritur? Anasarca fit, quoties intemperies est in uenis & hepate, sine aliquo alio insigni nocumento. Ascites uerò & tympanites fiunt, quando sunt obstructions in hepate, Mesaraicis & splene, ut cibus non possit reddi per omnes partes. Et semper fiunt istæ duæ species cum obstructionibus insignibus. Vidi Venetijs religiosum quendam ordinis Prædicatorij in hospitali S. Ioannis & Pauli, hydropicum ex ascite & tympanite, qui fuit curatus. Adfuêrunt mecum excellentissimi Medici plurimi, scilicet, Papiensis, Eugubinus, Trincavela, & alij. Habebat is (ut dixi) ascitem cum tympanite, & tabem cum febre hectica: oportebat eum exiccare & humectare: quare eramus in maxima discordia. Ego

I uolebam,

*tympanitis & ascitis coniunguntur
anasarca
quomodo fiat &
ascitis & tympanitis.*

uolebam, ut multum biberet, sed quæ aperirent, quia habebat plurimas obstructions. Præterea, ut humentaretur, quia ad tabem peruenerat. Ordinabam ego syrupum acetosum, cum omnibus quæ prouocant urinam. Eugubinus nolebat quidquam esse bibendum, & narrabat de quodam historiam, qui per sicca fuit curatus. Papiensis, ut litem dirimeret, conclusit, omnino nihil esse bibendum. Res extrahebatur usque ad noctem, deducebant nobiles unumquenk; Medicum ad suam cymbam. Ibi tum Papiensis, quod antea dissimulauerat, conuersus ad Magnificum quendam, dixit, si uultis curare hunc Dominum, profecto non aliud erit faciendum, quam quod consuluit MONTANVS. Vidi repletum quendam aqua inter cutem, qui non poterat uentrem sustinere, sed fascia ligatum continebat. Vidi alium, qui in ponte Riui alti eleemosynam petebat, mendicum hydropicum tantum in brachio: is adeo distentam habebat manum, ut facile æquaret manicas ad terram usque demissas. Vidi etiam puellam hydropicam in gutture tantum, ut tumor longissime dependeret, quam curauim per incisionem. Est ergo hydrops abscessus quidam, qui in qualibet parte corporis accidere potest, præcipue tamen in abdomine. Quanto deterius habent, tanto plus habent de aqua: & si melius, plus de uento. Est igitur tympania minus malum quam ascites. In hoc autem nostro est adhuc plus de uento quam de aqua, nec adhuc facta est putredo. Accipit iam syrupum acetosum, Diarrhodon, ordinatum à D. Hieronymo de Saxonia, quem non mutabimus, quia aperit & confortat: sed loco aquarum iubelinus fieri huiusmodi decoctionem.

Recipe

Hydro pici
I brachio

puella Hydro
I gutture

vidi ego mulie
re hydro pici
I matrici de
can muscam
mortaam.

R. Chamædryos

Agrimonie

Cichorij ana

m. i.

Coquantur in libris duabus aquæ ad consumptionem
tertiæ partis: facta expressione diligenti, seruetur deco-
ctum pro quatuor syrupis, cum syrupo ordinato à D.
Hieronymo. Item accipiat ante syrupum pillulam in-
frascriptam.

R. Specierum Hieræ simpl. 3 s. fiat una pillula.

Per Agrimoniam intellige Eupatorium antiquorum, nō *qd' intelligit*
Argemonem: debemus enim nominibus uti usitatis, & *f' agrimoni-*
habere intentionem rectam. Habebit inde hæc iuuamē-
ta: egeret singulis diebus, aperiet, corroborabit uen-
triculum, concoquet melius, & exiccabit aquam. Agri-
monia, Chamædryos & Cichorium habent etiam pro-
prietatem ad hepar: & quia obstructionem magis habet
in uentriculo, singulis diebus accipiat unam pillulam de
Hiera. Quando septies, aut prout uideritis, ista exhi-
bueritis, poteritis alia maiora exhibere. Nunc nihil ex-
terius applicetur, ne materia attrahatur. Accipiat sy-
rupum tantum sine pillula, quia ista pillula plurimum
eduxit: unde colligere possumus, esse in concauo ma-
gnas obstructions, quæ uentositatis causæ sunt, & im-
becillis coctionis. Quare nisi istæ ablatae fuerint cum
uentositatibus, nunquam curabitur. Neesse igitur est
ut accipiat Hieram. Præterea uolo fomentum ex Absin-
thio, cum uino potente & aceto, sine aqua, ordinare,
quia uolumus resolvere, ut fomentetur uenter cum spon-
gia bis uel ter, deinde linimentum adhibeatur.

R. Absinthij

m. ij.

I 2

Aceti

Aceti fortissimi

Vini optimi
mentatione.

ana. quantum sufficit pro fo-

R. Pulueris Cinini

Amisi

Carui

Ameos ana

3 i.

Olei de Cesto

Nardini ana

3 i.

Cum cera fiat linimentum molle pro loco. Tertiò die abiit Montanus, et post octiduum redijt, ac proce-
mij loco hæc nobis retulit. In sene isto hydropico uidetur
mibi malum auctum, quia intumuit uehementer, etiam
facies magis est tumida, si rectè animaduertetis. Cau-
sam audietis. Cura nostra, si rectè meministis, erat di-
recta in id, ut calefaceremus, & exiccaremus hepar,
quia ex longo aquæ usu, quam copiosissimè biberat per
sex ferè menses, nimium sese refrigerauit: obstructæ
ergò uiæ inter hepar & Mesaraicas, & facta est tym-
pania flatum habens inter peritonæum & partes alias,
quæ rarò, imò nunquam est sine aqua. Est præterea uir
circa 56. uel 60. annum. Est ergò morbus frigidus, ut
omnis hydrops essentialiter est frigida. Exhibebamus
ergò syrupos calefacientes & aperientes, & singulis
diebus unam pillulam de Hiera, ut calefaceremus, &
paulatim educeremus. Præterea fecimus magistræ li-
nimentum uentri & pedibus, & ita in hoc puncto reli-
quimus patientem, & abiuimus aliò uocati, credentes
ita perseueraturum cum in medicamentis ordinatis. Sed
aliter factum inuenimus. Nam interim accepit succum
Fumi

Fumi terræ, cum sero lactis, & extrâ usus est emplastris
 Meliloti. Videamus, quid ista possint, an intentionibus
 nostris satisfaciant. Serum lactis refrigerat & hume-
 rat, teste Galeno libro de aliment. & simpli. faculta.
 quamuis Mesue dixerit habere vim calefaciendi &
 exiccandi, sed eam admodum leuem, nec insignem. Quare
 & ipse ubi uult refrigerare in humoribus adustis, exhi-
 bet serum lactis tanquam aquam, (non putemus Mesuem
 uirum certè magnum, contradixisse Galeno) quæ habet
 frigiditatem, actu potius humiditatem quam potentia.
 Quare Galenus uolens infrigidare, accipit aquam ual-
 de frigidam in synochis & caufonib. et ista frigiditas po-
 test remoueri facile cum aliquo simplici: nam si adda-
 tur Sulphur, Calamentum &c. tunc calefacit magis:
 utimur enim aqua tanquam fundamento, materia, basi
 & subiecto aliorum calefacientium & refrigerantium.
 Tale quid præcisè imaginatus est Mesue de sero lactis.
 Et sine dubio per se, et absolute loquendo, uoluit serum
 esse frigidum: sed quia à lacte uulgo separatur cum co-
 agulo, quod est calidum & siccum, facile in se recipit
 istas qualitates, aut secundum Dioscoridem cum Oxy-
 melle. Credidit ergo propter adiuncta serum esse cali-
 dum & siccum, non per se. Et ita est concordandus Me-
 sue cum Galeno, neque propterea est mendacii arguen-
 dus, sed propriè confusus est dicendus, quod proprium
 est Arabum: nam omnes Arabes potius sunt confusi,
 quam mendaces, quia procedunt confuse, aut quod ea
 quæ bene intelligebant, non poterant exprimere, aut
 quod male uersi & translati sunt. Certè Mesue non de-
 bebat absolute dicere serum esse calidum & siccum,

seru lactis
 qd opetur.
 & contradi-
 ctio inter gal.
 & Mesuem
 hinc in meo
 seru lactis

quare Mesue
 dixerit seru
 lactis haberi
 vim calefa-
 ciendi & exsi-
 candi & sepe
 ram illi cogn

sed distinguere, scilicet, serum præparatum secundum modum Dioscoridis, aut etiam ut nos facimus, esse alia qua ex parte calidum & siccum, licet in se sit frigidum & humidum. Sed si non uis conciliare ipsum hoc pacto, crede magis Galeno, principi Medicorum, qui & distinctè loquendo, apertè serum frigidum esse ponit. Non ergò dandum fuisset, ubi calefacere & exiccare oportebat. De Fumoterræ nullus certus est gradus à Galeno, neque ab alijs expressus: ubi enim Galenus subicit, ibi miris modis alij cæcutiunt & contendunt: uelut etiã de Rha barbaro, argento uiuo, ferro, quia methodum eorum non habent, destituuntur luce Galeni. Sed nos certum gradum dabimus, uera methodo inquirentes. Gustanti apparet in Fumoterræ amaritudo satis insignis, hoc est, supra mediocritatem, non tamen Aloë & Absinthio comparanda, & præter ipsam nulla percipitur uis aut astringendi, aut acrimonie. Ergò amarus est cum aqueis partibus pluribus. Signum, quia aquositas eius uidetur linguam humectare. Præterea tantilla herbula plurimum reddit succum, & si tantum Saluie, Calamenthi, aut Absinthij sumpseris, duplo ferè plus ex Fumoterræ extrahes. Adhæc facile exiccatur, & fit prorsus effæta, sicca, sicut fœnum: nec retinet ea succum, sicut aliæ plantæ, quia succus eius est tenuis, subtilis: percipitur igitur amaritudo cum insipiditate. Sensus autem magis percipit insensibilia intensa quàm remissa: sed aquea cum sint insipida, non mouent sensus. Amaritudo autem est obiectum gustus, ferè ut dicit Aristoteles, uellicans, quod sumpsit à Platone. Amaritudo est ex partibus terrestribus adustis, insipiditas ex frigidityte & hinc

*Nota d' fumo
terre et d'
eius tempera
mentu.*

*amaritudo d'
insipiditas a
gustibus partibus.*

& humiditate. Et licet plus adsit humiditatis quàm frigiditatis, tamen non ita percipitur: non enim mouent sensum, nisi frigiditas ualde intensa fuerit. Scimus nunc esse partes diuersas in Fumoterræ, sicut in Coriandro, quod & calidum est & humidum. Ratione amaritudinis Fumus terræ est calidus et siccus, abstergens & aperiens, et hæc non potest secundum gradum pertransire: nam omnis amaritudo in caliditate non pertransit secundum gradum, quia per uehementissimam adustionem fit acris sapor. In amaris simplicibus partes igneæ potius exhalant, & remanserunt terreæ. Sic Absinthium est calidum in primo gradu: succus autem eius, quia terreæ streitas est magis remota, est calidior. Ita Aloë non pertransit secundum gradum. Si ergo Absinthium calidum est in secundo gradu, quid dicemus de Fumoterræ, qui adiunctam habet plurimam humiditatem? Certe uix attingit primum gradum caliditatis. In passuis autem est ferè temperatus, quia habet amaritudinem cum multa humiditate tenui: quare ualde abstergit, & obstructionem liberat, & non calefacit: potest etiam refrigerare & humectare multa aquositate. Quare rectè dicitur abluere melancholicos humores, & cōferre succis adustis, quod experientia in omnibus terris probauit: & certè experientiæ est plurimum fidendum. Quod si opiniones omnes uulgi huius urbis cōiungerentur, de Fumoterræ, aut re alia, optimus exurgeret Medicus. Quare ego consulo, ut quoties refrigerare, humectare & abstergere uolueris, sumas Fumum terræ: non autem quando intentio occurrit calefaciendi & exiccandi. Malè ergo hætenus factum est cum agroto nostro.

I 4 emplaz

Coriandro
temperamentum
hu. & fumi
terre & ab
sinty

quando uti
du fumo
v

emplastrum Meliloti admodum facit ad propositum nostrum, quod in duritie cōfert, sicut etiā cerotum Oesypi descriptione Philagrij, ut habent Luminaria. Sed in isto uolumus resolvere, & etiam unā corroborare, ut tonus membrorum maximē principalium conseruetur. Nam quando laxa sunt reddita, non possunt bene conficere alimentum: ergo & illa remouebimus. Hæc proœmij loco dicta sint hæc uespera, quæ nobis ualde utilia esse iudico. Neque uerò me quisquam iniquum esse dixerit in alios Medicos, qui ea uobis propono & declaro, quæ recta sunt & artificiosa: nam hæc esset magna malignitas, indigna bonis disciplinis. Primum omnia symptomata obseruate circa ægrum, postea eadem diligenter audite, si uultis proficere. Hydropicus quia habet tympaniam cum ascite, magis tamen tympanitem, est iam in manifesta declinatione: perseuerabimus tamen adhuc in nostris intentionibus, quæ sumebantur à ueris indicationibus. Calefaciemus & exiccabimus hepar, & obstructions auferemus, tumorem etiam ex flatu & aqua resoluemus, & euacuabimus. Quatuor ergo ista faciemus. Ordinabimus autem linimentum, non emplastrum. Sumo autem emplastrum modo moderno, quod nos cerotum uocamus: antiqui appellarunt emplastrum, quia emplastra dum exiccantur, decidunt, & per lectum sparguntur, & sunt agris molesta.

℞. Olèi de Costo	℥ i.
Nardini	℥ i. s.
De Absinthio	℥ ij.
Mastiches	℥ ij.
Specierum Diacimini	℥ ij.

Cum

Cum modico ceræ fiat linimentum pro toto uentre.

℞. Syrupi acetosi

De radicibus ana ℥ i.

De Absinthio ℥ s.

Detur mane sine aquis: quia humida ut aqua, nō conueniunt ubi habemus aquam & uentum, atque ubi aperire uolumus obstructions in regione stomachi & Mesaraicis, oportet medicamen ibi moram facere. In radice, credo quōd fuerit calidæ & siccæ temperaturæ, sicut etiam ex habitu corporis apparet & colore, qui ex malo regimine prouenit. Fuit enim cursor, & post magnam defatigationem, ut sit in tabernis, uini plurimum hausit potentis, aut etiam crassi. Collegit multum etiam adustionis, melarcholici humoris, qui desedit in crure: solet enim illa loca petere propter grauitatem, unde uarices, & naxōnū ulcera fiunt. Ex colore igitur, asperitate ad tactum, & calore etiam, ibi apparet humor adustus, qui longē aliter est tractandus, quā superiores illi affectus, qui calida & exiccantia requirūt. Nam cruribus in hac dispositione cōueniunt res abluentes & refrigerantes. Optimum igitur fuerit lauare pedes sero lactis, in quo sint res abstergentes, ut Fumus terræ: si uerō sumptibus parcat, aqua hordei cum Fumo terræ, folijs Boraginis, & aliquanto fursuris.

℞. Hordei pug. iiij.

Fumi terræ

Boraginis

Endiuie ana m. ij.

Fursuris pug. iiij.

Ebulorum v.

Brilliant

gn ag 15y.
nd comen
ant.

Bulliant in situlis duabus aquæ, ad consumptionem medietatis. Vltima Maij. Cursor peius nūc habet quàm antea unquam, quia nihil eorum quæ præscripsimus, fecit. Urina est alba, liuida, non pallida: nam hæc esset satis bona, quia pallida & citrina, sed plumbea aut cineritia, significat frigiditatem, et extinctionem caloris naturalis. Luciditas & splendor, aliorumq; quæ sunt in urina corpore, fiunt à calore & spiritu. Ergò priuatio luciditatis indicat spirituum priuationem. Hydrops est accidens, non ægritudo. Intemperies autem hepatis, & Mesaraicarum obstructio est ægritudo. Prouidimus ergo cum calefacientibus, aperientibus & abstergentibus, sed nihil est adhibitum. Morietur bonus senex, nisi adhibeatur summa diligentia. Potest cōmodè adhiberi in hoc casu, Diaphœniconis, Meliloti, Agrippæ usus. Sed quia aggrauant, et etiam exiccant, sunt ægris molesta. Linimentum igitur ordinauimus, quod idem faciat. Semper est opera danda, ut non tantum salutaria ordinemus remedia, quæ ad morbum attinent, sed etiam grata ægrotis, et quæ minimè ipsis sint molesta. Semper cum uultis aperire, addantur amara, quia ista cum fundantur in materia crassa & terrestri, moram faciunt, & obstructions aperiunt: acria incidunt potius, et penetrant. Galenus fuit non dico simplex, ne putetis me Galenum reprehendere, sed bonus uir: nam quodam studio uoluit se conformare Dioscoridi. Nam cum ille in Fumo terræ dixerit uim esse mouendi lachrymas, hic etiam præter methodi rationem dicit eum habere acrimoniam.

Consult.

urina plumbea
q d ostendat
Luciditas &
splendor
urina ag
est & alia

Nota

cū uolumus
aperire moram
sunt ad dēda

Consult. LIII. De Phthysico.

INFIRMVS iste in sinistra parte, perpetuò diu no-
tūq; à mense Septembri usque ad Bacchanalia, sed ad
tactum non doluit, sicut mihi interrogatus respondit.
Nunc nihil dolet nisi circa uentrem, in affecto latere cu-
bens doluit. Hoc præcipuum est symptoma, ex quo reli-
qua dependent. Inquiramus igitur eius causas. Iste do-
lor uel est à mala temperatura sine materia, uel cum
materia: non à simplici, quia ad tactum doluit, postea
multum etiam sanguinis excreuit, & cessauit dolor.
Etiam si simplex mala intemperatura fuisset à princi-
pio, tamen diu sine affluxu permanere non potuisset. Est
igitur affluxus materiæ frigidioris, quia per sex menses
durauit. Sed ubi est tota materia? In parte exteriori
pectoris: quia cubans in latere affecto, doluit, propter
compressionem: si enim in interiori parte fuisset, non do-
luisset eodem latere cubans, quia materia costis incum-
bens non extendit locum. Quare etiam totum opposi-
tum accidit, si in latere non affecto cubat. Dolet enim
nunc locus affectus, quia materia suspenditur, si est in
interiore cavitare pectoris: si uerò in exteriori, quiescit
sine dolore. Est ergò materia in exterioribus, intra ue-
nas ibi existentes, quæ erant tumefactæ. Nam si extra
uenas putruisset, aut apostema aut scirrhus apparuisset.
Ergò obstructæ fuêrunt uenæ à sanguine crasso ibi col-
lecto, quo natura irritata, postquã se patiens præter so-
litum mouisset, compressus hominū multitudine, Vene-
tijs die Iouis in Bacchanalibus agitata est materia, &
postea subito erupit, & transit per membranā succin-
gentem

*ē pulmonem
eductus
quā qualis*

gentem costas ad pulmonem, & tandē expuit. Fuit iste sanguis purpurei coloris. Ergo à loco eductus, et crassę substantię, cū sanguis à pulmone proueniens sit rubeus, spumofus & tenuis. Igitur in exteriori parte pectoris fuit prima affectio: non tamen immediate sub cute, sed in interiori parte musculorum, quia non doluit ad tactum. Et quia locus iste debilis permansit, adhuc nonnihil dolet. Post sputum sanguinis natura euacuatiōnem à loco est aggressa, sicut etiam faceret Medicus, uolens se iuuare: eduxit multum sanguinis ex uenis narium, quod nisi fecisset, impetus fuisset factus ad suffocationem. Non potuit autem ita exquisitē purgare, quin remanserit in pulmone aliquid: sed de hoc nihil dicemus, quia prius uidebimus sputum. Tussis si non est ex sanguine in pulmone detento, erit forte propter leuem destillationem ex capite, uel ob consensum, uel est sicca propter malam qualitatem, quę infecit pulmonem, ad cuius expulsionem uires intendit natura. Dolor uentris est propter consensum, fortassis circa diaphragma. Sanguis est unā euacuatus, & ita calor debilitatus, non potuit alimentum uitę conficere, nec uirtus retentiua continere quantum conuenit: quare flatus exorti dolorem inferentes: frigus in extremis, & uelut horripilatio in toto est, ex uapore potius quàm ex materia. Aliàs horripilatio fit, quoties mala qualitas, aut humor mordax uel calidus uel frigidus, subito per membra sensibilia spargitur. Hic non est humor, quia fieret febris, sed est potius uapor, qui non potest exhalare. Nam si ægrum corpus, nihil difflatur, nisi symptomaticē: si sanum, optimē difflatur: si medium, medio modo se habet:

*horripilatio
quomodo fiat.*

¶

Et quia isti uapores non sunt tenues, quia non diffan-
 tur, sed crassiusculi, fit ut diutius hæreant, & horrorẽ
 ita perpetuò inferant. Extrema frigent ob caloris ino-
 piam, quia sunt exanguia. Iam habet febrem, quam ego
 credo esse hecticam, complicatam tamen cum putrida:
 quia pulsus est durus, uelox, frequens, & inequalis.
 magnus non est, sed magnitudinem compensat frequen-
 tia & uelocitate. Inæqualitas pulsus semper duo signi-
 ficat, aut febrem putridam, aut pulmonis affectus. Est
 autem ista putrida ex materia pituitosa, crassa, quam
 Græci τυπώδα, Auicenna Laticam appellat, in qua ob-
 struitur calor, nec potest liberè transire. τύπος enim
 Græcis significat sepultus calor. Hodie deterius multò
 se habet quàm heri: oportet igitur attendere euentatio-
 ni & exiccationi ad prohibendam putredinem, & ape-
 riendas obstructions. Præterea corroborandus est ca-
 lor naturalis, quo corroborantur omnes uirtutes. Expe-
 ctandum præterea, num dolores sint proportionati futu-
 ri altero die. Ptisana hordeacea erit illi ualdè conueni-
 ens, quia abstergit, refrigerat, lenit etiam ratione a-
 quæ: Sed ne ace scat in uentriculo, parum Cinnamomi ad-
 dere oportet, quod etiam prohibet putrefactionem &
 confortat, concoquit pituitam existentem in uentriculo,
 & corrigit eius frigiditatem: ac licet uerum Cinnamo-
 mum non habeamus, uti tamen possumus eo quod habe-
 mus, aut etiam Cassia lignea. Loco alimenti sumat uitel-
 lum oui, aut carnes etiam: est enim ualde debilis. Vinum
 sit album & leue: nam hoc ad humectandum confert.
 Et si enim humectatio nunc nō est utilis ob putredinem,
 tamen facit ad aperiendum et euentandum. Nam & hu-
 mida

pulsus in æg-
 litas qd signi-
 ficat.

ptisana qd
 operatur.

Nota de cin-
 namo

mida corpora dummodò euentantur, non putrescunt.
 Nec parum alimenti adfert humiditas illa ex uino tali.
 Nunc cum adeò sit debilis, & res procedat in deterius,
 ordinabimus linimentum pro parte sinistra dolēte, quod
 partem istam humectabit, & facilitabit etiam sputum,
 nec tamē putredinem augebit. Sumemus oleum Chamæ
 melinum, & adipem anserinum. *Adeps anserinus* ualde
 penetrat, est enim subtilissimarum partium, relaxat, res-
 soluit, & habilitat pectus ad motum. Probari potest et-
 tiam subtilitas & penetratio, si infundatur in manum,
 tunc enim celerrimè pertransit, & in substantia positus
 citò diffunditur ad magnum spatium. *Anethinum* est re-
 solutiuum materiæ calidæ, ut sanguinæ, & est conco-
 ctium frigidæ. Nota: Quæ concoquere aut maturare
 debent ad inflammationem à sanguine & calida mate-
 ria, non debent transire primum gradum caliditatis, si-
 cut Chamæmelinum, Amygdalarum dulcium, & Lilio-
 rum alborum, quæ in primo gradu sunt calida. Quæ
 concoquere debent materiam frigidam, non debent trā-
 sire secundum gradum caliditatis, ut Anethinum calidū
 in secundo gradu. Quando miscentur medicinæ calidæ
 in secundo gradu, cum calidis in tertio, tunc totum mix-
 tum est remissum in secundo, iuxta Galenum, sicut osten-
 dimus in nostra Methodo de compositione pharmacorū.
 Ex oleis in hoc casu præferrem Chamæmelinum, quia
 etiam uim habet corroborandi: habet etiam leuem astri-
 ctionem. Et iam ista tria agere intendimus: Victum insti-
 tuemus, linimentum ordinabimus, & corroborabimus
 oīa mēbra naturalia. Ad corroborationē ergò iuuatur
 totus uenter inferior, cum oleo de Absinthio. quod
 si pau-

anserinus

melinum

*Chamæmelinum
oleum*

si paulò melius habere cœperit, medicinâs ordinabimus. Vix euadet hic, sed eligemus ægrum alium, de quo maior sit spes, ne si omnes prius desperati moriantur, nostra culpa perijsse dicantur: sicq; uos facietis in praxi, non sunt desperati casus recipiendi. Est à me quæsitum, *Nota Turin* utrum possimus ueram cognitionem sumere ex urina, *semel corru- pta, et alia* qua semel corrupta, calida aqua post reparatur. Respō deo, nihil sumi posse: nam in urina considerari debēt liquor, color, substantia, subsidentia. Sed hæc omnia destruantur, posita ad ignem urina: semper enim magis tincta ad ignem redditur, quia partes quædam tenues aduruntur, quæ mixtæ cæteris, tingunt. quandoq; etiam minus tingitur, cum partes non sunt aptæ ad uestionem. Substantiam facit calor naturalis, quia magis uel minus attenuat. Idem non potest calor ignis: non enim eodem modo potest regere, quo calor naturalis. Idem de liquore dicendum, sunt enim liquor & substantia ualde annexa. Limpidiores plerunque redduntur. Subsidentia autem semper post calefactionem. Est ergo nihil certi ex tali urina: sed est inuentum hoc auarorum Medicorum, qui multum ea ratione lucrantur. Auicenna inquit, *Ne post hora* ti putant urinam collectam post sex horas non esse inspiciendam: ego uerò nec post unam horam. *ne dicit post* Quidam post *sex* tres dies uident, & prædicant, modò des unum Mucenicum. *da uina* Quando urina statim putrescit, non est facta coctio. *I* pus & sedimen in urina, media sunt inter putrefactionem & concoctionem. Sumat ouum sorbibile, seu tellam brodij carnis uituli aut pulli, loco syrupi: licet etiam carnes manducare.

R. Adipis anserini

3 i.

Olei

Olei Anethini

Chamæmelini

ana ʒ ʒ.

Misce pro unctione pectoris in parte dolente.

℞. Olei Absinthij

ʒ ij.

Lichenus Plinij

Misce pro unctione totius uentris inferioris. Lichenes Plinij, quam etiam uocat Mentagram, quia mentum ero-
debat usque ad ossa, & proportionata erat morbo Gal-
lico, nunc uero non extat, differt à Lichenibus Græco-
rum. Pro eductione materierum putridarum & catar-
rhalium, ordinabimus nunc remedia ex facile acquisibi-
libus, ne nobis accidat quod Venetijs cuidā insigni Me-
dico super hydropico consulenti accidisse nouimus, qui
non sine risu aliorum consuluit, exhibendam esse urinam
camelorum, quam ex India afferri oporteret. Medica-
menta sunt exhibenda quæ possunt haberi, quæq; non
sunt ita magno comparabilia, si medearis pauperi.

℞. Terebinthinae pinguis

ʒ ij.

Sacchari rosati puri

ʒ iiij.

Agarici præparati

ʒ s.

*Terebinthina seu
Laricina Lachry-
ma qd optur.*

Misce, detur in aurora quatuor uicibus, aut prout pa-
tiens ferre poterit. Lachryma ipsa Terebinthina seu
Laricina, dilatat, abstergit, & tabidis iuxta Dioscori-
dem est accommodata. Succus rosarum refrigerat, con-
fortat & expurgat. Agaricus euacuat materiã. Tem-
peratura ipsa uel febris non potest tolli, nisi causa subla-
ta. Cibus sit humidus & refrigerans. Ego semper sumo
naturam rei, & inde omnia primùm deduco, quæ à me
dicuntur, seposita interim omni autoritate: postea uero
Hippocratis, Galeni, & aliorum sententijs comprobo.
Hectico electuarium non dabimus, quia euacuauit heri
quater,

quater, & dicit se mitigationem manifestam sentire ex pharmaco assumpto. Sed tamen in sinistra parte conqueritur adhuc de dolore uehementi, ita ut quiescere non possit: quare unum tantum fiet in hectico, in cæteris relinquamus eum his quæ iam sunt ordinata. Ordinabimus ei linimentum, quod uim habeat corroborandi locum, ne recipiat fluxionem. Non tamen eiusmodi erit corroboratio, qualis solet adhiberi in inflammationibus, quæ est correctio seu reductio temperaturæ. Erit hæc tamen astrictio, ad quam maximè faciet Absinthium, Betonica, Chamædrys: habet enim uim maximam corroborandi omnia membra naturalia, cum Endiuia, Cichorio, & rosis, si timetur caliditas. Facta ex his fomētatione, liniendus erit locus cū oleo Chamæmelino et Absinthino.

R. Absinthij

Chamædryos

Cichorij

Betonice ana

℥. i.

Bulliant in sufficiente quantitate aquæ ad consumptionem medietatis, & fiat cum spongia fomentatio.

R. Olei de Absinthio

De Anetho ana ℥. i. ad inungendum locum post fomētationem. Phthysicus hodie quiescet, sed tamen interim utetur suis fomentis. Pulsuum differentias, quæ possunt uerè à Medicis cognosci, non scio plures quàm istas sex. Si Galenus potuit alias cognoscere & obseruare, bene est. Hoc scio, quòd omnes nos non alias cognoscimus quàm illas communes: quod de alijs alij dicunt, forsitan sunt imposturæ. Prima differentia pulsus, est magnitudo, quæ indicatur secundum omnes dimen-

pulsus diff. sex

K

stones,

2a
3a
4

siones, scilicet, longum, latum, & altum: quandoq; enim sentitur unica tantum dimensio, scilicet longitudo, & tunc percipitur arteria, uelut filum quoddam tenue extensum. Et talis non est magnus pulsus, quia non habet omnes dimensiones. Eius opposita differentia est paruitas. Secunda est uelocitas, quæ sumitur ex celeritate motus usq; ad quietem: ei opposita est tarditas. Tertia est frequentia & raritas, quæ attenduntur penes quietē. Quarta est inæqualitas & æqualitas, quæ attenduntur penes omnes prædictas differentias. Est autem inæqualitas duplex: una, unius tantum pulsus, & hæc est fortassis incomprehensibilis: altera plurium, & dicitur inæqualitas συσπματική, quasi collectiua, ex multis pulsibus collecta. Vehementia etiam & debilitas pulsus potest cognosci: nam uehemens est qui Medici tangentis manum ualde pulsatur: debilis contrà. Item plenitudo & uacuitas. Si quærat à uobis aliquis, quasnam differentias habeat istius pulsus, credo inter uos alios aliud responsuros: sed ut habeatis ea in re artem aliquam, nunc de pulsibus dicam. Sex differentias pulsuum habeatis semper præ oculis, sicut elementa quedam: tot enim cognosco, & cognosci posse credo. Vltimas quatuor positas à Galeno, si quis cognoscet, bene est, ego ingenue fateor me non cognoscere. Nihil enim minus unquam uolui quam decipere. Itaq; haud æquo animo patior me interpellari inter tangendum, et explorandum pulsus, quod nihil adeo magnam requirat diligentiam ut pulsus: ut mirum sit alios confabulari interim, & tamen omnes pulsuum differentias assequi. Ego nescio an possint esse tam ingeniosi, & tanta celeritate discurrere. Vos debetis

debetis esse maxime diligentes, ut eas quas dixi differentias, cognoscatis. Primum considerabitis, utrum sit magnus an parvus. Nam & à natura primum intenditur magnitudo, quam si potest perficere, ea sola contenta est. Non abundat enim in superfluis, & in omnibus moderata est natura. Itaque frustra sunt aliæ differentie, ubi in pulsu est magnitudo. Consideratur autem magnitudo in tribus dimensionibus, scilicet utrum sit altus, hoc est, an multum eleuetur: an longus, per quatuor digitos æqualiter: an strictus uel largus. Potest enim istorum aliquod esse sine alijs, et nihil in his sine causa accidit. Secundò consideretis utrum uelox sit, hoc est, utrum celeriter moueatur in pauco tempore: an tardus, qui longo tempore mouetur. Attenditur hæc differentia penes motum: percipiuntur enim in quolibet pulsu semper ista duo, motus & quies. Tertiò, utrum frequens sit an rarus, frequens est, quando breuis quies intercedit: rarus, quando longa est quies inter duos pulsus: sicut uites raras dicimus, inter quas magnum est interuallum: & rarum auditorium, cum miser doctor uix quatuor habet discipulos: frequens autem, cum sedent confertim. Est igitur frequens pulsus, quando quietes sunt parue: rarus, quando quietes sunt longæ. Quod Galenus gloriatur se amorem deprehendisse ex pulsu, apertum mendacium credo esse: eo fuit ingenio, ut uoluerit in omnibus & c. habuit nescio quid Græci. Quartò est uehementia & debilitas consideranda. Vehemens dicitur, quando est ualidus,urgens, et certat cum digitis uestris, nec uult cedere. Debilis autem, quando non facit resistentiam. Sed hic habeatis unam cautelam, ne durities uos

K 2 dectz

decipiat, & ne uehementem iudicetis, qui est durus. Differunt enim uehemens & durus pulsus: quia durus post pressionem quasi uictus cedit ac cessat: sed uehemens resistit fortiter. Quinto, an sit plenus uel uacuus: apparet enim aliquando materia ac si esset uacua. Sexto, utrum sit æqualis an inæqualis, maxime an inæqualitas systematica. Non autem turbet uos uocabulum, quia nihil est in uocabulo: potestis uos dicere collectiuā, pro systematica. Est autem inæqualitas systematica, quando decem uel duodecim sunt pulsationes, et nulla est æqualis seu correspondens alteri. Simplex inæqualitas est: quando in una pulsatione percipitur magna diuersitas, ut si in una parte mordicat, in altera minime: aut in uno tactu est uelox, in altero tardus &c. Istam diuersitatem non puto posse deprehendi, cum uix quies in pulsu percipiatur. Quare nugas esse arbitror reliquas differentias, quas certè impossibile est cognoscere. Et quod Galenus diuidit postea genera pulsum usq; ad minimum, credo ipsum risisse cum scriberet. Quidā dicunt se posse pulsum ferrinum percipere, quod splendidum est mendacium: sicut Medicus quidā dixit ægrum habere ferrinum pulsum, et cum alter doctior eum se deprehendere posse negaret, tandem & ipse confessus est, nec se deprehendisse, hoc tamen ideò dixisse, ut si fortè alter cognouisset, ipse non minùs scire uideretur: sed quando tu non cognoscis, inquit, neque ego cognosco. Hæc de differentijs pulsum, cras de causis agemus. De salute hectici despero, sed tamen nunc bene se habet: uirtus satis constat. Urinæ sunt laudabiles in substantia, et colore: sputum est heterogenium, spumofum, tenue, & in qui-

in quibusdam partibus coctum: pars crassior, uiridis, suppurulenta uenit ab una parte, et sputum spumofum ab alia. Factum est autem spumofum ideo, quia spiritus cum humore est admixtus, & confractus ad minima. Crassior autem pars est cruda, putrida, & derelicta à natura, unde non potuit spirituari, seu spirituosam fieri: non enim admittit spiritum ista crassities. Viriditas cruditatem & malignitatem significat: spirituosam partem proculdubio descendit ex capite in pulmonem, nec multam moram fecit in ipso, alioquin enim putruisset. Est iste noster æger in capite de empyemate. Non est mirandum quod pus per membranam succingentem costas in pulmone recipiat: nam ut Galenus etiam inquit, natura multa alia facit miranda magis, ut quod pus per os transit, quæ quo modo fiant, non possumus imaginari, fiunt tamen, et omnes Medici tanquam manifestum id recipiunt. Hac nocte uehementer doluit in latere affecto, forsan quod heri plus iusto comederit, sicut ipse fatetur. Et quando repletio adest in corpore, ac pulsus non est factus debilior, iterabimus eius medicinam de Terebinthina, ut natura alias excrementis suffocata excitetur. In hectico hodie nihil mutabimus, quia uirtus satis est imbecillis, & pharmacum multum eduxit. Verendum ne incidat in symptoma grauissimum, quod ferè accidere solet cum catarrho, in tabidis maxime, ut cum diarrhico fluxu pereat, propter uirtutis imbecillitatem, quæ consistit in tribus, in calore & spiritu, in sanguine, & in solidis. Quando hæc omnia bene se habent, ualida etiam est uirtus: quando deficit unum, imbecillior fit ipsa. In tabidis autem omnia ista deficiunt: deficit enim calor,

sanguis, musculi consumpti, & deniq; nihil aliud sunt quam ossa & cutis, ut ait Galenus: non mirum itaque si ex retentricis imbecillitate in diarrhoeam incidant, hinc enim & faeces iam indigestae apparent. Potest etiam esse propter catarrhum. Ita uidebitis semper fieri, quando prouenit fluxus, quod ut plurimum contingit tabidis, tunc mors est proxima. Fiat huic tamen fomentum ex Absinthio & aceto, ad corroborationem, quia propter frequentem egestionem multum est debilitatus, & corroboratio ista non est proprie dicta, sed largius sumpta. Quia uero confortatio nihil aliud est, quam reductio ad temperiem, esset in isto procedendum cum frigidis & humidis. Pulsus est admodum paruus, sed uelocitas non admodum mutata. Si haec nondum deprehendistis, exerce te manum & mentem ut possitis deprehendere. Velox, paruus, magnus, sunt relatiua in comparatione ad aliud, ad temperatum scilicet in calido aliquo aut bilioso. Pulsus in se non recte dicitur magnus aut uelox, sed bene in comparatione ad Socratem calidum & humidum: & excessus notamus tantum in pulsibus. In uelocitate non recessit pulsus, sed mutauit insigniter frequentiam: est enim multo frequentior quam heri. Nam cum tria sint quae pulsum faciunt, necessitas, uirtus, instrumentum: necessitatem habet eandem quam sanus, & forte etiam maiorem, & duritiem instrumenti. Ergo non potest dilatari ad iustam & opportunam dimensionem. Natura ergo prouidet cum uelocitate. Sed quia etiam uirtus imbecillior, non est uelocior: ad uelocitatem enim requiritur uirtus, siquidem senex non potest bene currere. Supplet ergo frequentia, quod magnitudine & uelocitate

*pulsu tria sunt
q. faciunt.*

uelocitate non potest: & est frequens pulsus perinde ac formica operosa: nec desunt ista usque ad mortem, quia ultimum est refugium miserorum, pulsus. Nusquam desperet Medicus, quando constat in pulsu magnitudo, uelocitas, uehementia: si aduenit pro his frequentia, malum. Quantum ad tabidum, pauca sunt dicenda, & pauca etiam facienda, deuenit enim ad extremam extenuationem, & ad fluxum uentris, quod pessimum est, iuxta Hippocratis illud: A tabe subito fluxus uentris superueniens malum, ac ferè omnes moriuntur. Sic Cassianus noster, & M. Antonius Barolinus. Est autem malum & per uiam signi, quia significat defectum omnium uirtutum. Virtus enim naturalis non concoquit, non sanguificat, non distribuit: et præterea catarrhum augeri ostendit, qui descendit ad stomachum, & lenit aluum. Et per uiam causæ malum est, quia ipse nutrimento indiget, quod subtrahitur per defluxum uentris. Non loquemur igitur amplius de isto, nisi quod conabimur facere dum uiuit, quæ possumus. Appetit lac, quod dabimus ei, sed in quo ferrum candens fuerit extinctum, ut partes serosæ, tenues, abstergentes auferantur, & maneat pars casealis, ad alui astrictionem non parum conferens. Linimentum etiam ordinabimus ad corroborandum uentriculum, & sistendam aluum.

R. Ladani electi ℥ s.
 Mastiches 3 ij.
 Olei de Absinthio 3 i.

Misce pro unctione stomachi. Ladanum, præterquam quod concoquit, etiam facit ad penetrationem. Mastiche appropriata est stomacho, & Absinthium mirifice

K 4 robor

*tabidi fluxus
 uentris
 quod malum*

*Nota uirtute
 lenimenti.*

roborat uentriculum. Affligitur in sinistra parte, & nō potest quiescere in opposita, quia tumor iste iam deuenit ad partes interiores. Ex Chamæmelo & Chamædry facere possumus fomentationem. Præterea emplastrum Meliloti est optimum: quia resoluit, maturat, & confortat. Si materia indiget resolutione, tunc resoluit: si maturatione, maturat: si utroq; utrunq; facit. Ergo loco dolenti applicabitur illud emplastrum Meliloti, sicut pridem dixi. Ita iste miser est mortuus cum fluxu uentris.

*meliloti empla
stri uirg.*

Consult. LIIII. De Ischiadico.

CUM accedatis ad ægrotum, quod primum debetis agere, est istud. Primum contemplantini uultum, deinde colloquamini cum ipso, postea tangatis pulsum, & obseruabitis omnia quæ uobis ad morbi cognitionem erunt necessaria. Decumbit hic Ischiadicus, qui ad tabem ferè peruenit. Adsunt febris continua, tabes totius corporis, dolor in sinistra parte circa glandulas, inguinis dolor, non erigit crus, sed flectit. Ista omnia considerata in hoc ueniunt. Quo modo curandus hic erit & liberandus ab his affectibus? Indicationes erunt necessarie. Vnde? à natura morbi & symptomatibus. Sed præsupponemus, primò eius temperaturam, quæ est calida, sicca, cholERICA: est enim gracilis, & talis fuit sanus: pilæ plurimi in corpore, et nigri, crassi, uenæ amplæ. Laborauit antea ex hepate: antea, ut dixit, laborauit morbo Gallico. Est Ceretanus, uagabundus, uixit inordinate, ut solent isti. Incipiamus à primo symptomate. Primò sensit dolorem cum tumore in partibus glandulosis circa pubem, qui causatus est à materia pituitosa, uel etiam ex fece

ex face sanguinis, in eam partem natura debilem delatam, propter ambulationem, et uictum inordinatum: communicata deinde est propter loci uicinitatem, neruis & musculis mouentibus crus, qui aut resoluti sunt, aut debiliores facti: forte etiam per uertebras dorsi delata aliqua materia eò decubuit. Morbus ergo est mala intemperies, uel obstructio in istis partibus. Febris est symptoma: quia materia multa in locum aliquem depulsa, non bene euentata, necessario putrescit. & puto febrem esse hecticam, quæ ut plurimum iungitur putridæ, et si ex ephamera potest fieri transitus in hecticam, sicut dicit Galenus: multo magis ex putrida, præcipue in cholericò corpore diu laborante. Si uelis febrem morbum appellare, nihil refert. Febris putrida ferè semper iungitur hecticæ. Et hoc est, quod Auicenna inquit, primam & secundam speciem hecticæ cognoscei difficillime. Contrarium dicere uidetur Gale. sed Auic. intellexit de hecticâ coniunctâ putridæ: & sic doctissimi isti uiri non sunt pugnantes. Atropia seu tabes, fit propter dolorem febremque: sed primum uitium est in neruis & musculis pedum. In cura respiciendum est ad id, quod est principale, quo ablato auferuntur & cætera. XI. Meth. quod habet rationem causæ sine qua non, sed cætera curari possunt: quod perpetuo in complicatis uitijis est obseruandum. In hoc casu dum dolor adest, tolli nequaquam cætera poterunt. Dolor ergo primò sedetur. *Solet autem dolor per quem, item sedari aut per mitigatorium, aut per stupefactiuum, sedetur.* aut per euacuatiuum. Non per duo priora, ergo per euacuationem. Sed iste humor faciens dolorem, uel totus decubuit in partem, uel habet adhuc causam fouentem.

Euacuare

Euacuare ipsum non ausim, quia fuit satis purgatus, & heri sumpsit pillulas satis fortes: præterea est arefactus omnino. Sed ex loco oportet tollere materiam. Instituitur regimen primo, deinde à loco materia euacuatur. Sed quibus modis: aut fomentis, aut emplastris, aut utrisq;. Et nota, si per emplastra applicata rubescit locus, erit iter curæ cognitum, quia materia dissipabitur & resoluetur: sin minus, cura erit difficilis & impossibilis. Postquam igitur facta est generalis euacuatio, fomenta applicabimus, & emplastra quater aut quinque: si tumor non obedit, ad fortiora ibimus: si neq; tum, ad chirurgum ægrum mittemus. Inter reliqua semper habeat patiens uentris beneficium. Aqua mellis loco uini bibatur: nam bene nutrit, & melius quam uinū. Inijciatur aliquid Saluæ & Betonicæ, propter corroborationem neruorum, & resolutionem materiæ. A clysteribus primo incipiemus leuioribus, deinde fortioribus. Resoluere & mollire oportet in hoc casu. A leuibus incipiamus, & tandem ad dropacismos perueniamus, si ista non contulerint.

R. Anethi seci

Florum Chamæmillæ

Maioranæ

Pulegij

Calamenthi ana m. i.

Sem. Lini

Fœnugraci ana ʒ i.

Ebulorum uirid. m. iiij.

Bulliant omnia simul in sufficienti quantitate aquæ, ad consumptionē medietatis, pro fomentatione. cum spongia

gia terantur quater.

R. Hyssopi ceroti

Dialtheæ ana

℥ i.

Butyri recentis

℥ ij.

Misce, fiat linimentum pro loco, quod adhibeatur post fermentationem.

R. Aquæ communis

lib. iij.

Mellis ℥ iij. s. Sumitur octava pars mellis.

Salviæ

Betonicæ

ana M. s.

Bulliant in aqua ad tertiam partem, bibat loco uini. Conualuit, & discessit tertio. Iuuenis quidem sciaticus bibat aquam mellis, et clysterem sumat ex Maluæ brodio, cum Hieræ picæ ℥ iij. Mellis rosati ℥ i. Olei ℥ iij. Potus pro febricitante:

R. Aceti

lib. i.

Sacchari

℥ viij.

Fiat oxysacchara, atque de isto sumatur aliquid, & misceatur cum aqua cocta, quantum ægro placet, & sit potus febricitanti.

Consult. LV. Pro melancholico.

Casus nobis oblati diligenter est considerandus.

Ex colore iudicamus ipsum ualde abundare melancholia, & adusto humore, & corpus esse cacoehymicum.

Color enim maximum indicium præbet humorum exacerborum in corpore, ut dicit Gal. Præterea germina illa in diuersis partibus idem ostendunt. Sed melancholici sunt frigidi & sicci. Iam, ut dicit Gal. II. artis, tempera meliora sunt, si ad ista reperiatur, ut dicitur de melancholico.

*ca. quau temp
evatur a cal-
da & sicca
decedente
alati frasca
i frigidu &
siccu & sint
flatuosi.*

peratura calida & sicca, decedente ætate, transiit in
frigidum & siccum, quia calor adurit humores: ergo
omnes tales sunt flatuosi. Et abundant etiam pituita.

Quare in euacuandis melancholicis, semper etiam ali-
quid admisceas, quod pituitam educat. Confectio Ha-
mech est diuina apud me, pro melancholicis & adustis
humoribus, in qua melancholiam purgantia, optime ad-
mixta sunt cum his quæ ducunt pituitam. Bene etiam il-
lud, quod coitu uiuentur melancholici, quia excernun-
tur flatus. Sed queritur an ista cacochymia sit ratione
propriæ intemperaturæ, an ratione regiminis. Credo
esse propter utrumque. Pili nigri, crassi, ostendunt habi-
tum naturalem melancholicum. Gal. II. de temp. Non

ab excrementis iudicabis temperaturam, sed ab adnatis,
quæ consequuntur temperaturam, sicut maximè sunt pi-
li, siquidem cholerici facti melancholici retinent pilos
suos rubeos, nec mutant cum temperatura, nisi postea
per longum secessum. In hoc sunt nigri & crassi: ergo
fuit melancholicus à natura. Accessit regimen inordina-
tum, est enim pauper, solitus humi cubare, & fortasse
dormire in solo per compita. An habuerit morbum Gal-
licum nescio, ipse non fatetur, sed ulcera mali aliquid

*Nota de morbo
gallico.*

representant. Quando accidit morbus Gallicus, accidit
contagium quoddam in hepate innominatum, quod nec
calidum, nec humidum, nec frigidum, nec siccum dicere
possum, quia omnes humores redundant in talibus, nisi
quod semper crassiores reddantur & adusti. Non est
credendum esse infectionem calidam, quia non iuuaren-
tur à ligno sancto, quod est calidum: sed est potius quæ-
dam occulta qualitas, quæ nobis est incognita. Et talem
esse

esse causam credo, quod sit cacochymicus. Quæ cum ita sint, ista omnia uidetis sequi: habet ulcus malignum circa oculum, cuius sanies exiens uidebatur mihi quasi caro nigra assata: estq; hæc serpigo in superficie, quod ostendit tenuem & rodentem humorem: uerisimile est enim partes superiores infestari tenuioribus, crassiores uero inferiores partes occupant: quare circa genu est insignis abscessus cum dolore, deueniens nunc ad exituram. Quamquam semper consulo ut caueatis à suppuratione circa iuncturas, quia sunt difficillimæ curæ. Arabes bene hæc distinguunt. Apostema seu inflammatio dicitur, quando materia colligitur: ueniens ad exituram, quando exit in spatium quod est intra cutem & musculos: quando suppuratur, Aldubalaton uocant. Credo quod non tantum peruenerit materia ad exituram, sed quod etiam aliquid sit de pure. In omni abscessu semper resolutioni est intendendum, si potest fieri, aut ei quod est melius. Quatuor enim sunt quibus terminatur abscessus: aut resoluitur, aut suppuratur, qui duo sunt boni termini: aut in scirrhum transit, aut corrumpit membrum: quæ duo mala. Quod de crure, idem dico de brachio, est enim eadem ratio, licet in brachio non sit tanta materia. Materia in crure est melancholica, adusta, permixta cum pituita, ad exituram ueniens. Materia in isto est subtilis, acris, erodens in superficie. Si procedes cum calefacientibus & humectantibus, reddes ulcus peius: si cum calidis & siccis, exacerbabis, ita ut in gangrænam transeat. Nec frigida & humida conueniunt: ergo frigida & sicca erunt applicanda, uelut unguentum de Pōpholyge, quod in istis ulceribus plurimum confert. Oportet

*abscessu qd
non de dnt
quod fermit
necur.*

portet autem Pompholyga optimè & subtilissimè esse contritam atque lotam, ne mordicet. Addatur oleum rosaceum, omphacinum, & commisceantur in mortario plumbeo, & fiat linimentum pro loco. Si modò sufficiens esset exiccatio, succum Solatri potes sumere cū exicantibus, uelut est unguentum de Cerussa, plumbo, Cadmia: & ex omnibus metallis optimè elota conueniunt. Unguentum de calce etiam conuenit, sed oportet esse bene lotam. Ne fidas hac in re aromatarijs, quia omnia negligentiùs lauant. Hæc in ulcere. Sed in oculo ipso Tutia simplex confert. quòd si à leuioribus incipere uoluerimus, saccharum Candi bene puluerizatum optimum erit, deinde aqua Plantaginis manè lauetur. Ad alias partes, quia corpus nondum est euacuatum, applicabimus interim quod sequitur.

R. Rosarum

M. ij.

Chamemillæ

M. iiij.

Bulliant in sufficienti quantitate aquæ, ad consumptionem medietatis. Pro fomentatione.

R. Olei Chamemelini

℥ iiij.

Rosacei

℥ ij.

Fiat linimentum, quo inungatur post fomentationes. Sed oportet omnibus modis corpus purgare, ad tollendā cacochymiam, seruato etiam optimo regimine in sex rebus non naturalibus. Edat, si habere potest, carnes pulli, oua, ptisanam factam cum seminibus refrigerantibus. Bibat uinum album, lymphatum. Pro minoratiuo sumat:

R. Electuarij lenitiui

℥ i.

Diasenæ

℥ s.

Misce, cum saccharo, fiat bolus. Hic miser omnia habet genera

genera ægritudinum : sed quia hora cœnæ instat, reser-
uabimus eum casum integrum.

Consult. LVI, Pro Diarrhico.

CIVIS Nobilis Patavinus, Doctorem ad se accer-
situm miserat, qui de eius constitutione ita nobiscum cō-
mentabatur. Complexio eius est calida & humida, ut ad
oculum apparet : necdum annum quadragesimum, ut o-
pinor, egressus est. Is iam inde usque ab ineunte ætate
uariè se exercuit, nec quidquam minùs potuit quàm in
otio transigere ætatem, quare in militiam profectus sti-
pendia diu fecit. Ab hinc annis duobus exercitia primū
omisit, & otio summo se dedit corrumpendum : quare
etiam homo uarijs est mutationibus obnoxius. Nuper do-
lore uentriculi laborauit & cholico, ex quibus iuuante
diuina clementia conualuit. Nunc uerò de lapide renum
& dolore haud mediocri conqueritur. Atque altera iā
dies est, ex quo fluxu uentris laborare cœpit, & quem
admodum uidetur, deijcit crassam pituitam cum bile ex-
clysteri, quo materiam peccantem moui. Præscripsi de-
inde diætā optimā, ac inunxi uentriculum oleo Ma-
stychino. Sed quia omnis materia necdum excreta erat,
sequebatur uentris rugitus, & dolores alij : quare cly-
stere ordinavi ex hordei decocto, cum melle rosato solo.
Ad hæc mala accessere etiam dolor, uigiliæ, sitis. Sed quē
discursum quis habere posset in hoc casu ? Tria autem in
primis sunt consideranda, quod passim Galenus incul-
cat : res naturales, præternaturales, & aër ambiens.
Alijs omisiss consideremus sy nptomata, quæ primū con-
sideranda ueniunt, & nos in cognitionem tum morbi,
tum

tum causarum inducunt. Symptomata uerò sunt, dolor uentriculi, & cholicus, ex intemperatura nimirum, cum materia scilicet eò delata est, quia egerebat copiose, propterea q̄ non exerceretur ut antea, et nihilominus copiosa & crassa egerebat. Deinde fluxus uentris est symptoma, quia exiens est mutatum: atque is est Diarrhæicus. De lienterico Galenus multa, v. Aphor. i. Et lientericum non esse uel ex eo constat, quòd non inconcocta, neque diminutè concocta egerat. Inconcoctiones & cruditates hîc dicimus, uel quòd non digestæ sint materiæ, uel concoctioni contrariæ. At iste fluxus promanat ex multitudine materiæ, quæ corrupta est, & quia multa, & quia calor naturalis imbecillus. Imbecillus uerò est calor naturalis factus, ob omissa exercitia, quæ eum uel sola accendunt: deinde quia hac consistendi est ætate. Postremò, quòd ea superfluitatum excretio non fiat, quæ olim stantibus exercitijs fuit ob calorem uegetum. Sed dicat aliquis, quo modo corrupta sunt excrementa, cum non foeteant? Non foetent, quia non admodum sunt adustæ feces: corrupta uerò à frigidityte positiua, quæ corruptionis nō minus est causa quàm calor extraneus. Hinc illud quoque est, quòd albescant, & sint spumosa aliquantulum. Atque eadem nunc est causa lapidis: nam calculi aut congeruntur à calore, aut quia materia crassa congeritur. Quid igitur faciendum? Tria potissimum: euacuandum est corpus primum, deinde membra sunt alteranda, tertio præcipienda sunt illi usitata exercitia. Membra autem alterari non possunt, nisi corpus prius purgatum sit: itaque uentriculum roborabo inunctione oleorum, Mastichini, Nardini, quibus addam etiam

Rosatum

calculi

Rosatum, propter corporis temperaturam. Cessante uentriculi dolore, obstructions ut tollam summa operar: id autem fiet syrupo de Cichorio & Betonica, quia materia frigida: atque hac de causa acetosis supersedebo. Deinde curabo purgari uberius corpus, aut Hiera, aut Alephanginis, quibus addam aut aureas, aut Coccias, prout materia fuerit pituitosa. Post hæc alterationi ipsius uentriculi intendam, & dabo

R. Diacalamenthi ʒ ij.

Rosati ʒ i.

Quod reliquum est, repetat sua exercitia, aut utatur diæta attenuante, id est, calida & sicca, & uescatur auibus paruis, & sæpe hauriat oxymel.

Consult. LVII. De Epileptica puella.

FRIZIMELICA. Scribitur ad nos de puella, quæ nata est annos uiginti, cuius temperaturam humidam iudico declinantem ad caliditatem. Caput frigidius forte est & humidius, quia dolor grauatiùs infestat, & ipsa frigus in capite sentit. Vitæ ipsa est intemperatissima, & menses sunt suppressi, atque iam à decem mensibus non purgatur: quare in epilepsiam incidit. At uero in dubio relinquitur, antène menstrua fluere desierint, quàm epilepsiam sentiret: quanquã ratione probabili id fiat uerissimile. Ad hæc uentriculus male est affectus. Ipsa etsi adhibuerit doctissimum Medicum antea, à quo corpus & pharmaco & phlebotomia est purgatum, & bona uictus ratio instituta, tamen & nos propter consilium requisit. His supra paulò repetitis, quid rei sit perpendamus diligentius. Temperaturam iudico humi-

L dam

*sola pingua
sunt frigida*
 dam cum leui caliditate: quia carnosum est corpus puel-
 la & pingue. Sola uero pingua semper sunt frigida.
 Eadem ratio est membrorum principalium, quæ toti
 plerunq; sunt uniformia. Caput igitur summè humidum:
 unde deinde uaria symptomata, et ipsa deniq; epilepsia.
 Labor capitis diuersus est, dolet, & percipit frigidita-
 tem, laborat epilepsia: an uero fuerit ea cum spuma,
 aut sine hac, aut cum conuulsione, incertum est. Huc
 accedunt iam alia symptomata: menstrua enim sunt sup-
 pressa, unde promanat mala intemperatura frigida &
 humida capitis, quæ morbus est mulieris: nam percipit
 summam frigiditatem. Ipse capitis dolor est grauatiuus,
epilepsia oc
 qui demum sunt fontes epilepsiae: nam epilepsia nihil
 aliud est, quàm obstructio in ipsis cerebri uentriculis,
 quæ fit à pituita, alijsq; uiscidis humoribus & crassis,
 qui cum in capite abundant, & accedat ipsa capitis in-
 temperatura, sequitur epilepsia: menstrua enim sunt
 suppressa, quæ uel sola parare uarios morbos solent: un-
 de etiam materia congesta frigida & humida ex uen-
*Nota de in-
perantia*
 triculo uitio, intemperanter enim uiuit. Intemperantiã
 sequuntur cruditates, quæ replent corpus malis humo-
 ribus, et maxime cerebrum. Ita fouetur intemperatura
 capitis ab inferioribus: cum eodem cõmunicat totum
 corpus, quod illi noxios uapores transmittit. Quid igi-
 tur agendum est? credis ne eam posse euadere? Vereor
 equidem ut id fiat, cum ob alias causas, tum quod in loco
 sit frigidus & humidus. Quare nec mirandum est, nihil
 Medicum effecisse clarissimum adhibitis illis medicinis.
Verum ennuero cum epilepsia sit primariè in cerebro,
 uel per consensum: si est per consensum, membrum est
 alterandũ,

alterandum, & antequàm hoc fiat, totum corpus euacuandum. Quid? euacuari ne debet per phlebotomiam? Per tempus non licet, quare in uer differendum censeo. Restant instrumenta euacuandi corporis duo, diæta scilicet & pharmacum. In diæta assumat quæ aperiunt, *hic l. 1*
epilepsia
incidunt, et apertè attenuant. Inter cætera utatur pane satis fermentato, cum seminibus, ut Fœniculi & alijs. Utatur carnibus attenuantibus, ut auicularum paruarum, & hæ condiantur aromatibus item attenuantibus. Vinum ne dandum sit, dubitari possit, quia caput est affectum: sed quia humores sunt frigidi & crassi, modico utatur uino, atque si hoc nolit, bibat aquam mellis, uel sacchari, aut oxymel, aut oxysaccharam: nec acetum quidquam hîc nocere potest ob mixtionem. Decoquantur item Betonica & Salvia. Utatur item exercitijs. Quid? semel ne interdium comedet? Quia uerò edere bis in die consuevit, nolo ut quidquã contra consuetudinem faciat. Vti quoque poterit salsamentis, quorum incidere est. Venter frequenter leniendus est, nam est adstrictior, ob crassos & uiscidos humores suspendentes fæces. Quare ante cibum etiam oxymelle utatur. Partes inferiores exerceantur, & frictiones fiant, sed non item in capite. Cæterum exerceatur ambulando & equitando. Concocta materia ad caput ueniamus. Hiera & Cassia uenter leniatur, et materia concoquatur cum syrupo de Betonica, oxymelle composito, et Scyllitico interdum: pillulis Coccijs purgetur, quibus aliquid Colocynthis addatur. Ego misceo drachmæ uni ipsarum species Hieræ 3 i. Colocynthis usus quandoq; erit propter intemperaturam corporis. Trochiscorum Alahandal

L 2 handal

bandal & confectio Hamech ualde est bona. Laudarem multum pillulas illas Coccias in hoc casu, quas describit Gal. lib. v. Meth. cap. xiiii. Suadeo etiam ut sæpe interim purgetur, ac per interualla sæpe pillulis utatur, donec uer attingeremus, in quo demum purgarem & alterarem caput, tunc mitterem sanguinem, cum syrupis materiam concoquerem, et euacuarem: deniq; consulerem etiam ut in nostras has Thermas ueniret, & aquã biberet, prouocarentur frictionibus menstrua, ac darem Diasplenon, Diacalamenthon, Diatrion pipercon. Vterer etiam decoctis Calamenthi, Pulegij, Dictamni, ut materia attenuaretur. Nunquid saphæna secanda? Ita: & si hoc nolis, fiât scarificationes circa malleolos, quas antiqui multum laudarūt: nam & ego hyemem uereor.

de epilepsia MONTANVS: Vtar & ego breuitate, ut rationẽ temporis habuisse uidear, sed ita tamen, ne quid eorum quæ ad institutum sunt necessaria, prætermittam. Certum est puellam laborare epilepsia, non propter unam, meo iudicio, sed multas causas. Principales duplices sunt, efficientes aliæ, aliæ naturales. Iam uerò efficientium aliæ sunt intrinsecæ, aliæ extrinsecæ. Intrinsecæ uerò, uel agitatio siue motus est spirituum in cerebro: agitati enim in neruos ingredi nequeunt: unde sequitur, ut corpus aliquandiu sensu & motu priuetur, uel propter ebullitionem humorum in cerebro contentorum, uel propter caliditatem ascendentem. Tertia sunt humores crassi & pituitosi obstruentes spirituum meatus. Quarta, uel uapores uel qualitas uenenosa ascendens, unde contrahitur cerebrũ, et motus corporis deprauatur. Atq; hæ sunt causæ quatuor intrinsecæ & corporeæ epilepsie.

Extrinsecæ

Extrinsæ autem sunt, diæta, qua est usa, affectus ani-
mi, & aër. Porro causæ naturales sunt uel humores uel
uapores. Si est humor, uel est sanguis, uel melancholia,
uel pituita: idq; aut in cerebro, et tunc morbus per es-
sentiam dicitur: aut in partibus inferioribus, & dicitur
iste per consensum. Quia uerò tot sunt causæ (de loco
formali non amplius dicere necesse habeo) quid credis
in hac esse omnes? Equidem credo si nō omnes concur-
rant, certè tamen plurimæ sunt. Spiritus undosus adest:
atque hoc uerum inde capio signum, sensisse puellam
strepitum in capite, nimirum propter uaporum agita-
tionem. Deinde est calefactio & ebullitio humorum in
capite, quia ob oculos uidebatur uidere quædam fulgu-
ra, quæ perturbationem cerebri efficiunt, et sunt ceu
flammæ aëris. Tertiò, obstructio meatuum propter hu-
mores frigidos & crassos: hisce enim diebus sensit per-
petuò dolorem capitis grauatiuum. Quare quòd adsit
mala quoq; qualitas, argumento sunt retenta menstrua,
unde uenenosus quidam uapor exhalat, quod pluribus
ostendit Galenus lib. vi. de locis affectis. Ad hæc accedit
etiam corporis temperatura humida & calida: nam au-
ctore Galeno 1. de temperamentis, carnositas sola ca-
liditatem arguit, pinguedo humiditatem: hæc cum con-
iunguntur, significat etiam qualitates coniunctas. His
positis negari non potest, hepar quoque calidum & hu-
midum esse necessariò, quare etiam aptum replendo ca-
piti, quia uaporosum gignit. Ratione autè cerebri apta
est puella ut hoc morbo infestetur, quia caput debile
recipit ad se transmissos humores. Cœpit uerò dolere
caput iam inde à decem mensibus. Causæ extrinsæ

L 3

sunt

*carnositas
sola, calidi-
tate arguit
pinguedo
humiditate*

sunt mala diæta. Neque uerò satis habuit misera, ut sese oncraret nimio cibo, quem sine discrimine ingerere est solita, quin etiam uermes illos qui sericum nent, aleret, unde & ex folijs putridis, et male caput petentes uapores exhalant: quia etiam ex odore plus satis mali id generis hominibus accidere possit. Huc accessit menstruum retentio, et aliud malum altero non leuius, dispositio scilicet aëris. Locus enim expositus Austro, qui hodie etiam spirat per mare, et lacus frigidum inspirat, ac ades in quibus ipsa puella habitat, penetrat: ab Occidente itidem habitatio, scilicet mare, à Septentrione uerò Boream infensissimè frigidū habet: nam is quò angustiore loco concluditur, hoc est multò frigidior: unita nanque fortiora semper dissolutis. Itaque Auster replendo, Boreas uerò refrigerando, constringendo & exprimendo, malum puellæ augment. Quod reliquum est, hæc signa me omnia eò deducunt, ut credam efficientes causas omnes cōcurrere. De causis materialibus etiam dicam breuiter. Causa uerò naturalis est humor frigidus & pituitosus in cerebro, atque hoc probat frigiditas quam percipit circa nucham: & grauitatem capitis sentit hoc tempore. Quod uerò ad consensum attinet, is sanè magnus est à uentriculo, matrice & hepate, deniq; ab ambitu totius. de reliquo materiam mixtam esse, signa satis docent: inundationes spirituum & calidorum uaporum in parte anteriore, signum habent flammā ante oculos: frigiditatis uerò in posteriori parte, est ipsa quæ percipitur frigiditas. Atq; hæc de causis efficientibus tam extrinsecis quàm intrinsecis & naturalibus, sit satis. PROGNOSTICON. Puella nata est

ta est annos XXII. ætas obseruanda est, quòd ea uel sola doceat, an hoc morbo possit liberari. Hæc ætas in foemina æquipollet propemodum XL. annis uiri. Quia uerò in XII. ætatis anno per menstruum fluxum à doloribus capitis non potuit liberari, quomodo sanari possit, nō uideo. Nam hic morbus si uirum à XXV. ætatis anno inuaserit, illi commoritur, quare puellæ multo magis grandiusculæ. Hæc mala et iam iuuat intemperatura mala, item alia quæ dixi. Cura nō est impossibilis, et si tolli non potest, poterit saltem leuari, atque hoc conandum erit. Sed quoniam plures sunt causæ huius morbi, ab efficientibus præseruationis indicationes, à materiis libus uerò curatorias mutuabimur. Et ut ordiamur ab efficientibus extrinsecis, in quibus nō postrema est aër: hunc igitur si potest, aut mutabit, aut si omnino non poterit, saltem omnem in aëre excessum fugiet. Et si hoc naturaliter non potest, arte efficiat: ut si suffitus fiat aromatum, quæ caput non petant, quod genus illud est, quo multum utor, aqua rosacea & acetum & Caryophylla miscentur, ac sit suffumigiū leniter calefaciens. Cibis etiam attenuantibus, quia uentriculus & cerebrū pituita abundant, atque totum corpus malis humoribus refertū est, utatur, et diæta maxime attenuante, ob humores: unde etiam illud foret cōmodi, quòd menstrua melius fluent. Panis sit bene fermentatus, et sale aspersus. Malim in eo esse Nigellam: quia uerò hæc amarior est, misceat Anisum & Cinnamomum, quo in hoc casu non est aroma melius, etiam de sententia Galeni. Quid quòd Galenus in consilio pueri epileptici, Apium probet & laudet, contrà Auicenna tanquam uenenum fugiendum

L 4 asserat

uinum spiritus
morbi tribus
et causis in
cipitur.

pill. epilepsia

asserat? Hæ sententiæ in specie cōtrariæ facile possunt componi. Equidem credo Apium Galeni nostrū esse Petroselinum uaporosum, incidendi ui præditum, quod in epilepsia tutò dari potest. Apium uerò Auicennæ, id est quod & hodie sic dicitur, et eius in morbo hoc prorsus nullus est usus. Quare Auic. non minùs ac Gal. rectè censuit: atque sic sententiæ absq; auctorū contumelia componi possunt rectissimè. Vino in principio morbi interdiximus, idq; tribus de causis, auctore Gal. 3. de rat. uict. in morb. acut. cap. de uino: primò propter cruditates, secundò in phrenitide, tertio in inflammationibus uiscerum. Credo igitur adhuc morbo existente uinū interdicens esse epilepticis: sed quia uinum (quod bene dixit Auicenna) dilatat, animum exhilarat & concoquit, igitur non est penitus prohibendum. Exhibeatur dilutum ac pauciferum, fugiat contrà quod caput petit. Postea quia causæ materiales sunt duplices pro inferiorum partium materia uelim diuersionem & euacuationem: nam humores & uapores qui in uentriculo gignuntur, rapiat Medicus ad inferiora, ac sæpius alium subducatur, ad quam rem utiles erunt hæ pillulæ, quibus non parum uti soleo, ex Myrrha, Aloë, Rha barbaro, & Aristolochia rotunda: nam hæ & uenter & hepar euacuant, ac roborant, prouocant demum etiam menstrua. Diuersio etiam fiat prouocatione ipsorum menstruum: prouocabuntur autem supponendo res calidiores & aperientes, ut sunt Pulegium, Calamentum, baccæ et folia Lauri decoquat in aqua, ac ieiuna inde pedes lauet. Idem & ante coenam facere poterit. Ventosæ etiam circa poplites ponantur, nam & maxime menstrua

strua prouocant, & conferunt pro diuersione. Quod si autem prouocari hæc non poterunt, laudarem ego hæmorrhoidum scarificationē, propter locum propinquū: propinquum autem locum multum sæpe conferre, Hippocratem et Galenū auctores habemus. At hæmorrhoides directē à capite euacuare possunt, quod omnino faciendum est in uere. Ceterū bis in mense aut semel assumeret de Hiera Rufi, aut de Logodij, de confectione Hammech: eadem enim est harum prope compositio. Neque his frequenter uterer fortioribus, quia debilitant uirtutem. Meminerit uerò Medicus se esse naturæ ministrū. In uere exiccantib. & localib. uterer, ut cauterijs, sinapismis & uesticatorijs & rubefactorijs. At de his non nisi in uere non cogitet Medicus. Quinetiam decocto ligni Indici utatur. Ad prouocanda menstrua uti poterit ter singulis mensibus ʒ i. Mythridati, cum aqua Pæoniæ, et in alijs ferculis utatur Pæonia. Quærebat Frizimelica, quid sentiret de incisione uenæ. Respondit Montanus, satius esse, ut primò fiat scarificatio circa poplites.

Consult. LVIII. Cuidam nobili viro Polono propè annos LX. nato, spleneticam & hepaticam ægritudinem patienti: patiebatur autem hoc malum à xv. annis.

OPORTET ut nobilis iste uir si curari debet à difficili & longa ægritudine, (quæ est præcipuè interperies frigida splenis) et tumore satis insigni, ex qua postea multifariæ dispositiones præter naturam consequuntur, ut cruditates uentriculi, & in iecore, & in
ambitus

ambitu uenarum, atrophie, decolorationes, ex quibus non iniuria tandem timetur aqua inter cutem, oportet inquam si ab istis sæuis dispositionibus liberari cupit, ut præcipue habeat exquisitissimam uictus rationem, quæ competat primario morbo, sine qua diutissime & diligentissime seruata, frustra implorabit Medicorum auxilium. In primis igitur eligat aërem in quo habitet, subtilem, minimè palustrem, minùs frigidum quàm fieri possit, ubi sint aquæ salubres fontium uel fluuiorum: in quo aëre cauebit etiam ab omni excessu uentorum, pluuiarum, ne scilicet se illis exponat, uel nocte sub dio moretur, ubi postea cælo sereno & tranquillo, exercebit se uenationibus, & huiusmodi motibus nobilibus: laudo enim exercitium quàm maximè fieri potest, si modò suo tempore fiat, manè scilicet uel ante cœnam. Euitet omnes animi molestias, sed iram præsertim & mœstitiam. degat cum amicis iucundis. manè surgat diluculo: sex uel septem horas noctu dormiat: cauebit autem à meridiano somno, esset enim illi admodum læthalis. deambulet, exercitetur in cubiculo proprio, mollibus frictionibus, pectinationibus, cantu, lectione alta, excernendo excrementa per sputum & tuſim, quæratq; reddere aluum & urinæ egestionem. Vbi uerò omnia diligenter peregerit, mundasq; & odoratas uestes induerit, tunc ad exercitium se conferat extra domum, si cœli serenitas apparuerit: sin minus, intra domum sese contineat, ludendo pila, uel gladijs, uel aliquo tali exercitio. Bis in die non ampliùs comedat, atque id satis parcè, unicoq; cibarij genere contentus sit, & sine aromatibus, sed cum modico Croci & Cinnamomi tamen: debet enim effugere

effugere consuetum morem patriæ in aromatibus admiscendis. Caueat etiam à uino crasso, dulci, nigro, potenti: sed eligat clarum, album, tenue, pauciferum, quod etiam parcè bibat: uel si assuetus fuerit ceruistæ, illam eligat in potum, bene tamen confectam, quam etiam moderatè bibat: hic enim morbus maximè requirit temperantiam. Igitur cauebit à compotationibus, inter quæ prandium & cœnam non bibat, nec aliquid comedat. Cibaria sint carnes iuuenes pullorum, hœdorum, uitulorum, auium campestrium, sicut sunt perdices, phastani, aues parue, oua sorbilia. Non uitupero è ferculis hordeum, Far, si optimè cocta fuerint, non enim ita nocent, licet in hoc casu non sint prorsus nocuementi expertia, præcipuè far: poterit tamen ex ijs parcè uti, præcipuè addito Croco: à reliquis ferculis abstineat. Pane utetur madefacto in iure carniū cum Petroselinis, et modico Cinnamomi. A piscibus omninò abstineat, & à cibarijs arte confectis coquorum, sicut à tortis, pastillis, ab omnibus lacticinijs, leguminibus, oleribus, & carnibus antiquis, & omnibus cibis crassis & seruilibus abstineat. Panem azymum uel male coctum non comedat, neque aliquod placentarum genus. Et hæc quantum ad uictus rationem. Quantum uerò ad medicinas, hoc primū obseruet, ut & uere & autumnis, quousq; perseveret hæc mala dispositio, euacuetur modo infra scripto. Primò.

R. Florum Cassiæ pond. 3 i. s. hora ante prandium: deinde

R. Oxymellis Scyllitici

Syrupi de Absinthio ana

3 i.

Decox

Decocti Polypodij

Ceterach

Endiuia ana ʒ iiij.

Misce pro uno syrupo, & sic per dies septem. Deinde

℞. Confectionis Hamech ʒ iiij.

Trochiscorum Alahandal gr. ix.

Cum saccharo fiat bolus. Sumat in aurora cum custodia die proximè sequenti ultimum syrupū, postea interquiescat per duos dies, & interim accipiat sacchari rosati ʒ s. semper ante prandium & coenam per duas horas. Deinde sumat istos syruos:

℞. Myrobalan. Citrinorum

Indorum

Chebulorum

Belliricorum

Emblicorum ana ʒ iiij.

Contundantur grosso modo, & fricentur manibus cum oleo Amygdalarum dulcium, postea infundantur per diem & noctem in lib. x. aquæ Fumiterræ, postea decoquantur ad consumptionem tertiæ partis: deinde adde

℞. Ellebori nigri ʒ iiij.

Liquiritiæ

Polypodij ana ʒ ij.

Sem. Citri ʒ i. s.

Et bulliant, donec remaneant lib. v. postea adde

Foll. Senæ

Epithymi Cretensis ana ʒ i. s.

Bulliant, donec remaneant lib. iiij. Vltimo colentur et exprimentur, & seruetur decoctum.

℞. Eiusdem decocti ʒ vi.

Syr.

Syr. de infusione rosarum ℥ i. s.

Detur manē. Sumat autem per dies sex continuos hos sy-
rupos numero sex: sed si nimium euacuaretur, sumat al-
ternis diebus, dein quiescat, utens uictus ratione præ-
scripta. Erit autem tempus ueris medium, & autumnus
quoque, in quo euacuabitur. Inter hæc tempora placet,
ut familiares habeat pillulas infra scriptas, quibus ute-
tur ter in mense, hora ante cœnam.

℞. Succo Ceterach

Chamædryos

Polypodij recentis ana ℥ i.

Exiccantur in umbra secundum artem. Deinde

℞. Agarici electi

Rha barbari electi

Aloës hepaticæ ana 3 iij.

Gingiberis

Cinnamomi

Caryophyllorum ana 3 i.

Salis gemmæ 3 i.

Misce, & cum melle rosato fiat Magdaleon, de quo fiat
pillulæ quauis uice tres, pondere 3 i. sumendæ ut
suprà.

Consult. LIX. Pro Melancholia.

CVRANDA erit hæc Nobilissima mulier ab affe-
ctibus, quos melancholicos arbitror, habita ratione æta-
tis, quia est xxxv. annorum, primò recta uictus ratio-
ne, secundò missione sanguinis, tertio alteratione et pur-
gatione humorum, quartò confortatione. Custodiatur
ab omnibus animi molestijs, degatq; cum amicis in omni
hilari-

bilaritate, quæ quantum fieri potest arte & studio est comparanda. Utatur uino albo, tenui & subdulci, carni-
bus iuuenum animalium, hœdorum, uitulorum, pullorum
&c. Manè sumat singulis diebus oua sorbilia, neque
utatur multitudine ciborum. Euitet crapulas, crudita-
tes, & potationes cuiuscunque generis. Aluum mollem
conseruet, pro qua utatur, si natura defecerit, florib.
Cassie, uel decocto prunorum dulcium cum saccharo,
uel decocto Maluæ ex iure pulli: nihil enim perniciosus
in his affectibus, quàm aluum habere astrictam. procu-
ret coctiones, neque cum cruditate accedat ad cibum:
cruditas enim melancholicis omnino uitanda. Circa Mar-
tij mensis medietatem, lenita prius aluo, uel cum cly-
stere, uel 3 x. Cassie in bolum cum saccharo confe-
ctæ, sequenti die sanguinem mittet ex basilica dextri la-
teris pondere 3 x. Ac postero die idem sanguinis pon-
dus repetatur, sed à sinistro latere, deinde utatur die-
bus septem hoc iure, quod sumat manè.

R. Fol. Boraginis

Betonice

Buglossæ

ana 3 ij.

Radicum Polypodij

Liquiritiæ rasæ

Radicum Altheæ

ana 3 i. s.

Decoquantur omnia in lib. duabus iuris pullacei ad me-
dium usq; deinde facta expressione & colatura, bibat to-
tum residuum una uice, & sic repetatur per dies septē.

Octauo die sumat bolum infra scriptum:

R. Confectionis Hamech

3 iiij.

Rad. Ellebori nigri

3 s.

Mi-

in di-
lan ch-
oro uita-
da

Misceantur cum modico Iulep uiolati, fiat bolus cum saccharo, detur manè cum custodia. Item

R. Conseruæ florum Boraginis ℥ vi.
 Sacchari rosati ℥ ij.
 Zedoariæ ℥ i.

Misce, fiat electuarium, de quo sumat singulis diebus cochlear unum tribus horis ante prandium. Deinde illinatur totus uenter infrascripto linimento:

R. Olei de Absinthio ℥ iiij.
 Mastychini ℥ iiij.
 Cera parum.

Misce, fiat linimentum. Item abluat caput singulis septimanis bis, cum infrascripto decocto:

R. Furfuris tritici lib. iiij.
 Liquiritiæ ℥ iiij.
 Polypodij ℥ ij.
 Rad. Ellebori nigri ℥ ij.
 Agarici electi ℥ i.
 Florum Chamæmillæ ℥ ij.

Bulliant omnia simul in sufficienti quantitate aquæ ad mediũ usq; , factaq; expressione utatur hoc decocto pro lixiuio, & tergat caput sapone odorato muscato, et hæc omnia explebunt ea quæ præmisimus. Quod si optimum Mythridatum in mense sumat ad quantitatem 3 i. cū modico uini aromatici albi, quinque horis ante prandium, eò melius confortabitur.

Consult. LX. Pro patiente diminutionem in motu quarundam partium corporis.

SYMPTOMATA. Patitur diminutionem circa ætione

Etionem motus in brachio & crure, præsertim in sinistro: non tamen est omnino motus priuatio. Crus sinistrum rubet, feruet. Cerebrum integrum odorat, uidet, discurrit, optime memorat, imò quæ à septem paribus neruorum ueniunt, optime habent, licet à lingua parum sentiat mali. Est stupor potius cum imbecillitate sensus quàm motus: nec est resolutio, quia mouetur, sed cum dolore & difficultate. Ergo si est resolutio, est debilis, quia quædam ualidissima tertio de locis affect. ubi uitium in sensu & motu paralytis dicitur. Omnis actio sentiendi & mouendi est à spiritibus: isti possunt impediri dupliciter, uel quia non possunt pertransire, sed intercipiuntur: uel quia non possunt operari, cum membrum inueniunt non rectè dispositum. Est obstructio à natura, quæ replet principium. Membra frigidiora facta seipsis, quod nocet motui. Frigiditas facit, ut uirtus in membra non transfundatur. Aqua utatur cum Cinnamomo uel saccharo, passulis ite: uictus sit tenuis, Agaricus, confectio Hamech, Rhabarbarum, Scammonea, Pillulæ aggregatiuæ, Calamus aromaticus, Caryophylli, Acorum conditum illi conueniunt. Utatur quotidie Myrobal. Chebulis conditis &c. In cordis palpitatione & syncope quaternis diebus exhaurien-
da potio

R. Liquiritiæ rasæ, & incisæ 3 ij.

Rad. Dictamni

Brusci

Fœniculi

ana 3 ij.

Cort. rad. Capparum

3 ij.

Rad. Asari

Ireos

2. *ois a chi sch
endi et mo:
uendi. est
a spiritibus
q dupliciter
impediri
possunt.*

Ireos ana 3 i.
 Polypodij quercini 3 i.
 Agarici trochiscati 3 ij.
 Medullæ sem. Cartami in petia ligati 3 i.
 Sem. Fœniculi 3 i.
 Anisi 3 i.
 Carui præparati 3 i.
 Epithymi Cretensis 3 ij.
 Hyssopi
 Centaurij minoris
 Melissæ
 Artemissæ ana pug. i.
 Fol. Senæ Alex. sine stipitibus 3 iij.
 Florum Sambuci pug. i. Coquantur in tribus
 lib. aquæ fontis ad casum tertiæ partis. In colatura
 dissoluatur.

Syrupi de Epithymo

Oxymellis simpl.

Syrupi de Hyssopo ana 3 i. Fiat haustus.

R. Sileris montani non obducti 3 s. detur in pyxide ad masticandum pro arbitrio.

Consult. L X I. Vuolfgango de Vuerter, laboranti fastidio & cruditate ventriculi, cum catarrho leui.

R. Piperis albi Nigri

Longi ana 3 i.

Gingiberis

Thymi

Anisi ana gra. vi. Cum saccharo albo fiat confectio

M

fectio in rotulis, sumat mediam tribus horis ante prandium. Bene se habuit ad septimanas aliquot: tandem cum decumberet, sentiretq; dolorem capitis, cum quadam difficultate spirationis, quæ ille iudicauit esse propter catarrhum, & consensum diaphragmatis cum uentriculo, pro ijs tollendis dedit.

R. Mellis rosati ʒ ij.

Hieræ picræ ʒ iij.

Misce pro clystere. Sed cum renueret usum clysteris, scripsit pillulas istas.

R. Hieræ simpl. ʒ ij. Cum melle rosato fiant pillulæ. Loco uini, huiusmodi iussit fieri potum.

R. Aquæ cisternæ lib. iiij.

Cinnamomi frustulatim fracti ʒ s.

Passularum mundatarum ʒ i. s.

Sacchari albi ʒ i. Bulliant ad consumptionem sextæ partis, & refrigerentur pro potu.

Consult. LXII. De Pleuritico,

LABORABAT pleuritide puer quinque plus minus annos natus, ad eum accersebantur Montanus & Frisimelica, quem nos sequebamur frequentes. Puerum offendimus lecto affixum. Pulsus eius erat magnus & intersectus: urina tincta satis & cruda. Morbus autem erat in latere dextro, & descendebat ad diaphragma. Causa morbi bilis, quod & color corporis, & alia accidentia arguebant. Suadebant igitur latus inungi oleo Amygdalarum dulcium, & si hoc desit, recenti butyro. Prescribebant uictum humidum, & panem lotum ex aqua. Potui uero dari uolebant aquam in qua Inula bullisset.

Atq;

Atque ut alius subduceretur, clystere subdendum contendebant, decoctum nimirum Apij, Fœniculi & Petroselini addito sale. Altero die cum rediissemus, offendimus auctam febrim, & respirationem multò difficiliorē. Sputum adhuc crudum erat, crassum scilicet & albicans. Accusabant igitur matris indiligentiam, & ne moreretur, uerebantur.

Consult. LXIII. Pro nobili, cui ob hepar inflammatum, ventriculus debilitatus erat.

QVIA nobilis à quibusdam rei medicæ imperitis persuasus, Maluaticum nimium hausisset, ac in uindemia uini nigri, utpote fortioris, hoc consilio, ut imbecillitas uentriculi, quæ ex frigidityte ortum habebat, corrigere-
retur: cumq; ad potum uini fortioris ætas calidior accessisset, inflammatum est hepar, cuius demum intemperatura multò maiorem uentriculo imbecillitatem conciliauit. Nam cum actiones hæ sint uentriculi, appetere cibum, ingestum retinere & concoquere, duæ eius partes sunt: superior, quæ nimirum appetit, sicciore ac frigidiore: inferior uerò calidior & humidior. At uerò caliditas nimia hepatis exiccat humidum, cum quo calor dissoluitur: nulla est concoctio, nec appetentia cibi ulla, ob uentriculum calefactum nimis. Quid ex his prognosticandum? Corporis imbecillitas, quia uentriculus non concoquit, sed corrumpuntur uerius omnia, quare uomitus frequens: & quia obstructum hepar, atque etiam supercalefactum, nulla est in corpore sanguificatio. Calefactio hepatis & obstructio tollenda esset missione sanguinis, à qua abstinendum est propter uirium imbecillitatem,

*Nota de
uentriculo.*

M 2

cillitatem, ne magis prosternantur. Quare dieta uentriculus corroborandus, & ministrandi cibi pauci, & facilis coctionis. Interdico illi uino omni, nisi austero. Decoctum Endiuie bibat, nam omnia Cichoriacea confortando uentriculo apprimè sunt utilia. Dico autem Cichoriacea, Endiuia, Sonchus, & si quæ sunt alia id genus: nam quia amara, ideò sunt calida: calefaciunt igitur & confortant, & leniter etiam refrigerant. Quare syrupum de Cichorio cum rosato ordinaui. Confortato uentriculo, totoq; adeò corpore, accedam ad infrigidationem hepatis, quæ fiet per phlebotomiam basilicæ dextri lateris.

Consult. LXIIII. Contra dentium dolorem.

R. Resinæ Cedri, qua Dioscorides utitur ℥ s.
 Auicenna habet gummi Iuniperinum, quo Italia caret.
 Aceti quantum sufficit, & abluantur dentes. Si dolor ad aures pertingit.

R. Olei rosati ℥ s.

Cæparum incisarum m. i.

Vini dulcis quantum sufficit. Decoquantur instar pultis. Quòd si uehementior fuerit dolor, addatur semen lini, & fiat emplastrum: auri imponatur. Præter dietam matutinā, & pillulis quoq; duabus Coccis ℥ i. dimidia hora ante cœnam utatur. Quia uerò dolor intensior erat, nec mitigari poterat uel repercussiuis, uel laxantibus et extrahentibus, nedum tolli, applicari iussit illi duo cauteria, alterum in loco dolente secundum aurem sinistram, alterum è regione. Primum uerò chirurgus locū ab inunctionibus mundabat et tondebat, deniq;

nouacula

nouacula fricabat. Cauterium hoc erat : nam cauteria sunt duplicia : aut enim est actuale, aut potentiale & quemadmodum illud fit ferro ignito et incisione, ita hoc rebus terrestribus multum, ne uis citò exhalet, & multum exiccantibus. Potentialia autem iterum bipartitò diuiduntur in ἐσχαρωτικὰ & uesticantia : horum usus maximus in diuertendis fluxibus illorum qui in siccioribus locis, unde materia dolorifica euacuari debet. Quia uerò caput habet siccissimam cutem, nec carnis multum adest, applicari fecit potentiale cauterium ἐσχαρωτικόν, ob materiam doloris exiccandam. Fit autem hoc ex cinere aut ficuum, aut quercuum, aut sarmentorum fabarum, aut ex cinere Alkali, id est, herbae, quae Empetron est Dioscoridi, unde saponem quoque & uitra fiunt : inde fit lixiuium, quod ad spissitudinem decoquitur, & exiccatur : additur deinde calx uiua. Multi decoquunt etiā Linarum pulueres, addito sale, quibus loco cauteriorum saepe utuntur.

caute vi.
Zandi mo:
dus duplex

Consult. LXV. De catarrho, dolore capitis, pleuritide, & febris.

FRIZIMELICA. Cum primū uenissē (agitur iam quintus dies) ad Magnificam hanc dominam, dolebat ex capite, inueniebam eam febrile : tussiebat, & nihil expuebat. Suspicebam illicò de pleuritide : sed quia conquerebatur se toto triduo beneficium uentris non habuisse, Cassiam nouiter extractam ob lenitionē alui exhibui, & ut biberet aquam hordei cum saccharo decoctā, uescereturq; loto pane & Ptisana, iussi. Locus doloris meo iussu cū oleo Amygdalino & Liliaceo inunctus est.

L 3

Cassia

Cassia bene operata est, & altero die multum egeſſit materia. Tertio die minui sanguinem ex basilica dextri lateris ad 3 x. & locus interim inunctus est, neq; in dieta quidquam mutatum. Quarto die, ut dolori capitis, qui quodammodo familiae toti hereditarius est, quoue annis retroactis saepe laborauit, facerem medicinam, & lenirem quadamtenus pectus ipsum, dedi electuarium de Penidijs, cum syrupis de Glycyrrhiza, et de Farfara. Ipsa etiam bibit syrupum acetosum simp. cum Farfara decocto. Heri ueni & egeſſit ipsa copiose, & cum ita egerebat, iterum rigor eam inuasit, qui seruat tertianae febris periodum: superioribus diebus clarae urinae erat, iam uero crudissima, et prorsus iumentitiae, ut inquit Hipp. Accessit ad alia mala tinnitus aurium, quem ante biduum senserat: pessime dormiuit: lingua erat aspera & sicca: non delirauerat: sed an essent uspiam maculae in posterioribus corporis partibus, iussi inquirere alias Dominas: nam febrem pestilentem indicabant. Primitiae causae fuerunt, cum longius iter fecisset & incauisset, domum reuersa uestes exuit, ut totum corpus obrigeret: unde obstructio secuta, quae putredinis causa. Et quia catarrho frequenter laborat, descendit in pectus: unde inflammatio pleuretica. Hodie mane eclegma ordinavi, quod usurparet.

R. Oxymellis simp.

Succi Liquiritiae ana 3 ij. Misce.

Et emplastrum, quo etiamnum utitur.

R. Maluarum

Florum Chamemille ana m. ij.

Meliloti

Anethi

Anethi

Violarum ana m. i.

Sem. Lini

Fœnugræci ana ꝑ ij. Decoquantur in aqua, & contundantur.

R. Olei Amygdalarum dulcium

Liliorum alborum

Sesamini ana ꝑ ij.

Pinguedinis gallinæ ꝑ i.

Farinæ hordei

Fabarum q.s. Fiat emplastrum. Cibus panis lotus fuit, & quia aliæ petebant pomum coctum cum saccharo, concessi, ut pectus leniretur, et confortaretur cor. Neq; enim ueritus sum ut in bilem conuerteretur, quod fieri assolet, quia admixtum erat saccharum, ut maior eius esset utilitas. His prædictis, ad alia examinanda, quæ quidem cognitu uidentur necessaria, accedamus. Temperatura eius est calida & sicca, atque ita semper iudicavi: noui enim eam iam inde à pueris. Frequentissimè caput dolet, quòd hoc familiare est familiæ: pariter etiam ex uentriculo est ægra. Agere nunc eam credo annum XL. Patitur inflammationem pleureticam, & quæ ad eam sequitur febrim. Materia mixta est prædominio cholæræ & pituitæ, quod cognoui ex emissio sanguine: ostendit etiam exacta uiuendi ratio. Cùm enim pro arbitratu suo uiueret, multùm congeßit cruditas, cùm ob alias causas, tum quòd obitum mariti sui Clariss. Doctoris impatientissimè ferret. Laborauit ob easdem cruditates catarrho ferè perpetuo, et qui hoc laborant, facile in pleuritidem incurrunt, et ita nō tam

M 4 tum

tum febris putrida subsecuta est, sed etiam pestilens ob materiam putridam nimis. Pessimi humores collecti fuerunt antea, et ex ratione victus non bona, et naturali quadam dispositione. Accesserunt causae primitivae: corpus enim alioquin varijs affectionib. obnoxium, motu vehementiore calefactum, et post aëri frigidiori expositum, obrigit, ac cutis omnis transpiratio prohibita, ad obstructionem vapores plurimi cumulati, qui quia exhalare non potuerunt, et calor extraneus accesserat, commutruerunt, atque sic facta est putredo, totiusq; adeo massae sanguineae ebullitio. Indicio sunt urinae perturbatae, quae mihi ostendunt perturbationem sanguinis maximam: item tinnitus aurium significat ebullitionem humorum. Et etsi adesse pestilentem febrem satis constet, tamen maculae nullae apparent, eo quod materia ad cutim non est transmissa.

PROGNOSTICON. Vereor ne decedat, propter pestilentem dispositionem. Nam cum alia symptomata sint uehementia, naturam etiam pestilentem esse magis et magis curam auget: inflammatio enim est ingens, et materia plurima. Sed nondum est desperandum: nostrae operae ne parcamus.

CVRA. Febris et inflammatio pleuretica simul erunt curanda: sed quomodo? causam utriusq; tollendo. Qua ratione? phlebotomia. Quocirca leniui etiam prius uentrem Cassia, totum namq; corpus fuit repletum: deinde secui uenam. Quid et conuenit ne phlebotomia in pestilentia? Ego autem non uidi: sed enim quamuis uidissem, tamen ut materia euacuaretur, stante praesertim uirtute, et natura posset dominari, secui uenam. Materiam concoxi cum syrupo Farsariae et acetoso, qui in hoc casu plurimum ualet: dein ut expueret

expueret facilius, pectus inunxi. Sed quaestio hic esse posset, an Bolus Armenus eclegmati immisceri poterit, qui mea sententia multum iuualet. Et si quis negat, propterea quod astringat, respondeo cum Gale. fac esse ut astringat, tamen pectus dilatat: & ego hic putredinem valde timeo. Cibus neque adhuc panis lotus fuit: hodie parum pulli dedi. Quod si quid mutandum fuerit, mea uoluntate etiam poterit mutari: quanquam malim nos stare cum omnibus istis usque ad septimum. Postremo contra pestilentiam Scordij puluerem & decoctum laudarem maxime. Syrupum etiam de Liquiritia, & de Farfara: uel cum saccharo uiol. permiscebimus bolum Armenum. atque haec mihi facienda uidentur.

MONTANVS. Tendimus ad eundem scopum, Clariss. Domine Doctor, nam utriq; cura ea incumbit, ut mulier haec magnifica sanetur. Considerabo igitur naturam morbi paulo diligentius, ut de instituenda curatione facilius concludi possit. Natura autem morbi ex symptomatis cognoscitur, quae in hoc casu sunt, difficultas respiratio-
nis, tussis, febris, dolor pungitiuus, quorum συνδρομή
constituunt nobis pleuritidem. Deinde catarrho labo-
rare eandem Dominam, non est cur alijs rationibus in-
quiramus: sensu enim percipitur quod etiam nū defluat:
audimus enim in faucibus & aspera arteria sonitum.
Nobiscum faciunt etiam alia signa, ut grauitas capitis,
de qua conqueritur, & aurium tinnitus. Laborauit insu-
per etiam catarrho, antequā in febrem incideret. Sunt
igitur morbi huius Dominæ, pleuresis & catarrhus. At
multum mecum dubitavi, febris ne inflammationis pleu-
reticæ sit symptoma, uel morbus per se, atque ab illa
seiuñctus: an morbus.

2
na morbi
quomodo cog-
noscatu.

1
Pleuritide
utrum febris
sit symptoma
seiuñctus: an morbus.

*urina subin-
galis qd
indict.*

seiuñctus : atque certis quibusdam rationibus adducor,
ut statuam febrem esse morbum, et non symptoma, quia
humores putrescunt in uenis. Ergò pleuritidem habet,
et febrem, et catarrhum, morbos disiunctos : cum his
morbis urina subiugalis ebullitionem humorum in uenis
indicat, quia magna putredo. Ergò hæc domina sic se
habet nunc. Quod ad habitudinem corporis, est siccum
et gracile corpus. Siccitas manifestè apparet cum ca-
lidityte, sed ille calor est debilitatus. Etiam habet sto-
machum imbecillem, et caput debilitatum à natiuitate.
Est corpus inæquale, et illa in primo senio : et in au-
strali et Boreali tempore sumus, quæ conferunt catarrho,
auctore Hipp. Vnum notandum, diligenterq; exqui-
rendum, qualis nam sit pleuritis, uerá ne et syncera, ut
quæ in pleura fit, an non syncera et notha. Vna conie-
ctura hæc est, quæ arguit non ueram esse, nec à subtili
humore, quia nec dolor pungitiuus est, neq; tanta diffi-
cultas anhelitus : ipsa nanque dicit sparsum esse dolorem
(lege Gal. 2. de locis affect.) Est igitur potiùs in locis
sparsis, quàm in membranis, nempe musculis in pectore,
quia membranæ non ita facile recipiunt. Sputum præ-
tereà semper pituitosæ substantiæ, quia muscoli pecto-
ris inflammantur potiùs intrinseci, quàm extrinseci.
Pulsus durus est quando membrana inflāmatur : uerum
hic neque pulsus ita durus est, ergò pleuritis hæc à ma-
teria crassiore est. Adest catarrhus perpetuus, fouens
morbum perpetuum : tussis quoque. Satis de catarrho
et causis, quia uentriculus semper laborat post caput,
ita causa materialis, et efficiens catarrhi. Verum febris
accidens inflammationis et catarrhi, an ueram causam
habeat

babeat separatam? dico quòd urina talis sequitur magnam in uenis ebullitionem & putredinem. Hic putredo & ebullitio, febris pestilens, quoad causam proximam magna putredo, ut non tantum uapores putridi ascendant, sed massa etiam sanguinis putrescat, sed nondum in corde, quia ubi cor corripuerit putredo, omnia destruuntur: sed dum in humoribus est putredo, potest curari, sed raro, & à peritis Medicis. De natura febris, catarrhi & pestis, satis sit dictum.

*Nota de
pestilenti
febre.*

PROGNOSTICON. Iam primò omnium, quod ad catarrhū attinet, uenit in mentē mihi Aphor. 11. Hipp. 11. sectionis: Branchi & catarrhi in ualde senibus difficulter curantur. Et uidetur in hanc regulam cadere Domina, ut ratione ætatis morbum difficilis curationis fore satis appareat. Quoad pleuritidem, raro inflammationes in senibus cōtingunt: sin aut cōtingunt, ægrè curantur, & præsertim in hyeme. Pulsus tamen etiam est gracilis & tenuis, quod significat multos spiritus nō adesse: quare non facile curabitur. Coctionis signa nondum apparent: etiam febris molesta & periculosa: & ista complicatio est pessima, & habet contrarias indicationes.

Ista relaxantib. lenientibusq; eget, febris pestilens exiccantibus: quin cura eius III. Epid. exiccatio, quare cura difficilis. Catarrhus etiam utriq; dispositioni nocet, & auget difficultatem spirandi, & febrem: augentur obstructions in uasis, & ubiq;: ideo ex istis rationibus morbus difficilis. CVRA. Hic est catarrhus, pleuritis, & febris, quæ sunt separata secundum materiam: dico nullum esse istorum contemnendum, quia omnia habent rationem causæ. Ergo catarrhus principio diuersa

*febris pesti-
lens qd exi-
gat.*

*pestilenti
febre an
uena seca*

da

acuta

*Nota de bolo
an m. n. o*

diuertendus, et dolor leniendus. Quidnam agendū? Respondeo ad id quod dubitabatur de phlebotomia in febre pestilentiali. An sit secanda uena? Et assero nō secandā uenam, idq; auctore Gal. I I I. Meth. Non enim curamus putredinem nisi sanguinē seruemus, sed in peste maxima est putredo. Vnde dicemus, in principio febris pestilentis phlebotomare optimū, quia refrigeratur corpus: et phlebotomare dico optimū suo tēpore. deinde de uictu dicā. Sumus in quinta die, & indicatur uirtus, quæ uincet super materiam, quia copiose egerit, & facilliter. Verū enim uero Hipp. de ratione uict. ij. inquit: Vbi incipit coctio apparere, primis diebus debemus augere cibum, ut uirtus possit augeri, & maior lenitio fiat sputi, & corroboretur sputum, quod uictus commodus facit: sed ubi nō signa coctionis adsint, uictus tenuis datur. Pulli ius primū darem: si tolerabit, & uirtus fortior sit, darem contusum, ut uirtus sustineatur, cui uel soli debemus attendere, sine qua nihil facimus. Pro concoctione, ut adiuuetur catarrhus, & materia inflammationis, ut conferrem cordi, ne putredo augeatur, nihil scio melius ad incisionem humorum scilicet, quā syrupum de succo Acetosæ simp. in oxalide enim uirtus incidendi, refrigerandi & corroborandi inest. Et licet Hippoc. I. de ratione uictus ab astringentibus, & acidis cauendum putat, præterquā oxymelle: sed ibi est aciditas sine astrictione, quod & Gal. docuit, idq; multo magis si saccharum admisceatur. Post aqua Farfaræ, id est, Tußilaginis cōfert ad tußim. Atque his pro digestiuis uterer. Pro peste, an bolus Armenus conueniat, quæritur. Si haberemus Gal. bolum, quem tantopere prædicat ob exiccationem

nem

nem sine astrictione, nihil haberem prius, præsertim cum ille foeliciter dederit eundem asthmaticis. Sed noster ille (quem rubricam Synopicam esse inter doctos iam conuenit) exiccat cum astrictione: quare ne periculosus error committatur, abstinendum censeo. Ego dicam unum obseruatu dignum in hoc casu. Quia exiccare uolumus pestem & catarrhum, & præparare, utemur cornu cerui usto, loco boli Armeni, idque exhibebimus cum saccharo, uel in iure pulli: nam corroborat cor, et catarrhum exiccat, ut si quid aliud. Malim uti unicorni, si esset eius nobis copia: non enim inueniri nego, sed in minori copia, & maiori precio, pro quo interea cornu cerui utemur, quod istius æquiuales est. Non obfuerit et subinde uti seminibus acetosis, auctore Galeno, (quæ astringere aiebat Frizimelica, sed negabat Montanus.) Proderit et scordium refractum, cum saccharo rosato. Placet & cornu cerui, uel in Iulep, uel in succo acetoso: fiat eclegma, & teneat sub lingua saccharum Candi quoque. Quod attinet ad potum, à uino abstineat, bibat aquam hordei cum saccharo, sed prorsus non frigida. Emplastro porro utatur, eius enim foelix est usus, quia facile tolerat. reliqua etiam omnia à Clariss. D. Doctore ordinata, seruetis. In acutis morbis est occasio præcepti, quare oportet Medicum prudentem esse, quia in horas quæ non sperabantur, contingere solent, quæ uarietatem postulant, & quotidie leniatur uenter. Domina in sexto die est mortua.

Consult. LXVI. Cuidam suffusione
laboranti.

R. Saponis Damaseni

lib. i.

Cad

Caryophyllorum

Macis

Cinnamomi

ana 3 i. s.

Iridis

3 ij.

Storacis Calamitæ

3 i.

Ambra

Musci

ana gr. iij.

Agarici electi

3 ij.

Puluerizanda puluerizentur, & refoementur sepe in forma pillularum secundum artem. Utatur in lotione capitis.

R. *Florum Cassiæ*

3 xij.

Cum saccharo fiat bolus. Item

R. *Euphrasiæ*

Betonicæ

Saluæ

Maioranæ

Endiuæ

Rosarum rubearum

ana M. ij.

Bulliant in lib. i x. aquæ ad consumptionem tertiæ partis, deinde facta expressione & colatura, syrupizentur cum saccharo albo, & aromatizentur cum ij. gr. Musci & totidem gr. Ambra. Postea

R. *Huius syrupi*

3 ij.

Aquæ Betonicæ

3 iij.

Misce pro uno, & sic pro alijs septem uel nouem. Syrupis finitis, sumat sequens medicamentum:

R. *Confectionis Hamech*

3 iij.

Syrupi rosati solutiui

3 ij.

Cum aqua Betonicæ fiat potio. Sumat præterea inter-

terdum de hoc electuario :

R. Nucis muscatæ

Macis

Cinnamomi

ana 3 i.

Caryophyllorum

3 ij.

Sem. Anisi

3 iiij.

Thymi

3 i.

Sacchari ros. Omphac. ex rosis rubris 3 vi.

Musci

Ambra

ana gr. ij.

Cum modico Iulep, fiat mixtura. Postremò utatur maxime collyrio prius descripto. Vel

R. Fœnugræci

3 ij.

Rad. Altheæ minutim incisarum

na. vi.

Mundentur optimè ab omni sorde, deinde coquantur simul in sufficiente quantitate aquæ purissimæ ad cõsumptionem secundarum partium, postea colentur & exprimantur. Deinde

R. Aloës opt. puluerizatæ

3 i.

Bulliant simul sine fumo, ad spissitudinem mellis, & seruetur in uase uitreo bene obturato.

Consult, LXVII. De melancholico Iudæo.

P. NAVARRA. Et si uestra præsentia, Clarissimi Doctores, & casus qui offertur, difficillimus, multa requirere uidentur, tamen ne tempore abuti uidear, seriem rerum ordine & breuiter recitabo, ut facilius iudicare possitis, quæ medicamina in posterum applicanda: neque dissimulabo quid usque adhuc egerim. Sextus agitur dies, cum uenerit extra rationem: loquitur nihil,

bil, & toruè omnes intuetur. Ante hoc tempus, quòd sciam, uirum illum non noui, nihilominus tamen breui hac consuetudine & astantium relatu, primo loco quæ mea sit de complexione hominis sententia, expediam. Sentio eum calidum esse & siccum à prædominio bilis, & sub dominio sanguinis: status etiam corporis indicat, est .n. gracilis, color niger, & uigilie, & promptitudo ad omnes actiones, pronus fertur ad iram, optimi ingenij uir & discursus. Aestimatur ad hæc complexio totius ex principalibus, cerebro nimirum, hepate & corde. Præsuppono ista omnia, ne si omnia persequar, tædio uos afficiam, & accedo ad dispositiones non naturales, & accidentia, quæ magis curam medici ad se trahunt. Dixerunt astantes, quòd semper fuerit extra rationem. Ante hunc diem occupatus fuit maximis occupationibus, timebat multum, & irascebatur leuibus de causis, exercuit maxima negotia, longa confecit itinera, sub dio multum fuit, exposuit se calori & frigori. Cum redijt in Italiam, in hæc mala incidit: aderant hæc accidentia, uidi stupidum, oculi impotentis motus erant, irato uultu iracundus, uerberare uoluit astantes, seipsum ex lecto uolutauit: loqui uoluit, ut ego credo quadam imaginatione. Tangebamus brachium contractum, quippe nolebat se exponere tangenti: post dimittebat se tangi, & membrum offendimus flexibile satis. In hoc autem obseruandum uenit, uariari symptomata pro diuersitate horarum. manè loqui uoluit, circa uesperas loquebatur incompressite, postea in prima hora noctis deterius se habebat: similiter cum erat in tali dispositione, comedere nolebat: succedente deinde tempore diuersa & alia inuadebant
syma

*symptomata, ut in media die compos erat, mentis post
impos. Heri pulsus adhuc fuit cum bona mensura, tar-
dior quàm frequentior: uidimus talem mutationem, ut
uix tangeremus pulsum cum subtractione. Beneficium
uentris aliquot diebus habere non potuit, nec ui enema-
tis. In principio, ut referunt illi qui adfuerant, in quodã
oppidulo missus est sanguis, notabili (ut audio) quantita-
te. Alij referunt missum ad uncias sex. Quid præte-
rea egerit ille, referre non possum: quæ mea fuerit sen-
tentia exponam. Sensi autem auctoribus Hipp. & Gal.
III. de locis affectis, esse melancholicum, quia time-
bat, aderat perturbatio mentis, leui de causa irasceba-
tur. Febri autem liberatum mirabar, & Doctores si-
ne hac esse nolunt, sæpe tamen sequitur. Melancholiæ
plures esse possunt causæ, quæ quidem omnes in hoc ui-
ro ualde sunt potentes. Primò extrinsecæ: quia solici-
tus, timidus, & habuit sæua animi accidentia. Hæc ue-
rò quomodo causant melancholiam, clarum, quia impe-
diunt concoctionem, & membra principalia debilitant.
Huc accessit etiam uictus ratio, quia melancholia multi-
plicatur, ut si quis nescatur pastilijs, carnibus salitis,
aibus auctore Gal. III de interiorib. Similiter & alia
causa mali, quia notabiles oppilationes deprehendun-
tur, & nunc magis quàm ante, quia urinæ minus tinctæ,
fæces cholericæ etiam sine tinctura, & in splene maxi-
mè, quæ obstructio potens est causa ad generationem me-
lancholiæ, & quando fit retentio humoris, seu euacua-
tionis debitæ. Splen enim affectus, melancholiam nō eu-
cuat. Hepar igitur inimicum sibi succum retinet, qui unã
cū sanguine sursum ac deorsum fertur, ac uitiat simul to-
tum*

N

tum

tum corpus. Vnde habemus in hoc omnes causas generationis melancholiæ. Stantib. autē his causis, sæua sunt symptomata secuta. Sed uidendum prius, an humor melancholicus in capite per essentiam sit, an per consensum ex toto. Mea quidem sententia est, illam multiplicationem esse principaliter in cerebro, atque insuper eò ex alijs per consensum deriuari. Nam cum obstructus sit lien, & afficiatur hepar, mittuntur inde humores in caput. Quomodo causentur cōsimilia symptomata docet Gal. in 3. de locis affect. exemplo suffusionis, quæ est ex crasso humore obstruente opticos neruos: sic melancholia crassa terrestris cum ad cerebrum perferatur, infert rationis perturbationem, idq; per consensum, & per essentiam: ea enim membrorum omnium est colligantia. De causis & qualitate accidentium nolo plura adijcere. Ex materia, unde multiplicata melancholia symptomata proueniunt, et diuersa qualitate humorū, in præsens est febris, à qua in biduo non est liberatus: & febris continua propter materiæ terrestritatem, & quia intra uenas: & urinae magis tinctæ & rubee. Ad tactū modò sentitur non tam caliditas quàm frigiditas. **PROGNOSTICON.** Humor iste qui morbum facit, difficilis est solutionis, & curæ longioris. An salubris? Meo quidem iudicio timendum est: uidemus enim materiam motam, adesse sæua symptomata, & naturam prostratam. Heri sine pulsu erat, frigida externa. Huc usq; quid factum sit narrabo, ut facilius sit iudicium. Cum uiderem instantiam uigiliarum, quæ potui feci omnia. Euacuare non potui, quia impos mentis, ut æger etiam cibum assumeret, usus sum alterantibus usq; cum cordialibus

dialibus & substantificè humectantibus. Nam nescius non sum, auctore Galeno, in talibus dispositionibus principalem curam esse in humectantibus. Dedi digestiuium syrupum de pomis, de Buglossa, de saccharo rosato. Curam habui cordis, quare electuarium cum syrupo dedi, & pillulis cordialib. Imposui quoq; epithemata & sacculos cordiales. Necesse enim est in huiusmodi aegritudinibus permutare. Ad inducendum somnum iussi ut Papauere in omnibus cibis uteretur: inunctiones circa tempora factæ, & oxyrhodinum administratum. Et quia propinare nihil potui, tentavi ratione diuersionis & euacuationis, ut hæmorrhoides flueret per sanguisugas, quæ copiosè non eduxerunt, surgere enim non potuit. Quomodo porro faciendum, ambigo: quia uirtute deficiente non ualet curatio. In sex rebus non naturalibus ante peccatum est, nō solum in quali, sed in quanto etiā. Nunc uerò quia mentis compos, uentrem subducerem unā cum euacuatione melancholiæ. Et si autē multa sunt huic intentioni appropriata, non tamen inter cetera prætermitterem decoctionem cum Epithymo, sero, & cordialibus, & addere cordialia, ut est parum Hamech sine Diagridio, quemadmodum hîc præparare cōsueuerunt (ualde conueniens est) aut Diacatholicon in pauca quantitate, & imponerem aut de manna aliquid, aut de Rha barbaro, propter obstructiones. A principio morbi in hunc usque diem non habuit euacuationem per medicinam. Postea probarem continuam administrationē alterantium. Iulep longum facerem, & electuarium. Quid sentiam de balneis, roget quis. Credo humectatiuum conuenire, auctore Gale. quia humectat, diuersis,

N 2 tit,

tit, & inducit somnum.

FRIZIMELICA. Casus adeò difficilis nobis proponitur, ut parum spei sit reliquum: & quia expositus est ab excellenti Doctore, non necesse habeo pluribus eum retexere. Iste uir redijt superioribus diebus ex Polonia, defunctus uarijs laboribus: affectus est animi perturbationibus, tandem in Italia insaniuit Citadellæ: id enim oppido est nomen. Missus illi est sanguis, post quæ magis insaniuit. Deinde ut hûc uenit cõmissus est excellenti Doctori, cuius cura sanguis per hæmorrhoidas est euacuatus. Accersitus & ego proximo sabbato, quasi contractum uidi: pulsus nullus erat: uigilauerat duos dies, ut dormiret iussi, quare ex Populeone fieret inunctio, atque pro uirtute cibaria ordinaui. heri pulsus bonus & magnus: clystere iniectum, nam uentris beneficia nulla. Cholericæ feces erant. Superioribus diebus urinam nullam emisit: pulsus paruus & contractus iterum. Vt autem urinam prouocaremus, inunximus locum oleo Amygdalino, & Chamæmelino, & emisit urinam quæ rubicunda erat, ostendens icteritiam. Deinde fomenta ex Althæa alijsq; facta, ut deijceret: & ut intestina confortarentur, rosæ siccæ impositæ. hac nocte male dormiuit. Quid igitur? Complexio calida & sicca. Supposita hac, credo melancholiam cum mania. Præter hæc uidetis, quòd patiatur dissolutionem uirtutis ac caloris. Factum est ex dissolutione caloris, & ipsis humoribus adustis, ut sit complexio calida & sicca: confecit enim longum iter, quod calefacit, præter incommoda hospitiorum. Calor dissoluit, & frigora exiccant. Corpus itaq; exiccatum, et humores sunt adusti. Hûc accedunt

dunt & passionēs animi, quæ præter cætera exiccant corpus, unde illud: Tristis spiritus exiccat ossa. In Italia peruenit ad melancholiam cum mania, & per essentiam & per consensum caput exiccatum est, et cerebrum patitur principaliter: spiritus syluestres sunt & mali, unde in hoc rixandi studium. Humores namq; adusti sūt cum sanguine, rident melancholici: si uerò cum cholera, rixantur. Adeò ingens est in hoc adustio & exiccatio, ut morbo habuerit usq; adhuc taciturnitatem coniunctam. Probatur id alijs quoque signis: oculi concavi, excarnatißima facies, adsunt uigiliæ, quæ siccitatem cerebri arguunt: pulsus ipse frequentissimus & durus: unde liquidò constat, exiccatum adeò ipsum corpus. Heri pulsus bonus, propter naturæ pugnam uehementem. Credo autem propter missionem sanguinis, corpus magis exiccatum, unde propter resolutionem uirtutis, humores ipsi mali, ita ut nec uirtus nec spiritus restitui possint. Hinc sequuntur inconcoctiones. Vrina talis ex obstructione aut multitudine cholerae, atque hoc ex facibus superiorum dierum.

PROGNOSTICON. Male spero: morituum credo, quia tanta exiccatio, et corporis est attenuatio, ut restaurari nequeat. Accedunt hūc ingentes obstructiones, quæ nisi abstergentibus curari nequeunt. Illa uerò omnia calida & sicca: & si hæc curabimus, malum augebimus. Quid igitur agendum? an exiccationi & obstructioni attendendum? Exiccationi certè magis, idq; humectantibus. Humectant autem auctore Gal. somnus, ci- bus, & balneum. Balneum in præsentia non auderem suadere, ne uirtus ampliùs dissoluatur, quod fit in balneo

aquæ tepidæ, in qua ipse expiraret : quare somno & cibo insisterem. Cibus esto ouum sorbile . Vinum exiccat : darem quidem , sed parum . Conciliatur somnus Populeone, oleo Violaceo, et foverem caput infrigidantibus. Victus, aqua carnis cum ouo. Vinum cum aqua dilutum, potens , non aquosum . Virtute recuperata curabimus melancholiam: ante non auderem euacuationem moliri.

MONTANVS. Quoniã conuenimus hũc curaturi immorigerum uirum , morbi sunt cognoscendi , antequã curationem instituamus. Obseruamus autem plures operationes læsas, à quibus ad morbos transimus, quas primo loco considerabimus, & symptomata . Operationes autem læsæ & symptomata quæ ? Primum, si rectè considero, nullum reperio genus operationum , quod nõ intensissimè lædatur . Animalis actio est læsa , passus est enim melancholiam, et corruptionem discursus : & non solum læsa, sed uariè diminuta , corrupta & ablata. Deinde uitalis ita læsa est , ut uix percipi possit . Pulsus uerò nullus, qui motus est actio uitalis caloris. Virtutes naturales omnes affectæ . Primò appetitiua non appetit : concoctrix ita læsa, ut corruptè agat : adest multitudo fæcum , & D. Frisimelica corruptas uidit. Virtus igitur nihil secundũ naturã agit. Urinæ neq; substantiã, neque colorem, neq; hypostasim laudabilem habent : color enim rufus ad nigredinem tendit, et inficit pannum. Hoc tempore neq; per secessum, neq; per urinam egerit quidquam. Quod si ita est, nihil dubij relinquitur, uirtutem naturalem esse ualde læsam . Ita uirtutes tam multipliciter læsæ, uaria symptomata efficiunt, propter quos sumus uocati. Sed quoniam à symptomate nulla sumitur indicatio,

indicatio, nisi causæ rationem habeat, causæ lesarum operationum inquirendæ. Si considero operationes quæ possunt inducere lesionem operationum, externæ conuenirent, & internæ item, quæ concurrerent ad symptomata generanda. Externæ quidem, ut longum iter, calor in capite & frigus, quæ in itinere pertulit: labores præter rationem sumpti: usus deinde est cibarijs & aromatibus multis, ut mos fert Polonia, ubi uno die plus aromatum insumitur, quàm hic anno integro. Bibit uina potentia, & alijs rebus usus est siccantibus & calefacientibus. Quantum uerò ad causas exteriores, exiccatum est corpus & cerebrum, unde deinde secuta est generatio uaporum, qui in caput efferuntur: unde alteratio mentis, et materiæ quæ suffocant calorem, & minuunt uirtutem. Intrinsicæ concurrunt, ut corpus facilius recipiat alterationes. Corpus enim siccum est, idq; constat ex toto habitu, colore & accidentibus animi. calidum etiam credo, quia multarum operationum. Stantibus his, causæ exteriores fuêrunt potentiores: ubi calor in capite adauctus, attractæ sunt materiæ: quare frigidum & siccum caput, quod quidem fieri potest. Quantum ad alienationem, crediderim concurrisse omnes causas exteriores, ut solem ardentem, frigus, iter, & siccitatem cerebri. Accesserunt symptomata in cerebro, impressa siccitas, remota calida intemperie, spiritus redditus tenebrosiores: unde essentialis lesio cerebri, & multiplicata materia ratione collectionis, & lesa ratio propter ascendentes uapores. In uentriculo materiæ corruptæ, propter multa incommoda in hosijs, equitatione, et animi perturbationibus, & com-

N 4 plexione.

plexione. Ex ignea caliditate hepatis generantur humores biliosi, ut uidere est apud Galenum, de hypochondriaca melancholia. Plurimi flatus generantur propter caliditatem hepatis, et cruditatem uentriculi, neque etiam contrarijs iuuari possunt. Propter temperaturam & causas exteriores materia corrupta putrescunt, unde humores innominati. 3. de animal. facul. in fine. Eleuati humores biliosi subfrigidi, unde uariae species melancholiae. Ita habemus melancholiam non solum per essentiam, sed etiam per consensum, cuius signum urina subtilis, non permixta: & tunc insaniebat maxime cum talis esset urina, quia ostendebat materiam ad caput esse eleuatam, iuxta Hipp. 4. Aphor. 72. Quibus urinae albae & perspicuae, malum, praesertim si in delirantibus appareant. Et subleuatus nunc est uapor, quia urinae tinctae sunt: dein etiam argumento sunt, plurimorum corruptorum exeuntia: neque ea tantum, sed etiam tumor uentris, & utriusque hypochondrij, utrumque cum dolore.

Consult. LXVIII. De varijs symptomatibus, destillatione, podagra, tremore splenis, alijsque.

POSTquam clarissimus Doctor omnia ita exquisitè in hoc casu considerauit, et tam diligenter curauit, ut uix mihi dicendum aliquid reliquerit, ego, ut loco meo satis faciam, dicam pauca quaedam, si quidem & in morbi essentia, et in curatione conueniam cum Excellentia sua. Obseruauit igitur ex relatis, duodecim esse symptomata, quibus partim consuevit affici uir iste, partim nunc afficitur: & quatuor sunt ea, quae consueuerunt hunc

hunc hominem molestare, quæ sunt causæ istorum symptomatum, quibus nunc molestatur. Nam in tempore pueritiæ passus est fluxum sanguinis narium copiosissimè quidem & frequentissimè. Post quem subsecutus est fluxus hæmorrhoidum, in quibus emanabat plurima sanguinis copia. Nunc autem easdem quoque patitur, sed non cum fluxu sanguinis, sed cum dolore tamen & tensione & grauitate. Tertiò passus est dolorem nephriticum maximum, cui Medici quamplurimis remedijs occurrerunt. Quartò dolorem arthriticum, ita ut nullus articulorum sit, qui non infestetur dolore. Et ista sunt quæ consuevit pati, quæ etiam sunt causa eorum quæ nunc patitur, & sunt octo. Primò percipit dolorem quendam propter materiam à nucha per medullam spinalem ad inferiores partes descendentem, quæ quidem materia actu calida est, à loco unde incipit, usque ad locum quò pertingit, id est, à capite usque ad pedes, & alias partes ad quas defluit huiusmodi materia. Secundo ista materia deuenit etiam ad fauces, et gustu salsa est. Tertiò patitur inflammationem insignem in summitate narium cum rubedine, ex qua emanat materia quædam uirulenta, quæ uidetur esse pus quoddam: quæ materia calida admodum est & feruens. Post exitum uerò istius materiæ, exit sanguis, cuius exitu subleuatur ab ea. Quartò habet tumorem splenis satis apparentem tactui. Quintò ardorem urinæ, ut non possit liberè exire, & tenuissimè exit, ita ut plurimum temporis absumat in mingendo, nec exitus urinæ satisfacit uirtuti expulsiuæ. Sextò, in urina sunt arenulæ rubæ, quæ subsidunt in fundo. Septimò dolores patitur podagricos, & quan-

doq;

doq; etiam chiragricos, & quoddam stillicidium aquæ
 frigidissimæ. Octauo consuevit pati, maximè tempore
 æstatis, ingentem dolorem capitis. Vltimò imbecillita-
 tem uentriculi maximā habet, addit se uix posse alimen-
 ta conficere. Scio Domini, uos admirari quomodo in
 isto corpore possint tot esse præter naturam: siquidem
 uidetur nullum membrum principale illæsum habere, &
 unum ex illis symptomatis uidetur alteri aduersari. Sed
 si cognoueritis temperaturam istius, mores & exerci-
 tia, facile cognoscetis omnia ista tum ex temperatura
 ipsius naturali, tum ex uiuendi ratione orta fuisse. Inci-
 piamus à temperatura membrorum principalium, &
 primò à temperatura naturali cerebri, quod quidem ca-
 lidissimum est, ut licet uidere ex multitudine operatio-
 num, non dico ex optimo discursu, quia bonitas ingenij
 non à caliditate cerebri prouenit, sed potius à tempe-
 rata frigiditate. Sed bene multitudo operationum cere-
 bri à caliditate prouenit. Iste perpetuò cogitat & me-
 ditatur. Prætereà indicat nobis calidum cerebrū aliud,
 scilicet quòd non potest in hyeme operimentum aliquod
 capitis ferre: & si apponatur aliquod, statim inflam-
 matur, & sic semper à calido læditur, maximè in æsta-
 te. Color etiam faciei hoc indicat. Qui habent in facie
 rubedinem plurimam, et in oculis uenas apparentes, illi
 habent temperaturam cerebri calidam: ideò ex istis iu-
 dico cerebrum illius esse calidum & siccum. Quòd au-
 tem hepar & renes calidos habeat, patet ex colore fa-
 ciei, ex uenarum amplitudine, & nihil calidi potest pa-
 ti, nec hepar nec renes, sed maximè frigidis iuuantur.
 Quòd etiam cor habeat calidum, argumento est, quia
 est

*cerebri calidi
signa.*

*hepatis & cor-
dis calidi
signa & ve-
num.*

est plurimorum negotiorum : fuit miles animosus & audax : isti mores sequuntur temperaturam cordis. Quod renes sint calidi, iudicatur ex arenulis illis rubeis, & ardore urinæ, & sic habet cerebrum, hepar, cor, renes calidos. Aliud modò est symptoma illis oppositum, scilicet uenter frigidus, quod indicat, quia non bene concoquit cibos : minimum sitis : cum habeat tot membra calida, et catarrhum maximè calidum, deberet multum sitire : parum appetit, & est profundissimi somni : & hoc non nisi à frigiditate uentriculi provenire potest, in quo generatur plurima pituita, à qua eleuantur uapores frigidi ad caput, & sic causant somnum, licet temperatura cerebri potius super uigilijs indicet, quàm ut somnum admittat, quia est calida. Cum igitur habeat ista membra taliter preparata, & tales mores, & huiusmodi exercitium, in quo nihil facit secundum rationem, sed cum sit mercator, exponit se aëri frigido, & patitur frigus pedum, & multa incommoda in itineribus cum terra, tum mari, & equitat cum non debeat, & edit horis incongruis, et dormit quando potest. Ex hoc igitur uitæ genere non est mirandum, cum talia membra principalia habuerit, si in tot symptomata inciderit : nam scitis quod dixerit Gal. 1. 1. de locis affect. cap. de dolore capitis, quod ubi hepar & totus uenarum ambitus calida sunt, corpora illa repletioni parata esse : & ratio est, quia ubi hepar & uenæ sunt calida, habent sanguinem feruentem, ex quo eleuantur uapores : & sic cum cor sit calidum, & arteriæ, in quibus spiritus est feruens, transmittuntur plurimi uapores ad caput, & faciunt ipsum redundare plurimis excrementis, & cum accesserit

*uentriculi
frigidi sig
na*

accesserit ad hoc frigiditas uentriculi, eleuantur uapores pituitosi, & replent caput. accedit etiam mala uictus ratio. Et sic in hoc sunt omnes causæ, quæ repletionem capitis faciunt. His ita stantibus, dum adolescens fuit, subiectus erat illis fluxionibus, tum propter temperaturam, tum propter uictus rationem, quia expurgabant ipsum, et sic sanus degebat: sed non sunt uiginti anni, ex quo sanguis ille destitit, & tunc immutatio subsequuta, nephritis scilicet, id est, dolor renum: quo curato, in dolore articulorum omnium incidit, & in podagram, & tunc habebat fluxum hæmorrhoidum, ille tamen non sufficiebat, sed iam sunt quatuor anni ex quo suppressæ sunt hæmorrhoides. Nunc autem tantam grauitatē, dolorem & inflammationem sentit: & ita à duabus consuetis euacuationibus destitutus fuit, scilicet à fluore sanguinis narium & hæmorrhoidū, & perseverant eadem causæ aggregantes superfluitates, et inde sunt hæc omnia symptomata, quia annū iam agit XLV. & est in principio senectutis, & iam calor naturalis incipit diminui, cum sit destitutus à proprijs euacuationibus. Videndum est an sit una causa omnium istorum symptomatum. Et dico quod primum est caput, quod primogenio est affectum. Et notate, quod differt dicere aliquod membrum esse primogenio affectum, & esse affectum per essentiam. Nam membrum dicitur primogenio affectum, cum læsio primò apparet in eo, & prius egrotat ipsum, quam alia. Per essentiam uerò dicimus membrum esse affectū, propter uapores ascendentes ad ipsum, quia in ipso læsio primò uidetur, postea uerò læsum per essentiam. Gal. III. Aphor. XII. Destillatio capitur dupliciter, proprie.

diff. que
dicat. primogenio
esse
affectum
essentiam

proprie, & improprie. Proprie destillatio quæ ad fauces uel pectus descendit, dicitur catarrhus, & sic ille nullum catarrhum patitur, quia nullam læsionem habet in pectore, nec tussim, nec anhelitus difficultatem, de quo etiam mirandum est. Intelligo autem catarrhum improprie, pro fluxione à superioribus partibus ad inferiora: & ab isto proueniunt omnia symptomata: & ista à capite per uarias uias descendit, quia est maxima copia materie: primò per uiam communem ad fauces & uentriculum peruenit. Non autem descendit per asperam arteriam (quod cur fiat, aliàs dicam) sed per uenas, arterias, neruos, & sic per omnia uasa, & per spondylos: & refert quòd percipit humorem calidum à nucha per spondylos usque ad pedes peruenire, & per uiam communem ad fauces, & sentit salsedinem. Et quotidie bis excernit, & hoc est ratione catarrhi, quia alioqui deberet huic esse aluus strictissima: sed catarrhus descendens lubricat & debilitat contentiuam, & ad uentriculum etiam deuenit, cuius signum est, quòd leui screatu expuit. Quòd etiam eadem materia per uenas & neruos descendit, apparet ex tumore illo podagrico, & ex tumore splenis. Et non sufficiunt istæ etiam uia, ex quibus nunc à capite ad alias partes solet defluere, quia materia est multa, ideò sentit repletionem capitis. Hæc cum ita se habeant, primò uidendum quæ sit materia defluens, quia scimus istam defluere. Ista est calida & subtilis. Quòd sit calida patet, quia ex gustu salsedinem percipit, & caliditatem etiam in defluxu, & inflammationem in naribus: & quod exit, est calidum, tum etiā propter materiam descendentem ad renes, quia in urina ap-

*destillatio
dupl. i. r.
cap. i. r.*

pa=

parent arenulæ rubæ, ut Epidem. part. III. comm. v. & vi. ubi docet ex colore arenularum cognoscere, quæ sit materia peccans. Sunt autem arenulæ rubæ in isto, ergo materia calida. Sed cur est quod materia ista descendat per nervos, & non faciat contractionē, spasmus & conuulsionem? Dico quod hoc non fit, quia nō firmatur in nervis, sed quia expulsiua uirtus fortis est, ideo expellit ad iuncturas, & capita musculorum, ubi prouocat dolorem mordicando, propter qualitatem suā malam, & propter intemperiem quam causat, & facto dolore, attrahitur noua materia, quia, ut bene dicebat Galenus II. de differentijs febrium, & in tumoribus præter naturam, membrum potest dupliciter debilitari, uel quia priuatur proprio & innato calore, uel quia habet caliditatem præter naturam. Sed in iuncturis est utrumque: primò sunt debiles ob priuationem proprii caloris: hoc autem contingit propter materiam quæ ad eas partes præcipitata fuit, quæ multis de causis ad illas partes magis quàm ad alias confluit: tum etiam quia adest dolor: & ubi dolent, incipiunt tumescere, & tunc sequitur inflammatio, & apparet tumor quidam nitens, & color eius est ruber tendens ad purpureum, quod indicat multum sanguinis crassioris ad illas partes per uenas descendere, & facere inflammationem, & sic talis podagra est calida, quæ est semper cum inflammatione. Quantum ad alui exitum, ad fauces, et ad uentriculum, quod percipit tum ex gustu, quia apparet salsedo, tum quia pessimè cōcoquit, & percipit materiam ad uentriculum præcipitari, & per uenas capitis parum materie ad nares tendit, & facit inflammationem: quæ quia

membrum dupli-
citer potest de-
bilitari.

quia tumet & rubet, ideo est materia sanguinea: & cum materia sit feruens, ideo facit uestigas in naribus, post quas exit aqua purulenta, & ultimo sanguis ater. A quo modo causatur tumor splenis? Dico quod iste habet hepar calidissimum, ideo redundat plurimo sanguine feculento & crasso: & qui tales sunt, dicit Aristoteles, in paracmastica etate, melancholici fiunt, & humoribus melancholicis redundant. Cum igitur iste sic habeat hepar calidum & siccum, ideo redundat plurimo sanguine crasso & melancholico. Quod ita sit, patet ex fluxu hemorrhoidum, quae etiam nunc intumescunt, licet natura propter imbecillitatem expulsiuae non possit sese exonerare, & propter materiae crassitiem: ideo ille sanguis ad splenem defluit, & cum plurimus sit & feculentus, non potest confici ab ipso, & ideo superfluitatibus plenus redditur, & intumescit, ut dicit Gale. Quod ubi intumescit splen, corpus marcescit, quia tunc redundat humores crassi maliq;. Et sic dico, quod sple intumescit magis propter multitudinem alimenti mali & crassi, quam ex catarrho à capite defluente. Et dicit Hippoc. VI. Epid. cō. II. Aph. IIII. qui subiecti sunt catarrho, non incidunt in tumorem splenis. Et Auicenna cap. de catarrho, idem dicit de splene, qui uidetur contrariari Galeno, quia Galenus affert tres causas, & primam refutat Auicenna: primam accipit tanquam Galeni, & ipsum impugnat, sed ipse Galenus eam refutat, & adfert alias Auicenna, quas etiam habet Gal. & dicit, *cur catarrho* quod causa, cur catarrhosi non fiant splenetici, est, quia *si non fiant* patientes catarrhum sunt frigidi, & plurimis cruditatibus abundant, et non fece sanguinis: & cum non abundent

dent

dent facie sanguinis propter frigiditatem, ideo splen ip-
 forum non potest intumescere. Sed Galenus recitat tres
 causas, & primam, quæ Sabini fuit, refutat, quod qui
 patiuntur in uno membro, non possunt in alio affici. Hoc
 non est bonum. Secunda ratio, quæ mihi uidetur cum
 priori eadem esse, quod natura scilicet non possit excre-
 menta sua transmittere ad tot diuersa loca: sed cum fue-
 rit aliquod membrum debile, ad illud omne superfluum
 depellit. Tertia, quam approbat Galenus, & Auic. etiam
 accipit, est cum dicebat, quod qui catarrhosi sunt, frigi-
 di essent, & tales non abundarent facie sanguinis. Sed
 cur est quod ille simul destillationem & tumorem sple-
 nis patitur? Dico id fieri propter caliditatem membro-
 rum inferiorum: & eadem causa quæ facit destillatio-
 nem pro parte, facit tumorem splenis, quia generat plu-
 rimum sanguinem crassum & faculentum, ex quo re-
 pletur splen. *catarrhus sal-* Primò igitur est catarrhus salsus, qui fit
sus. propter uapores biliosos, ab hepate & ambitu totius e-
 leuatos ad caput, & cum ipsum calidum reperiant, ma-
 gis ibi excoquuntur. Urina acrior, in qua arenulæ ru-
 bæ: hoc fit cum propter materiam descendantem ad il-
 las partes, tum propter aciditatem & acrimoniam. Uri-
 næ impedimentum & suppressio fit, quia materie catar-
 rhales collum uesticæ & meatus obstruunt, & ita stric-
 ta subtilis exit urina. Et hæ sunt causæ multiplicantes
 symptomata. Sed quodnam iudicium facis de hoc homi-
 ne? quia uideo, quod si ista fluxio non fieret, caderet
 uel in apoplexiam, uel in pessimos morbos. Dico,
 quod stante uentriculi frigiditate, quæ est cum propter
 catarrhum descendantem, tum propter caliditatem he-
 patis,

patis, absumentem pinguedinem omenti, tum denique propter pessimam uictus rationem: stante etiam caliditate hepatis & cerebri, concedo quòd casus sit difficillimus, tamen minoranda est materia medicamentis, & recta uictus ratio præscribenda: credo quòd si non sanabitur ex toto, in meliorem tamen statum redigetur. Ideò si possemus refrigerare mandantia membra, ne tam calida essent, illi multum prodesset, & maximè continuis alimentis, quibus remoueremus causas, ne materia de nouo generarentur. Cura igitur ad hoc redigatur, ut cause harum fluxionum corrigantur. Et licet cerebrum mandet, tamen inferiora etiam ad ipsum mandant, scilicet, hepar, uenter, & ambitus totus uenarum. Ideò debemus incipere à causis proximis, quod fiet prohibendo, ne materia noua generetur: quia si remoueatur materia non generata, & prohibeatur ne noua amplius generetur, remouebitur etiam fluxio. Cum igitur plurimà adsit materia generata in hoc corpore, & cacoehymia, ideò euacuanda materia. Et notate, quòd exquisitè antequàm è domo proficisceretur, euacuatus est, & postea propter agitationem maris plurimum euomuit: nihilominus aliquàlter euacuarem, & præpararem materias, et rursus euacuarem uel ter uel quater, ut ita exquisitissimè corpore euacuato, alterare membra, & sic prohiberem ne noua materia amplius generaretur. At cum tria genera euacuationis ab Excellentia uestra sint proposita, uidelicet missio sanguinis, cauteria, & euacuantia pharmaca, ego laudarem missionem sanguinis, quia caliditas membrorum inferiorum, est causa omnium istorum symptomatum: & sic euacua-

euacuaremus simul, & refrigeraremus hepar, facta prius lenitione alui cum floribus Cassiæ, quia semper omnem lenitionem alui uolo ut præcedat aliqua lenitio per clysterem cōmunem, qui est ex flore Cassiæ &c. qui euacuat à uentriculo crassos humores, feruidos & adustos, sine aliqua attractione. quin etiam do minoratiua cum scammonieatis aliquanto fortioribus. Quidquid dicant alij, nunquam ad digestiua descendam: quia si prius digestiua exhibemus ante aliquam minorationem materiae, humores crudi per uenas transeunt, atque eas obstruunt, & sic augent putredinem, uel eam, si non adsit, efficiunt. Ideò à basilica dextri lateris mitterem sanguinem. Syrupi essent de Endiuiâ, de rosis. Intermitterem syrupum de Papauere simpl. quia uolumus præparare materias, non sistere. Præterea adderem oxymel (quod licet in ægri tudinibus uituperetur, tamen uideo Hippocratem exhibere in pleuritide: & tertio κατὰ γένν, ubi neruus in profundo est uulneratus, iubet cum medicamentis misceri acetum, ut uirtus medicamenti ui ipsius aceti perducatur ad locum, & in transitu annihiletur uirtus aceti, maximè quando permixtum est cum melle. Et licet in isto abundant humores biliosi, illi tamen sunt permixti cum pituita: cuius signum præbet salsus humor, qui uel propter adustionē pituitæ, uel ut Auicenna uoluit, ob permixtionem bilis cum pituita prouenit) cum aqua Endiuiæ, Buglossæ, uel decocto eorum, aut alijs huiusmodi. Quo ad euacuationem, euacuare etiam cum Coccij in principio, ut Galenus s. Methodi etiam euacuat cum istis, et Rhazes ab eo accepit, & Coccias appellauit. Ibi nanq; curat Galenus catarrhum cum istis in principio:

principio: & sunt optimæ in euacuanda materia crassa, pituitosa, existente in iuncturis, quia à longinquo trahunt: & cum pillulis de Hermodactylis, & alijs in quibus Agaricū et Colocynthis ingrediuntur, quia in Hermodactylis est uis trahendi à iuncturis, unde instant uenas: ideo primæ, scilicet Coccia, magis placerent. Euacuato corpore deuenirem ad corroborationem membrorum, & ratione podagræ diuersionem facerem. Credo quòd si posset à uino abstinere, cum tanta caliditas sit in inferioribus membris, quòd præstantissimum hoc esset remedium, licet habeat uentriculum imbecilliores: fortasse si remouebitur catarrhus, et contemperabitur hepatis, melius concoquet: & sic pro potu darem aquam correctā cum saccharo, uel cum modico Cinnamomi & Anisorum: & quia etiam Galenus dicit, quòd uinum potens noceat neruis: sed patientibus podagram, uinum prohibetur, non quòd forte tantum à potentia noceat, sed etiā alia de causa. Galenus tertio de ratione uictus, loquens de uino, ne trahat, inquit, materias fluxioni paratas per uasa: & ideo aquosum & subtile nocet, quia aperit & præparat humorem ut fluat ad iuncturas. Ideo uetamus uinum podagricis, quia timemus nimiam apertionem, & humorum subtiliationem. Sed aqua magis refrigeraret quàm uinum, & non ita attenuaret. Et Auicenna proponit aquam mulsam, abstergit enim, & per uias urinæ purgat: sed aqua cum saccharo & modico Piperis, noceret spleni: dico, quòd quādo splen esset tumefactus ex uentositate uel frigidityte, quòd noceret: sed intumuit propter caliditatem, ideo proderit potus. Sed cur est quòd aqua chalybeata exhibetur sple-

netico indurato propter feruorem sanguinis? hoc fit, quia refrigerat hepar, quod ubi est refrigeratum, minus generat de fece sanguinis. Hinc falso existimant qui putant ex inflammatione hypochondriorum intumescere splenem. Quod si uinum uoluerit, illud sit delicatissimum, quantum possibile est. Quod ad cauteria, in capite neque actualia, neq; potentialia facerem, quia uitium non est cerebri, sed membrorum inferiorum, quæ mandant ad ipsum. Si esset catarrhus ex imbecillitate tantum cerebri, quod non posset concoquere proprium alimentum, forte conuenirent: sed quia tota materia ab inferioribus membris ad ipsum eleuatur, ut non possit concoquere, nec diffilare, nec reprimere tot uapores, & quia calidum est cerebrum, non exhiberem cauteria, sed cum pulueribus frigidis & humidis, quales essent ex flore Nenupharis, Violarum, Rosarum: quia Rosæ propter tenuitatem suæ substantiæ, faciunt ut talia penetrent, & sunt frigida etiam, & sic uapores reprimerentur, & temperarent temperaturam cerebri. Quod autem cauteria non facerem ad talos, in causa est multitudo ibi neruorum, chordarum ac ligamentorum, sed potius intra genu: & plurimos noui taliter curatos, exhibitis prius opportunis remedijs. Nec mihi displicet, ut assumeret aquas Thermarum Veronensium, quas Calde rianas uocant, quia conferrent spleni, & refrigerarent membra inferiora, hepar, renes, & uentriculum corroborarent sua astrictione. Ideo si aliquæ aquæ cõferunt, credo quod istæ conferrent. Deinde in conseruatione uellem ut denuò isto remedio uteretur, acciperet maximam aquæ quantitatem, & in ipsa Myrobalanos, flores

Senæ,

Senæ, *Epithymū* decoqueret, in quo decocto infunderen-
tur rosæ multoties, & in hac infusione pro una lib. iij.
uel v. 3. *Rha barbari* apponeret, & facta infusione ex-
primeret, & faceret syrupum, qui optimè euacuaret
materias crassas, et calidas omnes, & refrigeraret he-
par, et acciperet uel semel qualibet septimana uel ter
in mense 3 iij. pro uice. Nam ex *Myrobalanis* habea-
mus confortationem iuncturarum, et ex *Rha barbaro*
confortationem hepatis.

Consult. LXIX. De scabie, tinnitu aurium,
hæmorrhoidibus.

ACCIDENTIA sunt consideranda. Primò sca-
bies, quæ habet pustulas magnas, sæpe aquositate cum
dolore, et mordacitatem emanantem: habet & macu-
las nigras circa pectus, quæ depilant & persistunt sem-
per: habet etiam tinnitum aurium, qui perseverat, noctu
præcipuè, et dolores maxillarum, sunt hæmorrhoides
copiosæ: sanguis est copiosus, et post sanguinem aqua
exit, quæ mordicat & calida est, causat eundem dolorē
in crure: febrem quoque, ut nunc, habet. Materie &
causæ symptomatum inueniendæ, ut curemus. Sed oportet
prius scire temperaturam naturalem, ut sciamus qua-
litate lapsus & medicamenta. Procedam per conclu-
siones. Temperatura calida, et hepar calidum. Color
magnum argumentum temperaturæ, nisi sit aliquod ac-
cidens, ut in sole uersatus. Sed uera temperatura colli-
gi debet ex actionibus & excrementis. Cætera acciden-
tia postea testimonium & fidem perhibent illis, sed non
sunt tam certa. Actiones secundū naturam quales erant

O 3 nescio:

color qñ, fipæ
vatura ostē
dant & quo
mō colligat
vatura.

nescio: nam æger ad nos uenit, uenæ tamen amplæ.
 Pili & musculi calidam temperaturam ab initio fuisse
 significant. Nec curo aliorum temperaturam, ut cere-
 bri, quia nec illud, nec alia membra curabo, non enim ibi
 est affectus: ex cacochymia omnia dependent, quæ qui-
 dem est ab humoribus in uentriculo & iecore genitis.
 Hepar est calidum & siccum intensè redditum ex ope-
 rationibus: eos enim qui hepar calidum & siccum ha-
 bent perpetuò, destitui bonis actionibus in uentriculo
 necesse est, quia caliditas adurit, et hepar amplectitur
 uentriculum, & cum calidum est, consumit sua calidita-
 te omenti pinguedinem, quæ adhæret membris à frigidi-
 tate, nec permittit generare adipem omenti, cuius usus
 est, ut calorem in uentre conseruet: ideo ibi uulnerati
 male concoquunt. Etiam uoracitas facit ut hepar ante
 tempus cibum attrahat. Inde fiunt circa uenas Mesarai-
 cas crassorum humorum obstructions, deinde in uen-
 triculo generatur pituita, & ita una causa alterā iuuat.
 His stantibus, cognita hepatis & uentriculi tempera-
 tura, ratione hepatis calidi multum bilis & fæcis san-
 guinis generatur, quod est naturale. Ad hæc accesserūt
 exercitia importuna, & labores: est uenator, pedes am-
 bulat, nunquam quieuit, semper magnis laborib. deditus,
 coiuit, ingessit cibos quoscunq; , & uina potentia bibit.
 Incidit in aliam calamitatem. Sunt xii. anni cum coiret
 cum scorto, incidit in pustulas, dixit Medicus: passum
 esse morbum Gallicum, dedit linimentum ex argento ui-
 uo: per os spuit, et membra neruosa parata ad fluxiones
 reddidit. quæ inde incommoda sequuntur: Auic. dicit ar-
 gentum uiuum inducere stuporē, paralyssin &c. & tota
 sua

quædā q̄ h̄
 calidum &
 bonis
 actionibus
 in uentriculo
 destituitur.

Nota d̄ angeli
 uino

sua forma naturæ humanæ contrariari. Hæc igitur omnia accesserunt: primò temperatura hepatis à natura fuit calida: secundò uictus, exercitatio & consuetudo anxia: tertio, argentum uiuum omnia membra debilitauit. Scabies est ex fluxione, non ex contagio, in illo uiro, omniaq; accidentia præter febrem, tinnitus, grauitas capitis, hæmorrhoids &c. secundo de diff. febrium. Cum est fluxio, uidendum quod sit membrum mandans, quod recipiens, uix per quas, & quæ materia fluens. Hæc est regula. Cutis igitur membrum recipiens est & occasio, quia debilis, et accidens ei aduenit nouum ratione cutis, trahit &c. Contagium quod cuti intemperiem & putredinem affert, cuius ratione trahit ad se humores, qui parant fluxionem. Vbi igitur abstergitur putredo illa, non fit attractio ulterius 2. de differ. feb. In hoc uiro nõ est causa membrum recipiens, sed interior causa est membrum mandans, quod ipsum recipit aliunde. Ideò & hæmorrhoides habet, quia uenæ illæ recipiunt humorem alium defluentem. Oportet igitur esse membrum mandans. Sic tinnitus aurium fluor est. Necesse igitur est aliquam esse materiam, cum omnia symptomata ad fluxionem sunt reducta. Scabies propria cutis, quæ recipit membrum mandans musculi: & reliquæ partes interiores quæ debent nutriri, mittunt nutrimentum suum, quo nutriri debent, ad cutim, quia alimentum nõ est bonum, ideò quod fundamenta, hepar & chylus non sunt secundum naturam, unde malum generari sanguinem necesse sit. Musculi igitur trahunt dulciorem partem, & quod reliquum est mittunt ad cutim. Porro is humor in substantia uel tenuis est, uel crassus, uel salsus, uel acris, aut mordax,

*fluxionem
quæ consideratur.*

mordax, & semper diuersa facit. Humor salsus diuersificat in substantia, facit scabiem cum pruritu. Si est pruritus tenuis, natura facile euaporat: si est materia crassa, ex scalpura non euaporat, sed facit pustulas, & ibi putrescit: hæc uera causa scabiei. Materia subtilior pruritus generat, crassa scabiem: hoc uoluit Auic. Materia igitur huius scabiei est humor salsus, qui transmittitur ad manus & crura, quia maior copia materie: & exit cum dolore aqua, quia humor calidus soluit continuum & alterat. Concurrunt igitur duæ causæ, quæ sunt causa doloris secundum Gal. licet alij male dicunt unam esse. Tinnitus in cerebro, et grauitas capitis, ex materia fluenti nascitur 3. de locis affect. cap. de dolore capitis. Qui habent calidum hepar, & totum ambitum uenarum calidum, subiecti sunt repletioni capitis: & si accessit cruditas per uiam communem, repletur caput, & ita fit non tantum ob hepar, sed etiam ob uentriculum, sicut hic concurrunt hæc duo, non tamen ob naturam hepatis, sed ob uictum etiam malum facientem crudum uentriculum. An caput calidum sit, non habet instructionem: potest tamen esse calidum, & causam habere, quod facile ascendant uapores, qui postea mouentur in aure, & faciunt tinnitum.

Consult. LXX. Ad Melancholiam hypochondriacam.

OBSERVATA uictus ratione, uellem quod in anno bis, uere scilicet & autumnno, se purgaret. Vere mitteret sanguinem à uena basilica cubiti sinistri. In intermedijs uerò temporibus acciperet ter aut quater in mense infrascriptas pillulas.

Rēcipe

R. Epithymi Cretenſis 3 vi.

Agarici electi 3 iiij.

Cort. Ellebori nigri 3 iiij.

Specierum Hieræ ſimp. 3 iiij. Cum melle roſato fiat Magdaleon, de quo ſingulis uicibus 3 i. accipiat, & formentur pillulæ tres cum melle roſato, & eo ueſpere quo aſſumet pillulas has, accipiet ſcutellam unam panis loti, ſeu panatellæ, & aut nihil, aut parum admodum bibat, accipiatq; ſæpiſſimè per horam ante prandium Conſervæ florum Borag. atque Bugloſſæ parum. Ante ſyrupum ſumere poterit elect. lenitiui 3 x. cum ſaccharo, fiat bolus. Pro ſyrupis.

R. Syrupi de Fumoterræ 3 i.

De Bugloſſa

De pomis ana

Aquæ Boraginis

3 s.

3 iiij. Miſce.

Pro purgatione.

R. Conſect. Hamech 3 iiij.

Syrupi roſati ſolut. 3 iiij.

Cum aqua Betonice fiat potus.

Post medicinam.

R. Sacchari roſati 3 ij.

Conſervæ florum Boraginis 3 ij.

Bugloſſæ 3 ij. Miſce, fiat electuarium.

Pillulæ pro melancholico.

R. Epithymi Cretenſis 3 i.

Aloës optime 3 s.

Caryophyllorum

Nucis muſcatæ ana 3 ij.

Cort. Ellebori nigri 3 vi. Cum ſyrupo de corticibus

corticibus Citri fiat Magdaleon, de quo fiant pillule,
pro singula drachma tres: sumantur ante coenam per
horam, bis in septimana.

Pro quartanario purgatio.

℞. Florum Boraginis, Buglossæ ana 3 iij.

Rad. Ellebori nigri 3 v.

Polypodij 3 s.

Fol. Senæ

Epithymi ana 3 s.

Rad. Boraginis

Buglossæ

Capillorum Veneris ana 3 iij. Bulliant in suffi-
cienti quantitate aquæ ad consumptionem tertiæ partis,
colentur & exprimantur, colaturæ postea addantur.

℞. Succi Fumi terræ

Boraginis

Buglossæ ana 3 i. s.

Succi pomorum 3 iij.

Sacchari albi 3 xv. Fiat Syrupus, sumat per
quinque dies.

Consult. LXXI. De scabie.

ERAT puer laborans febre putrida & hydrope,
cuius cutis aspera erat, qui habebat dispositionem ad sca-
biem, de qua Montanus hoc dedit consilium. Scabies est
de genere fluxionum, & semper deducenda est ad flu-
xiones: sed in qualibet fluxione quatuor sunt conside-
randa, scilicet membrum mandans, membrum recipiens,
materia quæ transmittitur, & viæ per quas. Ad quam
partem hic transmittitur: ad totam extim, quæ recipit,
propterea

propterea quia imbecillior est à propria natura. Semper enim uidebis ad cutim fieri crisin in fine ægritudinis cum scabie, pustulis, sudore, in adolescentibus, & non rarò etiã in alijs. Est præter hæc debilitatus admodum, quia perpeffus magnum frigus, & aquas, ut penè exhaustus sit calor, nec possit concoquere alimentum propemodum, nec expellere excrementa. Propter paupertatem & ingluuiem cibos multos ingessit & uarios, nec boni succi, nec nutrimenti cōmodi: unde in uenis & hepate materia multa. Viæ quoque latæ sunt, quia cholericus: habet latas uenas, & poros amplos. Scabies, rigor, sudor, lepra, pruritus simplex, siccus, sub cute ab eadem materia nascuntur. Ita omnes fluxiones sunt, sed tantum secundū diuersum modum substantiæ & uirtutis expellentis uariant. Si materia tenuis, et pori aperti, nullum fit symptoma, quia materia exhalat: si uerò materia crassior, uirtus non fortis, & cutis resistit, fit rigor. Est etiam rigor sine febre interdum, ut Gal. lib. 2. de diff. febrium, & lib. de rigore, ostendit. Si materia crassior, uirtus fortis, & uia latiores, peruenit ad cutim, ac ibi cōtrahitur, & pustulas generat: estq; materia pituitosa, aliquādo salsa. Est ægritudo in compositione, quia cutis asperior est quàm esse deberet. Gal. 2. de causis mor. Morbus est quando impedit operationes: quādo uerò nō impedit, est symptoma. In hoc puero sunt pustulæ, nec est simplex pruritus, sicut ubi materia tenuis est. Extinctione cessat pruritus, quia dilatatis poris euaporat: hinc cutis aspera est, & facit desquamations, quia materia multa quidem, sed tenuis est, & apud antiquos propriè lepra dicitur. Nam apud Medicos hodie lepra longè

longè alia est, quàm quæ apud antiquos elephantiasis dicitur, & desquamatur ferè usq; ad ossa. In hoc puero est ex humore salso, pituitoso, adusto. Si ex melancholia, faceret elephantiasin, et uerã lepram. Auicenna dicit salsedinem ex duabus causis prouenire, uel cùm bilis cum pituita miscetur, uel quando aduritur materia pituitosa. Prima causa habet difficultatem, quia nunquam ex tali mixtione facietis salsedinem, rem scilicet amaram cum insipida miscendo. Nam salsedo etiam differt ab amaritudine, unde non scio qua experientia ductus hoc dixerit. In secunda causa uerum dixit: quia ubi calor adurens occupat materiam terrestrem & crassam, & eam exurit, salsam facit. Sic etiam salsedo maris, ob adustas partes terreas, mistas cum humore aqueo, ut Theophilus ait de saporibus. Salsedo in terrestri substantia fundatur, sicut & amaritudo: habent enim eandem causam materialem, materiam scilicet crassam & adustam, & efficientem, utranque à calore adurente, nisi quia amara sunt magis adusta, ita etiam, ut si quæ salsa ulterius aduruntur, fiunt amara, sicut nitrum est salis genus excoctum. Cura est à materia rei. Primò ponamus corpus esse purgatum. est salsedo, & est fluxio, quæ quandoque sola euacuatione curabitur, ut materia cùm non sit iam ampliùs, mundetur: unde etiam dicit Galenus, sæpiùs se fluxiones sola euacuatione curasse. Abstineat à rebus salis, acetosis, carne bouina, uino crasso, potenti, & omni re calida & adurente: utatur uino subtili & tenui. Si adhuc medicamentis indigeat, utendum abstergentibus, exiccantibus: quia si illa quæ adherent, abstergantur, corpus reddetur æquale. Aspera cum abstergentibus

gentibus curantur : sic conueniunt omnia acida ut succus Limonum, Acetosa, oxylapathum, &c.

Consult. LXXII. De scabie humida cum pruritu.

R. Flor. Cassiæ

℥ x.

Cum saccharo fiat bolus, sumat hora ante prandium.

Item

R. Succu Boraginis

Fumiterræ

Cichoriij

ana ℥ iij.

Purificentur & seruentur pro tribus uicibus. Sumatur ergo tertia pars huius syrupi, & seri caprini ℥ viij.

Misce, & sumatur in aurora loco syrupi per 4. aut 5. dies, prout magis conferet. Item

R. Rhabarbari electi

℥ ij.

Macis

℥ i.

Incidantur & aspergantur uino aromatico, postea infundantur in aqua lactis caprini per horas 24. Facta diligenti expressione & colatura,

R. Confect. Hamech

℥ iij.

Syrupi ros. solut.

℥ ij.

Misce, fiat potio danda in aurora, cum custodia.

Item,

R. Sacchari rosati

℥ vi.

Vtatur ante cibum mane & sero, & sumat ℥ s. singulis uicibus. Post assumptionem medicamenti, post duos præcedentes syropos, mittatur sanguis à uena hepatis dextri lateris, & extrahantur circa ℥ viij. Item peractis his omnibus ingrediatur balneum aquæ dulcis, & primo

primò sudet, & fricetur, deinde lauetur: postea in secundo loco balnei mittatur sanguis per cucurbitulas, applicando eas tibijs, brachijs, spatulis & natibus, postea illinantur manus & totum corpus linimento sequenti.

R. Terebinthinæ lotæ

℥ iij.

Olei rosati

Butyri recentis

ana ℥ ij.

Storacis Calamitæ

℥ i.

Succi Limonum, quantum pondus est omnium.

Salis nitri

℥ s.

Salis communis

℥ ij.

Misce omnia simul, & bulliant in olla noua ebullitione una, deinde remoueantur ab igne, & ubi tepuerit, adde uitellos ouorum recentium numero iij. commisce omnia simul ad formam emplastri, & utere. Ante purgationem nullas lotiones aut unctiones faciet: si tamen omnino lauare uellet, faceret id cum decocto Altheæ, Maluæ &c. & inungeret manus cum succo Aurantiorum medijs saporis. Pedes tumescebant, lauit ex rosis, Althea, Chamæmilla, Salvia, Maiorana, Pulegio, in uino & aqua coctis.

Pro scabie post purgationem:

R. Rad. Ellebori nigri

℥ vi.

Lapatij acuti

man. x

Rad. Ellebori albi

℥ ij.

Limonum cum radicibus suis in frusta incisorum numero xv

Terebinthinæ

℥ iij.

Salis

Salis Nitri

℥ ij.

Contundantur omnia simul, & fermententur per dies quatuor in uase mundo & bene cooperto, ne transpiret, sepelianturque in fimo equino: post fermentationem quatuor dierum extrahatur primo aqua, deinde oleum: utrunque optime scabiem remouet, & cutem ab omni labe mundabit.

Consult. LXXIII. Vnguentum ad lepram datum, seu scabiem ortam ex uitio uirtutis assimilatiuæ, purgato antea toto corpore.

R. Rad. Lapatij

℥ ij.

Rad. Ellebori nigri & albi ana ℥ ij.

Hordei fracti

pug. ij.

Bulliant omnia in suff. quant. aquæ ros. ad consumptionem duarum partium, deinde facta diligenti expressione & colatura,

R. Salis Nitri

℥ iiij.

Olei rosati

Butyri recentis

ana ℥ ij.

Bulliant omnia simul ad consumptionem aquæ, deinde

R. Succi Limonum

℥ iiij.

Terebinthinæ

℥ ij.

Misce omnia simul, & cum refrigerari incipit, addito uitellos ouorum recentium nume. iij. & serua: inungatur scabies, scalpata prius.

Consult. LXXIII. Pro tremore manus.

PROBABILE est hominem ab ineunte ætate cunctis nummis occupatū, uehementissimo motu, & magno

gno malleorum pondere, brachia ita exercuisse & calefecisse, ut plurimo alimento indigerent, quod etiam commodissime attraherent per uasa abundanti calore dilatata, tum optime conficeret, ob bonum habitum, & caloris redundantiam: sed ubi postea à consuetis laboribus desijt, consuetum quidem alimentum ad brachia deriuasse, sed otio ac desidia effectum, ut sublata pristina difflatione & excrementorum expulsionē, calor naturalis paulatim suffocaretur, temperatura brachiorum frigidior redderetur, excrementa colligerentur, meatus constiparentur: unde imbecillitate in iisdem brachijs parata, præter quàm quòd proprium alimentum non recte conficeretur, etiam aliunde defluuium pateretur, sicut perpetuò comparatum est, à fortioribus ad imbecilliora defluuium fieri. Ergo & totum corpus languidius, segnius, obæstius effectum, & brachia præ frigiditate acquisita, & humorum cruditate, in tremorem insignē incidisse constat. Curatio esset, ut quàm maximè corpus exerceret in aëre temperato, frictionibus longis & assiduis, & balneis uteretur, parcissime uiueret, à uino quàm maximè posset, abstinere, sed decoctum Saluæ, Cinnamomi, & Caryophyllorum, addito saccharo, potaret. A cibis crassis, frigidis, humidis, glutinosis prorsus abstinere, comestiones potationesq; tanquam pestem euitaret. Singulis septimanis pillulis uteretur in hunc modum confectis.

R. Agarici electi
Colocynthidis
Aloës hepaticæ
Caryophyllorum

3 vi.

3 ij.

3 i.

Nyxis

Nucis muscatae ana ℥ i.

Salis gemmae ℥ iij.

Cum oxymelle simpl fiat Magdaleon, ex quo fiant pillulae iij. singulis uicibus pondere ℥ i. sumendae in aurora. Post aliquot purgationes, brachia assidue lauētur oleo, quod ex Benzoino ab unguentarijs conficitur. Cinnaomomo optimè condito cum saccharo, ante & post cibum assidue uescatur.

Consult. LXXV. Pro quodā iuvene, qui post longam quartanam patiebatur magnam sple-
nis duritiem.

R. Fol. Senae, Epithymi,

Polypodij ana ℥ ij.

Myrobalanorum Chebulorum ℥ i.

Aloës optimae ℥ iij.

Corticis rad. Capparum ℥ i. s.

Myrrhæ ℥ ij.

Croci ℥ i.

Puluerizentur omnia per se, deinde misceantur, ac cum syrupo de Epithymo fiat Magdaleon, de quo fiant pillulae: pro singula uice tres sumat ℥ i. hoc ante coenam semel in septimana. Ordinata uictus ratione utatur, & si uult, potest inungere locum lienis oleo de Capparibus: sunt enim obstructions, ut ex totius corporis colore apparet. Hic adueniente uere, quia his usus non erat, & inordinate uixerat, in febrem incidit. Montanus Cassiae ℥ x. cum ℥ ij. specierum Hierae exhibuit: pro syrupis postea serum lactis caprinae, cum succis Fumiterrae, Boraginis, Cichorij ana ℥ i. Post secundum syrupū sanguinem

P

guinem

uinem misit: ultimò medicinam dedit ex confectiōe Hamech, & syrupo rosato solutiuo. Pro aperiendis dein de obstructionibus syrupum ex succo Chamædryos & Agrimonie, cum infusione corticis mediani Fraxini ꝑ s. Ceterach ꝑ vi. Infundantur in sero lactis, & modico aceti, bibat mane, ex sero lactis caprini ad cyathū unū. Chamædryn & Agrimoniam addidit, quia ex malo regimine in obstructionem alterius lateris inciderat.

Pro splene ordinauit hoc vnguentum.

R. Bdellij

Ammoniaca ana 3 iij.

Dissolue in aceto Scyllitico: deinde adde

Oleum Amygdalarum amararum

Axungie porcinae ana ꝑ i. s.

Agarici opt. puluerizati 3 vi.

Corticum rad. Capparum 3 v.

Corticum Ellebori nigri 3 ij.

Cum modico cereæ fiat linimentum, pro splene. Si pingua pauca sunt, duplicentur.

Consult. LXXVI. De Gallo quodam laborante quartana triplici.

NESCIO adhuc quomodo laboret, quare faciam, ut docet Auicenna, subtiliabo regimen, donec morbus appareat. Primò rationem uictus præscribam. Sumpsit heri electuarij lenitiui 3 xij. cum saccharo in boli forma. In fine accessionum habuit magnam stim: quare laudo talem potionem.

R. Syrupi Acetosi multæ acetositatis 3 iij.

Vini Granatorum 3 i.

Aquæ

Aquæ Boraginis lib. i. Misce, & utatur pro siti, & bibat cyathum unum in fine paroxysmi, dum sitit. Pro syrupo, quia obstructions habet, ut ferè semper uidebitis in febricitantibus, cum occurretis post uigesimum diem ægritudinis, hypochondria tangentes, percipietis tensionem semper habere obstructions, quæ aperiendæ sunt, aliàs nunquā curabitis febrem. Sed noluit in principio progredi cū amaris, et per se aperiensibus.

R. Oxymellis simp.

℥ i.

Mellis rosati

℥ s.

Aquæ Cichorii ℥ iij. Misce, & detur mane pro syrupo. Iste Gallus habet quartanam quotidianam, quod sepe contingit. Exemplum habetis apud Galenum de Eudemo, primo Prognost. etiam de differ. feb. Sed circa febres putridas multa essent dicenda, quæ oportet supponere: nihil enim dicam ex observationibus, sed principijs, sicut fieri debet: quod cum hic non possumus, ubi supponendo sine arte loquimur, in solis fundamentis docendum. Quatuor sunt humores qui putrescunt: bilis putrefacta tertianas facit, pituita amphimerina. Sed an sanguis putrescat, et quomodo ex eo fiat febris, dicamus in scholis. Nunc tres humores sumamus. Melancholicus humor putrefactus, facit quartanam. Cum talibus occurritis, quomodo debetis agnoscere? Non sunt expectandi dies paroxysmorum: hoc ridet Galenus 2. de Crisibus: possunt enim decipi, cum uariant pro ratione adustionis humorum. Si ex paroxysmis hanc uultis iudicare, erit quotidiana. Optimum igitur erit febres cognoscere à proprijs signis, differentijs, & accidentibus: quorum signa trademus. Humor melancholicus est

P 2 crassus,

crassus, faculentus, frigidus, mordax sua aciditate, & potius astringens, exasperat ac si mespilum comedere-
tis, sicut acida, austera, acerba, quæ Arabes pontica di-
cunt: ergo à natura rei, cum humor ille ab interioribus
ad exteriora mouetur, facit frigus magnum, quia hu-
mor in se frigidus tangit musculos: & est humor naturæ
inimicus, calori oppositus, ideo natura prosternitur, &
fit maxima contractio caloris, etiam frigus magnū, quod
est signum quartanæ. Differt enim à frigore bilis: nam
ipsa quoque frigus facit, & motum concussionis: sed quar-
tanæ frigus maius est, ac si quis aëri ualde frigido occur-
rat: dicunt se tantum frigus sentire, ac si quis nudus uer-
setur in niue: frigus uero à bile est ac si acu mordicare-
tur. Quotidianæ etiam frigus ab alijs facile distingui-
tur: est enim rigor eius tanquam cum sono, & hoc est
primum signum pathognomonicum, cum quibus discer-
nuntur febrium pulsus. Deinde ob humorem frigidum
non ita inæqualis est sicut quotidiana, magis tamē quā
tertiana: & ratio est, quandoquidem qui quotidianam
patitur, habet singulis diebus paroxysmum: & quia pi-
tuita multa est, quæ multitudine sua extinguit calorem,
supra modum aggrauat naturam, & fit pulsus inæqua-
lis, sicut de baculo exemplum dat Galenus. In quarta-
na licet melancholia sit pauca quantitate, nec tam abun-
det in corpore, quā pituita in quotidiana, parum ag-
grauatur grauitate propria, & ita ratione ponderis fit
pulsus inæqualis. In tertiana magis augetur necessitas
euentandi, id est, maior est pulsus, & uelocior quā in
quartana aut quotidiana: & quia humor leuis est ual-
de, non ita aggrauatur natura, & ideo pulsus non est ita
inæqualis.

*inæqualis. Habet igitur pulsus in quartana se medio-
criter inter tertianam & quotidianam, inæqualitate &
uelocitate, & magnitudine. Est præterea rarior, ob
materiam scilicet humoris terrestris, & propter duri-
tiem seu siccitatem instrumenti, quæ etiam ad paruitatē
facit. Est & aliud signum decernendi, ipsa quinta ac-
cessio febris, principium paroxysmi & augmentum lon-
giora quàm in reliquis, quia est tardæ putrefactionis,
nec habet statum nec declinationem, ut quotidiana. Pa-
titur igitur quartanam, ergo ex humore melancholico
putrescente. Sed hic noster agrotus quotidie patitur,
quia natura aggrauatur multa materia, raro siquidem
sola & simplex contingit. Sæpe uidebitis quotidianam
uel quartanam puram, quia semper aliquid pituitosæ
admiscetur melancholiæ. Frequentius uerò exquisitas
tertianas uidere contingit: hæc aliquando minorem fri-
giditatem, & propter pituitam admixtā quandoq; maio-
rem habet: & uidetur unus dies quasi quartanæ dedi-
tus esse, reliquis duabus mouentur alij dies. Habet au-
tem febrem propter obstructionem uiscerum: non habet
quidem duritiem tympaniticam, sed tensionem, quia fe-
brem habet, quæ calorem naturalem mutauit in igneum,
ideo facit coctiones deteriores. Sunt ergo alendi cum
uictu tenui, quia dum manet febris, manent cruditates,
& sic fiunt tensiones. Oportet autem has obstructiones
etiam curare, quia habent causam sine qua non potest
curari febris. Item dedi Syrupos aperientes, & iam
apparet coctio aliqua ex parte, quæ quamuis sit lauda-
bilis, nondum tamen est status, donec exactissimè signa
appareant. Cura est materialis: ergo stante actione,*

urina euacuare oportet, cum appareant ibi signa coctionis. Humor melancholicus est: quod erit igitur instrumentum? Mihi semper familiare, quo utor, est confectio Hamech aurea, quam conficit Mesue magna arte: ideo extollo Arabes, quia habebant methodum de compositione medicamentorum. Sed nescio qui sit, alij à Græcis ad Arabes, alij ab Arabibus ad Græcos confugiunt, qui hunc atque illuc uagantur, quod fit, quia feruntur sine ratione. Qui ratione procedunt, hæc non faciunt, quia utriq; errare potuerunt, & Arabes & Græci: aliquando boni sunt, aliquando mali: id quia non discernimus, & nos erramus, & alios errare facimus: ita oportet unum onera portare alterius. Sed ad ægrum nostrum. Constant uires in hoc, & est iuuenis, & locus temperatus, ideo totam dosim dabimus. Integra autem dosis pro uiribus est 3 iiij. Et hic habet obstructions, in quibus difficilius educuntur humores, & tensa hypochondria: sed non nimium obstructi sunt meatus, ita ut materia educi non possit, alioqui non darem.

Rx. Confectionis Hamech 3 iiij.

Trochiscorum Alahandal gra. v.

Misce, fiat bolus cum saccharo. Habet quartanam principaliter, quia habet accessiones de quarto in quartum uehementes, postea alios quatuor dies mitiores. Hodie magnum habuit paroxysmum, sudauit & est refrigeratus, & sudor etiam linteamina fecit frigida, unde augeatur putredo. Oportet ergo adhuc aperire obstructions, & concoquere materiam. Quomodo concoquenda materia melancholica? an cum incidentibus? Auicenna acetum proponit, sed non soluit: at humor melancholicus

licus maiori indiget præparatione. Quomodo concoquuntur humores? Humores semper concoquuntur calore moderato. Reducendus ergo calor ad temperaturam: si acutus est, faciat benigniorem: si acris, retundetis eum cum frigidis: si obtusus, et minorem habet calorem, reducat eum ad temperiem: nam omnis coctio fit à calore temperato. Finis coctionis est separare bonum à malo, utile apponere membris, inutile excernere: ea sunt propria opera naturæ, quæ per calorem temperatū semper tentat coctiones in humoribus: quia omnes humores habent aliquid boni, quod separat, ingratum uero expellit. Quomodo præparantur humores? Hic alijs instrumentis opus est: non enim hic est coctio, sed quædam ad coctionem præparatio. Cum crassus est humor, incidimus: si uiscosus, abstergimus: cum qualitas aliqua peccat, præparamus cum contrarijs. Nos ergo materiam imitabimur. Volumus præparare humores, & concoquere? duo ergo facienda, quæ iubet fieri ubi peccant humores, Galenus lib. 4. de tuenda sanit. & primo Therapeut. Primò admouet quæ iuuant coctionem fouet uentriculum & hypochondria, dat diatrionpipereon, postea præparat humores, & uias aperit. Ita hic quoque humor melancholicus peccans, frigidus est, crassusque. Primò ergo cum linimentis uentriculus & hypochondria fouenda, ubi fiunt principales coctiones: & præcipue lateris sinistri rationem habeatis, ubi splen concoquit: ex hoc habebitis coctionem humorum. Ego in febribus putridis post purgationē utor oleo Chamæmelino uel Anethino, cum uino aromatico, qua unctione pori aperiuntur, & adiuuantur coctiones. In principio

uerò quietos humores relinquo, donec euacuentur, postea phlebotomiam facio. Si non bonum est fouere uentriculum uel hypochondria, ut circa partes principales bonæ fiant coctiones, euacuamus humores: fiant ergo frictions, cum ligamento, ut pori aperiantur (est enim constipatio hîc) & ut crudi humores cōcoquantur. Post coctionem curemus præparationem. Quia sunt crassi, debent ergo fundi. Si esset pituita, facilis ratio foret, quia humida est: humor melancholicus crassus est & siccus, & ea quæ incidunt, exiccant etiam: oportet ergo quærere madens, quod unâ humectet. Quare nunquam præparabitis humorem melancholicum cum simpliciter incidentibus, nisi alternatim exhibeatis, ut per tres dies humectetis, per duos exiccetis. Potestis igitur uti sequenti. ℞. Liquiritiam, Passulas, sem. Altheæ & Chamæmille, poma dulcia: decoquantur in brodio pulli, est delectabile, & humectat. Vel Rapas dulces decoquo ad ultimum, postea decolari facio, & substantia Raparum abiecta, in prandio & cœna exhibeo loco ferculi. Sic potest humectari humor melancholicus. Quinto die postquam ita humectastis, potestis exhibere, uel miscere etiam humectantibus.

℞. Syrupi de pomis	℥ i.
Oxymellis simp.	
Mellis rosati ana	℥ s.
Decoctionis infra scriptæ	℥ iiij.
Liquiritiæ rasæ	℥ i.
Polypodij	℥ s.
Passularum	℥ ij.
Boraginis	m. i.

Deco=

Decoquantur in lib. iij. aquæ cisternæ ad consumptionem tertie partis, & diuidatur ipsa decoctio pro 6. Syrupis. Pro linimentis.

R. Olei Anethini

Chamæmelini ana ℥ ij.

Misce, & fricetur leniter totum corpus, & illinatur mane & sero per horam ante cibum.

R. Olei de Absinthio ℥ ij.

Chamæmelini ℥ i.

Ceræ ℥ i.

Misce, fiat linimentum pro toto stomacho, uentre & hypochondrijs, applicandum in fine paroxysmi.

Consult. LXXVII. De feбри continua, cum catarrho, & leui quodam spūto sanguinis, ac suspiciōe hec̃ticæ.

HABEMVS hīc nobilissimam matronam, quæ uexatur plurimis dispositionibus præter naturam, quæ omnes quidem uerendæ sunt. Repetam breuiter causas, & ex earum dispositione curam inueniemus. Vexatur priuim febrī, quæ uidetur continua: præterea descendit catarrhus ad pectus, & ad quædam membra alia, ad scapulas, ad oculos, in quibus dolorem sentit, præcipue tamen ad pectus fluit. Hic catarrhus præterquam quod habet guttulas sanguinis interdum, apparet etiam cum putredine non uulgari, quod est notandum: præterea habet obstructionem in membris naturalibus, præsertim in lienis regione, ut & tactu percipiatur, sicut ipsa dicit, nos autem eam nondum attigimus. Habet & obstructions circa cotylidonas & uenas uteri, & menstruo-

rum

rum non quidem omnimodam suppressionem, aliquam tamen diminutionem patitur. Hæ dispositiones omnes magnæ sunt, ergo & causas habent magnas: non enim sunt affectus magni, nisi à causis magnis: & quia causæ deducunt nos ad rationem curandi, illæ primum sunt inquirendæ: & quia causæ partim sunt extrinsecæ, partim intrinsecæ, utraq; quærendæ: omnes enim concurrunt in hac nobilissima matrona. Intrinsecæ causæ dispositivæ sunt, quæ corpus ad tales ægrotudines aptum & dispositum faciunt. Neq; enim quodlibet patitur à quolibet, ut in 1. & 2. dicit de generat. Aristot. sed in habentibus symbolum facilis fit transitus. Videndum igitur an corpus præparatum sit ad has dispositiones, an uerò non: hoc autem sciemus ex temperatura naturali, & constructione totius corporis. Totum igitur corpus primò raræ texturæ, & rari habitus est, caro mollis, & quæ facile cedit tactui, & semper macilenta fuit & gracilis: fuit ergo corpus maioris habitus. Præterea audio fuisse summi ingenij, quod arguit subtilitatem sanguinis & spirituum, ut Galenus in lib. Quòd animi mores &c. ex Arist. cõfirmat. Ideò & Aristoteles, molles carne, aptos mente dixit. Quia igitur est talis habitus qui facile resolvitur, & patitur à quibuscunq; causis extrinsecis, habuit causas extrinsecas dispositivas ad hoc, ut facile incideret in varias dispositiones præter naturam. Præterea temperatura, licet reuera eam non possumus dicere talem uel talem, propter diuersitatem membrorum, quæ facit, ut totum corpus non possit dici simpliciter calidum & siccum, hepar tamen calidum & siccum habet, sed ea cruditas non ita insignis est, ut sanguinem gigneret. crassiorẽ,

crassiore, constante praesertim sanitate: quia promptitudo ingenij & morum, non patitur illam crassitudinem sanguinis, quae sit à caliditate ignea, ut sit in leonibus & canibus (reperiuntur enim omnia genera animalium etiam inter homines) non conuenit istis moribus mitioribus, qui sequuntur temperaturam, ut Physicus & Medicus probat. Credo igitur esse quidem calidum & siccum cor: calidum, sed non uehementer, unde generat sanguinem calidiorem quidem, sed subtilem, non crassum: ideo facile alteratur, sicut omnes substantiae tenuiores paratae sunt ad mutationes. Audio enim magnanimam & constantem, sed eadem ratione ut in hepate diximus: non excedit ualde, quia facile placatur. Haec duo membra totum quidem corpus calidius reddunt, sed propterea non potest dici calidae & siccae temperaturae, quia membra haec inaequalia. Cerebrum semper paratum fuit ad defluxiones: semper solita est pati defluxum ad partes intrinsecas. An modo id sit ratione frigiditatis in capite non concoquentis alimentum proprium, an uero ratione caliditatis attrahentis plurimam materiam, ignoro: non enim noui eam hactenus, sed nunc primum uidi: sed quaecumque causa sit, certum est eam abundasse excrementis in capite, & laborasse catarrho. Ventriculus naturaliter frigidus, multiplicat humores crudos, quia ferè omnes qui sunt calidioris naturae, qui rarae texturæ, habent uentriculum frigidum: sunt enim graciles, & non habent omentum infarctum pinguedine solita, quae secundum Aristotelem facit caliditatem positiue, secundum uero Medicos primitiue, quia non permittit diffolari caliditatem

tem innatam uentriculi, & tutatur eam à frigore, & reliquis nocumentis extrinsecis. Hæc nobilissima Domina priuata est utraque utilitate, imò habet uentriculum imbecilliozem, unde plurima pituita & cruditates generantur. & excrementa in mulieribus ad uterum deueniunt, qui receptaculum est omnium excrementorum: qui cum sit membranosus, & per se frigidus, sanguis tenuior non potuit eum calefacere, ut concoqueret ea, sed aucta frigiditas ab excrementis extinguentibus calorem naturalem. Habetis modò causas extrinsecas dispositiuas, totum uerò corpus facile alterabile ab extrinsecis, quia rarus habitus, & sanguis subtilis & inæqualis membrorum, hepatis, uentriculi, & caput perpetuò depilans. Si modò uult, addam etiam ex parentibus, qui laborarunt catarrho, & phthisici mortui sunt. Videbitis hos morbos ortos esse à semine, & hæreditarios à natiuitate. Corpus igitur tale ita præparatum, incidit in causas extrinsecas sex, qui alterant corpus, ut aër, cibus, potus, & reliquæ: omnes enim excessêrunt. Aër diuersus & pessimus nunc: fuit in festis Clodianis in aëre crassissimo & pessimo, ubi etiam circa cibum & potum commisit errores. Vescebatur piscibus palustribus, qui pessimi in quocunque, præcipue tamen in tali corpore, quod facile alteratur. Vsa est pastilibus & leguminibus, & cibo sine electione, crasso, qui his corporibus maximè nocet, imò facile incidit in sæuas dispositiones. Ac cum ita peccasset in cibo, potu & aëre, accessêrunt etiam accidentia sæua, dolores scilicet, quos habuit ex morbo filie.

filia. Hæc omnia maxime prosternunt hominem, & ex-
terminant ab ea essentia, in qua est maxime. Si quando
spiritus etiam sunt tenuiores, qui facile resoluuntur,
hæc accidentia facilius & plus lædunt, & quò plus
ea dissimulauit, & exterius dolorem monstrare no-
luit, eò magis interiùs afflicta est. Hinc sunt deter-
rimæ dispositiones, cumq; tot morbis conflictata fuit,
quibus forte corpus etiam non ita debile superari po-
terat. Item multiplicati humores in corpore, ex ma-
la ratione uictus, aëre crassiore, impediēte diffla-
tionem corporis, & corpus refertum est humoribus
ob causas intrinsecas & extrinsecas. Crudi sunt, ob
uentriculum malè concoquentem cibos crassos. Adu-
sti uerò sunt ob accidentia animi, quia cibaria, quæ
generant humorem melancholicum, corrumpunt: &
retentio menstruorum non omnimoda suppressa, sed di-
minuta excretio, facit multiplicari humores diuersorū
generum in corpore. Ex his igitur habemus causas in-
trinsecas efficientes, & dispositiuas etiam, unà cum ex-
trinsecis occurrentibus. His præsuppositis, contingit
primū catarrhus molestissimus: neque id mirum: quia
generatæ sunt multæ superfluitates, pituitosæ primò, de
inde biliosæ, hepar calidum, sanguis subtilis, corpus ua-
porabile. Galenus libro tertio de locis affectis: Qui san-
guinem subtilem & hepar calidum habent, repletioni-
bus capitis subiecti sunt. Et hinc ex uentriculo quoque ua-
pores crudi ascendunt: hinc catarrhus, qui non simplex
est, sed fit ex materia plurimorum humorum, qui nec
frigidi absolutè sunt, nec calidi, quia mixti ex cruda bi-
liosa & etiam adusta materia: & descendit à capite,
quod

quod etiam ex se subiectum est destillationi: & quia propter multitudinem descendit ad uarias partes, uarios etiam affectus mouet: sed maxima pars ad pectus & pulmones descendit, quæ excernitur per tuſſim. Est autem materia quæ eiicitur, quoad substantiam crassa & uiscosa, partim non putrefacta & alba, partim uerò flaua, non qualis esse solet ex admixtionibus, sed qualis est cum materia existit putrida. Non autem habet saporem aliquẽ, quia pituita superat. Si uel biliosa superaret, uel equaliter mixta esset, appareret amaritudo, uel salsedo (si credimus Auicennæ, qui ex mixtione bilis cum pituita, salsedinem oriri dicit, quod nunc non determino.) Superat igitur pituita, quia nullus sapor: sed quia talis catarrhus putrescit in pulmonibus, & interdum admixtum habet aliquid sanguinis, dubitatur, & meritò quidem, excernaturne ille sanguis ex uena rupta uel erosa, an resudet per panniculos, uel ex capite defluat per nares, uel quoquo modo. Solet & aliud contingere: quia cum per tuſſim continuò uiolenter erumpat & reiſciatur materia, & orificia uenarum illarum capillarium facile aperiantur, ex quibus prodeat sanguis, non cum magno periculo, quia tenues sunt uenæ, facile aperiantur & clauduntur, imò cessat statim post paucas guttulas. Ego hic crediderim non ex capite: quia sanguis niger est & crassus, non admixtus spūto, sed separatus. Vt sit suspicio quòd ueniat à capite, heri tamen ramulos paruos & uiuacioris coloris spūto permixtos uidimus, & posset uenire ex illis uenis capillaribus abrasis ex uiolentia motus. Vel hoc erit uel illud, in alterum incidit suspicio. Venam ruptam, uel factam corrosionem non credo, nec

re=

resudari (quanquam hoc facilius fieri possit, propter pāniculorum raritatem) nam illa fieri solent in maiori quātitate: non tamen contendo, cūm nihil habeamus nisi cōiecturas: potest esse ex tribus his: unum quodq; iam nō determino, & hactenus nihil refero, sed in futuro referri potest, quia sanguis per os reiectus est malus, unde cunque ueniat. Hæc de catarrho, unde generetur, & ubi, & per essentiam modò in capite facile intelligitur, quia semper fuit subiectum destillationibus, sed fouetur etiam ab alijs membris inferioribus. Nunc ad obstructiones quæ sunt in liene & matrice, & ut ego credo, in hepate. Hæ fiunt immediatè ab humoribus multiplicatis in corpore, propter rationem uictus, crassis & biliosis, & ita miscella est: prædominante tamen pituita, quæ uenas obstruit, sed magis circa lienem, quia attrahit crassiores humores, & non est tam nobilis, ut sic possit resistere sua caliditate obstructionibus, sicut hepar. Sunt & obstructiones circa uterum & cotylidones: sanguis enim menstruus excernitur quidem, sed in parua quantitate: non est perfecta obstructio, sed ex insigni parte effluunt menstrua, sed non ut solebant. Credo igitur obstructiones etiam circa uterum, & in Mesaraicis ad iecur, sed maiores circa lienē, & per uenas in toto corpore, humores crassos & mixtos sanguini, ut non possit euentari calor, quia urinae sunt crassiores, quæ sunt colamentum sanguinis, & attestantur super dispositionibus quæ sunt in uenis: urinae crassescunt, rubrae, plenæ omni genere humorum: ergo & uenæ repletæ, & excrementa eodem modò repleta uarijs humoribus sunt: citrina ergo bile redundat: & crassissima sunt, ergo pituita: & ita

ita totum corpus repletum est materia diuersa. Non igitur mirum est adesse febrem illam uniuersalem, cum tot sint causæ, quarum singulæ solæ possent facere febrem: & est principio febris putrida, propter prohibitam euentationem: & cum sint in corpore iuvene, natura fortis expulit materiam ad exteriora. adeo frigus insigne sentit cum intensione, ut indigeat plurimis operimentis: & heri præcipue sensit. Quæ eius rei causa sit, petetis ex Galeno de rigore, & 3. de causis symptomatum: nunc non est tempus illa dicere. Incipit igitur à frigore, & quidem extensiuo, quia mittitur foras à uirtute. Materia enim crassa est, non facile putrescens, & ideo calor non statim sequitur. Quod autem perdurat, ita ut unus paroxysmus inueniat alium, sit quia materia multa non potest ita resolui statim. Nec propterea continua est, quia cum rigore: quia proprium continuæ? Mitterem igitur sanguinem, sed non à saphæna, quia cum rigore fit. Et putrescit extra uenas, quod ex eodem patet, quia incipit cum rigore. Habetis naturam & locum febris huius putridæ, an modò cum hac putrida sit etiam alia occulta in membris solidis fixa, ut hectica? Vt ingenue fatear, non possum certum aliquid asserere: bis enim uideam, inueni pulsum inæqualem, qualis est febris hectica. Sed si per coniecturas est agendum, corpus gracile est, & aptissimum ut inflammentur membra solida: habuit febres præcedentes putridas tam longo tempore: deinde hic morbus hæreditarius ei uidetur à parentibus: calefit item magis post prandium, quod est signum quidem perpetuæ hecticæ: sed non sibi conuenit, alioqui concluderet necessario. Nunc non possumus certificari, sed

sed suspicionem facit, quia à cibo incalescit. Est & alia coniectura: non sentit calorem, quod signum est febrē iam esse in habitu: sed id etiam signum non est pathognomonicum solum, quia in alijs etiam morbis est cōmune, ut in febribus laticis, ut uocat Auic. Etiam non percipitur caliditas, & ideo hecticis maximē similes sunt, & laticae uocantur: has ob causas non possum certō concludere, adesse hecticam, licet magna sit coniectura. Sed quidquid sit, agamus omnia sic, ut non laedatur hectica: si quæ est ad reliquas dispositiones, puto nullam præteritam. Diximus de omnibus, præter quam de uentriculo, qui imbecillis naturaliter: sed ea imbecillitas aucta magis, quia in longis ægitudinibus semper redditur imbecillior, præsertim ubi pituita dominatur, ut Auerois testatur. Nihil tam efficax ad debilitandum uentriculum, quàm febres quæ à pituita pendent, & habet æquales paroxysmos, non sibi inuicem de tertio in tertium correspondentes, sed magis accedit ad quotidianas amphimerinas, quod signū est magnā copiam pituitæ putrescere, licet bilis etiā in maxima quantitate accedat.

DE PROGNOSTICO. Ex quo patitur has ægitudines propter dispositiones in membris principalibus, non tantum ob multitudinem materiæ, sed etiam dispositiones membrorum, difficilis erit curatio, maximē cum traistere uideatur ad id ad quod naturaliter est disposita iure hereditario: habet sputa putrefacta, cum suspicionē hecticæ: & constitutio anni, quæ morbos indicat, ut ex Hippocrate iam audiuiſtis, indicat morbum longum. omnibus igitur modis ægritudo longa est futura.

CURATIO. Habemus membra naturalia affecta, quæ
 Q fuerunt

fuêrunt causæ dispositiue ægritudinis, sed in has non incidit nisi propter causas alterantes, igitur res tota redigitur eò, quòd humores in magna copia generati in corpore sint causæ dispositionum. Primum igitur corpus mundandum ab omnibus excrementis, non enim potest aliter agi. Iam corpus redundat omni genere excrementorum, & à natura etiam euacuatur per omnes vias, quia undiq; multa euacuatur: sed quia omnes euacuationes particulares præcedere debet uniuersalis, ideò ab ea incipiendum erit nobis, quæ sit uel per phar-
 macum, uel per missionem sanguinis. Missione sanguinis si remoueantur impedimenta, nihil magis necessarium. Si urinæ crassæ, phlebotometur, dicit Auicenna. Hic urinæ crassæ & rubræ, et humores plurimi permixti sunt, ideò credere oportet necessariam esse missionem sanguinis. Et reuera, etsi habemus suspicionem hecticæ, tamen hæc ægritudo certa est, cuius euacuatio non dimitti debet propter dispositionē incertam. Et quid esset incòmodi, stante etiam hectica, si euacuaremus sanguinem malum, et refrænaremus calorem facientem hecticam, quia non credo quòd propterea fluant menses per uterum. Omnes uenæ obstructæ sunt, & repletæ, ideò non fluere, si aperiretur saphæna, hancq; ob causam abstinere: oportet enim prius vias aperire, ante quàm fiat diuersio. Ego attenderem ad causam causarum, & mitterem à basilica, ut proximè ab hepate euacuarem, & si sanguis crassus, quòd multa euacuatione opus esse ostenderet, neq; una uice possem tantū extrahere quantum uellem, & uirtutis ratione etiam liceret, iterarem uices, quia utilissimum est, et maximè laudatur à Galeno
 & Auic.

¶ Auicenna : ideo repeterem eam, et credo quanto citius, tanto melius. Dicebat Fracanzianus, missam uenam ante duos menses, & obijciebat suspicionem hecticae. Montanus uoluit replicari, quia etiam putrida habet rationem cause, ea remouenda, & postea facilius hectica iudicabitur, quia non est eo gradu, de quo sit curandum. Est in principio, non accessit adhuc ad ipsum gluten membrorum: lenirem igitur aluum, & mitterem sanguinem, postea per medicamenta euacuare, et procederem sicut solet procedi a morbis pendentibus a materia crassa, uiscosa & frigida: & quia curatur in hyeme, non possumus cum fortioribus, quia humor crassus est, & sumus in hyeme, ideo paulatim concoquerem, & euacuarem, & iterarem: darem syropos, postea florem Cassie, & euacuarem bilem. Ab usu horum non discederem, sed frequentissime iterarem. Licet enim dicantur non transire uenas Mesaraicas, nisi dentur in magna quantitate, id est, intensiue & extensiue, tamen per crebriorem iterationem etiam medicinae benedictae euacuant omnes humores contentos in toto corpore. His euacuationibus iteratis, euacuabimus materiam, roborabimus uentriculum, aperiemus obstructions, & consulemus uentriculo, cui confert usus Hierae, teste Galeno: prouocabimus urinam etiam, quod euacuabit humores contentos in uenis. Ideo singulis septimanis exhiberem Hieram cum Cassia. Diebus intermedijs quibus non uteretur Cassia, sumeret syrupum ita confectum.

℞. Syrupi de Rha barbaro

De Betonica ana

3 i. s.

Decocti capillorum Veneris

℞ 2

Ceterach

Ceterach ana

3 iij.

Misce, confert ad obstructions lienis, pectoris & hepatis: & ita hos syropos haberem, quod respicerent omnia membra affecta, & acciperem capill. Veneris & Ceterach in magna quantitate ad decoctum. Circa caput proposita sunt electuaria, quæ laudantur à modernis: sed dicam id quod sentio. Ego maxime abhorreo ab eis, ubi imbecillitas uentriculi suspecta. Vidi homines sæpe, dum illis uolumus catarrhum curare, ex frequenti & nimio usu electuaria incidere in hydropem: dum enim illa frequenter sumunt, die nocteque impeditur coctio, ut nunquam recte fiat: augetur catarrhus, quia propter inconcoctiones multiplicatur materia, nec ipsorum electuaria uis ad pulmonem, sed ad stomachum peruenit. Vellem igitur horum loco semper teneat aliquid sub lingua in ore, cuius uis dum attrahitur aer, etiam paulatim attrahitur, & descendit sensim per asperam arteriam: & licet parum descendat una uice, tamen si fiat continue per 24. horas facit magnum effectum. Ad hoc bonum esset saccharum rosatum, uiolaceum, & si quid hoc modo per œsophagum descenderet, quia licet tardius id fieret, per poros tamen aliqua eius portio transiret ad arteriam. Quod ad curas particulares attinet, quæ post uniuersalem euacuationem ad roborandum caput & uentericulum, itemque ad leniendum pectus faciendæ sunt, si uellem propinare nunc, uideretur ineptum. Quæ sunt proposita circa pectus leniendum, laudo, quia fit maior præparatio musculorum, qui mouentur continue. Ideo oleum Amygdalarum dulcium, Chamæmeli, Violarum laudo, sed ita componantur, ne superent frigida,

gida, sed sint moderata omnia. Inungatur uenter uentriculus oleo Mastichino, item oleo de Capparibus, & similibus. De uino dicerem necessarium esse, ut demus in agitudine longa, & uentriculo imbecillo: sit autem album, pauciferum, non flatuosum, etiam cum aqua factum. Montanum etiam laudo uinum cum aqua mistum: quia uina, quæ in planis crescunt, sunt crassa, flatuosa, & maligniora. Notandum, oua in febribus continuis nunquam danda: imò in tertiana: ea tamen die exhibet Gal. quæ sine paroxysmo est: ratio est, quia facile alterantur, & ideo facile putrescunt, adeo etiam, ut in sano corpore, si uentriculus sit paulò calidior, statim uertatur in bilem.

Consult. LXXVIII. Pomum odoriferum, ordinatum Vuolsfango à Vuerter.

R. Nucis muscatæ electæ

Caryophyllorum ana ℥ ij.

Cinnamomi ℥ i.

Macis ʒ s.

Ambra

Musci ana ℥ i.

Puluerizentur omnia per se, deinde misceantur cum aqua rosata, in qua dissolutum sit gummi Tragacanthi, & fiat pasta.

Consult. LXXIX. In morbo Gallico euacuatium.

R. Aloës optimæ ʒ vi.

Agarici electi

Rha barbari electi ana ʒ i. s.

Q ʒ Cort.

Cort. rad. Ellebori nigri	3 i.
Trochiscorum Alabandal	3 ij.
Myrobalanorum Indorum	3 i. s.
Epithymi Cretenfis	3 vi.
Succi Glycyrrhizæ	3 ij.
Sem. Citri	3 ij.
Musci	gr. iij.
Caryophyllorum	3 ij.

Puluerizentur omnia per se, deinde misceantur cum syrupo de Corticibus Citri, fiat Magdaleon, de quo formentur drachmæ unius pillulæ iij.

Consult. LXXX. Pulueres pro catarrhosis à cœna, post quorum vsu non bibendum amplius.

R. Cinnamomi electissimi	3 s.
Fragmentorum lapid. pretiosorum ana	3 s.
Ossis de corde cerui	3 i.
Sem. Melissæ	3 s.
Sacchari 3 s. Fiat puluis. Vel.	
R. Cinnamomi electi	3 s.
Coriandri præparati	3 i. s.
Sem. Melissæ	3 s.
Rasura cornu cerui usti	
Corallorum rubeorum ana	3 i.
Sacchari 3 vi. Fiat puluis. Vel.	
R. Cinnamomi electissimi	3 s.
Sem. Melissæ	3 i.
Coriandri præparati	3 i. s.
Pellicularum uentriculorum galli	3 i.
Sacchari 3 i. Fiat puluis.	

Consult.

Consult. LXXXI. Pro dysenterico.

GALENVS auctor est nono Meth. cap. 14. medicamentorum indicationes peti à morbo, à corporis temperamento, & aëre ambiente. Hæc itaq; in medicatione instituenda, primum diligenter considerata & perpendenda sunt. Nos à temperatura initium sumemus. Eam uerò calidam esse, & ea quæ essentiam consequuntur probant, & symptomata. Color citrinus, significat cholericam dispositionem: accedit iuuentus, quæ est sicca: consuetudo uerò repugnat, nam pro arbitratu suo uixit, & obuia quæq; ingessit. Aër ambiens & hyemalis, frigidus & stecus. Ab horum consideratione, quæ partim naturalia sunt, partim non naturalia, ad ea accedimus quæ sunt præter naturam. A symptomatis uerò incipiendum est, quia hæc notiora sunt nobis, ut effectus morborum, qui nos in morbi cognitionem deducunt: cognoscitur enim ab exeunte mutato, ut hîc sunt egestionis inconsuetæ ipsius sanguinis, cui bilis est admixta: & operatio est læsa, quia in hoc est læsio sensitivæ, id est dolor, auctor Gal. lib. 1. de sympt. cap. 6. Locus doloris est uenter ipse: species doloris est pungitiua, quæ humorem peccantem arguit, & inde est quod tenasmus accedit. adsunt & uigiliæ, & sitis, quorum causa est febris. Pendet autem à morbo læsa sensitiva, id est, dolores, per unitatis solutionem, per humores ab hepate, ab intestinis, quæ soluuntur & abraduntur. Causa bilis supercalefactio hepatis, & diæta non bona.

Q 4 Consult.

Consult. LXXXII. Pro monacho cholico.

INCIDERAT monachus in febrem : Medicus qui tum accersitus erat, ante coctionem mouerat materiã, & hæc, quia nõ erat satis euacuata, in intestinis coaceruata, dolores cholicos excitauit. ante uerò quàm quidquam fieret, censuit Frizimelica clysterib. subducendã aluum, & cõmunib. ad eam rem utebatur, cupiens post euacuationem incidere uenam, ut hoc pacto feбри quoq; mederetur facilius. Pulsus erat magnus & tardus, ob uirtutem oppressam à multitudine materiæ : quare illi hoc iubebat parari clystere.

R. Olei Chamæmelini

Amygdalarum dulcium ana ʒ ij. s.

Cassie nouiter extractæ ʒ i. s.

Hieræ picræ ʒ iij.

Mellis rosati ʒ ij. Misce, fiat clyster.

Clystere supra modum duras squibalas eduxerat, & copiose : sed quoniam pulsus ualde inordinatus erat, & rubra urina & crassa, ut quæ materiæ multitudinem in uenis quoq; contineri significaret, iussit denuò idem clystere administrari, in cibis seu iusculis decoqui radicem Cichorij, propter attenuationem & incisionẽ materiæ grossæ. Eademq; intentione exhibendum censuit syrupum Cichorij & Betonicæ ana ʒ i. unã cum decocto.

Consult. LXXXIII. Erysypelas phlegmonodes.

ANCILLAE cuidam crus circa genu ultro citroq; intumescbat, cum dolore intensissimo, & non tã rubore

bore perspicuo, quàm flauitie conspiciebatur: tactui renitebat. Quia uerò erisypelas ex bile est, principio non uenæ sectionem, sed purgationem admittit, ut auctor est Galenus 13. Meth. Potuisset tamen & sanguis deirahi, quia phlegmone huic adiuncta est: tamen in hoc uti maluit purgatione Montanus, & ordinauit.

R. Diacatholiconis 3 vi.

Electuarij de succo ros. 3 ij.

Cum saccharo fiat bolus. His copiosè admodum purgaret totum corpus, post præcepit inflammationi succum Semperuiui apponi, cuius proprium est repellere et digerere.

Consult. LXXXIII. Cœliaca anus.

HANC anum non lienteria, sed cœliaca laborare, uel illud erat argumento, quòd instar pultis excerneret: & quia utriusq; eadem est cura, primò Montanus ordinabat fomentum, quo abdomen foueret spongia illo imbuta.

R. Cort. Granatorum

Balaustiarum

Gallarum ana

m. i.

Rosarum

Absinthij

Foliorum Myrti ana

m. s.

Misce, decoquantur in uino austero. Deinde pro confortatione uentriculi & intestinorum utatur hoc puluere in panno muricibus primùm tincto, deinde maluatico consperso, postremò inspergatur puluis, & abdomini calidus imponatur.

R. Pulueris Mastiches

Caryo-

Caryophyllorum

Rosarum

Foliorum Labruscæ, id est, Oenanthis ana 3 i.

Puluerizentur & commisceantur. In cibo uerò decoquatur sem. Sumach, Pœniculi ana 3 i. Contundatur grosso modo. Misce. His ita ordinatis, altero die magis concocta excernebat, et pauca. Pulsus itidem tranquillior erat, quanquam urina liuiditatem eandem præ se ferret, quam Doctor in Gonorrhœam, qua anus antea laborarat, referebat. Cæterum in lienteria ex ulcere nihil præsentius medicamento sequenti.

R. Succi Granatorum, uel Diacydonitis 3 ij.

Boli Armeni 3 ij.

Misce, ac interius sumatur, exiccat enim ulcus. Et si succus non sit, agresta uti possumus & succo, quanquam gustui grata non sit. Victus erit siccarum carniū, sed non difficilioris coctionis, ut sunt perdices, phasiani, aues montanæ, & non aquaticæ, neq; proximæ partui. Vinum non acetosum. In cibis decoquantur genera Sumach, & Cinnamomi, quod illud corroborat & astringit, hoc maxime confortat totum corpus, auctore Galeno lib. viij. κατὰ τόπος.

Consult. LXXXV. Pro puerpera, tussiente admodum.

IN puerpera admodum tussiente, ita ut suffocari uideretur ob catarrhum descendentem ad spiritualia, Montanus nulla purgatione utebatur: purgata enim erat fluxu menstruo, sed corroborantib. caput & pettus, & quæ ingrossarent fluxum, ut Tragacanthi, rad. Liquiritiæ

Liquiritiæ & Mastyches partibus subactis, quæ in ore tenebat. Die xxij. cum scholaribus apud eandem fuit, & quia materia crassior erat, atque inæqualior, ut spuitio citaretur, ordinavit, & quo intra uteretur, & quo pectus ungeret.

R. Loch de pino ʒ i.
Sani & experti ʒ s.
Syrupi de Hyssopo
Myrthini ana ʒ vi.

R. Olei Sesamini
Amygdalarum dulcium
Mastyches ana ʒ s.
Pulu. Anisforum
Cimini
Mastyches ana ʒ s.

Ceræ parum, fiat linimentum molle, quo pectus inungatur. Oleum Mastyches additur, ut corroboret pectus.

Consult. LXXXVI. De surditate & tinnitu aurium.

MAGNIFICVS quidam surditate & tinnitu aurium laborabat, quare præmissa totius euacuatione, caput deinde purgabat per nares. Nam attrahere cogebatur in caput brodium pulli indito Calamo in nares, cui admixta erant:

R. Succu Bliti ʒ iij.
Aque Maiorane ʒ ij.
Olei Amygdalarum dulcium ʒ i.

Nam cum succus Bliti sit calidus, resoluit & attrahit: & ne vis restinguatur, addita est aqua Maiorane: denique

que ad erosionem prohibendam, adiectum oleum. Purgauerat plus phlegmatis, quàm quisquam facile credat, et surditate atque tinnitu liberabatur. postremò caput calidis & exiccantibus lauari uolebat triduo post.

Consult. LXX XVII. De febre, cum præfocatione matricis.

IUDÆI cuiusdam uxor laborabat dolore uentriculi, cum præfocatione matricis & febre: superioribus diebus laborabat febre: quare Medicus, qui tunc fuerat uocatus, primum leniuit uentrem, deinde basilicam incidit: & quia non attenderat ad principalem causam febris in hac muliere, quæ pendebat ex matrice, interim illa in febrem incidit, & malum est auctū: sed quomodo, post dicetur. Febris inuasit cum sæuis symptomatibus, nam in syncopen incidit, & dormire nequiuait, propè delirauit melancholia. Vocatus ad eā, corporis dispositionem primò considerauit, & cæteras deinde causas ægritudinis diligenter inquisiui. Ipsa autem quia admodum formosa, calidæ & humidæ est temperaturæ, totius naturam sequitur pars: quare & matrix calida & humida, quæ propterea etiam libentiùs uapores generat, qui deinde euaporant, & sursum feruntur, & uentriculum perturbant, caput replent, unde insomnia, & melancholica deliramenta: ad hæc cū accederet mala diæta, illa aucta sunt, corpusq; debilitatum est magis: neque menstrua, uli par erat, purgata, unde & febris hæc causata est. Lex prohibet, ne à purgationibus menstruorum ante cum uiro coëant, quàm sese frigida abluerint. Nec dum purgata satis, in frigidam insilierat,

rat, quam lotionem obstructio est sequuta, atque hanc febris, qua nunc laborat. Accessit etiam strangulatio matricis: nam lotionem sequuta est etiam intemperatura matricis: generati in ea propter intemperaturam uapores: denique fortiter clausa est matrix, ut etiam purgationes sisterentur, quæ deinde doloris uentriculi cause: & ipsa febris inde facta est auctior. Sed quoniam necesse erat hanc suppressionem menstruorum, & matricis præfocationem solui, propter maiora pericula, quæ timeo, & præsertim syncopen, dedi illi Mythridati \mathfrak{D} ij. cum rosato, ut Mythridatum calefaceret matricem, & materiam uaporum exiccaret, denique uias aperiret, atque ut rosatum confortaret uentriculum. Sed dicat aliquis, augetur febris: concedo, sed maius ex matricis præfocatione periculum impendet: necesse est igitur hanc primum omnium curari: febrem curabo paulò post faciliùs syrupo rosato, & de Cichorio, causis etiam sublatis, sed solutis obstructionibus, & reducta caliditate ad temperaturam. Ad hanc præterea dosin Mythridati cum rosato, adhibuit etiam frictiones pedum, ut prouocarentur iterum menstrua, & res pulchrè successe sit. Ne uerò spe nostra frustraremur, iussi lauare pedes in decocto Betonicæ, Saluæ &c. item ut ex herbis illis fumum acciperet: præterea dedi decoctum radicū Foeniculi, Petroselini, & Anisi, & cœperunt iterum fluere menstrua. Nam nisi rediissent menstrua his medijs, Cucurbitulam etiam saphenæ applicassem, ut ad inferiora sanguinem menstruum propter communicantiam uenæ ad matricem retraxissem, quanquam frictio ipsa ad hæc prouocanda satis sit efficax. Atque inde facile est
est

æstimare, quantum nocuerat prior Medicus, qui basilicam incidi curauerat. Incisio enim basilicæ menstrua sursum attraxit, unde omnis mali labes. Nunc autē cum fluant, ne quid accidat quod sistat menstrua, diligenter cauebimus, imò quoad poterimus naturam eius adiuuabimus expulsionē. Hac autem nocte nihil dormiuisse se conqueritur: neque mirum, frictio nanque, quia corpus calefecit, febrem adauxit, & fluentibus menstruis omnia mouentur in corpore, unde inquietudo: postremo uapores caput calefecerunt. Quare ad conciliandum somnum, iussi ut nares oleo uiolaceo inungerentur, & tempora: hoc si nihil profecerimus, perueniam ad unguentum Populconis. Sed roget quis, cur nihil exhibeam per os, quod somnum conciliet. Respondeo, quia omnia conciliantia somnum, frigida esse & humida necesse est, & frigida morbi materiam grossiorem reddunt, & expulsionī ineptiorem: quare nihil exhibeo.

Consult. LXXXVIII. De febre putrida in hecticam mutata.

PHARMACOPOLA putrida febris laborauerat prope menses duos, postea ad hecticam uenit, putrida non recte curata. Hæc quia requirit humectationem totius corporis, & caloris præternaturalis restrictionē, uoluit oleo Amygdalarum dulcium inungi corpus, quo nihil est præsentius, & antea Montanus in D. Basiano fuerat expertus. Longo tempore cum eo non fuit Frizimelica: hodie ad eum uisendum adiit. pulsus erat minutus, durus: in urina sedimentum ex adustione nigricans. Minutus autem pulsus dicitur, non uehemens: quod

quod euenit, aut propterea quod uirtus est imbecilla, dissoluitur enim calor ob humidum nutrimentale exiccatum, quod calori naturali semper est adiunctum, haud secus ac siccitas semper comitatur praeternaturalem: aut propter instrumentum, id est, arteriam, cuius tunicæ ex aruere nimio calore, ac propterea motui minus sunt idoneæ. Minutus itaque pulsus est, quia neque uehemens, neque frequens: & durior, propter siccitatem totius. Ita pulsus argumento est bonum uirum peruenisse ad febrem hecticam. Huc accedit quoque consumptio totius corporis. Quid igitur amplius faciendum? Sedulo cauendum uenit, ne qua ratione febris augeatur, & denique in marasimum, seu tabidam hecticam (uersatur enim adhuc in prima specie hecticæ) incidat, pereatque. Quibus autem medijs id fiet? Infrigidantibus ratione febris, & humectantibus, propter corporis siccitatem. Humectabimus autem substantiue corpus dilapsam in tabem, cibo, & rebus alijs externis. Quia uero Ptisana substantia sua multum humectat, non fuerit inutilis: sed quia parum aut nihil nutrit per se, operæ precium fuerit decoqui eam cum iure pulli, & carniū. Vtile quoque foret auxilium syrupus uiolaceus. Contra, Viola tantum qualitate infrigidat, ergo inutilis est. Respondeo, sola quidem Viola qualitate humectat, at syrupus propter saccharum & decoctionem humectat substantiue. Cur non uteris decocto & carniū testudinis, quod alij faciunt? Ab his in praesens abstinendum duco, propterea quod uentriculus sit imbecillis, & corpus obstructionibus non uacet. Sed utatur decoctis Farfaræ, id est, capsill. Veneris, Endiuie, & aliarum herbarum: postremo inun-

inungatur foris oleo Amygdalino dulci &c.

Consult. LXXXIX. De Aquis distillatis per Alembicum: etiam à calidis herbis esse frigidæ demonstrationes: in Speciem Discursus.

NON est difficile monstrare, nec multi operis, si supponamus quæ Galenus docuit, & nos in methodo nostra simplicium prima diuisione ostendimus, quasdam medicinas à propria substantia, seu à forma specifica agere, quasdam uerò qualitatibus manifestis. Quæ à propria substantia agunt, non operantur quia calidæ uel frigidæ, sed quia tales propter formam suam, ut Mesue dicit & Gal. 3. de temper. Exemplum similitudinis: Quando per os accipitur Rhabarbarum uel Diagridium, euacuat bilis, non à qualitate manifesta, sed quia talem habet formam, quæ conuenit cum bile. Quod uituperat Auerrois, lima Galeni, persimile à ferro, probans attractionem non fieri à simili: sed indignum Auerroë argumentum. Secundum mentem Galeni, forma Diagridij, quæ assimilatur bili, attrahit per similitudinem formæ, aut per contrarietatem operatur. Exemplum: cum quis Cicutam aut Hyoscyamum sumit, uel aliud uenenū, ut Aconitum, uel Saliuam uiperæ, hominem forma sua specifica interimunt: at morsus scorpionis interficit hominem ob contrarietatem formæ. Sed quæ à proprietate & forma specifica operantur, hæc dimittamus, quia non faciunt ad propositum. Medicinæ agentes specifica forma, uel per contrarietatem, ut salua hominis scorpionem necans, uel qualitatibus manifestis operantur. Hinc tota res pendet, & est manifestum, quod non possent

possent operari, nisi præsente qualitate. Verbi gratia: sicut gubernatori remoto temone, etiam gubernatio remouetur & cessat, sic remota qualitate, remouetur etiam uis medicaminis. Demonstratio in secunda figura. Nulla aqua distillata, præter paucas, habet qualitates sui simplicis proprii, quibus operatur. Sed quod non habet qualitates quibus operatur, non potest operari: ergo &c. Maior probatur per inductionem. Si de eo quod magis inest, non est, ergo nec de eo quod minus. Sumantur potentissimæ herbe in qualitate, ut Absinthium, Calamentum, Foeniculum, Maiorana, flammula Iouis, quæ causticam uim habet: distillantur per Alembicum, uidebitis aquam non habere saporem, nec qualitatem simplicis, sed præ se ferre dulcedinem. Calamentum incendit linguam: si aquam bibes, senties frigiditatem in uentriculo, id quod ego sum expertus in rusticis. Accepi frondem, seu ramum Calamenthi, dedi rustico, habuit calorem & æstum semper in uentriculo: postea accepi phialam etiam huius aquæ Calamenthi, dedi eidem rustico, sentiebat magnam refrigerationem. Ergo ubi non qualitas, quæ operatur, tanquam medium adest, non fit actio. Sed aqua rosata non habet eandem rationem. Nam si alia simplicia talem aquam facerent, dicerem calidas aquas. Rosa enim recens, in qua dulcedo, amaritudo, astrictio percipitur, odorē habet, & uim corroborandi: sic in aqua rosata dulcedo, amaritudo, astrictio percipitur, odor suauissimus: si non æqualem habet superiori, tamen easdem habet qualitates: stantibus qualitatibus, stat etiam uirtus. Quod autem Absinthium amaritudine corroboraret, exiccet, uermes necet, Gal. cap. de Absinthio

R

thio

thio fecit fundamentum. Calamentum quoque sua caliditate erodit linguam, & acrimonia penetrat, incidit, resoluit, discutit uentositatem per qualitatem: sed remotis qualitatibus, remouetur & effectus eorum: sed in illorum aquis nihil nisi insipiditas. & sic de alijs discurratis. Imò si accipiatis de herbis quas speciarij appendunt, in quibus exolefcit uis herbarum, nullam habebunt efficaciam, quia operantur à qualitatibus, non forma specifica. Diceret aliquis: Inuenio apud Arabes, quos laudas, quòd illis utantur & laudant: certè non erant alij etiam decepti. Respondeo: habebant uirtutem magnam, & nō sunt decepti: sed quæ ab Arabib. celebrantur, & uiris excellentibus, non sunt aquæ, quas nos habemus. Sunt fortasse ducenti anni, in quibus doctrina inoleuit sophistica, à fratrib. qui uersabantur in sophistica, non circa simplicia & composita. Ego recordor summos medicos nugas docuisse. Noui magnum uirum qui hic publicè legebat de distillatione, uocabatur Chrysostomus Aretinus, & non magis cognouit fortasse Lactucam, quàm ego nunc scio, quid agatur in India: imò ferè omnes senes non miror, si aquas postea distillarint, & non intellexerint. Miseri impostores aromatarij, ut lucrentur, extrahunt tantum aqueam substantiam, imò aliquas herbas irrorant aquis frigidis per aliquot dies, & postea distillant. Ante annum contigit meo patienti, dixi, ut parentur ei 100. lib. aquæ Endiuia, miserat ad quandam mulierem, quæ accepit aquam putei sine herbis & distillauit, et illa sic misit quoq; Venetias. Quare non est uitium in senibus, qui & sophisticam & medicinam ignorant. Patres nostri sophisticā optimè sciebant: sed

Sed moderni, non oportet, inquiunt, ut curemus ueram
medicinam. Arnoldus de noua Villa, & Raymundus
fuêrunt insignes, illas aquas extollunt, & merito. Ego
expertus sum cum diligentia, habent odorem & sapo-
rem. Volo distillare aquam: primò uires habebo ama-
ritudinis, ac redinis, id est, qualitates quibus operari de-
bet: secundò tenuitatem substantiæ, quæ non habet sim-
plex. Ego noui Episcopum Laudensem, ex familia prin-
cipum Mediolani, delectatum in distillationibus, non ta-
men uires extrahit. Etiam medicamenta distillat, ele-
ctuaria, confectiōem Hamech, succum rosarum, qui
purgat optimè. De hac re à me sedecim scribuntur li-
bri, octo de distillationibus naturalibus, qui iam fere perfe-
cti sunt, & octo de artificialibus, ubi fortasse omnia ista
docebuntur: interim legite Raymundum, & Arnoldum
de noua Villa, & Arabes. Ante duos dies quidam Ger-
manus Ioannes Phrisius, doctissimus iuuenis, distillauit
oua sorbilia: delicatum erat, quod ego dedi ægro pro
restauratiōe. Est res certè magna, & multi præmij,
quæ nō est uituperanda. Sed quia nesciunt præter aquā
rosarum, non inuenietis forte aliam. Quare non debetis
ad eò aquis confidere. Dicet aliquis; Cur tu illis uteris?
Respondeo, ego utor illis, quia uapor extrahitur, qui
longè tenuior est quàm subiectum: & ut aqua sit instru-
mentum per quod syrupi penetrent. Aquam calamen-
ti idèò do, non ut calefaciat, sed ut penetret. ego rem
utilem facio nunc ad penetrandum: si uolo calefacere,
addo calidā. Liber græcus antiquissimus habetur Vene-
tijs magnæ altitudinis in S. Marci bibliotheca, de arte
distillandi. Alter liber Democritus, non Democriti phi-
losophi

losophi, carmine heroico optime scriptus. Hic ego corruptelas, non artem, seu distillationem uitupero.

Consult. xc. De laborante febre continua, ex bile & pituita crassa.

MILES quidam natus annos quadraginta, circa uesperum passus est maximum rigorem, ita ut uir robustus difficulter ob imbecillitatem domum redire posset. Durauit rigor 4. horis, & secutus maximus calor per totum corpus, qui continuo durauit, usque ad quartum diem. Vocatus est Montanus, qui reperta febre continua & feruentissima, pulsu magno & inaequali & pleno, urina rubicunda, & crassa, sedimento crasso, considerata summæ uirtutis constantia, & morbi quoque uehementia, aperuit basilicam dextri lateris, & eduxit ferè 3 viij. sanguinis subnigri crassiq; cum multo liquore cholerico: aderat ingens sitis, dolor capitis uehemens, defluxus à capite ad pectus & uentriculum. Quinto die agritudinis iussit sumere Cassiæ recentis, & electuarij de Sebesten, ana 3 vi. in bolo cum saccharo, quem ante exhibuisset, nisi audiuiisset eum pridie beneficium uentris ter uel quater habuisse. At minoratiuo, multa cholerica, ac uitro similes humores crassos uiscidosq; eduxit: & quia à prima statim febris inuastione, tamen ad dormiendum se componebat, & claudebat oculos: uidebatur alienatus, & secum murmurabat, putabat se plurimos uidere homines ambulantes in cubiculo: ideo eum statim uino abstinere iussit, & ei ordinauit potum ex aqua cum saccharo cocta, & pro cibo panatellam, & modicum ex carne uituli, quòd tempore sanitatis fuisset usus amplior
ri cibo.

re cibo. Sexto & septimo ægritudinis die accidentia
mitiora fuere, præter sitim: hæc enim in dies magis ac
magis eum premebat: dormiuit tamen mediocriter absq;
alienatione: syropos biberat, quos ipse ex decoctione
hordei plurimum in aqua purissima & saccharo confe-
cerat, eius singulis diebus mane sumpsit magnam scu-
iellam, quod nollet confidere pharmacopolarum negli-
gentiæ, præcipue in cõpositione: sed quia siti plurimum
premebatur, clàm post discessum Doctoris sumpsit hau-
stus plurimos aquæ frigidissimæ, & post euomuit cho-
lerica & simul phlegmatica, uiscosa: post quem uomitû
cessauit sitis, & reliqua accidentia. Octauo die libera-
tus fuit à febre, uoluit tamen Montanus ut 12. die su-
meret medicamentum.

R. Confect. Hamech

3 iij.

Trochiscorum Alahandal

gr. x.

Syrupi rosati

3 ij.

Cum aqua Cichorij fiat potio, sumenda in aurora cum
custodia. Et sic liber euasit. Potus aquæ recte successit
huic: quia corpus antea euacuatum fuit & per secessum
& missionem sanguinis: tantum hærebat in corpore
præternaturalis illa caliditas, quæ opposito facilis erat
curatu, cum constaret uirtus, & corpus esset ualidissi-
mum, in ipso ætatis uigore, quæ omnia potuerunt aquæ
resistere.

Consult. xci. Febris quartanæ cura.

IN febrem quartanam inciderat homo biliosus ex
iracundia & exercitio in caloribus, maloq; regimine
uictus. Acceperat Cassiam ante dies aliquot. Utatur

R 3 igitur

igitur bona' dieta : uesperis exhibeatur burseta, postea
mane secetur uena, bibat deinde syruos.

Rx. Syrupi de Absinthio

Oxymellis Scyllitici ana ʒ i.

Decocti capill. Veneris, & Ceterach in aqua Absinthij distillata ʒ iiij.

Misce pro uno, & sic pro alijs. Sequitur purgatio, quam tamen uesperis precedat burseta.

Rx. Syrupi solutiui

ʒ iiij.

Confectionis Hamech ʒ iiij.

Cum aqua Fumi terræ fiat potio, quæ detur in aurora cum custodia. Biduo sequenti semper bibat mane brodium pulli, in quo decoctum sit hordeum, & expressum, cui imponatur saccharum : postea singulis diebus bibat brodium in quo decoctum sit Cotonem, Borago, Petroselinum, Ceterach, m.i. & immediatè ante id sumat ex trochiscis sequentibus.

Rx. Polypodij recentis

Liquiritiæ rasæ

Cort. rad. Capparum

Anisorum ana ʒ s.

Succi de Absinthio

Aloës optimæ

Rha barbari electi ana ʒ i.

Puluerizentur omnia per se, deinde misceantur, & cum melle rosaceo fiant pillulæ pondere ʒ i. sumat unam singulis uicibus. His cum diu usus esset, nec aliud proficeret, quam quod ex duplici quartana, quam regimine malo sub initio contraxerat, simplicem tamen sentiret, Montanus hoc ei ordinauit.

Recipe

℞. Myrrhæ

Crocī

Aloës electæ ana ℥ ij. Cum melle rosato fiant
pillulæ.

℞. Syrupi pomorum dulcium ℥ iiij.

Aquæ rosatæ ℥ iiij.

Musci

Ambræ ana gr. iiij.

Sacchari ℥ xiiij. Misce, fiat electuarium.

Item R. Diachilonis cum gummis ℥ iiij. extendatur
supra corium pro emplastro splenis. Hæc cum tertio
iterasset, sanatus est.

Consult. xcii. De febris interpolata.

CUM acceditis ad ægrum, quem nunquam uidistis,
et uultis loqui cum eo, semper ita faciendum, ut ego
soleo. Primò ab eis quæ manifestè apparent signa colligi-
te, ex quibus postea occulta, quæ interiùs sunt, et quis
sit morbus, percipietis. Postea cognito morbi subiecto,
ad uirtutem accedendum, deniq; ad materiam. Primò
igitur quæ exteriùs sensibus apparent, considerata
sunt, pulsus, urina, &c. Non faciendum, ut imperiti fa-
ciunt Medici, qui suspicantur tantum talem febrem, in
suo cerebro fingunt et applicant signa consona, cum
plerunq; non adsint. Caueatis à talibus, si uultis esse
Medici digni Hippocrate. Nec recedimus ab ijs quæ ap-
parent. Primò pulsus in hoc iuvene satis æqualis et ma-
gnus est: in frequentia non multum excedit, imò potiùs
ad raritatem tendit: non etiam uelox multum, sed tem-
peratus, fortis, ualidus, nullam habet inæqualitatem.

R 4 Hæ

Hæ differentie sunt in hoc pulsu, & sensui apparent. Vrina citrinæ substantiæ, crassa, perturbatur facile: non multa, quantum ad quantitatem: quo ad liquorem, satis lucida: odorem non habet, nec foetet. tetigi hypochondria, præcipuè sinistrum, quod tensus est quàm dextrum. habet scabiem crassam & humidam, multum uigilat, dolet caput, circa paroxysmos quotidie affligitur, sed alternis diebus plus sitit. Omnia eiusmodi debetis colligere & considerare, ut ex ijs quæ exterius apparent, ad ea quæ interius sunt accedatis. Incipiamus igitur à primo signo à nobis collecto, nempe à pulsu. Pulsus magnus est, non uelox, nec frequens. Quando pulsus magnus, uelox, creber, tunc febrem indicat: & putridam, si inæqualis. In hoc iuvene pulsus magnus, quia est sanguineus: quare ratione temperaturæ & ætatis etiā magnus est: & ea magnitudo ei est secundum naturam. Quod si esset ex calore putredinali, esset auctus motus & uelocior: nec uirtus aggrauata est à materia, quod solet indicare inæqualitas pulsus. Exemplum dat Gal. de portatore, quod sæpe retulimus. Et bene sequitur, non habet inæqualitatem in pulsu, ergò natura non est grauata à materia, quod etiam pulsus attestatur, super calorem naturalem auctus uel non auctus, mutatus uel non mutatus. Hæc de pulsu colligere debetis, nō esse febrem continuam, sed interpolatam, quia non habet differentiam attestantem super continua. Vrinæ color hic non est naturalis: debebat esse palaris, id est, sicut palea hordei, sic esset naturalis: sed hæc urina transcendit eum colorem. Nec est extrinseca causa, nō equitauit, nec se exercuit multum, ergò est à causa intrinseca.

erinfeca. & is color super humorem attestatur, quia aliqua bilis potius tenuem urinae facit substantiam: pituita uero crassam, uel sanguis etiam pituitosus: sed pituita proxima causa urinae crassae: ergo concluditur, quia humores crudi, crassi & pituitosi sint in illo corpore. Est ergo bilis & pituita, possunt enim simul dominari, propter diuersitatem membrorum, ut cum uenter frigidus pituitam multiplicat, & hepar calidum bilem, quod non raro fit. Est & pauca urina, quia fit cum quis uel parum bibit, uel ex obstructione in uasis urinarijs, uel ex siccitate & caliditate multa. Hic credo (debemus enim caute iudicare) potius est ex obstructionibus multis, quod uenae obstructae ob crassos humores: non quod caliditas exiccet, quia haberet febrem maiorem, sed ob obstructionem. Est sine hypostasi urina, quod significat sanguinem esse crudum, & nullam habere coctionem, unde tempus morbi significatur, quia uidelicet sit in principio. Sic igitur ex signis colligitis: ex pulsu, quod febris interpolata: ex urina, causam materialem: ex bile & pituita, quod tempus morbi sit in principio. Hypochondrium inflatum indicat materiam in eo latere collectam esse, uel in musculis exterioribus, longitudinalibus uel transuersis, &c. uel in uenis, quod magis hic credo, & in corpore splenis, quod humor in profundo percipitur. Habet porro uigilias & sitim. quid inde iudicamus? Omnia concurrunt. Audiuitis hic bilem esse, & paroxysmum qualibet nocte. Est autem causa uigiliae primo siccitas, secundo caliditas: somnus enim praeter naturam primo fit a frigidityte, postea ab humido: sed somnus naturalis primo fit ab humido, postea a frigido.

Hic

Hic uigilat, quia uapores sicciores & adusti magis ex bile ascendunt ad caput, quia tenuiores. Iam ex illis plus nocumenti habet quam ex pituita, & cerebrum etiam incalescit, propter paroxysmos quos habet noctu. sitis etiam concurrit & attestatur: habet enim bilem & siccitatem causantem sitim. Dolor etiam capitis conuenit, fit enim is ex uaporibus calidis. Ex his igitur omnibus colligitis uera esse, quæ ex urina & pulsu antea collegimus.

Consult. XCIII. De febre continua.

CASVS puellæ octodecim annorum, complexionis calidæ & siccæ, optimæ perpetuò uoletudinis, quæ ex curis & affectionibus animi, quas in fratris sui aduersa uoletudine habuit, in ægritudinem incidit. Menstrua diminuta sunt, & febris eam corripuit cum horrore, & alijs accidentibus: adest dolor capitis, & circa regionem uentriculi, nempe circa orificium, præcipuè uersus hypochondrium, tensiones percipiuntur: adsunt insomnia seu uigiliæ, oris amaror, non tamen cum siccitate notabili: calor mordax percipitur, & uelox pulsus. Accessionum principia hætenus notari non potuerunt, ideo continua putatur, quæ tamen de tertio in tertium magis exacerbat. Adest lassitudo uehemens, ita ut se uix tollere queat. Rugitus item in uentre superiori & inferiori auditur.

MONTANVS. Oportet primum uidere quæ natura sit morbi quo affligitur: postea, quæ causæ: demum modus curandi inquirendus est. Primum hanc laborare febri putrida, manifestum est ex signis: pulsus frequen-
tior,

tior, inæqualis magis, ac uelox, quod ad putredinem sequitur, inuenta urinae crassæ, cum hypostasi per totum corpus sparsa, calor mordax in superficie cutis. Hæc igitur febris est morbus in temperie. An uerò præter hanc alia sit ægrotudo? Credo quòd sic: est alia in compositione. Circa orificium & regionem uentriculi tumor est cum dolore quando tangitur, neque dolor notabilis: & in anhelitu quandoque percipitur, & à nobis tumor ipse tangitur. Ita duplex est ægrotudo. Possit aliquis dicere, adesse etiam tertium, obstructionem circa uterum, quia actiones eius læsæ in excernendis menstruis, ergò & membrum læsum. Sed quia menstruorum diminutio non ex obstructione tantum, sed ex mala etiam temperie in ipso utero, uel ob sanguinem crassiorem contingere possit, nō posuerim pro certo, id quod est in dubio. Iam morbi causæ inquirendæ: non enim scimus curam, quando scimus talem uel talem esse morbum, sed ex causis cura petenda est. Esse putridam, ex dictis signis constat, pulsu, urina, calore mordaci. Sed in quibus humoribus est ea putredo, & ubi? Hoc etiam ex signis est inueniendum. nō habet motum uelocissimū. Hæc febris fit quando putrescit humor calidus qui & subtilis, ut bilis, uel sanguis: qui quia uelocissimi motus sunt, terminatur septima, uel ad summum decima quarta die. Et habet seuißima accidentia: nec tarditatem habet eam quæ fit cum putrescunt humores frigidi, ut pituita, & humor melancholicus. Nec calor ita remissus est, & urinae magis tinctæ, & dolor occipitis. Ergò humor qui putrescit, nec calidus est, nec frigidus simpliciter, sed mixtus: quia accidentia mixta sunt: motus

tus medius inter tardum & uelocem : & reliqua signa media . Sitis quidem, sed non maxima : nec dolor capitis nimium intensus : ideo humorem putrescentem etiam medium crediderim inter calidum & frigidum, & mixtum ex plurima pituita & bile . Sed ubi putrescit humor ? Audio febrem continuam sine typo, & semper æqualem : ergo humor putrescit intra uenas . Est enim febriū continuarum proprium, non horrere . Sed si haberet aliquem typum, aliter dicendum esset . Quod ideo dico, quia in pulsu hoc uespere sensi aliquam contractionem : & ipsa etiam cooperiri uoluit : quæ duo cum concurrant, maxime indicium faciunt esse aliquem typum . Et sæpe hoc contingit, ut in febribus continuis post aliquot dies incipiant apparere in pulsu, uel quia natura fortior in expellendis superfluitatibus facta est, uel quia coctio aliqua facta, & materia subtilior exhalat . Ideo enim continuæ febres periculosæ dicuntur ratione signi, & causæ . Ratione signi, quia indicant naturam debiliorem, quæ permittit inimicum putrescere in proprio domicilio, nec potest extra uenas expellere . Ratione causæ, quia ea materia putrescens facile inficit massam sanguinis, ad quod sequuntur febres pestiferæ & exitiales . Fieri igitur potest ut hactenus non haberet, & nunc incipiat habere typum, idq; bonum esset per uiam signi, & per uiam causæ . An modo incipiat nunc materia putrescere extra uenas, uel sit adhuc intra uenas, facillime uidebit Excell. V. per ea quæ succedent . Si nullus typus succedit, erit intra uenas : si erunt aliquæ periodi, erit extra uenas . Ideo nolo determinare in re ambigua : tempus ostendet . nec propterea toleretur

letur modus curandi, siue intra, siue extra uenas sit, cum certissima sit inuenta ratio humoris peccantis. potest quidem augere difficultatem. His stantibus facile est nunc uidere causas symptomaticas. Vapores ascendant in caput, & dolores excitant: quia admixti ex pituita & bile, excitatos quidem faciunt, non intensos tamen, propter pituitam obtundentem. Eadem causa est uigiliarum, quæ ipsæ propter pituitam admixtam non sunt continuæ: & quod non multum sitiât. Licet hæc omnia eam quoque infestent propter humores permixtos contrarios, quorum alter excitat, alter restinguit hæc symptomata, & mitigat. Ita omnia sibi concurrunt, urinæ rubræ, & tamen crassæ, quia duo humores, pulsus inæqualis. Ergo non est biliosus humor, qui uelocem quidē facit, sed pituita magis inæqualem. Hæ sunt causæ omnium symptomatum, quæ consequuntur morbum. Id est, modò obstructio: quæ ubi fit, ex tumore & dolore apparet. Quare & Gal. & Auicenna testantur, quod ubi dolor, ibi est ægritudo. Sed unde ea est tensio? Non est ex apostemate (alia enim sequerentur, & multò sæuiora symptomata) sed ex materia flatulenta, quæ facit tumorem, propterea quod flatuatur: nam propter suā multitudinem comprimeret diaphragma & suffocaret: deinde pseueraret tēso, nec ita facile resolveretur, à quocūque extrinsecus applicato. Hic dolor facile remittit, ergo non est ex abūdātia materiæ, sed propter uētositates, ob quas intumescit: hinc quæ est quod cōprimitur & impeditur in dilatatione, ideò adest difficultas anhelitus, sed non durat, quia flatūs citò discutuntur. Hic tumor est morbus in compositione, quia facit intumescere locum, ut

ut non faciat operationes debitas, & est ea tensio ex
præsentia materiæ. Hæ igitur sunt duæ ægritudines, &
puto utranque habere separatas causas, nec una remota
alteram remoueri. Sed quia adest & retentio menstru-
rum, uidendum est an una etiam ea sit ex his causis. Cùm
considero præcedentia, & temperaturam huius, puto
hanc diminutionem menstruorum potius esse ex crassi-
tudine menstruorum & sanguinis, quàm ex obstructio-
nibus matricis. Et si enim sanguinem habet humidiorē
ratione ætatis & sexus, & quia in otio uixit & deli-
ciji, & albi sit etiam coloris (sicut solent esse fœminæ
quæ non exercentur, ut uiri) & ob has causas facile ali-
quem decipere possit, ut uideatur frigidior quàm sit, ha-
bet tamen uenas magnas, & arteriarum motum fortem
& magnum, et frater ipsius qui ex eodem semine est, est
calidus & adustus, ideò credo eam generare multam bi-
lem & sanguinem adustum. Deinde est in decimo octauo
anno, qui in puella citiùs crescente & senescente est ip-
se flos ætatis, & eadem quæ uiris 28. annorum ætas,
quia tunc maximè uiget sanguis. Accessit ægritudo fra-
tris, quem amabat plurimùm. Habuit uigilias, curas, &
accidentia animi, quæ adurunt sanguinem, ita ut inde ho-
mines etiam melancholici fiant, quia sanguis aduritur.
Est igitur sanguis crassior, & multiplicata excrementa
pituitosa, quæ fuêrunt causa febris, quæ ipsa etiam san-
guinem magis adurit: ideò rebellis educationi, ut non pos-
sit liberè exire per meatus angustiores. Exiuerunt quia-
dem menstrua, sed diminutè: ideò causa non in obstruc-
tione erat uteri, sed sanguinis potius crassitie. Et cùm
sint tres causæ diminutionis menstruorum, debilitas uir-
tutis

tutis excernentis, obstructions uiarum, & sanguinis crassities, ego hîc tertiam esse credo. Hæc de essentia & causis horum morborum. Quod autem ad mores at-
tinet, febris nulla habet signa malignitatis, habet sua accidentia, quæ pendent à putredine, sine deliquijs & egestionibus putridis, & urinis mutatis seruantibus malignitatem: sed habet ordinarios affectus cognitos, ideo ordinariam crediderim, & non malorum morum.

De tempore febris.

NON quidem uideo signa coctionis, non tamen arbitror nos adhuc esse in principio morbi: non enim ita perfecta coctionis signa expectanda sunt in ægris sicut in sanis. Non igitur dicendum, adhuc esse in principio: fit enim aliqua coctio, non quidem qualis in sano, sed qualis in agro: & hanc ob causam in augmento esse crediderim, non in statu tamen, ubi coctio fit perfectior.

PROGNOSTICON. Nisi aliud superueniat, quia in itinere multa possunt contingere, ut dicit Hippoc. in febribus acutis non esse certa signa prognostica: & addit rationem Galenus, quia facile mutari possunt, uel ad melius, uel ad peius: tamen prout talis est, non est lethalis. Nam quod dicit Hippocrates, febres non intermittentes, quæ tertia die exacerbantur, periculosa: uerū est, quia facile in deterius incidunt si negligantur: sed propterea non sunt lethales per se, sed ad optimum finem deducunt, si Medicus non delinquat, & æger obediat: quæ cum ambo hîc sint conuenientissima, facile sanabitur. CVRA. Videmus naturam morbi & principium affectuum pendere à materia putrescente: materia igitur

tur euacuanda, & putredo remouenda. Materia crassa est, mixta ex pituita & bile, & maxima parte intra uenas, quia non sunt uisæ periodi: ea igitur remouenda. Sed Hippocrates non tantum præcipit: si talia purgentur qualia oportet, confert, & leuiter ferunt, & c. sed alibi etiam: Quocunque natura uergit, eo maxime ducere oportet. Querendum igitur, quomodo, & per quem locum: quia quid sit uacuandum, facile uidemus, pituita scilicet & bilis. sed ex quo loco? ubi putrescit, in uenis, propterea quod transpiratio prohibetur, & calor naturalis opprimitur à multitudine materie: ergo euacuanda. 4. sanit. tuenda. Si putrescit materia intra uenas non aliena à sanguine, mitte sanguinem copiosissimum: si non multum aliena, mitte, sed parcius: si omnino aliena, abstineas. hæc sunt uerba Gal. Hic humor non est admodum alienus, quia pituita mixta cum bile sapit caliditatem, & omnino tardi motus est: nec rebellis est calori, quia inflammatur. Est ergo permixta sanguini, et putrescit, quia prohibetur euentatio, & facit obstructions. Venæ igitur sunt euacuandæ, & querendum ut transpiret corpus: & uacuetur materia, quod neque melius, neque citius fieri potest quam per missionem sanguinis, ideo eam in febribus laudo semper, quia uel antecedentem, uel proximam causam tollit: siue humor sit extra, & tunc antecedentem tollit: siue intra uenas, & tunc proximam. Mittendus igitur est sanguis, idque statim ante quam morbus ad statum perueniat: neque restitandum, quia periculum est, ne æger moriatur. Vidi omnes sic curatos, & credo nil præstantius, nisi ut mittatur sanguis. Nec à saphæna educerem: si enim sint obstructions, non

non exhibit sanguis, cum præsertim materia sit crassior. Ideo à basilica mitterem, quæ ad educendum sanguinem crassiorem est aptissima. Refrigerabit hepar, ut generet sanguinem magis æqualem, non tam crassum, qui postea sponte euacuabitur materia insurgente, sublato hoc modico impedimento. Si igitur cras non erit summè debilis propter maximum paroxysmum, aut uigilias huius noctis, ut magis indigeat alimento & restauratione quàm missione sanguinis, omnino fieri phlebotomiam à uena basilicæ suadeo, quantum sufficit, quam præsens Medicus iudicabit: si sanguis niger & crassior, permittatur exire: si pulcher, clarus, lucidus, statim obstruatur: ideo enim laudat Galenus missionem sanguinis præ cæteris medicamentis per os exhibitis, quia semper reprimi potest, & uel parum uel multum educi, secundum astantis uoluntatem: quod non ita potest moderari in medicamentis per os exhibitis. Et uideo quotidiana experientia, quod ubi prætermittitur sanguinis missio ubi fieri debebat, morbi fiunt lethales aut longi. Nec ideo timeat quod sit prima phlebotomia: habet ætatem conuenientem: aut quod inde futura sit sterilis: istæ sunt aniles fabulæ, & figmenta sine fundamentis. Si tamen sudet copiose, aut per aluum egerat, uel per nares sanguinem reddat, uel aliqua fiat uacuatio, uel plurimum laborarit, uel uirtus defessa sit admodum, omitteretur. Si nihil horum contigerit, mane summo, clystere exhibitto, sub horam præterea xvij. aperirem uenam. Circa alterationem postea (quia in putridis non solum sanguis mittendus, sed etiam alia facienda, quæ Auicenna duob. uerbis diuine docet, cum inquit, lauare aluum, prouocare

S

care

care urinam: hæc qui facit, curat febres putridas) lauat-
 tur aluus clysterib. & est magis dilectus usus clysterū,
 quia fit quotidie sine strepitu, quàm prouocare urinas.
 Syrupus ex capillis Veneris optimus est, aperit obstru-
 ctiones. Syrupus de Cichorio & Ceterach Nicoli, om-
 nes sunt optimi, eligatis quos uultis. Postea si uellet to-
 lerare decoctum in hyeme hac, melius esset: acciperem
 aquam Endiuia, capill. Veneris, quanquā in his nō confi-
 do multum. Ideo si haberemus herbas bonas, Capill. Ven.
 Ceterach, eas decoquerē in aqua Endiuia et Boraginis,
 et esset eò maior subtilitas, et facilitas prouocadi urinā.

Pro obstructione.

Si singulis diebus uel alternis acciperet unā pillulam
 Aloës, uel Hieræ s. ð. i. Nec metuerem febrem,
 quia euacuat bilem, & restringit sitim, refrigerat, &
 educit materiam facientem obstructiones, & calefacien-
 tem. & potest dari lota Aloë, ut minus calida sit: edu-
 cit humores. Sed si essent imbibiti intra tunicas uen-
 triculi, melior esset Hiera, ut inquit Galenus. Potest
 igitur exhiberi aliquot diebus, ut uideamus quomo-
 do conferat: si enim non conducit, poterimus alia ex-
 hibere: sed credo quòd in his optimè habebit.

Ratio victus.

Nescio an consueuerit uinum lymphatū bibere: si possit,
 credo utile fore, ut abstineat à uino. Galenus tres recen-
 set causas in quibus sit abstinendum à uino, in epilepsia,
 in adustionibus, & humorib. crudis. Hic sunt humores
 crudi, &c. Sed darem aquam coctam cum Cinnamomo
 uel Pipere, quam Gal. dabat, & forte melius esset: quia
 enim eius caliditas non transit ad hepar, potest poni uel
 piper,

Piper, uel Cinnamomum, uel quatuor Caryophylla cum modico sacchari. Comedet iuscula, panatellam, & modicum carnis. Si habebit paroxysmos, mutabitur ratio uictus, & non ita cibabitur sub noctem, quod eo tempore soleant magis exacerbari symptomata, ut iam etiam accessio manifestè se ostendit.

Consult. XCIIII. De melancholico.

ACCIDENTIA quibus affligitur hic nobilissimus uir, sunt manifesta sensui, de quibus non ambigere potestis. Primò percipit stuporem manifestum ferè in omnibus corporis partibus, præcipuè tamen circa tibias: & obtusioem ferè omnium sensuum, tactus, gustus, &c. Dicit etiam aliquando ita sibi diffidere, ut non ausit egredi domum, metuens ne deficiat, & in cursu etiam detrimentum quandoq; percipit: non audet interdum loqui, ita defectus totius discursus referebatur ad diffidentiam. Est & aliud insigne, maculae nigrae circa omnes partes corporis in ipsa cuticula, non profundæ, sed superficiales tantum: & illæ sunt cum pruritu magno, ut conetur scalpere: estq; ipsum genus quod & Diosco. & Gal. ἐπελιδας uocant, quasi à sole contractas: sunt enim nigrae, quales sunt homines multum in sole ambulantes: hæc contingunt per interualla, & solebant redeunt singulis mensibus: sed postquã est curatus Venetijs ab excellentiss. Medico & fratre meo, non tam sæpe redeunt interim illa, ut nunc post duos menses aut unum cum dimidio redeunt. Addit, quod licet rariùs ueniant ea symptomata, tamen in interuallis non ita prorsus ab ijs liber sit ut ante: nunc quasi semper sentit aliquid quod

S 2 ante

ante illam curationem non senserat. Hæc sunt acciden-
tia ab eo recitata, quæ omnia sunt facilia cognitu: sed in
causis indagandis est summa difficultas, nec possum mi-
hi satisfacere. Circa stuporem maxima difficultas est.
Stupor est actio diminuta: ergo à frigiditate 3. de causis
sympt. Actio corrupta à caliditate uenit, diminuta ab
intemperie frigida: hic actio diminuta, ergo à frigidi-
tate, idq; uel positiue, uel priuatiue. Diminuitur actio,
cum sit frigiditas in membro, propterea quod uirtus ani-
malis seu calor ac spiritus ueniens ad membrum illud nō
accedit: ita membrum priuatur calore debito, refrige-
ratur priuatiue. Sic refrigerantur membra in timore,
quando spiritus & calor ad cor refugiunt, ac cessant
motus & sensus. frigiditas positiua est cum refrigeratur
membrum, uel quia in propria essentia & in tempera-
tura læsum est ac refrigeratum, uel quia materia afflu-
xerit, atque ita in ipso membro sit quod lædit. Hæc ergo
est difficultas, quod non scio unde possit esse stupor.
Si à causa priuatiua, ea est uel ob obstructionem, uel ob
paucitatem spirituum, seu ob aliud accidens subitum: in
his omnibus debebat ante lædi motus, ad quem longè
maiori & uehementiori calore & spiritu opus est: quia
motus est in actu, sensus autem in pati. Secundo, natura
magis sollicita de necessarijs, semper reseruat id quod
magis est necessarium: igitur cum alterum est amitten-
dum, potius motus quam sensus aufertur, ut in paralyti.
Propter has duas causas nō credo, neque ob paucitatem
spirituum, neque ob obstructionem, esse imbecillitatem in
sensu alicuius membri, et non in motu. Sed dicat aliquis,
diuersi nerui sunt, nam nerui sensus sunt humidiores, &
facilius

facilius ladi possunt quam nerui motus. Responso: nerui motus duriores quidem sunt, & propterea etiam non ita facile implentur à spiritu pauciori, ut nerui sensus, qui humidiores sunt & parui. deinde nerui circa quos ipse sentit maximam imbecillitatem in sensu tactus prope tibiam, non sunt tam humidi, quia non à cerebro, sed nucha & spondylis dorso oriuntur. Nec ob frigiditatem positivam hoc fieri posse uideo. Si enim dicas factam frigiditatem quia fluxerit materia ad nervos sensuum, & non ad nervos motus, quia diversi sunt, & quidem sensus nerui imbecilliores non ita resistent læsionibus extrinsecis: responso: uerum, facile posse pati eos nervos, ut Gal. 1. de sympt. cau. de his qui in sensu tactus impedimenta habent, & non in motu: sed id non uidetur esse in hoc uiro. Si enim intemperies esset in illis nervis, perpetuo esset, nec aliquando cessaret: hic uero sentit quandoq; , quandoq; non: si esset ibi fixa materia perpetuo, non sentiret. Et ita restat difficultas apud me magna, quæ sit causa. Præterea si tantum esset ibi humiditas obtundens calorem, & non frigiditas quedam, sed caliditas quæ obtunderetur quidē ab humiditate, non posset tamen extinguui, non sequeretur diminutio actionum, sed corruptio. Gal. 2. p. art. Intemperies cerebri calida humidas corrumpit actiones: & si esset tanta humiditas cerebri quæ obtunderet calorem, non bene discurreret, nec memoraretur: hic optimi sensus & exactissimi, memoriter refert omnia quæ contigērunt ei per totam uitam. Scitis autem dictum Heracliti: Spiritus stecus, anima prudentissima. Non igitur possum imaginari quomodo humiditas sit impediens & obtundens calorem in hoc

S 3 uiro:

uiro : atq; ita plenus sum difficultatum . Audiatis pro-
cessum, quo in rebus ignotis deducam uos per coniectu-
ras. Suppono temperaturam : à natiuitate abundauit in
hoc corpore caliditas cum humiditate : id conijcio ab
habitu corporis in hac ætate : est enim uiginti annorum,
obesus & crassus seu pinguis. & uideo signa manifesta :
est subniger, & non habet pilos indicantes frigiditatem :
deniq; abundat multo sanguine , ex quo hepar est cali-
dum & humidum generans multum sanguinem . Habuit
autem pessimam rationem uictus Venetijs primum : præ-
tereà xvi. natus annos iuit in Dalmatiam, ubi crassus &
meridionalis aër : uescebatur carnibus & piscibus cras-
sis. laborabat animo & corpore sub sole, & in negotijs,
circa quæ non erat assuetus : inde cotraxit cacoehymia
ratione temperaturæ , & causarum extrinsecarum, &
congregauit multam materiam melancholicam : quia
qui calidi & humidi, generant multum sanguinem , &
plurimum etiam fecum : quia ubi multum est de sangui-
ne , præsertim crassiore , ibi etiam multum est de fece
sanguinis : & tales fiunt facile melancholici cum acce-
dit causa extrinseca , sicut hîc omnia conspirant : multos
nouî tales . Est etiam manifesta coniectura ex Gale. 4.
de sanit. tuen. tale esse dominium humoris, qualis est co-
lor cutis : hîc sunt maculæ coloris admodum nigri , quæ
cooperiunt ferè totam cutim, quæ significant dominium
humorum eius. illæ maculæ pruriunt plurimum : excita-
tur autem ille pruritus à difflatione , quia diffлатur hu-
mor melancholicus : deinde etiã, quia humor est acidus :
semper enim aliquid pituitæ admixtum habet , quia me-
lancholia frigida est , & extinguit calorem naturalem
hepatis,

hepatis, & repletus est splen eo humorē, intumescit, & sua frigidityte minuit calorem hepatis, & impedit coctiones, ita fit ut generetur multa pituita. Ideo multi, qui abundant melancholico humore, sunt hydropici & splenetici, ob extinctionem caloris naturalis, & multitudinem phlegmatum. Hinc est quod apud ueteres, omnes medicinae euacuantes humorē melancholicum, semper habent admixtum aliquid euacuans pituitam, quia nunquam separantur: ut in confectione Hamech, elect. Indo, & alijs antiquis. Nec credo esse succum melancholicum adustum, quia faceret ulcera: sed credo naturalem esse, non enim est malignus. Pruritus autem facit propter adustam pituitā: abundat succus melancholicus naturalis, qui generatur in hepate, & transit per omnes uenas: quod mihi manifestum est, quia maculae sunt per uniuersum corpus: ex uenis autem succus ille transit in corpus, & ad cutim, & facit illas maculas. Quia igitur in toto ambitu uenarum est, ideo perpetuo euaporat ad caput, & suis certis periodis corrumpit actiones cerebri, prout magis uel minus augetur a mala ratione uictus. Sunt enim certae periodi & uariae, pro ratione humoris, ut apparet in quartanis: & actiones uariae diminuuntur, prout uapores ascendentes diuersas cerebri partes occupant, ut tertio de causis sympt. nunc discursum, nunc imaginationem, nunc memoriam. Et est uarietas magna in eo praecipue humore, nam refert Galenus, quendam imaginatum se esse gallum, alium se habere caput ex olla fictili. Nec harum rerum causae certae referri possunt, cur uel haec uel illa actio impediatur. Hic homo illud, aliud alius imaginatur. Vidi quendam

S 4 qui

qui totam mundi superficiem imaginabatur esse ex subtilissimo uitro, & subtus esse serpentes, se in lecto tanquam in insula, unde si egrederetur, frangeret uitrum, & incideret in serpentes, ideo nolebat ex lecto egredi. Credo autem totum hoc imaginationem esse, et quod omnia illa symptomata imaginetur, & quod non sentit in tibijs: si pungeretur fortiter, fortasse sentiret. Ita imaginatur, ut non possit discurrere: aliquando ita diffidit sibi, ut non possit exire domum. Timet, quod est proprium melancholici. Vidi plures tales Venetos. In oculis bene credo defectum aliquem. uidetis quam latam habet pupillam. Reliquum totum credo esse imaginationem. & sit interdum reuera, ut homo non sentiat, cum est intentus in aliud, ut ait Aristo. in proble. & 3. de anima, quæ alio occupata non percipit obiecta. Hipp. ait, Vbi aliquis dolorem non sentit, mens laborat: quod admodum quadrat ad propositum nostrum. Iste dolores non sentit, ergo mens ægrotat. Nec (meo iudicio) possumus referre alias causas, sed credo totum affectum melancholicum, & ponerem illum in capitulo de melancholia, ut dicunt. Est autem humor melancholicus non per essentiam in capite, sed per consensum exhalat ex hepate, & ex ambitu uenarum. Est enim duplex humor melancholicus 3. de loc. affect. quandoque in capite, quandoque in ambitu uenarum. Credo quod sit hic per consensum in capite, per essentiam in uenis, idque eò, quod certas periodos habet. Si in capite, semper & perpetuo talis esset. His stantibus credo quod difficulter curabitur, quia omnes affectus melancholici diu durant, ex Gal. sententia, qui ex Diocle refert de hypochondriorum dolore, qui per consensum tamen est: quanto

quantò hic cura difficilior? Nihilominus si quis toto studio quærat euacuationes, & curet ne generetur alius nouus morbus, melancholiam uel curabit, uel ad meliorem statum reducet: quia interim ex quo euacuari cœpit & curari, leuius nunc inuadit, & per longiores periodos, si præsertim talis euacuatio fiat cum Elleboro, qui uerè euacuat melancholiam: uidemus enim effluere cum exhibetur, non aquea & humida, sicut fit cum dantur folia Senæ & Epithymum: nam Elleborus uerè & sine difficultate melancholiam euacuat, si debito modo & iusta quantitate exhibeatur.

CVRA. Quia igitur in toto corpore & ambitu uenarum est, primò minuerem sanguinem, præmissa leui purgatione materiæ cōmunis, quæ est in uentriculo & intestinis. Darem igitur Cassiam, uel Hieram: præterea euacuarem sanguinem copiosè ex basillica utriusq; lateris ad 16. uel 20. etiam 3. duabus uel tribus uicibus, quia corpus est plenum sanguine. Post missionem sanguinis darem præparantia, syrup. Borag. Buglossæ, Lupuli, & decoquerem in xv. uel xvi. 3. aquæ casei cum modico oxymellis, ad purgandum, leniendum & coquendum succum melancholicum: tandem euacuarem cum leuioribus, primum quæ succum melancholicum & pituitam simul educunt, ut confectio Hamech, & alia: postea ubi semel aut bis hoc factum esset, ad decoctum Ellebori accederem cū alijs: ut, omne genus Myrobal. cōtusum & infusum in aqua Fumi terræ decoquas: coctioni præterea addantur folia Senæ, Epithymum, Polypodium, Glycyrrhiza, & sem. Citri 3 s. Ellebori: & 3 vi. huius decocti sumantur: idq; ter uel quater facerem, prout & humorem

humorem educi, & ægrum melius habere uiderẽ. Videbit procul dubio se iuuari hac ratione. Præterea utatur uictu optimè nutriente: comedat carnes iuuenes generantes bonum sanguinem: uinum bibat maximè nigrum aut subruffum: sit cum socijs lætus & hilari: uiuat in aëre puriore, æstate præsertim, qualis est in Foro iulio, uel ad montes Vicentinos. Hæc omnia si, quo ordine debet, agat, uel curabitur, uel saltem minùs laborabit.

Consult. xc v. De ophthalmia.

CONQUERITVR hic de quadã dispositione præter naturam circa oculum, & maximè quòd in sinistro oculo sit imbecillitas uidendi, uidet enim quasi per quandam nebulam: in alio oculo est quadam punctura. In sinistro oculo adest etiã quadã macula circa corneam, maximè ubi terminatur ad pupillam. Petit consiliũ. Et cum omnis dispositio præter naturam indigeat curatione sibi propria, idè inuestigandæ causæ illius maculæ. Et quæ sit causa illius nebulae apparentis in uisione, inuestigabo ego ex his quæ uidi. Iste Nobilis uir ubi cunq; uersatur, aut aspicit aliquid circa aërem tenebrosũ, pupilla fit maior: ubi autem in luce aliquid uidet, redditur pupilla constrictior. Hoc est unum, quod est inuestigandum, & hoc uidimus heri. Adest igitur nebula, id est, uidet quasi per nebulam: hoc est ab una trium causarum, uel ab instrumento, uel à uirtute illustrante, uel à spiritu: his enim tribus fit uisio. Ergò apparet nebula, uel propter instrumentum, ut in cataracta, quia in ea in spatio est quadã aqua obscura, quæ impedit transeuntem spiritum, & reddit spiritus obscuros: hoc non est in

est in hoc uiro: nam hæc aqua appareret ad sensum, imò in utroq; oculo pupilla est clara, sine aliquo nocumento. Non etiam est materia obstruens in neruo, quia spiritus liberè transit, & pupilla dilatatur, cum alter oculus clauditur, quod & Auic. ponit. Vnde arguitur, quòd sit liber transitus spirituum. Ergò nullam uideo obstructionem in uis, per quas uel uirtus uel spiritus non possit pertransire. Ergò hæ partes sunt liberæ, et oculus, quantum ad hanc uisionem impeditam. Igitur uel uirtus erit affecta. Sed hæc etiam non est affecta: quia licet sit in cerebro, & postea determinatur ad ipsum oculum, non apparet aliqua læsio: ideò nec ad uirtutē hoc referendum. Ergò relinquitur, quia ex tribus his aliquid esse necesse est, q̄ hæc obscuratio sit in spiritibus, & ad hoc refero omnem hanc obscurationem: & hoc est præcipuum: nam dum est in obscuro aëre, dilatatur pupilla ad oculum, & uidetur cornea constringi ex dilatatione pupillæ. Contrà in aëre claro & lucido pupilla cōstringitur, et cornea dilatatur. Hoc indicat spiritum quidē esse multū, qui deueniat ad oculum, sed tamen crassum. Ergò dixerim ego, spiritum emanantem esse propter aliquam materiam crassam admixtam, factum crassiorem. Vnde in loco obscuro, cum non adiuuentur spiritus ab aliquo extrinseco illustrante, hinc natura illud quod non potest agere, facit ex multo spiritu, & hinc ex multo conatu dilatatur pupilla, propter multitudinem spiritus aduenientem. Sed in luce clariore illustrantur spiritus à luce: ergò minor spiritus requiritur ad operationem uidendi, & inde pupilla redit ad propriam suam naturam & magnitudinem: & hoc etiam uidetur in illis
qui

qui habent crassos spiritus. Ex illa igitur manifestissima dilatatione in obscuro loco, & constrictione pupillæ in luce, dico, quod sit hæc lesio uisionis propter crassitudinem spiritus, & non propter crassitudinem corneæ. Et quod hic spiritus sit crassus, sunt multa signa. Patitur etiam in oculo sano dolores. Oculus qui patitur, est imbecillior. Et quia quælibet impressio fit fortior in subiecto disposito, ideo ille oculus resistit quidem plus, sed non ita oculus affectus. In oculo sano non potuit se defendere, quia descenderat materia stimulans, & acris, & ita se defendit quantum potest. Ergo uterque oculus affectus: sanus, quia est destillans. Oculus autem affectus duobus modis. Et spiritus deuenientes ad oculum affectum, patiuntur. Hæc uidetur esse causa. Et non possumus imaginari quidem, quæ causa sit in instrumento. Hoc quantum ad nebulam & obscuritatem, quam percipit uidendo. Hoc in ebrijs uidemus manifestè, & quibus uapores ascendunt ad cerebrum: nam spiritus illi sunt crassus in eis. Et quod illis in pauco tempore contingit, sit in his perpetuo propter causam intrinsecam. Nunc de macula. Non constat apud me certi aliquid de illa. Si dixerit aliquis, quod ibi sit cicatrix, propter aliquod ulcus, quod processit: uerum est quod contingunt quidem sæpe ex ulcere: sed an hic ita sit, in hoc est difficultas. Si fuisset ulcus, uidissent illi qui curarunt. Sed hoc nobis non est indicatum: nam an successerit ulcus ex illo tumore, non est nobis dictum. Hoc ergo apud me est ignotum. Si non ulcus, ergo nec cicatrix: si non cicatrix, ergo aliqua materia uiscida & crassa in causa erit huius maculæ: sicut & in reliquis corporis partibus hoc euenire

nire uidemus. ut in cute, in qua sæpe oboritur talis tumor phus aut macula: & in oculo hoc frequentissime accidit. Ergo ego potius crediderim hoc esse ex materia tali, uiscida & duriore, nisi audiam de ulcere. Sed hanc maculam non curo. An autem sit in superficie uel non? Heri uidi, & sum quidem iam senex, et uisum debiliorem habeo, tamen uidi esse in superficie. Hoc tamen relinquam in dubio, & relinquo hoc conscientijs uestris: & pronunc pono in dubio, quia uariat cura, prout est ille locus. Modò est uidendum de illa obscuritate uisus, quia de hac plus refert, quia in deterius uenit procul dubio. Supposito quod sit propter obscuritatem spirituum, per materiam mixtam: & cum materia fluat per oculos, primò quaeritur quæ sit illa materia: secundò, unde, et an sit in oculo. Quo ad primum, dico esse materiam mixtam, partim pituitosam, quod apparet ex consistentia & crassitudine, gummositate & uisciditate: ergo est pituita. Sed percipit puncturas aliquas & corrosiones, ergo est & biliosa. Dominatur quidem pituitosa, quo ad quantitatem, sed non quo ad uires. De secundo, unde deriuatur? In oculo non generatur, cum sit copiosa. Et si esset tanta intemperies in oculo, quæ generaret hanc materiam, essent alia symptomata in oculo, et oculus non esset tam clarus. Sed an caput, an partes inferiores transmittant? Credo quòd non sit referendum ad caput. Illud membrum sanum est, cuius operationes sunt sanæ. Sed hoc caput non est affectum, nam haberet uitiatas operationes. Sed adest grauitas, & adest materia. Dico, quòd hoc est propter ascensum uaporum. Non nego ibi esse materiam, sed an ibi generetur, uidete Gal. lib. 2. de diff. feb.

feb. de causis periodorum, & de natura fluxuum. &c.
Ergo nō nego à capite materiā fluere ad oculū, sed non
uideo uitū in capite, unde generetur in capite. Primò igitur
dico, q̄ est imbecillitas uētriculi. Et hepar habet ualde
calidū, cū cōqueratur, q̄ nihil possit tolerare. Itē q̄
hepar calidum habeat, manifestissimum est ex habitu corporis,
& habitudine uenarum. Stantibus his duobus, quid mirum
repleri caput? Ex uentriculi imbecillitate multiplicatur
pituita: ex hepatis caliditate ascendunt uapores ex toto
ambitu uenarum, ut Galenus de dolore capitis. 3. sympt. Ergo cū sint hæ duæ causæ, non mirum
si patitur destillationes multas & catarrhum: & cū oculi
sint imbecilli, expellitur materia ad oculos. Et uidemus
omnia consona rationi. Ex uentriculo sunt uapores crudi,
ex caliditate hepatis uapores calidi: ergo materia mixta,
quum habeat diuersas mineras. Concludo ergo caput non
affectum per essentiam. Sed est repleitū, dolet, grauitatē
habet capitis. Dico hæc omnia esse per consensum. Item
plurimum dormit. Dico, hoc fit propter multitudinem
uaporum ascendentium. Vnde ebrii, qui aliàs sunt uigiles,
& omninò parum dormiunt, tamē tunc cū ebrii sunt,
multum dormiunt. Vnde credo, ut apparet ex toto habitu
& operibus optimis, quòd sit in se calidi & sicci cerebri,
& quòd non sit deductum ad aliquam intemperiem: sed
est quidem affusio materiæ refrigerantis, sed non in
essentiam est mutatum cerebrum. Ergo credo, quòd sit
propter materiam pituitosam & biliosam, & quòd
deueniat à capite, sed non generetur ibi, sed à toto
ambitu corporis. His suppositis de cura dicendum.
Potēst ne curari? Duo sunt hic: primò

primò macula, secundò obscuritas uisus: & si tollatur materia, ille spiritus remanebit in propria substantia. Tamen cum spiritus sit nobilissimæ naturæ & oculus, facile accipiunt nocumentum: & quòd hæ affectiones perseverantes non bene curantur: & Auic. dicit, post sex annos non esse curabiles. Ego credo quòd cura erit satis difficilis, sed præseruandus tamen est. Si illa macula est ex ulcere, non potest curari. Si à re quadam dura, ut diximus, & nec tunc etiam. Nam si res illæ duræ, & topi in cute uix possunt curari, quid fiet in membro tã nobili? Ergò hæc cura impossibilis. Sed quia petit præseruationem, & curationem etiam, si fieri potest, natura rei indicat nobis quomodo sit curanda. Quia repletur perpetuò caput ex causis inferioribus, ergò materia primò est auertenda. Si materia est aggregata, euacuanda erit: quæ continuè ascendit, erit auertenda: & quæ generatur, prohibenda ne generetur: quoad partem generatam euacuetur. Ergò euacuandum corpus. Non tolerat fortia. Ergò faciamus ut baiuli, ut Gal. 2. de caus. pulsuum, portant pluribus uicibus, quod alius fortis quidam portaret una uice. Ita & nos sæpiùs & leniter purgemus, ut cum Hiera, cum pillulis Mastychinis, quas dicit se ferre posse, propter Agaricum, quia in capite est materia: euacuant etiam uentriculum propter Aloën. Itẽ tolerare poterit pillulas de tribus, ut Rha barbaro, Agarico, & Aloë, quia materia est in hepate, uentriculo, & capite. Ergò hæc pillulæ optimè conuenirent hepati propter Rha barbarum: capiti, propter Agaricum: & uentriculo, propter Aloën. Exhibeantur syrupi, qui non tamen attenuent materiam crassam, sed etiam quibus clarificen-

rificentur spiritus : & ideo faceremus ex succo Fœniculi, Verbenæ, Euphrasiæ &c. Item Betonicam possemus addere, & facerem ita syrupum magistralem, qui attenuaret materiam, & clarificaret spiritus. Et hi syripi exhiberentur inter pharmacum primum & pharmacum alterum. Euacuato toto corpore, & diuersione etiam simul facta per ipsum pharmacum, tamen necessaria etiam sunt postea continuæ diuersiones, & hæc fiant per pillulas, licet Galenus damnet hunc continuum usum pillularum, tamen non est inconueniens. Facerem ego quidem cauteria, non in capite, quia attraheretur materia : nec in brachijs, quia tunc etiam attraherem ab inferioribus ad superiora : sed in tibijs facerem, scilicet in utroque crure. Et hæc puto sufficere pro auersione, non pro deriuatione : hanc enim non intendimus. Hæc cauteria teneantur aperta non per menses, sed per annos. His factis non puto caput multum corroborandum esse : si tamen uidetur quod sint faciendæ lotiones, ne recipiat materiam, possent fieri cum decocto ex Rosa, pro confortatione, & Chamæmilla, & parum gummi Sandarachæ diluti, & aliquid etiam Agarici addi potest, ut fiat mundificatio capitis. His peractis ego nollem molestare uirum : non cum aqua balnei, quia sicci habitus, & calidi hepatis. A stillicidio abhorrerem, ut à peste, propter intemperiem illius capitis, & credo quod pessime inde haberet, si uteretur eo. Quo ad oculum, non indigemus una intentione. Nam non est uerissimile, quod cum semper aliquid ascendat, quod non aliquid insideat. Ideo corroboretur calor innatus oculi, ut concoquatur materia. Ideo cum Gal. nihil præponat Fœnugræco, hoc enim
conco-

concoquit sine attractione, & corroborat calorem, & diffilare facit si ibi est aliquid crudi, ergo uterer frequentissime decocto Fœnugræci. Quoad abstersionem & mundificationem præcipue illius pustulæ, cauere tanquam à peste, à re mordicante. Tutiam si recte præpararetur, & ueram haberemus, laudare: sed quia non recte præparatur, & semper uidemus quod quotiescunq; utimur excitet dolorem, cum tamen ipsi antiqui dicant eam minime esse mordacem, ideo omittitur. Soleo ego parare albumen oui cum saccharo Candi ros. & ponere in solem in aliquo uase donec exiccetur, & postea contundere & contere in marmore, & de hoc puluere inspergere oculum. Vel si uolumus facere collyrium, & diluere cum usus postulat, cum modico decocti Fœnugræci: hoc abstergit sine mordicatione, est enim mordacissimum medicamentum. Et confortat etiam hoc collyrium exiccando, ne recipiat nouam impressionem. Et caueat à fortib; remedijs, prædico enim ei, si multa remedia adhibuerit, quod efficietur totus cæcus. Hoc cum admonitum uolo, & credat mihi.

Consult. xcvi. De Ophiasis & Alopecia.

CLARISS. atque doctissimi uiri, occurrit nobis nobilissimus adolescentulus, cum quibusdam dispositionibus præter naturam, quæ apparent sensui. Duo sensu deprehenduntur circa aurem, qui affectus cum sint contigui, tamen uidentur diuersi & contrarij. Primò est priuatio omnimoda capillorum: quæ siue sit Alopecia, siue Ophiasis, siue caluitium, nunc non dicam, sed infra. Secundò est tumor quidam præter naturam, cum crustis

T

C

& pustulis apparentibus. Est ibi raritas, & ideo etiam
 priuatio capillorum. Primò uidentur esse affectiones
 contrariæ. Defectus pilorum solet esse ex nimia siccita-
 tate. Crusta & ἀχρόες proueniunt illi ex deprauatione
 humorum. Causæ igitur horum considerandæ. Primò
 quo ad priuationem pilorum, dico hanc nullo modo esse
 posse ex siccitate, sed ex redundantia aliqua mali humo-
 ris: & ab eadem causa prouenire has affectiones, scilicet
 à deprauatis humoribus. Nam pilorum conueniens
 materia, teste Gal. & melius Aristo. 2. de gen. animal.
 prouenit ex humore adusto cum quadam pinguedine, &
 substantia aërea: ubi talis materia deficit, deficit etiam
 materia pro pilis. Hic illa materia non est talis qualis
 esse debebat, sed corrupta & deprauata. Eodem loco
 dicit Arist. quòd pili sunt passio cutis, & requiritur etiā
 ad generationem pilorum temperamentum cutis: & ex
 superfluitatibus cutis tantummodo generantur pili, &
 non ex alia superfluitate: unde secundum cutim affe-
 ctam afficiuntur pili. Ergò talis materia est propter
 duo: primò, quia ista materia non est idonea ad pilos ge-
 nerandos, sed corrupta: secundò, propter locum non bo-
 num, quia temperies cutis est ualde humida, quæ non po-
 test producere pilos. Nam & nimia humiditas & nimia
 siccitas prohibent generationem pilorum. Fortassis con-
 traria etiam quædam affectio est in ipsis meatibus, nam
 & horum ratione sæpe non nascuntur pili: sed hoc non
 est manifestum, dicamus tantum de ijs quæ apparent.
 Ergò hætenus habemus intemperiem cutis, & materiā
 malam, ratione quorum uidentur duo contraria fieri.
 Primò, priuatio pilorum in parte cōmissuræ coronalis,
 ubi

ubi plurimæ fiunt transpirationes uaporum. Euaporato plurimo humido propter amplitudinem meatuum in illa parte capitis, non potest materia aggregari. Gal. probat uapores diuersos effectus facere pro crassitie & materie & meatuum. Nam si possunt transpirare, nihil mali aut incommodi inde euenit in cute. Sed si uel propter crassitiem uel densitatem meatuum cutis non possunt transpirare, fit uel pruritus, uel scabies, uel ἀχόες. Ergo in illa parte suturæ coronalis ubi meatus sunt aperti, non potest illa materia detineri, sed transpirari, & nihil aliud incommodi facit quàm priuationem pilorum: non tamen Alopeciam facit, quia nulla ibi abrasio est cutis. Ophiasis est cum decorticatione cuticulæ, quia fit propter humores deprauatos. Alopecia etiam ex siccitate. Hic uidemus in hoc puero, ubi deficiunt pili, esse asperitatem: ergo est ab eadem causa, à qua fiunt crustæ. Nam ubi cranium est crassius & densius, ibi materia nō potest transpirare, sed fiunt crustæ. Ideo circa posteriorem partem capitis apparent illæ pustulæ, & uidetur esse dispositio quædam proxima ad ἀχόας & tineam. Ergo hæ duæ affectiones licet secundum sensum uideantur diuersæ, tamen ab eadem esse causa uidetis, scilicet humoribus deprauatis & intemperie cutis, quæ in hoc puero est maxima. Sed utrum illi humores deprauati ibi generentur, uel aliunde deueniant, inquirendū. Dico, utrunq; potest contingere: potest enim aliquando fieri, quod nihil patiente cute, tamen materia ad illam demandetur. Sed in hoc puero uideo ipsum optimè esse dispositum quo ad habitum corporis, calorem, & omnes operationes: unde non uideo unde debeant multiplicari

T 2 humo-

humores tam deprauati. Nam si humores aliunde demans
darentur, & in membris naturalibus, ut hepate, splene,
uentriculo &c. esset quædam mala dispositio, tunc circa
cutem apparerent maiora symptomata: & nihil est quod
magis attestetur dispositioni hepatis & lienis quam co-
lor, quem in hoc puero uidemus esse optimum, clarum
& lucidum, propter spiritus bonos & lucidos quos ha-
bet. Vnde non uideo, unde possit deriuari humor ad cu-
tim ex alijs partibus. Ergo dicendum quod membrum
intemperie laborat: & tunc contingunt duo. Primum,
quod alimentum etiam bonum transmissum ad cutem cor-
rumpitur, quia membrum est distemperatum, & calor
eius proprius debilitatus, & humidum radicale consum-
ptum, & ideo non potest pars illa exercere suas actio-
nes naturales, ut expellere, concoquere, attrahere &c.
quæ sunt propriæ cuiusq; membro. Secundo contingit
propter hoc, quod scilicet sunt aliqua excrementa in ui-
cinis partibus, quæ necessario generantur in corpore
humano etiam optime disposito in omnibus quatuor co-
ctionibus: & hæc semper expelluntur ad partes debi-
liores. Ergo duo patitur incommoda hic puer, propter
intemperiem cutis. Primo, quod alimentum deueniens
ad cutim non potest confici: secundo, quod partes uicinæ
pellunt sua excrementa ad cutim tanquam partem debi-
liorem, ut solet in corpore humano contingere. Ergo in
ipsa cute est affectus, & est intemperies cum materia.
Non dixi quod in principio contigerit intemperies sine
materia, sed quod ex defluxu illius humoris elisus est
calor proprius illius partis, propterea humidum radi-
cale semicorruptum. Ergo habemus intemperiem pro-
pter

pter humores, unde & habemus quare loco pilorum generentur crustæ. Quid modò fuit in causa, quòd ad cutim magis transmissa est materia, quàm ad alias partes? Audio nutricem fuisse infectam, & generauisse pessimū lac, uel propter intemperiem aliquam naturalem, uel aliàs propter malum regimen, ut solent istæ: unde incidit iste puer in febrem longam, quam habuit usque ad annum quartum. In ea ætate pueri solent habere maximam debilitatem capitis, unde etiam non possunt se bene erigere illo tempore, propter nimiam humiditatem, & etiam caput tunc temporis uidetur illis esse maius. Vnde plurimæ ægritudines capitis tunc temporis illis accidunt, ut sunt epilepsiæ &c. Et quia membrum imbecillum, natura defatigata longa ægitudine, fecit crissim circa quartum annum: nam quartus annus est criticus morborum chronicorum. Et sic materia transmissa ad caput. Non tamen adeò fuit imbecillum caput, ut materia reciperetur ad cerebrum, sed natura istius pueri existens fortis & ualida, expulit ad cutim partem ignobiliorem, & ubi semel incoepit occupare cutim, mansit ibi & imbibita est: & sic subsecuta est ophiasis in una parte, & crustæ in altera parte, ut uidetis. Habemus ergò causas propinquas & remotas huius affectus, & non contingit ratione alicuius membri principalis, ut solet plerunq; accidere in his fluxibus. Quibus ita suppositis, apparet statim quid possim iudicare de euentu huius ægitudinis. Credo quòd possit curari. Ægritudo est tantum in parte, & non habet radicem, nec in cerebro, nec in partibus naturalibus, quamuis possit quidem cerebro communicari nocumentum aliquod propter uicinitatē,

cinitatem, sed tamen non insigne: quoniam illud membrum est sanum, cuius operationes sunt sanæ. Sed in hoc puero operationes cerebri sunt sanæ, ut apparet, ergo & cerebrum non est affectum. Sed tamen non facile poterit curari, quia intemperies illa est fixa & confirmata, & habitus iam factus, qui est difficile remouibilis à subiecto in quo est, ut & logici dicunt: durauit à quarto anno usque ad xiiij. Sunt ergo decem anni: sed tamen potest curari. Natura rei indicat nobis curationem conuenientem. Nos scimus, quòd ubicunq; est aliquid præter naturam in loco, Medicus debet attendere an hoc pendeat ab alio, an non. Si ab alio, illud erit curandum: sin minimè, accedendum ad locum. In hoc puero nullum membrum est deprauatum, & ideo non credo esse opus curatione membrorum mandantium. Et ita tollimus totam illam historiam. Ideò credo, quòd non multum debemus laborare circa euacuationem. Bene uerum est, quòd tutius & sine dispendio erit, quòd totum corpus antea euacuetur, sed non multis euacuationibus, quia corpus est bene præparatum. Ergo euacuetur aliquo modo, & præcipuè cum simus in uere, in quo etiam sana corpora purgari solent. Leniatur ergo uenter cum Cassia & Hiera. Infrigidetur corpus, & ideo syrupi sint non admodum eleuati in caliditate, nec ita incisui. Nam illi humores sunt salsi, quod testantur crustæ, quæ non fiunt nisi ab humoribus calidis & adustis. Ideò autem non nego esse pituitam etiam, sed tamen dico quòd etiam adustos humores habet, præcipuè cum sit calidi hepatis, ut apparet, & temperatura declinet ad calidum & siccum, & fortasse nutrix generauit in illo humores

mores calidos, & solet bibere uina calida, & fortasse etiam habuit malos & corruptos humores: & utinam sciremus etiam aliquid de hoc, Deus nouit. Ergo darem ego syrupum de Cichorio, uel de Endiuia. Vel ita facerem: darem syrupum de Cichorio, & loco aquarum, serum lactis caprini darem: hæc facerent apertionem, abstersionem, & etiam infrigidarent: & credo hoc genus syruporum esse optimum pro hoc puero. Pro phar-maco darem Agaricum cum Cassia, quod est medicamen-tum conuenientissimum, & potest educere omnes humo-res. Factis euacuationibus omnis spes mea (ut ingenuè dicam) esset circa localia, & rectificare intemperiem cutis. Calor est elisus & suffocatus, & tollendi sunt hu-mores prauī. Primò igitur amouendi humores qui sunt in ipsa cute, scilicet exiccantibus. Secundò confortarē cutim, ne ampliùs reciperet uel excrementa membro-rum, & conficeret proprium suum alimentum. Confor-tatur autem calor cum moderatè calefacientib. Remo-ueantur humores illi mali abstergentibus, et exiccantib. Chirurgus fricet locum uel cum pannis asperis, uel cum Scylla: sed cum pannis asperis condensantur meatus: frictio cum Scylla est mitior, & maximè confert. Et postea fiant lotiones quæ subtiliùs penetrant, & magis in profundum. Adderem & Sulphur, sed cum lixiuio acri, in quo esset Nitrum & Sulphur: in principio enim non est statim utendum astringentibus. Postea facerem etiam linimenta abstergentia, ut est oleum Amygdal. amararum, cum Iride, Centaurio minori & maiori, & Gentiana, Pane porcino, item Clematide altera, & Aristolochia rotunda. Factis abstersionibus, leniter

exiccandum & confortandum, & tunc deuenire possu-
mus ad illa quæ recipiunt Alumen, & etiam Calchan-
tum, si opus esset maiore exiccatione. Factis mundifi-
cationibus credo quòd pili per se generabuntur. Sed si
non oriantur, confortare locum, & nihil magis expe-
diens ad hanc rem quàm linimentum factum ex oleo
Amygdal. dulcium, Ladano, & capillis Veneris pulue-
rizatis, & ponatur super locum: nam plurimùm facit
ad pilorum generationem, et ad tollendum, quidquid est
circa radices pilorum. Oleum Amygd. dulcium humectat
cutem, si forte ex medicamentis superioribus nimis
exiccata esset. Et hæc sunt mutanda prout uidebitur, &
affectio mutabitur. Victus sit exquisitus, quia hic ma-
ximam partem curæ sibi uendicat. Sic puto emendari
posse, Deo uolente, hoc uitium.

Consult. xcviij. De morbo Gallico, poda-
gra & hectica, vnà cum pruritu maximo.

MVLTa sunt symptomata in hoc nobilissimo uiro,
tria tamen sunt præcipua, quæ ueniunt consideranda,
& de his etiam maximè conqueritur: ideò de his dicam,
reliquis prætermis: tamen ea etiam ut signa quædam
& causas referam. Prima dispositio præter naturam
sunt dolores podagrici, & tumores circa partes extre-
mas pedum & manuum. Secunda, consumptio totius
corporis. Tertia, pruritus uehementissimus, & maxi-
mè circa extremas partes & pudenda. Et quia nullus
morbus nec cognosci nec curari rectè potest nisi ex con-
gnitione suarum causarum, ideò singularum naturam
& causas uidebimus. Primò dolor & tumores necessa-
rio

riò proueniunt ab aliquo defluxu materiae, & sic habent omninò causam aliquam materialem: & in hoc semper quatuor concurrunt. Primum, locus qui patitur. Vbi considerandum, an patiat per se, an per consensum. Secundum, materia quæ defluit. Tertium, unde deueniat. Quartum, per quas uias. In dolore podagrico sicut hæc quatuor rectè considerentur, Medicus poterit & rectè prognosticari, & rectè etiam curare. Primò quo ad locum, an hic defluxus & dolor sit ratione loci affecti? Dico, quòd locus ipse principaliter afficitur, sunt enim ibi omnia præter naturam: nam corrupta est figura membrorum & forma, & destructa est quantitas, nam tumor est insignis: item est solutio continui in illis partibus, & ista omnia procedunt à mala temperatura, cui insint tot malæ compositiones. Ergò hæc loca cum sint extra naturalem suam dispositionem, sunt affecta, & sic nec attractio, nec concoctio, nec ulla uirtutum naturalium fortis est. Item est impedimentum in uirtute motiua, et sic secundum omnem modum, compositionem & temperaturam, patiuntur illa membra. Et uideo quòd quamuis ad illa loca nihil affluat aut demandetur, tamen non esse sana, sed corrumpetur etiam nutrimentum influens optimum. Secundo, perpetuò influit materia, unde dolor semper renouatur per xv. dies, ex accessu scilicet nouæ materiae: & hæc materia inquirenda est. Et plerumq; quælibet materia podagræ est duplex, pituitosa & biliosa, cum aliqua parte sanguinis. Vnde uidemus podagricos primò rubescere, deinde autem tophos illos & materiam fieri albam. Ergò supponatur nunc talis materia, & infra etiam probabo. Et intelligo bilem

bilem, tum eam quæ est ex permistione pituitæ, et etiam
 uitellinam, quæ ex adustione. Tertiò, unde deueniat ista
 materia quæ influit. Ex habitu corporis, et propria eius
 temperatura, & etiam ratione uiuendi hoc colligi po-
 test. Primò est calidi & sicci hepatis, & talis natura
 duo solet maximè pati: primò, quòd in uentriculo gene-
 rantur plurima excrementa pituitosa: cum enim habeat
 graciles musculos abdominis, & inde priuatur instru-
 mento calefaciente uentriculum, & sic plurimæ pitui-
 tosæ superfluitates generantur propter imbecillitatem
 uentriculi, & coctio uentriculi fit elixatione, id est, hu-
 mido calore, non sicco, & præternaturali. Et conque-
 ritur ipse quòd habeat tarditatem concoctionis, & cum
 sit concoctio diminuta, erit ex frigidityte. Quoad he-
 par, est calidum, & hoc clarum ex pruritu & habitu
 corporis, & usus est multis exercitijs & nimis poten-
 tibus, & uixit in otio, unde aggregati multi humores,
 qui non potuerant dissolui suo consueto exercitio: præ-
 terea Medici malè eum curarunt, mittendo in tēpore ca-
 lidiſſimo ad Thermas. Et licet bibit aquas de Villa, quæ
 sunt frigide, tamen Gal. dicit quòd omnes Thermæ exci-
 cant, licet sint frigide. Item totum cerebrum est dedu-
 ctum ad dyscrasiam ex illo stillicidio, ut Gal. 6. de tuen-
 ualet. describit incōmoda illa quæ sequuntur ex intem-
 pestiuo usu illorum, quæ uidemus etiam hīc, ut Gal. in eo
 loco descripsit, scilicet maxima destillatio, & fluxus
 diarrhicus. Hæc destillatio per neruos defluens, facit
 dolores, hepar generat biliosos humores, uentriculus
 frigidior pituitam, & cerebrum etiam catarrhum fa-
 cit, cuius calor consumptus est ex illis embrochis: &
 licet

licet habuerit naturalem temperiem cerebri calidam, ut apparet ex facie Mercuriali &c. tamen ex cōsumptione huius caloris naturalis est factum frigidum, & facta quedam dispositio senilis, ut rectè dixit Excell. D. Quartò, per quas uias deueniat iste fluxus. Dico quòd habet omnes uias, & uenas & arterias latas, quia cor est calidum, est enim animosus. Et est adhuc signum manifestissimum, quia scilicet excernit plurimum de urina, etiamsi modicè bibat, adeò ut mirum sit, & uix uiderim in aliquo tantum urinæ. Et hoc fit propter duo: primò, propter latitudinē uiarum, & aliam causam quam mox dicam. Ergò cū cōcurrunt hæc quatuor, necessarium est talem materiam defluere ad locum. Quoad tabem & consumptionem corporis, unde sit. Ego dicam opinionem meam. Quia cū sit consumptio maxima, & non tantum humidum nutrimentale, sed etiam substantificum consumatur, necesse est quòd uel aliquid sit in membro, ut est uel caliditas in signis, uel frigiditas & siccitas &c. & sic potest accidere corruptio: licet nutrimentum adueniens sit bonum, et sic membra sunt imbecilla, ut non attrahant nutrimentum, & ita fiat atrophia. Vel ista consumptio potius est propter malum nutrimentum & corruptum, demissum ad membra. Dico quòd in hoc corpore & ægritudine, in causa illius consumptionis sunt deprauati humores, quia in hepate sunt calidiores, in uentriculo falsi: & causæ fuērunt plurimæ. Primò caliditas hepatis: secundò morbus Gallicus, in quo quæcunque sit intemperies, semper humores sunt adusti. Et signum est, quia præterquàm quòd maciem & dolorē, habet etiam deprauatissimum colorem

colorem: & talis est color, qualis humor. 4. de tuen. ua-
let. Ergo cum uir ille patiat morbum Gallicum, &
ad sit caliditas hepatis, unde deprauati humores genera-
tur, & generati etiam sunt iandiu, hæc etiam causa est
pruritus. Sed etiam credo quod illa membra calida &
sicca, sint reddita calidiora & sicciora seipsis, et quod
postea sint facta frigida & sicca, ut Galenus, tñ ex pro-
gressu ætatis, tum ex illis exercitijs, Venere, thermis,
&c. Et sic quia extrema membra etiam sunt affecta, ideo
duo concurrunt: primum, deprauatum alimentum:
secundum, membra quæ non recipiunt suum alimentum.
Et quod maximè alimentum corruptum sit in causa hu-
ius exiccationis, habeo signum hoc: quia illa membra,
quæ sunt prope uentriculum & uentrem inferiorem,
non sunt ita exiccata, quia illa membra exaturantur ex
meliore parte alimenti, & ideo illa membra naturalia
non sunt ita affecta, ut membra remotiora. Et hinc se-
quitur, quod non sit illa tabes ex corde. Hoc probo ex
tribus: primo, quia pulsus non est ita durus: secundo,
membra circa uentrem inferiorem non sunt ita affecta:
tertio, in arterijs non est magna imbecillitas. Et cum
Gal. dicat secundo de causis pulsuum, quod in tabe cor-
dis necessario cadit uirtus: ergo non credo quod sit hæc
tabes ex corde exiccato, sed propter duas causas iam di-
ctas. Quoad tertium, pruritus habet facilem causam,
& agnitionem causæ. Nam stantibus, maxima depraua-
tione humorum, & hepate calido, & cerebro & uen-
triculo tali, ut generent plurimum pituitæ, quid mirum?
Nam pituita si aduratur, fit salsa, & potest etiam ex pu-
tredine fieri ista pituita salsa. Duæ enim hæ sunt causæ
putredi-

putredinis pituitæ. Ergo cum hîc sit caliditas ignea, & pituita facile putrescat. fit scabies: & secundum maiorem & minorem adustionem, fiunt illæ affectiones cutis. Et hinc etiam senes facilius patiuntur pituitam, & immedicabilem, quia in senibus sunt plurimi humores falsi & adusti. Habemus igitur causas horum triû symptomatum. His ita se habentibus unum dicā circa Prognosticum. Quoad podagram confirmatam non uideo curationem. Quantum ad humorem affluentem, si possemus corrigere membra mandantia, possemus etiam prohibere affluxum horum humorum. Quoad euacuationem idem dicendum, quia pendet ab eadem causa: & si possemus emendare illa tria membra, fortasse iuuare possemus. Quoad euacuationem, utrum debeamus procedere cum balneis? Et non immerito facta est difficultas & dubitatio inter Excell. Doctores. Quia si possemus nutrire corpus, & augere humidum in hoc corpore, ego crederem quod reliqua etiam faciliora essent. Quæ uia ergo melior? Propositus est & usus lactis, & apertio meatuum &c. Sed quoniam illa humectatio fieri non potest, nisi fiat attractio nutrimenti ad membra, & oportet ut penetret, & ut calor membri qui est elixans augeatur, ideo debet augeri calor membrorum, & corroborari, ne tamen fiant membra ita laxa, ut non possint humiditatem concoquere & dilatare. Et ideo Galenus optimè uoluit fieri balneum, licet balneum difflare faciat. Ideo etiam uoluit quod subito post balneum debemus uel irrorare corpus aqua frigida, uel inungere oleo quodam constipante, ut alimentum retineatur. Et sic ego non uideo quomodo ista balnea possint impedire ope=

operationes nostras: primò, quia corroborant membra, & attrahunt alimentum, & colliquant excrementa, et sic fortasse iuuabunt etiam podagricos dolores, quia illa membra non nutriuntur, sed habent excrementa plurima cruda. Et non semper ista balnea faciunt defluere humores, si non sint humores multi: & quamuis aliquid defluat, potius erit ad bonum. Et sicut Gal. de oxymellite dicit, idem etiam de hoc auxilio dicere possumus, nullum præsidium tam bonum esse, quin habeat aliquod nocumentum. Nolite ergò ita abhorrere ab his balneis. Et sic post balneum applicarem oleum rosaceum simplex, quod confortat, & prohibet, ne corpus resoluitur laxatum per balneum. Sunt etiam aperiendi meatus intrinseci, non extrinseci. De lacte mihi summo opere placeret post euacuationem, sed non mulieris, licet hoc sit conuenientissimum ad alendum, propter salacitatem, quia est salacissimum. Syrupum darem ex sero capriano, & imponderem oxymel, & mel ros. pro corroborando uentriculo. Rhasis dat v. hem. oxymellis. Cassiam laudarem cum syrupo ros. Dari posset lignum, & aqua ligni: sed lignum non sit exiccatum. Primò euacuetur, postea detur lac, & corroboretur calor innatus.

Consult. xcviij. De utriusq; cruris contractione.

LONGA est historia rei, sed summa fastigia rei sequar. Vnum est summum & præcipuum quod habet hæc nobilissima Domina, & hoc considerabimus diligenter, & reliqua omnia sibi inuicem succedent ex hoc re
ctè

Estè considerato. Primum est, quòd habet contractionem in utroque crure, quòd non possunt se extendere. Item habet imbecillitatem, quòd non potest se sustinere, & manere in illo situ. Et ita sunt hæc duo, imbecillitas, & illa contractio. Accedit tertium, & est diminutio sensus circa crura: & dicit, quòd si quis tangit illam in crure, uidetur sibi quòd tangat rem alienam, & non suam carnem. Hæc tria sunt considerata, secundum suas formas & causas. Quoad contractionem, quæritur, in quo genere morbi sit collocanda. Habet quidem hæc contractio complexionem corruptam, sed principaliter affectio est in compositione, & uitiata est præcipue figura scilicet ipsius nerui: cum enim debeat esse longus, est decurtatus, & ita amisit propriam formam. Et cum in longitudine corrupta sint uitia, quæ ad quantitatem pertinent, & etiam ad figuram, cum est correpta & abbreviata chorda, ita quòd nihil est amissum de substantia, non possumus dicere quòd sit uitium in quantitate, sed in figura, quia neruus est decurtatus. Secundo, imbecillitas sensus est actio læsa. Huius autem symptomatis causam, id est, morbum oportet inquirere. Huius actionis læsæ ratio formalis est ipsa frigiditas, quia sensus est diminutus: diminutio autem fit à frigido, corruptio autem à calido. Tercio, imbecillitas uirtutis sustentatiuæ, quemadmodum est naturale officium in ambulando, est etiam actio læsa, & habet suam ægritudinem. Reducenda igitur ad idem, scilicet ad frigiditatem, secundum principium suprà dictum, quod omnes actiones diminuuntur à frigido. Ergo illa frigiditas facit, quòd uirtus illa motiua & sensitiua non potest deuenire ad locum, siue spiritus, siue uirtus

uirtus transmittitur, de quo nunc non disputabimus. Ergo hæ sunt essentia & causæ formales huius morbi. Nunc uidendæ causæ & coniunctæ seu propinquæ, & remotæ horum morborum, & tunc statim apparebunt indicationes curatiuæ: hæ enim sumuntur à natura rei rectè agnita & percepta per suas causas. Causam propinquam contractionis crediderim ego, quòd sit aliqua materia frigida, quæ per longum tempus in loco frigido crassèfacta est & indurata, ut & hoc mane diximus, quia materia illa secundum diuersitatem locorum & efficientium uariè afficitur. Nam quando hæc materia deuenit ad medium musculi, facit abscessus: si ad caput musculi, facit conuulsionem seu spasmus: quando autem deuenit ad chordas ultra musculum, nō facit acutum dolorem, nec conuulsionem, & motus illos spasmosos, quia sensus in chorda non est ita acutus: sunt enim chordæ ordinatæ à natura, ad motus fortissimos obeundos, ideò habent ligamenta plurima, & habent etiam chordæ nervos obtusioris sensus. Et hinc nervi ad motum sensitiui, qui magis ad medium declinant. Et ideò materiæ deuenientes ad chordas, faciunt quidem deprauatam figuram, sed non motus conuulsuos, & sic fit quasi quidam abscessus in chordis. Nam primò imbibitur materia pituitosa, quæ in principio est subtilis, sed propter frigiditatem loci congelatur: si enim materia in intestinis existens ita congelatur, ut fiat quasi tophus & crystallus, quanto magis in chordis tam frigidis poterit talis materia indurari & congelari? Nam illa induratio & congelatio tam à frigido, quàm à calido fieri potest, ut sæpe iam dictum est, & hoc obseruasse multum refert ad

cu

curationem. Materia ergo illa ad chordas ueniens fuit indurata & congelata, & inde chordæ illæ sunt factæ breuiore, sicut & in citharis chordæ cum imbibuntur aliquo humido, corripuntur, & etiam franguntur. Ita fit & chordis in humano corpore. Cum ergo chordæ corripuntur, contrahunt membrum, quia chordæ terminantur ad ipsa ossa, ut illa moueant, & sic etiam fit contractio ossis ad suum principium, quia chordæ intrinsecæ ab illo humore imbibito sunt factæ breuiore. Hæc est causa proxima & coniuncta illius contractionis sustentatiue. Proxima autem causa imbecillitatis illius sensus, & uirtutis sensitiue, est eadem illa materia frigida. Nam Gal. 5. de loc. affect. teste, cum materia illa deuenit ad nervos cutaneos, impeditur sensus, & non motus: & contrà euenit cum opposito modo contingit. Hæc autem materia propter suam multitudinem non solum in chordis est, sed etiam deuenit ad nervos deferentes cuti sensum, & inde uirtus sensitiua debilitatur ab eadem causa frigida & humida, secundum diuersas partes. Et hoc quantum ad causas formales & materiales proximas. Sed quæ sunt causæ remotæ, quæ fouent has causas propinquas? Et hic est ingens chorus, & uidentur omnia membra conspirasse in perniciem huius mulieris. Audiui quod hæc mulier, antequam traderetur marito, fuit sanissima & boni habitus, & nullam plane habuit ægritudinem aut læsionem, nisi quod in brachio aliquando habuit abscessus, qui per se euanuērunt: unde ego potius iudicaui eius sanitatem, & bonam corporis constitutionem, quam aliquam infirmitatem, quia abundauit plurimo sanguine, nam expulit superfluum: &

hoc patet ex eo, quia facile materia illa resoluebatur: ideo non fuisse materiam illam malignā, sed laudabilem, aliās non tam statim recessisset talis abscessus. Nullum itaq; membrum in ea fuit laesum, quia nulla operatio fuit laesa, sed optimē exercere potuit omnes. Et ideo non possum dicere, nec cerebrum, nec uentriculū, nec ullum aliud membrum in ea affectum fuisse. Postea autē tradita uiro secundum omnē dimensionem magno & robusto, & fuit puella xiiij. annorum, quae adhuc crescebat (Arist. uoluit puellas non debere nubere ante xvij. annum, & adolescentes ante xxviiij.) Cum ergo in illa aetate crescente emisserit semen, cum ipsa adhuc indigeret illo semine ad proprium nutrimentum, & fuit coacta illud quod sibi erat necessarium, excernere, & etiam concepit, unde est infrigidatum corpus, quia foetus attraxit sanguinem pro sui nutritione, & etiam post abortum nō est bene purgata: non ergo mirum si uterus affectus est, & totum corpus exinanitū. Et uideo illam habere membra parua, quasi non peruenire potuerit ad perfectam magnitudinem. hinc igitur maximē uterus est affectus, & hinc habet fluxum menstruorum alborum, & uarias etiam post abortum habuit aegritudines. Vtero autem cōsentire & uentriculū & cerebrum, notum est Excell. uestris. Nam & oesophagus, & os uentriculi, et cor, conuelluntur & afficiuntur propter uterum: nam uterus consentit cordi, & propter multas arterias, & etiā mediante ore uentriculi. Et sic credo ego quod principalis affectio est uteri uitium, quia uterus primò laesus est, antequā alia membra afficerentur, ut suprā dictū est, & maximē cum in febre secaretur ei uena, & punctus

Atus est neruus, unde secutus est spasmus, & conuulsio in brachio: & conuulsio quidem curata est, sed neruus non est curatus, permansit enim imbecillitas illius nerui, ita quod adhuc in omni plenilunio & nouilunio (quia tum luna dominatur humoribus, et in his temporibus maximæ fiunt mutationes) fit illa contractio, ex motione scilicet humorum, quæ fit in his temporibus ad illum locum debilem. Et hîc diligentissimè erit unum attendendum: num etiam sensus interior labefactetur. Et audio tum ex fratre eius, tum ex alijs, quod circa finem conuulsionis accidit ei ab alienatio & deperditio sensus: id quod ego diligenter noto, & est etiam notandum: & dico hîc nullo pacto posse esse epilepsiam, quia epilepsia est spasmus uniuersalis corporis, & ita differt à spasmo, quia est motus uniuersalis, et facit uniuersalem contractionem, & non in aliqua parte: sicut & apoplexia est in toto, paralytis in parte: proportionantur enim sibi hæc. Ergo cum hîc sit contractio tantum unius membri, scilicet brachij, & non totius corporis, et in epilepsia in principio amittitur sensus, in fine autem redit sensus, propter obstructionem quæ pedetentim resoluitur: in hoc autem casu in fine fit deperditio sensus, ergo dico quod non potest esse epilepsia. Et ego sæpe uidi, & puto etiam uos hoc obseruasse, quod omnes qui patiebantur spasmos ex uulneribus, quod delirabant in fine, & amittunt sensum cerebri, propter magnum consensum illius membri cum cerebro. Fit autem hæc deperditio sensus in fine, quia deterrentur, & fit aliqua resolutio spirituum, et sic amittitur sensus in fine. Si esset epilepsia, magis deberet fieri in principio, quia tunc obstructio

maior: ergò credo quòd sit mera contractio & conuulsio. Sunt ne aliæ causæ & remotæ illius contractionis in cruribus etiam? Dico quòd est & cerebrum & uentriculus, et sic totum corpus refrigeratum, unde pituita in uentriculo multiplicatur propter frigiditatem. Item cerebrum generat pituitam et catarrhum propter frigiditatem. Et quia antea fuit calidum & siccum cerebrum, nunc autem frigidum & siccum est, et ideo parum dormit: & diximus sæpe, quòd cerebrum frigidum & siccum facit maxime catarrhos, si quid aliud. Et sic uidetis quemadmodum omnia membra naturalia conspiciunt in hoc, & facta est non solum mala complexio hic, sed etiam compositio uitata: nam est ibi tumor & tensio circa hypochondria, et sic non mirum fieri hæc symptomata. Et sic uidetis quomodo ratione eorum quæ supra proposuimus, omnia dicenda erant, & causæ propinquæ & remotæ. Nihil dicam de medicationibus malis, quibus hæc mulier afflicta est.

DE PROGNOSTICO. Dico quòd difficilis erit cura. Hippoc. de morbis mulierum dicit, quòd menstrua alba ultra sex menses non curantur, quia totum corpus in his in frigidatur, et tabidæ fiunt, et nunquam habent sanguinem, & facies earum apparet semper plena quodam mucositate, et oculi sunt his concavi, et uidentur habere quendam circulum nigrum, propter paucitatem spirituum & boni sanguinis. Item cerebrum & uentriculus sunt affecta. Et sic uidetis in qua difficultate sumus. Quoad curam, intentio principalis est, ut possit seipsam erigere & ambulare: ideo illa contractio erit remouenda: sed hoc fieri non potest, nisi remoucantur materiæ & causæ

Et causæ propinquæ. Hæ autem nō remouebuntur, nisi prius remotæ remoueantur, id est, mala complexio membrorum. Ergo sunt alteranda membra, et etiam totum. Hoc autem fieri non potest, nisi prius euacuetur totum. Et secundum resolutionem sequitur, quod ab illo incipiendum, quod ultimò inuentum est. Primò ergo euacuanda materia pituitosa, et prius incidatur et abstergatur et præparetur, ut cum syrupo ex aceto forti, et alijs incidentibus et calfacientibus, ut Byzantinus, quo miror cur Medici nostri non utantur. Euacuatio potest fieri cum Agarico, et alijs in quibus ingreditur Agaricum, uel pillulæ Coccie, aggregatiuæ, confect. Hamech, Hiera Logadij, Hiera Archigenis, prout est parata. Euacuato capite, si uidebitis quod materia deueniat à capite, quamuis ego non quærerem multam euacuationem capitis, ne magis exiccarem caput, et sic maiores inducerem uigilias, igitur non multum laborarem circa caput, ut ingenuè fatear, et puto etiam caput non esse ualde affectū. Et licet aliquæ distillationes defluant per nares, tamen credo quod hoc potius fiat per consensum inferiorum partium, quàm quod sit ibi multa materia, et quod generetur ibi multa materia ratione cerebri. Tandem tingantur membra inferiora cum aquis Apponitanis, quia calefaciunt et exiccant. Item abluantur hoc balneo: et si timemus superfluum resolutionem, interdum apponatur aliquod molliens, ut adipes, non cum Diaquilon, quia sunt in eo quædam gummata, quæ nimis sunt fortia. Accipite oleum Amygdal. dulcium, uel butyrum recens: hæc enim non sunt inueterata, ut de his possimus esse certi. Item laudo lutum magis quàm:

foureas: quia quò materia est densior, eò magis influit & hæret magis: sicut etiam amara magis aperiunt quàm acria, tamen propter motum, alias magis acria aperirent, quia calidiora.

De dislocatione & contractione
sinistri curis.

LICET patiat in utroq; crure, nihilominus quia sinistrum longè magis est affectum, & trahere uidetur ad se totam curationem, ideò de eo prius agemus. Circa sinistrum crus uidemus duo: primò contractionem neruorum & chordarum, secundò quandã dislocationem leuem fibulae circa partem exteriorem cruris. Difficultas circa fontem huius morbi est, qui iudicat totam curationem, ideò natura morbi inquirenda, quia ab hoc pendet omnis indicatio agendi. Natura autem morbi cognoscitur per suas causas proximas, ut omnia: nam natura cõsistit in materia & forma uniuscuiusq; rei. Videmus dislocationẽ & contractionẽ: quæritur, utrum contractio proueniat à dislocatione, an contrà dislocatio à cõtractione, uel an utrunq; seorsum se habeat, ita ut nec dislocatio sit causa contractionis, et contrà. Dico quod sentio. Credo non esse necessariã consequentiam, ut sit facta contractio ob hoc, quia os sit dislocatum: quia uidemus sæpe ossa esse dislocata, et non esse contracta, sed habere situm membri in linea recta: et hoc sæpius uidemus. Deinde uidemus etiam sæpe fieri contractionem sine aliqua dislocatione ossis. Deniq; & hoc etiam sæpe uidemus, membra scilicet quædam contrahi, in quibus nulla planè apparet dislocatio ossium. Ergò non uidetur sequi necessariò alterum ad alterum, sed sunt separata, & hæ-

Et habent proprias causas : sunt tamen ita, quod facile alterum consequatur ad alterum . Quod autem non fuerit facta dislocatio à contractione in hoc casu , uidetur ex hoc , quia habuit brachium contractum , non tamen dislocatum fuit . Ideò cum contractio fuerit in brachio sine dislocatione, credendum quod in crure etiam fuerit contractio facta sine dislocatione. Et si est dicendum, alterum esse causam alterius, potius dicerem contractionem causam esse dislocationis , quæ est in parte extrinseca. Et huius rei habeo coniecturam hanc: nam contractio incepit in brachio eiusdem lateris, et dislocatio est in partibus exterioribus. Materię autem semper exteriorem partem occupant, cum descendunt à superioribus ad inferiores musculos & chordas , ut etiam in sciatica uidemus : nam in hac semper est dolor in exteriori parte , inde etiam dicitur uena sciatica illa quæ est in parte exteriori . Sed si sit descensus in interiorib. partibus, & interiora membra afficiuntur , semper decumbit nocuumentum ad partem intrinsecam , ut in affectibus interni uentris semper partes interiores offenduntur . Et ita si alterum esset dicendum esse causam alterius , tunc dico quod potius contractio illa quæ facta est in chordis musculorum extrinsecis, remouerit os illud fibulæ à proprio situ . Cum enim chordæ alligentur ossibus mediantibus ligamentis, quando retrahitur chorda, simul retrahitur etiã quod adhæret: si adhæret os & trahitur chorda, ergo & os trahitur ad eundem situm . Et cum contractio fuerit in parte exteriori magis , et os quoq; luxatum est in parte exteriori, dicerem ego contractionem causam fuisse, ut etiã facta fuerit dislocatio. Non tamen

nego quòd ex dislocatione ossis distorquentur omnia uasa, & fiat obliquatio neruorum, & sic per consequens aliqua contractio, sed tamen ea est exigua. Ista autem contractio quæ hic est, plurima sanè est & maxima, & non potest esse ex sola dislocatione ossis, quæ admodum exiguam facit contractionē. Et ex his concludo & credo, contractionem hanc non pendere ex dislocatione. Et sic habemus morbum. Causa. Contrahuntur muscoli, quia aliquid est in capite musculorum, ubi maximus est sensus, & ideo fit acutissimus dolor à quacunq; uel inflammatione uel alteratione temperaturæ, siue exiccantur, siue humectentur nimium illi muscoli, siue mordicentur: unde fiunt tres illæ species spasmi, quamuis Galenus nō uideatur ponere nisi duas, tamen 8. κατὰ τόπους tertium spasmum ponit ex mordicatione rei acris siue materia, quem uocant non proportionatum ad materiam. Fiunt igitur spasmi ex tribus istis causis: est enim uel materia contrahens caput musculi, et implens, & extendens, aut quia exiccetur, aut quia mordicetur à re mordente, ut à ueneno &c. Non credo membrum contrahi ab aliquo istorum, & ideo potius dicerem quòd hæc conuulsio quæ ab his tribus causis, facit quendam motum, estq; cum motu quodam præter uoluntatem. Hic autem in hoc nostro casu nullus est motus, ergò non potest dici spasmus uel conuulsio, quæ est quidam motus deprauatus, & à re præter naturam factus. Ergò, quia non habet formā spasmi, non est dicendus spasmus hic affectus. Hic est contractio quedam, & sæpe contrahuntur membra sine spasmo, quando scilicet non in capite musculi, sed in chordis est materia pituitosa, quæ abbreviat chordam,

dam, & induratur ibi materia, unde non possit extendi chorda, sed fit breuior, & tendit ad suum principium. Non autē est tantus dolor, quia chorda non est tam magnæ sensibilitatis ut nervus: plura enim habet ligamenta quàm nervus, & ideo non ita sentit, ut caput musculi: & etiam, quia iam facta est intemperies, & est in habitu, ideo nō fit amplius dolor, quia materia iam est quiescens, & infixa, ac imbibita, ideo fit illa contractio sine motu & dolore: & cum chorda ita contrahitur, contrahitur etiam os, & nō potest fieri linea recta. Et tales contractiones sæpē contingunt etiam in alijs partibus corporis, ut in collo: & plures uidi, qui haberent tales contractiones per totum tempus uitæ suæ, sine omni dolore. Credo igitur quod hæc cōtractio est facta in crure propter humorem frigidum pituitosum descendentem ad illam partem: & non est mirum, quia fuit & catarrhus primò ad partes gutturis, secundo descendit ad brachia, tertio ad crura, quia grauis est proprium descendere, & factus ibi tumor & contractio, qua nunc laborat. Successit dislocatio, siue à cōtractione chordarum extrinsecarum, siue habeat causam propriam: nam dum descendit materia, relaxat, & in iuncturis facit luxationes & lubricationes, & ligamenta etiam imbibuntur illo humore, & ipsa etiam relaxantur, et hinc fit illa lubricatio. Cum enim antea ibi sit pituita tanta, quanta requiritur pro motu faciliter obeundo, si hæc pituita sit nimis multa, relaxantur illæ iuncturæ, et maxime si succus crudus aduenerit. Vnde illi in quibus redundat pituita circa partes, ex sola lubricatione pedis, incidunt in dislocationes maximas. Ego noui nobilem matronam Venetijs,

Venetijs, quæ ex solo casu in terram dislocavit ossa genu & totum crus: est pituitosa & pinguis mulier, & redundans humiditatib. Et hæc est causa, materia est indurata, et congelata pituita in illis partib. Induratur autē pituita uel propter frigus comprimens & cōgelans, uel propter caliditatem resoluentem & excoquentē. Ego magis credo materiā hīc induratam esse propter frigus congelans, quia materia est in frigido loco, scilicet iunaturis & chordis, ideō materia est exiccata & indurata à frigido, et non à calido: & hoc præscire plurimū cōfert ad curationē. Et credo quōd hic uir habeat hunc morbum planē disproportionatū suæ materiæ & naturalis temperamento: est carnosus, habet amplas uenas, musculos robustos et magnos, et ita credo quōd habeat insignē caliditatem hepatis, et sic nec ratione temperaturæ, nec ratione uitæ, quia habuit plurima exercitia, potuit aggregare pituitā multā: usus enim uictu exiccante in naui, ut pane bis cocto, uino fortissimo, quib. solent uti in nauib. quia diutiū durant, & sic potius generati humores adusti quā frigidi. In altero crure habet ulcera, & hoc est proportionatū suæ naturæ & complexionī, quia est color niger, et ulcus est subnigricans, habens crustā exiccātā, quia ex adustis humorib. Et hæc ulcera & intemperies occupauit partē dextram seu crus dextrū, cū tamē si ab extrinsecis causis habuisset ortū hæc exulceratio, potius in parte sinistra esse debebat: quia ibi erant cōpedes, et dolor attrahens, & membrū debilius. Sed quia membrū mandans est in parte dextra, scilicet hepar generans hos humores adustos & acres, ideō est illa exulceratio facta in crure dextro, propter
situm

fitum membri mandantis, & symbolum cum hepate. An possit curari? Vbi materia est indurata, & facta tanquā lapis, & in loco frigido, scilicet iuncturis, difficile resoluitur & non bene patitur emollitionem aut resolutionē. Locus est frigidus, profundus, materia inobedientissima, casus non facilis: credo tamen quod aliquid poterit inchoari. Sed cum quibus? Intentio principalis est, ut resoluetur illa materia in illis partib. contenta, alterare membra: & hæc esset uera curatio. Sed hoc non potest fieri, nisi alia primò fiant. Nam resoluentia magis indurabunt materiam, extrahendo omne illud quod est tenue & humidū: ideò primò erit materia illa humectanda cū calefacientib. quia congelatio facta à frigido. Resoluentia enim adhibita ante mollificationem, magis petrificabunt materiā, & fient deinde tanquā lateres, qui nec à calido nec à frigido resoluuntur. Ergò secunda surgit intentio, scilicet mollificatio. Sed hæc duo nō possunt fieri, nisi habeamus corpus mundum: nisi enim hoc fiat, plus demandabitur ad partē lesam, q̄ resoluamus & mollificemus: resoluentia enim plus attrahent, et mollificantia plus præparabunt, & ita plus affluet quàm resoluetur. Sunt itaq; quatuor intentiones in hoc casu, et quod ultimò inuentū est in resolutione, primū erit in executione. Primò ergò exquisitè euacuetur ab uniuerso corpore humor maxime peccans, pituitosus scilicet, quem humorem magis timemus. Hoc autem non possumus, nisi præmissis concoquentibus. Queritur, an conueniat syrupus acetosus, & alij confecti ex aceto. Videtur enim q̄ non, quia acetum nocet neruis ex duplici causa, et quia mordicat, & propter complexionē suam, quia est frigidum.

Dico

Dico quòd acetosa illa non perueniunt ad locum affectum. Mesue dicit, quòd syrup. acetosus facit penetrare medicinas ad ea loca, ad quæ aliàs non penetrarent. Et Gal. 3. κατὰ γένν dicit, quòd si nerui sunt uulnerati, & in profundo, quòd tum cum alijs medicamentis admiscē dum sit acetum, quia, iuuabit penetrationem aliorum medicamentorum: & dicit ibi Gal. quòd acetum amittit in transitu uires suas acres, antequàm accedat ad neruos. Dico igitur, si acetum amittit uires suas in tam paruo tràsttu, multò magis amittet uires si per os sumatur: longa enim est uia per uentriculum, hepar & cet. antequàm ad neruos perueniat, & sæpe mutatur & alteratur: & ideo possumus uti aceto in affectionibus neruorum, & syrupus acetosus optimè conuenit. Et utinā syrupi nostri essent magis acetosi quàm sunt, sunt enim ferè dulces plus quàm acetosi. Commiscerem mel ros. cum syrupo acetoso, qui conuenit & uentriculo, & impedit mel, ne corrosionem faciat acetum. ʒ i. mellis rosati & ʒ i. acetosi syrupi cū decocto Betonicæ & Iuæ, propter neruos. Pro euacuatione darem Agaricum, et in quibus ingreditur Agaricum, ut pillulæ Coccia, aggregatiuæ, trahunt enim à iuncturis. Diaphoenicon nō exhiberem, quia non est in eo nisi Turbith & Scammonea, & in eo est nulla uis ad humorem pituitosum: nihil enim operatur Turbith, nisi ei addatur Scammonea, & tandem turbat. Ego aliquando uolui facere periculum, & exhibui ipsius Turbith etiam correcti cum Gingibere & sine Gingibere, ʒ. iiij. & etiam ʒ. iiij. in uarijs corporibus, & nihil eduxit, sed tantum fecit conurbationes. Mesue dicit, Turbith albi gummosi: ubi habebis

bebimus hoc? nostrum est siccum, & merum signum, et abhorreo ab hoc. Pillulæ magis essent conuenientes. Darem Agarici præparati 3 ij. cum Cassia: item confect. Hamech. Et purgetur bis, ter, & sæpius, si opus fuerit. Quoad localia, primò est molliendum, quia materia est congelata à frigore, ut suprà dictum est, non à calore, ideò potest recipere curam. Si à calido esset materia indurata & petrificata, non posset curari. Ergò primò molliatur materia, cum moderato calore colliquante, & non resolvente: quod colliquatum est, oportet moderatè resolvere: & hæc per uices applicentur, excedatq; potiùs mollificatio ipsam resolutionem quàm contra: & hæc permisceantur: magis tamen placet mihi quòd seorsum hæc applicentur, & uincant semper mollificantia: nam uitium in resolutione est incurabile. Et placet mihi quòd semper usus est pinguedine humana, quæ moderata est, non resoluit, sed mollificat tantum, & bene factum est. Primò procederem cum mollificantibus primi gradus, postea cum mollificantibus secundi gradus. Myrrha, Ammoniacum, Hyssopus humida, Crocus &c. sunt mollientia in secundo gradu: & in his sæpe erramus, quia non possumus metiri quantitatem: & hæc antiquata, efficiuntur resoluentia, & acquirunt calorem: ideò tutius est, ut permaneamus in mollificantibus primi gradus, ut est adeps porcinus, oleum Chamæmelinum: decoctum Althææ, Maluæ, Liquiritiæ, sem. Lini, Fœnuigræci. Hæc ferè accedunt ad secundum gradum. Primò fiat decoctum ex Camomilla, Malua, Althæa, Liquiritia, & fomentetur locus cum spongia, postea illinatur cum oleis istis. Ad penetra-

tionem

tionem posset apponi modicum Croci, & lana humida
molliri locus per sex dies: postea per unum diem facere
resolutionem, ut cum Pyrite lapide, quod Gal. dicit es-
se magicum quiddam: & sic longè maior erit mollifica-
tio quàm resolutio. Loco Pyritidis accipiatur lapis Mo-
laris. Si uellet tentare balnea S. Bartholom. optimè cõ-
uenirent. Montagnana scribit de quodam Cardinale,
qui erat totus contractus, & quandiu fuit in hoc bal-
neo, extēdebat omnia membra, & tandem curatus est.
Et nos habuimus hīc puellam Dalmatam xvij. annorū,
quæ tota contracta fuit, & sanata est perfectè, & iam
nupsit uiro. In altero crure utatur primo alterantibus
locum. Primò fiant abstergentia ulcus ex Lapatho, Hor-
deo, Plantagine & Balauistijs: decoquerem hæc in a-
qua ferrariorum, uel alia aqua, & facerem lotionē cru-
ris & ulceris: post lotionem exiccarem locum, & acci-
perem postea succum Solatri cōtritum in mortario plū-
beo cum pistillo plumbeo, donec fieret solidior, & face-
rem linimentum, & linirem crus. Remota mala tempe-
ratura accederem ad sanandum ulcus, ut est unguentum
de Tutia, quo nihil est præstantius in materijs adustis.

Consult. xcix. De catarrho, cum multis alijs
symptomatis coniuncto.

POSTQVAM diligentissimè audiui historiam casus
nobiliß. Domine, quæ iam decem menses laborat, con-
siderabo præcipua. Patitur tres dispositiones præci-
puas, à quibus multa symptomata consequuntur. Prin-
cipalia sunt, primò catarrhus, secundò mala compositio
in mem-

in membris naturalibus omnibus, tertio extenuatio insignis: ferè est sine musculis, intestina continguntur à cute. Præter hanc gracilitatem habet & insignem tensionem, ut non tactum patiatur, ita dolor est et ægritudo ipsa. Catarrhus propriè in se non est ægritudo, sed in genere fluxus est actio læsa, tamen quia curatur, principaliter ingreditur curam morbi. 1. 2. Therap. Quandoque symptomata trahunt ad se curationem, & habent rationem causæ, & curantur ut morbi, & faciunt indicationes separatas ut morbi. Est ergo primò catarrhus, secundò mala compositio. Tertia ægritudo est febris, quæ est de genere continuarum, licet habeat paroxysmos. Consequuntur fluor alui, præfocatio uteri: macies consequitur ad quemlibet istorum morborum, est accidens quod non trahit curam ad se. Incipiat à catarrho, secundò à mala compositione, & tertio de complexione mala, id est, febre. Vtrum hi morbi se habeant ita, ut unusquisque proprias habet causas, & an uno remoto remoueantur omnia? 7. Aphor. Febres non sunt morbi per se, sunt accidentia aliorum morborum. quandoque negliguntur febres, & curantur ægritudines principales à quibus dependent, ut facimus in pleuritide, ubi tota cura est ad inflammationem. Vtrum hoc modo sint hæc? Dicam prius de catarrho, neglecta febre, qui generatur in capite. Queritur, utrum læsio sit in capite primogenio affectu, an sit læsio per consensum & uel, utrum sit in cerebro nocumentum, ratione cuius sit inductus catarrhus? Naturaliter habuit cerebrum calidum & siccum, ex nigredine capillorum, crassitie, nobilitate omnium operationum: prompta fuit in actionibus, ista promptitudo in-

do indicat caliditatem eius partis, in qua est principium motus. Vnde uidetur calidum esse cerebrum, non expuit, nihil ex naribus profluit. Nam ex calido & sicco concoquitur bene alimentum. Secundò, tale cerebrum est potens in difflando: tertio, aperit uias & meatus, ut fiat facilis efflatio & euaporatio excrementorum. Incidit in catarrhum, cum habeat cerebrum quod in sua natura non erat dispositum. Vnde est colligendum, quòd ad contrarium maxima facta est permutatio. Non possum persuaderi, quòd producta fuerit intemperies frigida & humida, cum prius calidum & siccum cerebrum fuerit, cum manserit in sole & sulphure: utebatur calefacientibus, quæ non possunt inducere intemperiem frigidam & humidam. Frigidum quidem cum calido resoluit humidum, in quo est caliditas, & fit frigiditas: ut in cinere & carbone, frigidus est cinis, & carbo ex priuatione humidi. Non fuit causa aliqua ut humiditas induceretur: bene potuit fieri intemperies frigida & sicca per resolutionem humidi. Cerebrum fuit à natura calidum & siccum: dico quòd successit intemperies frigida & sicca. Vidimus catarrhum frigidum, qui non fuit nisi à causa frigida. Vnde ergò tanta humiditas in illo cerebro, cum sit frigidum & siccum? Omnia corpora frigida & sicca redundant humiditatibus & pituita: ut in senibus, quantò magis fiunt frigidiores & sicciores, tantò humidiores, per uiam inconcoctionis. Credo intemperiem frigidam & siccam in cerebro esse, & talis intemperies maxime subiecta est contumeliæ, si qua alia intemperies. Acquisita ergò illa intemperies cerebri frigida & sicca, est principalis causa & origo huius catarrhi.

Succes

Successerant aliæ, quæ fouerent ex partibus inferioribus, uiuebat ex quibuscunq; cibarijs: ubi debile cerebrum, sufficit intemperies cerebri. Forte & uenter non fuit in bona dispositione: & calidum hepar habuit, unde uenter frigidus redundat excrementis, & sic multiplicatur catarrhus ratione inferiorum membrorum. Videnda ad hæc duo, quæ sunt de essentia huius catarrhi: primum, de substantia catarrhi: secundum, de loco ad quem descendit materia, quod est maximum dubium apud me. Primò de loco uideamus. Loca ad quæ potest defluere catarrhus, primò sunt muscoli extrinseci: secundo, cavitates pectoris: tertio, substantia pulmonis: quarto, aspera arteria. Catarrhus ad quas partes descendit? Non occupat tanquam locum principalem asperas arterias, ita ut ibi moram faciat, nam fieret asthma, quod non uidemus: quoniã catarrhus occupans arterias, cum obducuntur asperæ arteriæ percipitur cantus & clangor, & quando anhelaret, fieret mutus: dum enim transit spiritus, & percutit catarrhum crassum, facit sonitum talem. Vtrum in substantia pulmonis? Absit: nam esset difficultas anhelitus propter dilationem & constrictionem: non haberet anhelitum liberum, esset difficultas magna, pateretur anxietates cordis maximas: cum enim in pulmone conficiantur spiritus uitales, inficerentur à catarrho. Cum pulmo sit putrescibilis ualde, propter humidam substantiam & excrementosam, & mollitiem substantiæ suæ, Æ catarrhus putridus moraretur in pulmonis substantia, generaret ulcus, & deuenisset ad phthisim, quod absit. Non in musculis exterioribus, nam perciperetur dolor ad tactum.

In quo igitur loco? Credo quòd descendat ad cauitatem pectoris. Sed per quas uias? Ex anatome uidemus uias cōmunes à cerebro ad pulmonem non esse, nisi asperam arteriam maiorem. Si catarrhus ad pulmonem tendit per asperam arteriam, in pulmone manebit. Intersunt costæ, muscoli, diaphragma, quomodo ergò transite? Sæpius contingit quòd transit à pulmone, & expellitur à natura fortiore ad cauitatem pectoris, & contrà à cauitate pectoris ad substantiam pulmonis: ut ex peripneumonia fit empyema, quia catarrhus putridus expellitur à substantia pulmonis ad cauitatem pectoris, qui tandem à natura expellitur ex eadem cauitate pectoris ad pulmonem, & expuitur per tussim. Similis est transitus cum materia est in pulmone: est enim leuissima membrana pulmonis. Natura enim sollicita membrorum nobilium, quando ad id peruenit aliqua materia, expellit eam ad partem ignobiliorem, ut ad cauitatem pectoris, quæ longè est ignobilior, quàm substantia pulmonis. In cauitate pectoris facit motum, putrescit materia & excitat tussim, ac tendit ad pulmonem, nō ut ibi maneat, sed ut expellatur. Credo autem catarrhum non solum deuenire ad pectus per pulmonem & putrescere, sed etiam à toto ambitu uenarum uenire materiam ad locum imbecillum: teste enim Gal. 2. de facul. natur. omnes superfluitates desluunt ad partem debilem, & semper aggregatur materia, ut apparet in fistulis & malignis ulceribus quia debile membrum suscipit omnia superflua & excrementa. A toto igitur ambitu corporis deuenit materia, et facit empyema. Quare diuretica cōueniunt materiebus pectoris, quia materia à uenis descendit: & est

est magnus consensus inter uenas & pectus, ideo diuretica conferunt pulmoni & aegritudinib. pectoris. Locus ergo catarrhi proprius in quo putrescit, est cavitates pectoris: descendit partim à capite ad pulmonem, & concavitatem pectoris, partim facto loco imbecillo & suppurato à toto corpore, & multiplicatur ita catarrhus, qui expulsus per tussim ad pulmonem excernitur. Est igitur hæc mulier empyematica, et habet materiam suppuratam in concavitatem pectoris. Quod sit materia putrida, patet ex colore & crassitudine. Est pus, quod duplex est: primo, ex putredine sanguinis non fit, nisi sanguis putrescat, id semper sequitur ulcus. secundo, quando materia pituitosa putrescit, sanguis extra uenas putrescit, et facit pus. Pus pituitæ non ita foetet, quia ipse sanguis putrefactus deterrimus est, et magis foetidus quam pituita putrescens. Ergo est pus non ab ulcere aut putredine sanguinis, sed à putredine pituitæ, & recedit à malignitate puris sanguinis. Sic & pus melancholicum & bilis longè deterior est. Pus istud si esset sanguinis uel aliorum humorum, ulcerasset iam pulmonem propter transitum. Catarrhus in propria substantia quando descendit à cerebro, credo quod sit subtilis, quia est insipidus, et propter subtilitatem transmittitur à pulmone ad pectus, in quo crassescit, putrescit, & resoluuntur partes tenuiores, putridæ, & per uirtutem expulsiuam excitatur tussis, quæ est motus pulmonis, quo reijcit molestiam uel ob intemperiem, uel materiam aliquam existentem in parte membranarum spiritalium, ut in pleuritide, quæ est extra totam cavitatem pulmonis, tamen fit ex ea maxima tussis, cum materia non sit in

X 2 pulmo-

pulmone. Ita hîc quoque. Quomodo transeat materia crassa ex pectore ad pulmonem, non mirandum, cum & in osse pus transeat per poros ad carnem. Non debemus mirari opera naturæ, transit per meatus membranæ & excernitur, quod uix credi posset, nisi esset notissimum omnibus Medicis. Ex quo est etiam illa febris, quia cum putrescat materia tanta in cavitare pectoris propinqua cordi, nō potest fieri quin putridi uapores ascendant ad cor. Et hæc febris pro multitudine uaporum etiam augetur & minuitur. Patet, quod febris è uaporibus putridis, est putrida. Singulis diebus uesteri circa horam xxij. percipit frigus, postea calor succedit. frigus, quia tum excitantur uapores putridi in re putrescente, & ceteræ periodi effumationis, ut in omni stercore apparet, in alijs horis fumat, in alijs non. In eo tempore effumationis propter fumum transeuntem ad cor excitatur febris, imò magis una hora quàm alia. Non est inuentum à Medicis, naturæ secretum est hoc, quare una hora eleuentur uapores præcisè, et non alia hora. Oportet admirari secreta naturæ. Num hæc febris sit putrida, uel an sit etiam febris quæ fecerit maiorē impressiōnem? Credo quod inducta sit hectica: quando longo tempore tango, percipio insignem caliditatem igneam ex tactu, unde tanta extenuatio. Febris præcedens non fuit diuturna, non sunt nisi octo dies quod sentio tantam febrem. Vereor febrem fixam, occultam, difficile cognoscibilem, quando in prima specie hecticae difficile agnoscitur à Medicis per coniecturas cognoscenda, ut Gal. cognouit mulierem suam, quæ erat calida & sicca, & habuit ephemeram &c. Pulsus secundum naturam, caliditas

litas non mordax, non percipit se habere, ideo difficile cognoscitur. Tres sunt species. prima, quando absumitur pinguedo tantum: secunda, caro: tertia, cor, & illud quod continet membra. Prima & secunda secundum Auic. difficillimæ sunt cognitionis: tertia ab omnibus percipitur. Dubito, sit ne prima species hectica, & sit consumpta nimis propter febrem continuam, tamen auxilio nunquam quoque liberari à febre. Habemus ergo primò catarrhum suppuratum & putredinem. Putredo est, quia rubedo circa maxillas. Quando putrescit humor circa pulmonē, ut in peripneumonia & empyemate, ascendunt uapores & calefaciunt maxillas, in istis tribus, scilicet in peripneumonia, ulcere pulmonis, & empyemate. Primò est catarrhus, putredo, et empyema. Secundò, febris putrida & fixa quædam, tensio hypochondriorum, febres sequuntur obstructions: tamen nō credo obstructionem summā hanc, sed catarrhus & febris faciunt debilitatem summā in membris naturalibus: ubi xiiij. diem transit, facit debilitatem. Descendit etiam pars catarrhi ad uentriculum, unde male concoquit, percipit rugitus, mala item compositio & complexio frigida est in membris naturalibus, cuius signum uentositas, gracilitas extrema, & consumpta pinguedo tota: unde suspicor esse hecticam. Fluxus item sequitur, ubi febris permanens & suppuratio in pectore debilitauit calorem innatum ut iam succumbat, & sequantur fluores alui, longæ aegritudines, & pleuritides quoque ubi tendit ad suppurationem, & mortalis est. Ex his quæ proposui, uidemus quā sit timorofum.

CVRA. Multa essent quibus indigeremus, & quæ faceremus.

ceremus. Primò oportet ut prohibeamus catarrhum descendentem. Secundò, ut quod in pectore, educeretur, & confortaretur pectus ne reciperet, refrigeraretur febris, confortarentur membra naturalia. Catarrhus sistitur cum rebus ualde siccantibus s. Meth. Ad tria reduco totam curam: primò, ut sistamus catarrhum: secundò, ut confortetur pectus: tertio, ut occurratur omnibus humoribus. Sunt ista tria uehementissima. Primò circa caput, uesticetur totum caput ut dissoluatur catarrhus, ut exeat extra cutem, & non fluat ad pulmonem, quod non nisi calidissima efficiunt, quæ afficiunt uirtutem, calefaciunt totum corpus. Timorosum in febribus talibus adhibere calida capiti. Secundò, ut euacuemus cum pilulis occijs: C ingrediuntur fortia, ut Scammonium &c. & in magna quantitate. Ego non auderem dare eas hic in fluore alui, imbecillitate omnium membrorum, & febre. Tertium quod fuit, est ut refrigeretur pectus, & utitur ibi Gal. Theriaca noua, et Diaspermation. De duobus primis non auderem, quia nec corpus, nec imbecillitas patitur. Non auderem super uesticatorio, uelim tamen ut unum fieret quod nolui omnino præterire, ut tenderentur capilli usque ad cutim, et uelim imponere pulueres, ex quo non possum caustica ponere, ex Sandaracha, Mastiche, rosis, quæ non calefaciunt uehementer, sed exiccant, et confortant caput ne descendat materia. Esset præsentaneum remedium uesticare, sed nō audeo: nec cerata, retinerent enim usque ad tempus, postea tota materia repente decideret, & repentine suffocaretur. per duos aut tres dies manet, quia suspendit catarrhum, interim multiplicatur, & in termino duarum horarum

pulvis capitis

rarum ex repentina descensione suffocatur. Fiant le-
ues frictiones, ne agitetur caput: exiccetur tantum cum
panno suffumigato, aqua rosacea, aceto & Caryophyl-
lis. Tale suffumigium habeat in cubiculo, & suffumi-
gentur panni, & caput foueatur sine frictione, ut inde
fiat exiccatio. Quando ista non fiunt, interea in tempo-
re quieto haberet stuppam cannabinam, super quam pa-
pyrum exiccatam, & ponat scuphiam, ut semper fiat
exiccatio, & fieret crebra permutatio ex istis. Si febris
cessaret, statim uelim adhibere uesicatoria, quod esset
optimum & praestantissimū ex Cantharidibus. Diasper-
maton esset praestantissimum, tendit ad febrem, & con-
fortat pectus: sed hoc facere non possumus. Laudo bo-
lum Armenum optimum, & aquam Farfaræ & Conso-
lidæ, ut accipiendo boli Armeni puluerizati 3. ij. cum
lib. i. aquæ Consolidæ & Farfaræ, donec tota fieret ru-
bra, & tota uirtus transeat in aquam, phialam agitan-
do: singulis diebus mane & uesperti quando uult dor-
mire bibat 3 i. aut s. aut istius aquæ. Mellis rosati 3 i.
faceret ad fluxum uentris, & corroborat uentericulum,
confortat substantiam pulmonis & pectoris, & corro-
borat cor, ne recipiat illam detestabilem putredinem:
Gal. dat asthmati, & longè magis ubi non est asthma,
neq; facit difficultatem anhelitus: credo quod non esset
deterius remediū quàm Diaspermaton & Theriaca no-
ua. Cauere à Philonio & stupefactiuis tanquam à pe-
ste, ut multi faciunt ad sistendum catarrhum. Neque
pillulas de Opio darem. Vesperti pillulam unam de Cyno-
glossa sine Opio retineat sub lingua, ad sistendum ca-
tarrhum, & roboranda membra. De febre. Auic. si

cum catarrho est febris, non curandum de febre, sed attendat ad catarrhū: febris enim pendet ab eo tanquā accidens: cessante catarrho, cessabit febris. Si esset prima species hecticæ, curaretur tam facile ut scabies: non enim ualde curarem eam, si non esset catarrhus: neque tamen contemnerem. Propter fluorem alui corroborandus uenter, & attendendum refrigerationi corporis. Ptisanam Hordei accipiat, sed in ea cum iure pulli facta ponat aliquid quod habeat uim astringēdi & corroborandi. Gal. imposuit frustum Cotonei, corroborat enim hoc, & conuenit catarrho, & refrēnat lubricitatem Ptisanæ. Mane accipiat ouum sorbile, carnem pulli cōtusam. bibat item mane uinum, uesperī nō. Circa xxij. horam habuit paroxysmum: nunc incipit circa viij. horam: posset cibari ad nonam horam: ad xvij. horam, potissimum autem ad xvij. cœnare. minus cibi serò sumat. Pro fluxu sumat syrupum Myrthinum cum puluere Mastiches intus. Inter syrupum & cibum sit una hora. Quoad confortationem & præsocationem matricis, ungatur cum linimento Mesue. Nollem confortare eam cum oleo liliorum alborum. Circa pectus febris non permittit emplastrum, ne nimium relaxando præcipitaretur materia. Inungerem pectus cum unguento ros. Mesue. Cor confortarem cum his quæ habent uim exiccandi, eo modo tamen ne are scat, cum bolo Armeno in aqua Farfaræ cum melle rosaceo. Curata febre, subito accederem ad uesticatoria, quia oportet attendere catarrho. Pro uentriculo fiat linimentum ex Mastiche, cotoneis, dactylis. Coquantur in uino dulci non potenti, facta forti expressione per cribrum: adde olei Chamæmelini

melini & Absinthij quantum sufficit. Fiat linimentum. Hoc etiam usus est Montanus in quodam, cui tota abdominis pars ita erat exiccata, ut intestinorum uideretur contractio, ut retulit postea Montanus eundo domum.

Consult. c. De difficultate anhelitus, vertigine, ac defœdatione cutis.

CUM sint duo præter naturam: primum, quod sensu tactus non deprehenditur, sed uidetur difficultas anhelitus, uertigo, grauitas capitis, tinnitus aurium cum distillatione: secundum occurrit sensui uisus, & est defœdatio cutis pustularis, & asperitates: hæc itaq; principaliter sunt consideranda, nam de illis maximè conqueritur. Primò, quod apparet sensui uisus, ex colore singulorum membrorum affectiones discernuntur: quæ quidem proueniunt à materia quæ collecta est. Natura materiæ deprehenditur ex colore: uidemus enim pustulas tam in facie, quàm in cruribus & toto corpore, quæ tendunt ad fuscadinẽ, partim rubent, partim nigricant: rubedo circa faciem magis, in alijs partibus nigredo magis. Nonnunquã illæ pustulæ in diuersis partibus erumpentes faciunt suppurationem, & inde exit pus. Consideranda natura ex colore. Sanguis dominatur cum bile, uel sanguine melancholico, erumpens ad cutim. Videndum quo nomine debeat appellari. Medici occupati sunt ualde circa hoc nomen. Ex una partẽ accidens est, hic affectus, ex alia parte ægritudo. Sunt morbi dependentes ab eadem causa secundum ordinem, ab eadem materia, sanguine adusto melancholico. Quidam est uniuersalis, quidam particularis. Particulares sunt, qui occupant

cupant tantum partem corporis, non totum corpus, ut cancri, lichenum omnes species, pendent ab eadem materia, sanguine melancholico crasso. Quædam ab eadem materia dependentes occupant totum corpus, ut elephantiasis, lepra, psora. In isto corpore non est morbus particularis, nam æqualiter occupatur ab ista defœdatione: fit à melancholia cum sanguine, & sic est morbus uniuersalis. Non est elephas: nam elephas habet proprium, ut occupet carnem & ossa: sed ista defœdatio non nisi extimam cutim inuasit. Nec est lepra, nam lepra habet pathognomonicum accidens, ut decidant squamæ, unde habuit nomen, quia squamæ quotidie decidunt. Gal. distinguit psoram à lepra, quia lepra non habet asperitatem & inæqualitatem ut psora. Videmus hinc inæqualitatem & asperitatem cum pruritu, quod psoræ longè magis proprium quam lepræ: unde ponenda hæc affectio sub capite psoræ. Differunt omnes morbi uniuersales inter se, quod ut sciamus, plurimum facit ad curationem. Differunt in crassitudine materie peccantis uel humoris. Humor melancholicus naturalis cum sit humor crassus, fæculentus, non facit nec psoram nec lepram, quia non potest excerni ad partes cutis. Vbi autem subtilis, tenuis, uaporosus, transit ad cutem, sed diffatur propter tenuitatem suam: ubi crassior est non potest exire. Et illa materia est uel quieta, uel mota. Si est quieta, adhæret musculis, & facit lassitudinem ulcerosam. Si mota, & transit ad cutem, diffatur, facit sudores: si non diffatur, facit pruritum, & alia genera pustularum diuersa circa corpus. Si admodum crassa, non exit ad cutem, sed adhæret musculis, occupat partes solidas.

solidas. Si corrumpit ossa, fit elephas. Vbi subtilior est magis declinans ad sanguinem, participans humori pituitoso salso, transiit ad cutim, facile expellitur, non tamen potest exhalare, sed adhæret, & facit lepram & psoram. Psora autem magis habet de humore melancholico: lepra magis ad salsum, & magis æqualiter inhæret, non facit eam asperitatem, quia liquidior & humidior humor facit superficiem æqualem: ubi autem exaruerit, facit squamulas ex humore pituitoso exiccatas, ut sunt in superficie capitis furfures, ubi diffunditur pituita ex capite, & circa cutim exiccatur, & facit squamulas illas. Vnde qui abundant squamulis illis, habent caput ualde humidum, quia pituita cum exarescit, facit squamulas. Psora autem quia fit ab humore magis adusto, facit inæqualitates cutis: proprium enim sicci est 4. Metheor. quod est causa asperitatis, ut humidum est causa lenitatis. In lepra est lenior cutis quam in psora, quæ dependet ab humore melancholico, qualis hæc est, non tamen ita crasso ut faciat elephantem, sed tamen crassiori quam ut faciat lepram. Humor diffusus in toto corpore non est æqualis, admixta est pituitosa materia & sanguinea. Non igitur mirum, si ea materia humida putrescat & faciat pus, & apparent pustulæ quæ à Græcis psudraciæ, ab Arabibus Saphah uocantur. Hæc est natura morbi quantum ad causam formalem: quantum ad causas efficientes, sunt intrinsecæ & extrinsecæ. Membrius quod generat omnes humores, est hepar: ad hepar ergo referenda causa efficiens, tanquam ad membrum principale, quod secundum propriam temperaturam generat humores. Si moderatè calidum est, sanguinem generat: debile autem

tem

tem & humore melancholico, facit quantum opus est: si maior caliditas, & hepar calidius sit quam par est, plus de bile generatur, et appellantur tales cholerici, in quibus propter caliditatem hepatis generatur plus de bile, quam de reliquis. Vbi intenditur caliditas & minuitur humiditas, generatur humor melancholicus. In paracmastica ætate calidi & sicci fiunt melancholici adusti, quia acquiritur caliditas ex diminutione humiditatis, non generatur bilis, sed humor melācholicus. Hoc hepar est supercalefactum, & uidetur à primo ortu tale esse quod exceßerit notabiliter ad calidum, per siccū & humidum non multum. Qui habent caliditatem solā, absque passiuarum excessu, plurimum carnis generant. Qui calidum & humidum, abundant plurima pinguedine. Probabile est quod fuerit calidum naturaliter, absque excessu humiditatis & siccitatis, temperatū in passu, redundans in calido. In habentibus autem symbolum, facilius est transitus: generauit sanguinem biliosum, deuenit ad paracmasticam ætatem, potuit generare plurimum humorem melancholicum. Accedunt aliæ causæ non corporeæ, sed extrinsecæ. Fuit conditionis talis, in qua habuit omnia, quæ potuerunt supercalefacere hepar: bibit uinum potentissimum. Credo quod natura ipsa usus fuerit cibarijs salsis & acribus, quæ supercalefaciunt hepar suis qualitatibus primis. Alimenta præter calorem auctum potuerunt generare humorem melancholicum: nam à calore igneo & immoderate se habente, per se generatur plurimus humor melancholicus: si accedat secundum, scilicet alimentum generans melancholiam, potentissima erit causa aggregandi humores

mores melancholicos. Habuit insignem caliditatem hepatis, & in παραχρη multo magis auctus calor iste est, tum modo substantiæ cibi melancholici. Nisi fuisset adiumentum naturæ per influxum hæmorrhoidum, incidisset non in psoram, sed in elephantiam. Materia continuo expurgata fuit per fluxum. Qui subiecti sunt huic fluxui, liberantur ab omnibus humoribus melancholicis. Potentissima causa in hoc, cum haberet fluxum, & tamen haberet hunc morbum. Quoad catarrhum, corpus ita paratum est ad catarrhum, stante ratione victus, ut nullum corpus magis opportunum. Talis temperatura corporis mittit vapores ad caput continuo, primo Epid. & tertio de locis affectis. Ab ambitu totius corporis ascendunt vapores, stante pessima ratione victus: & hinc etiam tinnitus aurium, propter motionem spirituum. Catarrhus ex ea parte materiæ est: ubi in cerebro naturaliter frigido. Nam in naturali sua substantia propria, omne cerebrum frigidum & humidum est, sed dicitur respectu calidum, humidum & siccum, cum tamen omnia sint frigida & humida. Ideo cum sit propria natura frigida & humida, condensat vapores, & sic fit catarrhus, & hic facit anhelitus difficultatem, & tussum. Non tamen est insignis læsio adhuc ex hoc catarrho. Pruritus facile curabitur, si modo non patiatur elephantiam. Psora est initium elephantiae: oportet ut ipse sibi sit Medicus. Circa curam duo sunt facienda: primo tollendus morbus factus, secundo causæ quæ faciunt. Morbus factus sunt pustulæ, defœdatio circa cutem, quæ abstergendo mundificanda est: quod non fiet nisi materia remoueat, quæ in toto ambitu uenarum fouet

fouet continuè illam partem. Oportet omninò remouere materiam. Duæ ergò sunt indicationes: primò, ut abstergatur cutis: secundò, ut remoueatur materia. Est tertia indicatio: nam si remoueatur materia & abstergatur cutis, & non remoueamus caliditatem hepatis, et causas efficientes & extrinsecas occurrentes, nihil proderit. Primum ergò est abstergere cutem: secundum, remouere humorem: tertium, alterare hepar: quartũ, regulare rationem uictus. Incipiamus ab euacuatione, sine qua nec alterare, nec abstergere cutem, neque nutrire corpus cibis conuenientibus possumus. Mundificandum corpus cum his, quæ mundificant humores peccantes, scilicet humorem melancholicum, sanguinem & pituitam, quæ redundat ex descensu catarrhi. Accedit portio bilis, redundant omnes quatuor humores. Alij humores coquuntur & præparantur. Sanguis non spectat aliam coctionem, debet euacuari sine præparatione. Facta purgatione humorum in primis uenis cum Cassia, deueniatur ad missionem sanguinis, ut euacuetur principalis humor sanguis, & fiat sæpe. In humore melancholico ubi permixtus est sanguini, iteranda est phlebotomia, & euacuetur per interualla: deinde bene nutriatur, post iterum euacuetur, idq; à basilica. Intentio est non tantum euacuare humores, sed simul alterare membra, quod possumus facere uno remedio, non debemus facere pluribus. In utroque latere secanda uena, & ab utraq; basilica. Secundò fiat euacuatio præcipuè duorum humorum, melancholice & pituitæ. Bilius humor facile coquitur & expellitur. Rhaxis uult bilem non indigere coctione: sed indiget leni coctione
fa=

facili momento coquimus. Maiore coctione indiget pituita & melancholia. Sunt concoctiua in communi usu, quæ respiciunt pituitam, non considerando humorem melancholicum, quem aggrediar postea. Ex multitudine pituitæ obstruuntur uenæ sua uisciditate, & ille humor retinet alios humores ne sint præparati: obstruit quoque. Quando igitur pituita in uenis est cum humore melancholico, non debemus utrumque simul præparare. Pituita indiget incisuiis abstergentibus: humor melancholicus aliquali humectatione, ut fiat facilis ad excretionem: non est uiscidus, sed crassus, qui indiget humectatione. Quæ faciunt ad coctionem pituitæ, non faciunt ad concoctionem ipsius humoris melancholici. In hoc casu inciperem à pituita. Oxymel, & syrupus acetosus incidunt sine calefactione. Non multum calefacerem, ne humori melancholico nocerem. Facienda quæ incidunt lapides & calculos. Vtrum acetum conueniet digestioni humoris melancholici? quanto magis dubitabitur de calefacientibus & exiccantibus. Acetosa conueniunt partibus terrestribus, confringunt calculum & lapides. Darem syrupum acetosum, oxymel cum melle rosato. Euacuarem postea cum confect. Hammech, in qua miscerentur Epithymus & Myrobalani. Et euacuant humorem pituitosum pillulæ de Agarico. Darem Agarici 3.ij. cum 3 i. Cassiæ, euacuat humorem pituitosum, & respicit humorem melancholicum. Quoad humorem melancholicum, syrupum de pomis dulcibus, Saba regis. Decoctum Liquiritiæ maxime cōfert ad humorem melancholicum siccum & frigidum. Item Maluæ decoctio cum iuribus pinguibus pulli: postea

stea euacuarem cum illis decoctis traditis à Mesue. Deinde apponerem Elleborum nigrum, ut in superiori syrupo, non plusquam 3. s. corticum Ellebori nigri: felicissime operatur ter aut quater sine molestia. Quod si detur ante euacuationem pituitæ, lædet, & nihil proderit ista euacuatio. Pituita optime euacuetur. Soleo dare sex uicibus, euacuat quadragies, nisi debilitas accidat, tunc intermitto unam. Facta euacuatione abstergenda cutis. Fieri possunt linimenta ex succo Lapathi, Limonum, Ellebori cortice & radice. Decoquantur cum Malua & Althea in aqua, donec consumatur tota substantia, factis expressionibus. Oleum rosarum recens, Therebinthina, Styrax liquida, magna copia succi Limonum cum Nitro, abstergit omnem defædationem. Peracto illo, queritur nunquid conueniat lotio balneorum? Habent magnam uim abstergendi maculas corporis. Sed dubito ne calefaciant hepar. Ad defendendum hepar sumat duas aut tres heminas seri lactis, et illinatur hepar in frigidante Galeni: conuenit propter hepar calidum. Bibat serum, & ingrediatur balneum. Non dubitarem de supercalefactione hepatis. Aqua marina idem facit, sed nimis calida est. Aquarum dulcium balnea, cum fiunt ex Elleboro, Lapatho, cum sale, abstergendæ cutis gratia. Necesse est deinde confortare: fiat ad contrarium, & in frigidetur hepar. Vltimum est quod tegat se, ac remoueat causas extrinsecas: abstineat ab omnibus calidis, uino calido. Utatur carnibus bonis, frigidis alimentis, piscibus saxatilibus. Marini sunt laudatissimi, quia habent minus superfluitatum, quã aquosi, qui faciunt augeri pituitam, et calorem postea: expe dit

expedit quoque ut pituita non multiplicetur. In partibus Dalmatiæ, Gobij marini optimi sunt, in alto mari. Inter pisces saxatiles, Mugiles, apud nos rari. Admonemus & protestemur, si uult permanere sanus, debet eo uictu uti, & refrigerantibus Saccharum rosaceum cum Rhabarb. 3. i ter aut quater in mense sumat. Hæmorrhoides semper teneantur apertæ: si stringuntur, aperiuntur.

Consult. CI. De Melancholia hypochondriaca.

ERAT sententia Galeni, Magnifici & Excellentissimi uiri, doctissimiq; scholares, in libris Prognost. quod ea quæ possunt breuibus explicari, ualde sit ineptum longius dicere. Ego igitur ero breuior in hac mea oratione, et proponam ea quæ sunt necessaria in casu huius nobilissimi adolescentis. Patitur flatus hypochondriacos, quod non possumus negare, quia & motu percipiuntur, & nos audiuius. Est ibi melancholia, & flatus percipiuntur manifestè: ergo meritò appellatur hæc affectio flatus hypochondriacus. Sed hoc est accidens seu symptoma, ergo consideranda eius causa, & morbus, à quo pendet hoc symptoma. Huius igitur symptomatis quærenda ratio, & ex hac pendent omnia reliqua accidentia. Hic flatus hypochondriacus quoad rationem formalem, est quidam flatus seu uentositas, quæ pendet à quodam humore crasso, ita ut non possit difflari: quia si posset difflari, non faceret rugitum. Ergo pendet ab humore crasso, qui facit ne possit difflari illa uentositas. Nunc quærenda causa efficiens, proxima & remota. Primo, proxima causa efficiens nulla alia datur,

Y

nisi

nisi illa quam dat Galenus 3. de locis affect. cap. de melancholia, scilicet quod est inflammatio & ebullitio circa hepar in regione dextra inter uentericulum & ipsum hepar in ipso mesenterio, ut dicit Gal. ex Diocle. Ergo est quoddam calefaciens hunc humorem, et faciens hanc inflammationem. Sed nullum est aliud membrum in corpore humano quod faciat humores præterquam hepar: unde sequitur quod hic calor proficiscitur ab hepate. Et ex hoc discursu habemus, quod sit caliditas hepatis ignea, faciens hanc ebullitionem. Sed hæc inflammatio est in aliqua materia, quia non solum est inflammatio ibi, sed etiam inflammatum requiritur. Ex caliditate hepatis sequuntur multa. Primo, cum calidi sit attrahere, & continuè trahatur chylus ab hepate per uenas Mesaraicas ex uentriculo, si hepar sit ualde calidum, cum plurimum consumat, indiget continua restauratione, & sic hoc hepar plurimum attrahet de ipso chylo ex uentriculo, & habebit continuè illam attractionem propter suam caliditatem extensiuam, & sic habebit quasi gulositatem quandam, ut uocat Gal. Et hinc accidit quod attrahat chylum ad se non bene concoctum in uentriculo, sed crudum, & trahit eum uiolenter per uenas Mesaraicas. Ex hoc sequitur, quod materia multa, & humores crudi perueniunt ad hepar, & erunt rebelles concoctioni, quia coctio prima non corrigitur in secunda coctione. Et hi humores crudi cum ebulliunt, generant illam inflammationem. Sed hoc non est solum, sed accedit aliud: quia hepar calidum generat plurimum de bile, & ita etiam plurimum de humore melancholico generabitur. Humor melancholicus naturaliter est frigidus & siccus,

Et siccus, sicut & reliquæ omnes melancholicæ species, sed maximè naturalis. Et quamuis lien attrahat ad se humorem melancholicū separatum, & generatum in hepate, tamen non potest lien tantū trahere quantum generatur, & ita humor melancholicus retinetur in hepate: unde hic humor melancholicus naturalis frigidus & siccus, miscebitur cum illo humore crudo. Et ita sunt hic duo humores facientes hos flatus, & qui aptissimi sunt ad generationem flatuum utriq;: et hinc omnes melancholici apparent ueneri, quia habent plurimum flatuum, ratione quorum multa fit erectio & inflatio: & ideo plurimū appetunt, licet parum possint. Et cum sint hic duo humores qui maximè sunt apti ad flatus, scilicet humor crudus & humor melancholicus naturalis, non mirum si flatuantur. Et cum sit illa ebullitio circa hepar & uentriculum in ipsis uenis Mesaraicis, ideo regurgitat materia illa frigida ad uentriculum, ubi inuenit plurimum humorem crudum, & inde uentriculus infrigidatur, ut postea etiam causam infrigidationis uentriculi reddemus: & ita hic humor melancholicus ingreditur humorem illum pituitosum, & non potest se inde explicare, et sic fit flatus ille & rugitus. Et sic sunt duæ causæ, humor naturalis melancholicus, cum humore pituitoso. Hæc autem omnia intensiua sequitur frigiditas uentriculi, quia semper ubi est ignea caliditas hepatis, consumit illam pinguedinem quæ est in abdomine, quæ conseruat & colligit calorem uentriculi, & ideo diminuta hac pinguedine infrigidatur uentriculus. Sed præter hoc est adhuc aliud. Quia splen cum redundat humore melancholico & intumescit, refrigerat etiam ui-

cina membra. Hepar autem non potest ita facile refrigerari ab illa frigidityate collecta in splene, quia calidior: sed in habentibus symbolum facilius sit transitus: ergo ex humore melancholico aggregato in splene, uentriculus etiam in frigidatur. Et ita ex utroque latere uiolatur & diminuitur calor uentriculi & robur, qui refrigeratus auget humores crudos. Et hic humor crudus consequenter auget ebullitionem & flatuositatem, & ita fit circulus quidam, & inde prolongabitur etiam morbus, quia quasi in circulo quodam recurrunt omnes cause, ut diximus: frigiditas enim uentriculi adiuuatur à multis, ut magis generet cruditates, & materiā huius ebullitionis: & caliditas hepatis & humor melancholicus in splene redundant. Et hinc Galenus 3. de locis affect. dicit, quod in quibuscunque contigerit esse flatus hypochondriacus, in omnibus prolongatur. Signa huius affectionis adsunt: est tristitia & timor, qui solent esse in melancholicis. Primus effectus melancholiæ, est timor, qui est potius præludium quoddam: & sic timor est perpetuum signum melancholiæ: non tamen ibi necessarium, ut sit melancholia, sed tantum principium melancholiæ indicat: nam sunt multi melancholici qui non timent, adeo ut seipsos etiam interficiant. Et ideo Gal. querit, quare Diocles nihil de his loquitur. et dicit Gal. quod illa tristitia sequitur, cum augetur melancholia illa: & non est necessarium, quod ubi est flatus hypochondriacus, ibi sit melancholia. Non deuenit ergo ad summum hæc affectio, sed est in aliquo gradu: nondum communicatum est nocumentum ipsi cerebro, quod absit. Accidentia quæ necessario sequuntur, morbum declarant.

Primò

Primo sputum copiosum, quia uenterculus est frigidus, & abundat pituita & cruditatibus, et flatus facit, quod pituita ascendit. Nam ex uentriculo nihil excerni potest, nisi uel per uomitum, uel per flatum, uel eructationem: & inde fit multum sputum. Sequitur aliud accidens, scilicet imbecillitas crurum: quia calor naturalis est debilitatus, & non generatur multum de bono sanguine & spiritu, in quibus consistit uirium robur: & quia multi humores crudi & frigidi in uentriculo existunt, qui transeunt per hepar ad uenas, & postea sparguntur per musculos, & faciunt istam debilitatem membrorum & lassitudinem. Et non est hoc mirum, cum sepe ista materia transiens ad uenas, faciat paralysin & stuporem. Sequitur aliud accidens, quod corpus non nutritur, & non augmentatur, ut extendatur in omnes dimensiones: quia non generatur caro, quia sanguis est corruptus, & humores indigesti. Et natura est magis sollicita de membris radicalibus & solidis, quia hæc faciunt ut animal sit animal, & in his est uita: caro autem non est substantia principalis istorum membrorum. Et quia ista materia nutrimentalis non fuit sufficiens pro nutritione & augmentatione utriusque, ideo natura magis fuit sollicita de membris solidis, & dat alimentum illis partibus quæ magis indigent, quia non sufficit materia pro utroque. Et ideo uidetis quod tantum augeatur in longitudine. Et hinc etiam illa macies quæ est in carne nata: caro enim multum est diminuta. Hinc etiam aliud accidens est, scilicet quod color totius corporis est subfuscus, quia humor talis dominatur, scilicet melancholicus, ut patet ex 4. de tuenda ualeat. Sequitur

adhuc unum, scilicet astrictio alui ut plurimum, quæ est ex caliditate hepatis, quæ exugit totum humidum ipsarum fecum. Et hinc patet uerum, quia si hæc affectio esset ratione uentriculi principaliter, existerent feces humidiores. Et hepar maxime patitur in caliditate, & facit hanc malam dispositionem. Ista ægritudo est proportionatissima huic adolescenti: nam est calidissimi hepatis à natiuitate, licet primò habuit carnem multam: & illa caliditas hepatis est ei naturalis, & à patre, & ex semine materno. Noui patrem, qui erat calidissimus. Præterea & fratres eandem intemperiem habent. Item ipse exercet cogitationib. mentem, & hæc omnia inflammant spiritus & hepar. Et sic sanguis est crassior, & adustum alimentum à caliditate hepatis, & omnia recte se consequuntur. Primò etiã antequàm laboraret quartana, habuit flatus, postea successit quartana. Multiplicatus est humor melancholicus, & crudi humores attracti ad hepar, unde facta ebullitio, & etiam obstructio uiscerum ab illo crasso humore. Et quia uirtus fuit fortis in expellendo, facta sunt illa exanthemata per uniuersum corpus, aut si uolumus appellare escharas: sunt autem quedam efflorescentiæ cutis, & sunt potius ex quodam flatu pituitæ salsæ, quàm ex materia, quia citò accedunt, & statim recedunt: fiunt ex humore crasso, sanguineo & melancholico, & faciunt pruritus, quia etiã bilis uel pituita salsa admixta. Curatus est ex quartana & exanthematibus illis, & remanserunt illi flatus. De prognostico satis dictum suprâ. Circa curam unum dicam, & ponam pro fundamento huius curæ, quòd scilicet debemus cauere ab omni pharmaco solutiuo fortiori,

tiori, et nō possumus in hoc casu aliquid deterius et perniciosius facere quàm hoc. Ratio est, quia si detur fortius pharmacum, ista omnia consequentur: nam primò non euacuabitur ut oportet, quia sunt multæ obstructions quæ impediunt ut non possit duci materia, & hepar supercalefactum magis calefiet: & quia uenterculus est debilis, & necesse est illas materias duci ad uenterculum, ideò magis infrigidabitur & debilitabitur uenterculus: & sic omninò non conueniunt pharmaca solutiua. Et hoc sit primum fundamentum huius curæ, quod bene aduertendum: unde necessariò morbus & curatius erit longa: primò, ex sua natura: secundò, quia non possumus uti remedijs. Et Gal. ad Glauc. dicit, quòd quartana acrius curata, duplex fit quartana. Ideò humor melancholicus benignè & clementer tractetur.

Primò concoquatur. Primum igitur in curatione huius est euacuatio sanguinis, & non una uice solùm, sed sæpius fiat: quia ubi melancholicus humor est in uenis cum sanguine, est mittendus sanguis. Deinde fiat epicrasis, id est, temperatio. Nutriatur corpus, & paulatim generetur bonus sanguis: & nihil magis conuenit pro melancholia, quàm phlebotomia, & quidem iterata, ut Gal. suasisit. Postea epicrasis, id est, optima nutritio & restauratio. Deinde deuenire ad syrupos qui alterent humorem melancholicum & concoquant. Confortare & euacuare nō possumus simul, quia confortantia astringunt, & euacuantia solunt. Concoquentia sint omnia humectantia, & modicè calefacientia. Ego non uterer alio quàm quo soleo uti in his qui abundant humore melancholico. Acciperem ius pulli iuuenis, & decoquerem

in hoc rad. Polypodii, quia sunt dulces, & non multum calefaciunt, & gratæ gustui, & non fortiter euacuant: duas radices Liquiritiæ, tres Boraginis uel Buglossæ: & uterer hac decoctione loco syrupi. Neq; soleo aliter facere in his. Ius pulli omnes humores acres temperat & æquat. Et hæc decoctio paulatim etiam euacuat humorem melancholicum: & singulis quatuor diebus de ea accipiat. Darem florem Cassiæ, uel flores Cassiæ cum Rha barbaro, quia hæc maximè conueniunt, & non trahunt à longinquo. Vel saccharum ros. cum Rha barb. darem. Et tali medicamento supraposito uterer per totam æstatem, etiam in diebus Canicularibus: & sic per totam æstatem procederem cum illis alterantibus: neq; alia ratione procedere possum, quia non debemus refrigerare propter uentriculū, nec calefacere propter hepatis: & ideo optimè conueniunt illa quæ diximus. Utatur optima ratione uictus. Vina sint alba, matura, & tenuia. Vina rubra sunt acerba, & immatura. Alba conueniunt, quia facilius distribuuntur per uenas, & non hærent in hypochondrijs, & digeruntur per urinam, et humectant. Cauentur acerba uina. Sed cum dico uina alba, nō sunt capienda flaua, nam illa sunt calidissima & infestissima hepatis calido. Verè igitur sit album. Quoad balneum, dico qd nō conueniat, quia hæreret in hypochondrijs, & inflāmaret. Gal. dicit quòd aqua pluuialis adhæret hypochondrijs, et inflāmat, multò magis illa aqua aluminosa. Medici Veneti uoluērunt illi dare lignū, sed ego sum in ea opinione qd lignum nihil faciat, nisi sit morbus Gallicus. Non enim operatur, quia calidum, humidū uel siccum, sed quia tale. Ideò hoc ego non consulerem.

Consult.

Consult. cii. De sputo sanguinis & puris,
cum catarrho.

CLARISS. D. non ero longior, cum ille morbus sit admodum expositus per suum genus: uidemus enim eum laborare sputo per tuſſim: expuit enim catarrhum putrefactum, cum aliqua parte sanguinis, ut uidimus: & febrem continuam patitur. Hæc satis sunt nota. Sed distinctè inuenire causas & locum affectum in hoc casu, est admodum difficile. De febre quæ adest non dicam multa, quæ pendet ex catarrho tanquã accidens. Circa inquisitionem causarum uidemus difficultates quasdam. Excellentia uestra proposuit cõiectura probabili, quòd possit esse ulcus in pulmone, tum quia præcesserunt cause quæ potuerunt hoc facere: & uidetur sibi quòd uena sit erosa, quia putrescit catarrhus salsus, ex quo fit corrosio: & quia uasa illa pulmonis sunt ualde parata ad corrosionem, propter mollitiem, ideo ualde probabile est quòd sit ratione corrosionis. Præterea cum perseueret cum sanguine eiectio puris, est probabile quòd pendet ab ulcere: quia ubi pus, ibi est ulcus: & quia sanguis ille qui expuitur, est ille qui non potuit conuer= ti in pus. Et sic uidetur esse ex uena in substantia pulmonis & pus & sanguis. Dicam ego primò, Clariss. Doct. me habere difficultatem circa hoc. Nam si esset uena corrosa, cum illæ uenæ in pulmone habeant plurimum sanguinis, haberemus hîc plus sanguinis. Hoc autem hîc non uidemus, sed paucum sanguinem, & plurimam quantitatem catarrhi & puris. Ergo si ex eodem loco deuenirent sanguis & pus, deberet esse ulcus magnum,

magnum, & sic si esset in corpore uenæ, plus etiam sanguinis esset. Præterea quamuis ille locus sit putrefactus, tamen sanguis defluens ad corpus uenæ & locum illum non est putrefactus, & sic sanguis appareret & in maiore quantitate, & clarus, & purior. Vnde uidemus in alijs ulcerib. uenarum sanguinem effluere clarum, quia qui affluit, nondum est corruptus & putrefactus. Et sic facit mihi difficultatem, num sit ratione exulcerationis pulmonis. Est tamen pus. Dicam ego quod sentio. Primò, credo quòd illud pus sit ex catarrho descendente à capite, qui putrescit in concavitate pectoris, uel in pulmone: postea enim dicam qui locus sit affectus ex his. Ratio est, quia habuit semper catarrhum. Solet autem contingere quòd pituita à capite descendens, crassescit & putrescit: est enim sanguis semicoctus: & ita cum sapiat aliquid de natura sanguinis, & sit humidus, facile putrescit, & magis quam humor melancholicus aut cholericus, quia est humida, & sanguis semicoctus: sanguis autem omnium facillimè putrescit, licet putredo pituitæ non sit ita detestabilis ut putredo sanguinis. Vnde Gal. quærit, quare putredo sanguinis sit ita detestabilis. Facilius putrescit sanguis quam pituita, quia est calidus & humidus, & ita habet causas putrefactionis suæ tam ab extrinseco quam ab intrinseco: sed phlegma tantum ab extrinseco, quia est frigidum & humidum. Vnde etiam dicit Gal. quòd corpora calida & humida facilius patiantur putredines, quia hæc corpora subiecta sunt putredini omnis generis. Corpora frigida & humida etiam patiuntur putredines, sed non tantum. Ergo pituita etiam facile

cile putrescit, sed non in eo gradu, & tam intense ut sanguis. Habuit ergo catarrhum, qui est pituita, teste Gal. 2. de facult. natur. Hoc cum sit in loco calido & humido, id est, in pulmone, & illis partibus credo quod continue putrescat illa pituita, & catarrhus ille descendens, & quod non sit pus ex ulcere quodam, sed ex catarrho ex capite descendente, & putrefactio propter motum in illis partibus. Hinc contingit, quod dum putrescit in illis partibus, habent aliquam salsedinem, ratione cuius abstergit: & addit etiam aliquam putrefactionem ipse locus, propter plurimum motum, quod scilicet quedam uenae apertae sint potius uel relaxatae, quam quod sint corrosae: & ideo etiam effluit sanguis & expuitur, interdum plus, interdum minus, prout illae uenae plus aut minus aperiuntur ex illa materia salsa transeunte. Et sic non credo hic esse corrosionem, sed potius apertionem quandam uenarum, non magnarum, sed paruuarum: unde etiam ille sanguis apparet non uere rubicundus, sed saniosus, propter motum: & quod ita ille sanguis est ex apertione, & non ex ulcere. Et hoc de catarrho & pure satis. Vtrum autem locus affectus sit in pulmone, an in concauitate pectoris, quaeritur. Dico ego, ex quo uideo difficultatem anhelitus, & etiam difficultatem in loquendo, quod potius illa materia seu catarrhus putrescat in pulmone, quam in alijs partibus, & faciat ibi illa symptomata: & quod locus affectus sit pulmo: & quia est salsus ille catarrhus & abstersiuus, ideo facit apertionem uenularum minimarum in pulmone. Et sic ille sanguis prouenit ab eadem causa, à qua pus: nam pus prouenit à catarrho

à catarrho putrefacto, sanguis aut à catarrho salso et abstergente: & ita catarrhus est causa illius sanguinis, qui una eijcitur cum catarrho. Catarrhus descendens. Sed queritur, utrum sit in ipso capite principaliter & per essentiam, an sit ex partibus inferioribus, quæ generant continuè materiam catarrhi, & sic ille catarrhus aliunde proueniet, & non generabitur in cerebro. Audiuimus quòd dixit, se antea perpeßum esse affectum hypochondriacum, & quòd fuerit semper tristis à natura & melancholicus, & multum comedit. &c. Et uideo omnes esse causas catarrhi. Nam si est melancholicus propter passionem hypochondriacam, & omnes illi, qui laborant melancholia hypochondriaca habent propriè uentriculum frigidum & hepar calidum, ut audietis cras in futuro collegio, quòd hoc semper sit necessarium in illa affectione, si aderitis. Quibus sic stantibus, habemus omnes causas catarrhi, uentriculum frigidum, & hepar calidum, auarum, quod semper attrahit chylum inconcoctum & crudum. Et cum posterior concoctio non corrigat priorem, hinc fit quòd in omnibus uenis multiplicantur superfluitates, & in toto ambitu uenarum. Vnde quia hepar est calidum, & uenæ etiam necessariò calidæ, quia orta attestantur fonti: cum humores illi crudi sint in loco calido, sunt plurimæ euaporationes. Ergò suapte natura hoc corpus fuit paratum ad hoc, ut pateretur catarrhum, teste Gale. Præterea dicit se fuisse otiosum, & in studijs uersatum esse: & quantum studia conferant ad catarrhum, nouerunt illi qui student. Vnde Marsilius Ficinus rectè dicit, scholares non habere hostem maiorem, quàm catarr-

tarrhum. Et sic non mirum si incidit in catarrhum. Et incurrit in catarrhum tempore conuenientissimo ad hoc, id est, hoc anno, incunte uere, in quo anno non habuimus uer, sed hyemem immediate consecuta est ætas, & non credo quod in quinquaginta annis tale habnerimus uer, propter maximas humiditates: & ideo uidemus etiam, quod plurimi hoc anno in catarrhum incidêrunt. Et sic omnia conueniunt ad causas catarrhi, & dispositio corporis, & genus uitæ, & constitutio anni: fortasse etiam habet caput debile, quamuis ego hoc nō scio: semper enim fuit timidus, propter spiritus frigidiores, & inde caput fortasse frigidum fuit. Hinc apparet etiam cur catarrhus salsus sit: quia cum frigidus sit uentriculus, & hepar calidum, à quo fiunt adustiones illius pituitæ in uentriculo generatæ, & inde fit salsedo, quæ fit ex partibus adustis in substantia aquea, ut dicit Arist. in 2. Methæo. Et sic habemus catarrhum cum suis causis, locum, & materiam catarrhi. Adest febris continua, queritur an sit accidens, uel morbus distinctus à catarrho? Dico quod hæc febris est potius accidens catarrhi: quia dum putrescit illa pituita in pulmone, et exeat putrida in tam magna quantitate, & locus sit uicinus cordi, unde non mirum uapores putridos ductos esse ad cor, cum aër trahatur ad cor per pulmonem, & sic etiam trahuntur uapores putridi, et inde propter putredinem in pulmonem factam febris est continua. Verum hæctica, uel putrida tantum? Dependet à uaporibus putridis. Cum perseuerauerit hæc febris tandiu in corpore habente hepar calidum & sanguinem adustū, & propter uapores propinquos cordi, uidetur quod sic etiam

etiam in substantia ipsa cordis sic facta impressio caloris, & sic in ipso corpore cordis sit facta febris hectica: & sic credo esse febrem hecticam. Et habemus signa, quia incalescit post coenam & prandium, & hoc est inseparabile à febre hectica. Pulsus est ualde inæqualis: primò, quia aliqua putredo: secundò, quia materia est in pulmone, ex quo semper fit inæqualitas pulsus, ut Gal. prædixit mortem habenti maximam inæqualitatem pulsus, cum esset adhuc sanus. & de caus. puls. lib. 2. uide plura. His ita se habentibus, præsentem catarrho & illo pure, si quærat a me, utrū sit phthisis, dico quod est phthisis, sed non propriè ulcus pulmonis, sed est illa phthisis de qua loquitur Auic. in ultima parte capituli illius de phthi: & dicit Auic. esse quandam speciem phthisis, quando catarrhus descendit à capite, & putrescit in pulmone, ex quo arecant corpora, & consequuntur eadem symptomata, quæ consequuntur ex ulcerationem pulmonis. Et sic est quædam phthisis hæc affectio, sed non propriè: & tales homines sæpe obueniunt nobis in cura, & credo etiam Excell. V. sæpius tales habuisse: & casus ille propter quem uocatus fui Taruisium, erat ille ipse casus, & similis huic præcisè. Et notate hoc. 'Rarissimè' curantur, & ut plurimum moriuntur, quia contabescit cor & pulmo: & credo quod ille iuuenis habeat malam intemperiem in pulmone, ex tanta putredine contractam. Ego tamen aliquos curavi: & ne hoc per arrogantiam dictum à me esse putetis, addam etiam hoc, quod ubi unum curavi, ibi centum fuêrunt mortui. Aggredienda itaque in hoc cura, sed cū prognosticatione. Cū quibus? Exquisitis morbis, exquisi

ta

ta remedia adhibenda sunt. non curabitur remedijs leuibus, sed ualidissimis. Descendit catarrhus, catarrhum primò sifterem, factis tamen prius purgationibus, si nō factæ sunt, & raderem totum caput, & uesticatoria applicarem capiti, prius ex leuioribus, tandem etiam ad fortiora, ut ad cantharides, deuenirem. Puto Excell. V. meminisse, quomodo matronæ cuidam nobili laboranti tali catarrho & phthisi, applicauimus etiam uesticatoria ad caput, & natura suppleuit, id quod nos non potuimus facere, & caput totum obductum fuit uesticis, & crustis, & sanata est ab hoc catarrho, & adhuc uiuit. Ideò in hoc adolescente etiam uesticarem caput, donec fierent crustæ. Postea deuenirem etiam ad exiccationem pectoris & pulmonis, & uesticarem totum pectus: & tandem facerem cauteria circa utrumque brachium, & sic ubique exhalaret materia, & ita desinet putredo. & fiet diuerso materiæ illius. Vnde Gal. in phthisi, uera, circa pectus præcipit cauteria, ut satis expurgetur. Sed hæc non possunt fieri ante præparationem corporis. Primò igitur euacuarem corpus cum Cassia, & Agarico: non darem Scammonium & pillulas Coccias. Postea ad expurgandum pectus ab illa matricia, singulis diebus darem oxymel cum melle ros. & sumat una uice ad ʒ ij. Paulus dabat ad expurgationem pectoris, mellis ʒ ij. una uice his, qui expuebant pus. Et ego potius mel ros. darem, quàm mel simplex. Adderem oxymel, propter penetrationem: dicit enim Mesue, & rectè, quòd facit penetrare medicinas ad partes, ad quas fortasse non penetrarent. Et Gal. sepe admiscet suis medicinis acetum. Ergò mane acciperet ʒ

i. s. mellis ros. & 3 s. oxymellis, & sumat una uice tantum. Item loco syrupi acciperet magnam scutellā iuris pulli mane, in quo iure essent decocta Hordeū, Liquiritia, & Farfara, ad remittendam salsedinem & acredinem catarrhi. In reliquis parum confido, & credo quod si poterit curari (quod tamen non polliceor) sic curabitur, scilicet ut uesticetur caput, exiccetur pectus cum cauterijs, & fiant uesticæ, & crustæ etiam.

Consult. ciii. De affectione hypochondriaca confirmata, cum multis symptomatibus.

ONNIA quæ sunt enarrata in hoc confesso per Excell. D. Hieronymum, sunt integra syndrome, & concursus eorum quæ possunt indicare affectionem hypochondriacam: & non simpliciter quidem ex illis, habet enim multos gradus: sed hæc enarrata indicant confirmatum hunc affectum in malitia. Et ita nō simplex est affectus, scilicet affectio hypochondriaca, sed etiam confirmata. Verum quia non curamus symptomata, sed ea solū cōsideramus in hunc finem, ut ueniamus in cognitionem morbi, quo cognito & inuento omittimus illa signa & accidentia: nam nullum symptoma trahit curam ad se, nisi sub ratione morbi: uenio igitur ad affectum et morbum, hoc est, melancholiam hypochondriacam. Ero brevis, & procedam tantum per conclusiones. Hic affectus fit, cum illæ uenæ inter uentriculum & hepar inflāmatur, non quidem inflammatione ea quæ phlegmone dicitur & apostema, sed quædam φλόγωσις, id est, ardor quidam

quidam est, & quædam efferuescentia. Et sunt humores crudi & melancholici qui sunt in illis partibus & non trahuntur ab hepate, sed ibi flatuantur, & inde rugitus incipit, qui postea comunicatur uentriculo, & fit frigidior. Nam habet hoc proprium hæc affectio, quod calidior incipit in hepate, & postea frigidatur in uentriculo: & quare hoc sit, alibi demonstratur. Hæc igitur est propriè affectio hypochondriaca, quæ fit propter obstructionem & inflammationem obortam in illis uenis, propter frigidum uentriculum & hepar calidum. Sed queritur hic, num talis affectus sit uerè & propriè in hoc uiro, an sit quidam affectus similis huic, qui tamen eadem faciat symptomata: Nam sæpe contingit, quod sunt aliqui affectus non quidem proprii, sed tamen similes: & hoc sæpius contingit in curando, ut in pleuritide, quæ non semper est propria, sed interdum in musculis, & tamen affectio ferè similis. Item Hipp. dicit, febrem causonicam etiam ex pituita salsa fieri, & esse causon impropriè sumptum. Ita sæpius contingere solet, & etiam hic ita fit: nam duæ species hypochondriacæ melancholiæ à modernis Medicis & rectè ponuntur: una est propria ex efferuescentia in uenis hepatis, alia est affectus non ita proprius, sed qui tamen facit sæuiora accidentia, qui non est ex efferuescentia circa dextram partem, sed in parte sinistra, ubi sunt uenæ illæ inter uentriculum & splenem, & tamen habet eadem symptomata quæ solent accidere in parte dextra. Et sæpe nos uidimus hunc affectum, & sic experientia quoque testatur, præterquàm quod describitur à modernis & Arabib. qui propriè hunc affectum describunt,

Z

quod

quod omnes isti rugitus incipiunt in parte sinistra, & non à dextra, ut est etiam hic. queritur igitur, cuius generis sit hic affectus, an sit ratione inflammationis hepatis, & illarum uenarum quæ sunt inter hepar & uentriculum, an uerò sit ratione inflammationis splenis, & illarum uenarum quæ sunt inter splenem & uentriculum? plurimū enim refert hoc ad curationem. Respondeo, non possum iudicare nisi ex signis. Non audio quod afficiatur aliquid in parte dextra, nec habet hos rugitus & flatus nisi in parte sinistra, sub istis costis mendosis, ubi est situs splenis, & inde dicit fontem esse istorum dolorum. Et cum omnia patiatur in sinistra parte, & de hac sola conqueratur, crediderim ego quod hæc melancholia hypochondriaca non sit uitio hepatis, sed ratione lienis male affecti: quia dum replentur illæ uenæ inter lienem & uentriculum, tunc fiunt illi flatus. Et nullus humor est tam flatuosus quàm melancholia, & magis etiam quàm pituita. Hinc melancholici sunt salacissimi, propter plurimas uentositates, & iuuantur etiam ex coitu, quia illæ uentositates expelluntur. Et quamuis hic humor sit frigidus & siccus et terrestris, tamen nō ideo dicendum quod non sit flatuosus, sed dicitur talis respectu aliorum humorum, quia plus habet de partib. terrestribus & ideo cum tales agunt in illum, est rebellis ut dissoluatur, & inde conuertitur in flatus, & facit flatus molestissimos. Lien repletus hoc humore, refrigerat & totum corpus, & uniuersum sanguinem. Hinc & spiritus fiunt syluestres, quia sanguis etiam est talis, unde & spiritus erunt melancholici. Et quia spiritus sunt proxime domiciliū animæ, ita fiunt et operationes malæ.

Cum

Cum ergo & uapores multiplicentur ascendentes ad caput, & ad os uentriculi, et spiritus in toto corpore fiant frigidi propter sanguinem frigidum, hinc fit ille chorus omnium illorum symptomatum, quæ patitur. Habet unum insigne quod est considerandum, & est hoc, quod non potest concoquere nisi ligetur, & strictè: nam teste Gal. 3. de caus. sympt. cum uenter non continet cibum, tunc sequuntur uentositates: nam continet flatus cum non stringitur: nec constringitur, quia plurimi flatus. Vnde & ipse doctus ab experientia, quæstuit remedium doctum à natura: & sic cum ligatus est uenter, melius cõplectitur cibum. Credo quod hoc Symptoma oriatur, quia uenter non bene continet cibum, & non amplectitur, propter flatus. Plurimum sputum ex ore mittit, et uariorum odorum & diuersorum, pro diuersitate concoctionis: quandoq; etiam putrescunt cibi in uentre. Et cum ille flatus in uentreculo semper detineat humidum aliquod, semper est sputum tale: nam ille flatus eleuat illos humores. Et ideo dicebat Gal. quod non potest aliquid exire ex uentrecolo, nisi per illa tria, uomitum, eructationem, & flatum: & quia plurima materia cõgregatur in uentrecolo, propter obstructionem in liene & frigiditatem: nam lien interdum refrigerat non solum uenterculum, sed etiam hepar, adeo ut sequatur hydrops, ut scribunt Doct tantum propter consensum splenis. Si igitur tanta est refrigeratio lienis ut trahat in consensum hepar, multo magis in frigidabit uenterculum, qui magis est paratus ad lapsum frigidum. Et hinc generatur in uentrecolo propter frigiditatem plurima pituita, quæ suspenditur à fla-

tu: & hinc est illud sputum. Vapores melancholici ascen-
dunt ad caput, & causant illam tristitiam, ut patet ex
Gal. Præterea cum in hoc corpore sint spiritus tene-
brosi, generati ex sanguine frigido, qui sparguntur per
totum corpus, & sic infrigidatur etiam totum corpus,
& fiunt malæ concoctiones, & hinc est illa macies, &
dispositiones illæ impetiginum, siue alphi, siue morphea,
quocumq; nomine appellare uoluerimus nihil refert,
quia non generatur sanguis bonus, sed corruptus. Et
sic patet quod series omnium illorum symptomatum se-
quitur ex illa ægitudine, quæ est in liene: & si quæ à
nobis omissa sunt symptomata, hæc omnia eò reduci de-
bent, tanquam ad causam. Hæc autem ægitudine in liene
est duplex: prima est in complexione, quia lien est fri-
gidus: secunda est in compositione, quia sunt obstru-
ctiones, ut motu percipi potest. Et sic locus principa-
liter affectus est ipse lien, qui ita affectus in consen-
sum trahit & reliqua membra: & credo etiam quod
propter lienem hepar non generet bonum sanguinem,
& sic afficitur ex liene & hepar. unde omnino cre-
do quod hæc hypochondriaca melancholia non est prin-
cipaliter in hepate & suis uenis, sed in liene & suis
uenis. Et hoc satis de natura huius morbi & sympto-
matibus, quæ omnino inde dependent. CVRA. Hæc
ægitudine curata, curabuntur etiam omnia symptoma-
ta, ut rugitus, macies, morphea, sudor &c. An possit cu-
rari? Clariss. D. quamuis ille morbus & affectus ratio-
ne splenis faciat maiora accidentia quàm qui est ratione
hepatis, tamen dico quod facilius curatur quàm ille,
quia non est in hoc morbo affectum aliquod membrum
principale,

principale, licet etiam hepar patiat per consensum, non tamen principaliter: & credo, si possemus curare lienem, et aperire suas obstructions, quod non esset magna dyscrasia hepatis: nam non est magna læsio hepatis, quantum ad frigiditatem, quia non est tumor pedum, ut solet esse in illis. Et nunc habeo quendam nobilem qui laborat hac affectione hypochondriaca cum tumore pedum, et est propter frigiditatem hepatis factam ex frigiditate lienis. Nec sunt in hoc casu signa alicuius caliditatis insignis, sed sunt signa humoris melancholici illius, qui est fæx sanguinis: & semper tales humores sic generantur prout est intemperies membri affecti: nam quodlibet ita operatur & concoquit, prout est sua temperies. Præterea lien est durus, ergo erit agritudo longa. Tamen si potuerit pati, & curam, et omnia alia quæ erunt agenda, poterit curari, & si nō ita integrè, tamen ita ut non pigeat uiuere. Sed cum quibus? Si uellet recipere aquam balnei, dicerem quæ essent facienda ante balneum. Si uerò non uult, longè aliter de cura eius mihi dicendum est. Ego omninò exhiberem. Sed est gracilis, & exiccatus. Dico quod hoc non debemus timere: nam etiam sine illis aquis exiccabitur, & longè magis. Imò & decoctum ligni exhibemus semitabidis, quia remouemus causam illius gracilitatis, deinde incipio melius nutrire corpus, et sic possumus dicere quod lignum faciat pinguedinem per accidens, scilicet remouendo illud quod faciebat gracilitatem. Ita hic est quidem gracilis, sed tollendæ sunt causæ gracilitatis, & corroborandus uenter. Et longè maius est iuuamentum in remotione obstructionū in hoc balneo, quàm nocumen-

tum in exiccando . Atqui si aqua hæc non educeret , sed hæreret in hypochondrijs , non darem ego : si egerit , si mouet sudorem , si uriuam , uellem uti . Et hæc aqua educit multum de atra bile . Si uellet assumere , ante aquam aliquid facerem , et post assumptionem aquæ possemus iterum colloqui de rebus eius , quia nescio quomodo se habebit post balneum . Ante balneum uellem euacuare corpus , & statim cras mane darem Cassiam cum Hiera , ut consueuimus : deinde darem syropos incidentes cum oxymelle , de Cichorio , & in tribus diebus darẽ Cassiam cum 3 ij . Agarici , pro euacuatione corporis . Facta hac , accederet ad balneum : & instat nunc tempus . An secanda uena ? Non uideo tam magnam imbecillitatem quominus liceat incidere uenam : licet enim non habeat multam carnem , tamen habet multum sanguinem , & malum , quod apparet ex tumore nentarum : & sic emisso sanguine malo , fortificaretur natura à sectione uenæ , & euacuaretur malus sanguis , & reliquum posset melius concoquere & uincere .

Consult. ciiii. Super eodem adolescente nobili , an sit mittendus ad balnea .

QVAMVIS hæc materia diligentissimè fuerit à me pertractata , tamen ut satisfiat magnifico patri uolenti audire dispositiones filij sui , ego breuibus explicabo sententiam meam magnificentie suæ . Cum sit triplex species melancholiæ , teste Gal . in lib . de locis affect . qua affligitur homo : una , quando caput tantum per se patitur , & redundat in eo humor melancholicus , unde afficitur tristitia , & alijs affectionibus melancholicis , totum autem

autem reliquum corpus est immune. secunda species est, quando non solum caput, sed & corpus uniuersum redundat humore melanchol. ita ut totus sanguis sit eo humore infectus. tertia species est, quæ dicitur affectio hypochondriaca, non quòd sit in uenis aut capite, sed sit quando uapores ascendunt ab utroq; latere ad caput, & ita inducunt tristitiam, & difficultatem anhelitus, & cætera symptomata melancholica, secundum quòd hic morbus est maior uel minor. Hic queritur nunc, utrum hic adolescens patiatuŕ unam speciẽ tantum, aut duas, aut omnes? Primò suppono, quòd non est tantum affectio hæc in capite: & hoc est manifestissimum. De alijs duabus dico, quòd patiatuŕ utranq;: nec frustra dico hoc. Primò, quòd hoc corpus redundat humore melancholico in omnibus uenis, testantur primùm illæ maculæ (seu escharas seu pustulas appellare uelimus; nihil refert) hæc indicabunt humorem melancholicum. Et quòd fuerit melancholicus constat, quia accessit quartana incipiendo, quod non potest esse ex alia causa nisi ex abundantia humoris melancholici: ut omittam alia signa, nam fuit intentus curis studiorum, & diligentissimus in studijs, & perpetuò cogitauit. Sed hoc est extrinsecum, & ferè semper ita est, quòd ea quæ extrinsecus accidunt, si inueniant dispositum corpus, facile id ipsum afficere & mutare possunt. Intrinsicum est hoc, quòd habuit à principio generationis hepar ualde calidum, et etiam forte ipsum cor: & ex his factum est totum corpus calidum abundanter. Et hoc indicat etiam augmentum illud repentinum & magnū: nam calor fortis cū inuenit & habet materiã aptam extensioni, facile illam

Z 4 superat

superat & concoquit. Nam licet complexio eius naturalis in origine sit calida & sicca, tamen in prima ætate fuit humidior: & quia illa ætas est humida, & illa humiditas potuit obtundere calorem, ergo cum in illa ætate fuerit humidus, et calor fortis, ideo optimè nutritum fuit hoc corpus, quia affuit & agens, et etiam materia conueniens fuit agenti. Et uidemus etiam experientia, quod pueri melancholici in principio celeriter augentur & crescunt, propter fortitudinem caloris agentis in illud humidum, quod est proprium illi ætati: sed non diu permanet illud augmentum, & fiunt graciliores propter tenuitatem caloris. Et ita in hoc adolescente illud repentinum augmentum indicat mihi calorem magnum. Item habitus corporis, habet enim uenas amplas, calorem subnigricantem, qui indicat caliditatem sanguinis. Nam sanguis cum exit ad cutem, facit colorem cutis. Et ita ex hac coniectura patet hunc iuuenem habuisse à principio ætatis hepar calidum, & hoc adurit sanguinem, et hi homines sunt apti ut adurant sanguinem. Vnde Gal. dicit, qui sunt calidi & sicci, tempore paracmaſticae ætatis fiunt melancholici. Sed iste iuuenis præuenit hoc tempus: habuit ergo naturalem dispositionem ad humorem melancholicum: & accessit studium, et cura, & multæ cogitationes, unde magis est exiccatus sanguis, & corpus affectum: nam cura (quæ dicuntur quod cor urant) primò inflammant sanguinem, licet postea inſrigident, resoluta toto humido, & cum hoc etiam omni calore, & inde aucta est illa dispositio. Et forte etiam bibit uinum uetus, ut solent Veneti nobiles bibere Maluaticum, & comedit aromata, multum se exercuit. Sed hæc quæ diximus

ximus sufficiunt, & fuerint satis in causa ad sciendum affectum illum, quem nunc patitur. Hæc quoad coniecturas, quibus ego colligo hunc iuuenem repletum esse humore melancholico in toto corpore & uenis, et sic laborare secunda specie melancholiæ. Tertia species melancholiæ est, cum fiunt obstructions circa illa uiscera, siue sita in latere dextro: & hæc dicitur propriè affectio hypochondriaca à Galeno: uel ex latere opposito, & hæc species est etiam ualde frequens: & quandoq; etiam in utroq; latere contingit, & hoc est deterius. Hæc tertia quæ est? an propter inflammationem extantem in uenis hepatis, an propter ebullitionem factam in uenis splenis? Dico, ubi dolor, ibi ægritudo: & in utroq; latere percipit flatus, ut nunc audio, signum est quòd in utroq; latere sunt obstructions: & si magis in latere dextro, signum quòd maior obstructio est in hepate & eius uenis. Ergò prima ratio illius melancholiæ hypochondriacæ & tertiæ huius speciei est, ut sint ibi illæ materie in uenis, quæ efferuescunt propter obstructionē, & hinc fiunt flatus. Ex his sequitur necessariò frigiditas uentriculi, quia hepar calidū indeficienter attrahit, & attrahit chylum inconcoctum, & sic non potest eum conficere: unde per totum corpus multiplicantur humores crudi, quia concoctio secunda non potest corrigere primam, & sic ille humor crudus auget flatuositatem melancholiæ. Et cum hepar adurat sanguinem, & multiplicetur humor melancholicus, hinc cum superest, & nō potest recipi & concoqui à liene, obstruit lienem, quia lien nimia copia illius humoris suffocatur, et non potest conficere totum nutrimentum, & ita obstruitur.

humor

humor uerò qui non potest confici, redundat & regurgitat in totum corpus: & sic hæ duæ species melancholice se inuicem consequuntur, & secunda species nutrit, & fouet tertiam, & tertia secundam, et sic fit circulus: & cum est circulus in causis, efficitur difficillima cura. Et quia splen repletus humore melancholico est frigidus, ideo solet infrigidare hepar: nam sæpe ex splene refrigerato ita infrigidatur hepar, ut sequatur hydrops, ut uidimus hodie in D. Benedicto, qui laborat affectione hypochondriaca, atque ita infrigidatum est hepar, ut secutus sit tumor pedum. Hic autem iuuenis nondum deuenit ad illum gradum, quia humor nondum ita collectus, neque affectio splenis ita inualuit, ut possit communicare nocumentum hepatis, communicat tamen uentriculo, & hinc illud sputum, ut iam sæpe dictum, & alia, &c. Et hinc etiam est illa astrictio alui, quia dum humor melancholicus multiplicatur, transit ad uentriculum, & etiam ad intestina descendit, et ibi flatuatur, & sic sua flatuositate suspendit feces, & inde aluus astringitur. Præterea bilis quæ solet naturaliter ab hepate per porum felleum ad intestina peruenire, et ea abstergere, & excitare uirtutem expulsiuam, non peruenit eo, propter obstructionem illius pori, & inde intestina illa non possunt abstergi: & sic non fit hoc officium bilis, ad quod à natura ordinata erat: & inde aduruntur illæ feces, & fiunt squibala tanquam pillule caprarum. Et hæ sunt ægritudines & accidentia huius adolescentis. Patitur ergo duas melancholias, & in toto, & in hypochondrijs: & hoc ualde aduertendum, quia non patitur simplicem affectum, sed duplicatum.

DE

DE PROGNOSTICO. Dico ex sententia Gal. ut et antea dixi, in quibuscunq; generatur melanch. hypochond. in omnib. prolongatur, & sic suapte natura est longus hic morbus. Et quia est circulus, ut dictum est, unde difficilis erit curatio. Quoad curam. Proximè satis dixi, & replicabo unum quod tunc temporis dixi. Nulla maior perniciēs horum, & quod inducit in incurabiles egritudines, quam multiplicare pharmacā: et uos uidebitis, quanto magis exhibebit Excell. V. illa medicamenta, tanto deterius habebit. Sint itaq; placidissima remedia, & sine uolentia procedendum. Proponitur unum, utrum debeat accipere aquas Apponitanas, quia curam aliorum dixi proximè, & post assumptum balneum dicam etiam aliqua de ea. Et dico ego quod omnino debet accipere hanc aquam: nam habet sulphur, alumen, cinerem, & calcem, et hæc possunt aperire, quam apertionem maximè querimus, & hanc maximè præstabit nobis aqua. Sulphur aperit, & educit etiam humorem melancholicum. Et uidi in quadam nobili Domina, ex qua educta est maxima copia humoris melancholici per potum huius aquæ Apponitanæ. Item corroborat & uentriculum: & in hoc generatur pituita, et sic etiam uentriculo conueniet. Vnde credo huiusmodi aquam profuturam magnopere, dummodo exeat. Si uideatur inflammare, quia hepar est calidum, potest inungi hepar, & circa dorsum, & exhiberi saccharum ros. & alia ad prohibendam nimiam calefactionem hepatis: sed non accipiat magnam quantitatem una uice. Patres nostri accipiebant maximam quantitatem, ut 30. aut 40. cyathos, & ita magis debilitarunt & obruerunt uires. Calor innatus est

est qui dirigit medicamenta, qui non est suppressendus. Ego darem per 15. dies in modica quantitate: quia primi dies præparant, & ultimi proficiunt: & confido procul dubio, quod melius se habebit.

Consult. cv. De catarrho, cum affectu quodam melancholico.

Ex relatione nostri Hebræi comprehendo duo. Primum quod noto ego, est, quod habet aliquam dispositionem ex parte rei, & non ex imaginatione: & est quod patitur defluxum catarrhi, qui ueniens à cerebro ad partes diuersas, facit diuersos dolores. Huic dispositioni possumus credere. Postea patitur passionem quasdam imaginarias, quas non patitur ex parte rei. Dicam primo de catarrho. Causæ catarrhi fuerunt fortes, scilicet procatactica, cum fuisset in balneo illo, & tunc incœpit ille catarrhus. Hæc fuit quidem causa primitiua: sed multa dedêrunt occasionem huic causæ primitiue, ut commoueret antecedentes: nam & hepar est calidum, & uentriculum habet frigidum, & hæc diuersitas est ualde dubia in conseruatione sanitatis. Et quando est hepar calidum, & uentriculus frigidus, facillimè multiplicatur catarrhus. Nam in uentriculo frigido cibus non concoquitur: hepar autem auarum propter caliditatem igneam trahit humores hos crudos etiam ante tempus, & sic plurimi humores crudi distribuuntur per uenas, quia secunda concoctio non corrigit primam & præcedentem, et sic fit necessario euaporatio ad caput. Hinc omnes illi, qui habent uentriculum frigidum, & hepar calidum, semper habent repletum caput, & hi etiã
fa

facile patiuntur affectionem hypochondriacam. Hæc est naturalis eius dispositio, quam facile mouent causæ externæ: solet enim comedere plurima, quæ possunt aggregare humores crudos. Et causa illa procatactica quæ fecit, ut deueniret ad actum catarrhi, ad quem naturaliter dispositus erat, fuit istud balneum: nam ex isto balneo colliquati sunt humores: & illa uini potatio Germanorum maximè replet caput, quia resoluunt humores, & fluere faciunt congelatos à frigore. Hic igitur catarrhus cum ita incœpit, semper ita durauit. Nā uidemus in illis fluxibus, quod cum semel incipiunt, semper postea illam partem afficiunt, uel quia illa pars facta est imbecillior, uel quia ita consuevit natura, uel qualem causam uelimus reddere. Et sic etiam uidetur contigisse in hac parte. Vtrum sit infectio Gallica? nā dolor est circa crura & periostium, qui locus uidetur esse proprius morbi Gallici: nam per hoc signum distinguuntur dolores Gallici, à doloribus articulorum, quia hi sunt in iuncturis, dolores autem Gallici sunt inter iuncturam & iuncturam. Item decidērunt pili ex supercilio. Hæ sunt quidem coniecturæ, non tamen habent aliqua signa certa. Hæc signa non possunt nos inducere, quod fuerit morbus Gallicus, sed solum fuit ille catarrhus, qui occupat partes istas diuersas. Quoad affectum melancholicum, quia multa imaginatur sibi, quod patiatur morbum Gallicum, quem tamen non patitur: ego credo in tali habitu esse humorem melancholicum, tum quia totum illud genus Hebræorum est ferè melancholicum, tum quia sanguinem habet crassum, & hepatis calidum. Et sic non est omninò expers ab affectione

Etione illa hypochondriaca, quia habet hepar calidum, & uenter frigidum: & si non patitur melancholiam hypochondriacam, incipit fieri, & habet per totum ambitum humorem melancholicum. Hos duos affectus, ut tollamus, quid agendum? Ego uellem omnino dare aquam balnei, quia habet catarrhum, & habet dolores circa uniuersas partes corporis. Catarrhus est frigidus, & occupat omnes partes corporis, & sic non est omittenda occasio illa, & est etiam tempus. Mane darem minoratiuum, item syrupum, ut oxymel, cum aqua Betonicæ, Saluæ. Euacuarẽ cum confect. Hamech, uel pillulis aggregatiuis, Coccij, &c. Purgato corpore, statim mittatur ad balneum. Forte etiam hepar cum aliqua missione sanguinis possemus purgare ab humore melancholico. Aqua illa corroborabit uenter, et distribuetur per uenas, & corroborabit totum corpus, & sic & iuncturæ & musculi corroborabuntur. Euacuabit etiam hæc aqua per sudorem humorem melancholicum, ut ego experientia obseruauim. Et uidi multos, qui ex usu harum aquarum incœperunt nutriri, & accipere bonum sanguinem, cum antea essent extenuati, nõ quidem per se propter has aquas, sed per accidens, quia scilicet euacuabatur humor melancholicus & siccus. Et sic etiam propter humorem melancholicum conuenient hæc aquæ. Post balneum si adhuc esset catarrhus, ponerem cauteria pro diuersione, ne ita uapores ascendere possent ad caput, & fiant circa utrumque crus. Postea accipiat semper per interualla aliquid, ne aggregentur humores, ut sunt pillule illæ de tribus dictæ, quas maxime laudo ad hanc intentionem.

Consult.

Consult. cvi. De epilepsia pro puero.

EST ualde uerendum, ne incidat in epilepsiam, nam habet caput dispositum ad hanc, quia est humidum, & prosternitur sine causa, qui uidetur esse quidam motus epilepticus. Abstineat omnino à uino, bibat aquam decoctam cum Cinnamomo. Item decoquantur Tormentilla, Pæonia, &c. quæ confortant caput, & uentriculum, ne uapores transmittantur ad caput ex uentriculo. Utatur frequentissime Agarico, & faciat hoc sibi familiare, ut euacuetur caput, & accipiat 3 s. Agarici. Et sic procedatur usque ad annum XV. quia mutatione ætatis fortasse curabitur hic morbus. Quod si perseueret, fiant cauteria non solum in cruribus, sed etiam in brachio. Caput etiam abluatur cum Pæonia, Agarico, Betonica. Item fiant pulueres ex Maiorana, Sædaraca, Betonica, & similibus, quibus solemus uti ad exiccandum caput in his, & similibus morbis, & addatur etiam Ladanium contusum cum his pulueribus.

Consult. cvii. De surditate.

CUM patiatur integram surditatem, in hoc firmabo sermonem meum. Huius causa & ratio est inquirenda, quod quidem est symptoma. Cause uero sunt plures. Principales sunt, uel enim uitium est in ipsa uirtute, quæ transmissa à cerebro est principium omnium sensuum: uel in instrumento: & hæc sunt duo, neruus auditorius, & ipsum tympanum, id est, pellis illa uel membrana extensa. Obstructio autem est in poro extrinseco, per quem transit aer, & patet facile: aut

in

in poro intrinseco. Primò dico, quod uitium non est in uirtute, nam si illa facultas pateretur, etiam alij sensus paterentur: nam hæc communis est, & est una uirtus, quæ audit, uidet &c. & est in sensu communi una tantum. Ergo uitium erit in instrumento. Sed an in neruo auditorio, an in tympano? Dico ego, nec in neruo auditorio, nec in tympano esse uitium. Nam si in illis principalibus, & immediatis instrumentis auditus esset illa læsio actionis ablata, integrè non perciperet aliquid omninò, nec extrinsecus, nec intrinsecus: ut si quis prorsus nihil uidet, nihil nec extrinsecus, nec intrinsecus uidet. Nullò magis sic est in auditu. Nam si neruus & tympanum illud ita essent infrigidata, uel læsa & obstructa, ut nullo modo posset transmitti uirtus, nihil omninò audiret, nec intus, nec extrà. Sed ille uir non omninò priuatur omni actu audiendi, quia intrinsecus audit, percipere enim se dicit tinnitus, & facultas iudicat de illo tinnitu: quod non fieret, nisi illa percussio fieret in tympano, & neruus auditorius haberet aliquam uim, qua posset deferre spèciem illius flatus ad sensum communem. Ab extrinseco nihil percipit, nullum strepitum, etiam magnum. Est ne læsio in extrinseco meatu? Ergò dicendum quòd sit uitium in extrinseco meatu, qui est penitus obstructus, per quem non potest pertransire species auditiva. Sed uideturne? Dico, quòd illa obstructio non uidetur, nisi sit ualde extrinseca, & meatus ille tortuosus est, imò quandoque uermes incidunt in meatum, qui nullo modo possunt uideri. Et idcò non uidetur, tamen adest illa materia in meatibus profundioribus extrinsecis. Et sic est necessa-

cessarium per sufficientem diuisionem, quòd causa huius
ablati auditus sit in meatu extrinseco, quia nullum aliud
est instrumentum. Si non hoc, nec illud, ergò hoc. Hic
affectus & actio laesa in hoc meatu, unde est? Est mor-
bus, qui est affectus à quo proueniunt actiones laesæ
prouentu primo. Nunquid complexio mala, an mala
compositio, an solutio continui? Potest esse complexio
mala introducta, tamen ego non uideo signa malæ com-
plexionis, sed est obstructio integra, & ex hac facta est
integra surditas: & sic est morbus in compositione, in
iua scilicet. An sit cum mala complexione uel non, hæc
mala compositio, non ausim ego pro nunc affirmare.
Quæ materia? Perseuerauit hæc obstructio iam per
tres menses, & non fuit mota materia: ergò non dicen-
dum quòd sit calida & subtilis: & regula est, quòd om-
nis morbus etiam à principio à calida materia depen-
dens, tractu temporis fit frigidus, ut in omnibus chroni-
cis morbis experimur. Ergò est ibi materia quæta &
permanens ac fixa in loco, ergò crassa & frigida. Sed
duæ sunt materiæ crassæ & frigidæ, pituita & melan-
cholia, loquendo secundum dominium, quia rarò inue-
niuntur materiæ simplices. Dicam quod sentio, ut de
morbo etiam dixi. Credo quòd materia sit melancholi-
ca, & non pituitosa, & habeo huius rei meas coniectu-
ras: primò, temperaturam totius corporis: secundò, cau-
sas quæ præcesserunt: & tertio ipsa symptomata. Pri-
mò temperatura totius est calida & sicca, & talis est
ipse, si quis alius: & hæc adustio fit ab immoderata ca-
litate hepatis & cordis: habet musculos amplos, pul-
sus ualidus est & uelox propriè, color subniger, pili
A4 nigerrimi.

nigerrimi, crassi, adusti: hæc omnia indicant insignem caliditatem hepatis & cordis, unde generatur sanguis melancholicus & adustus, et maximè tempore paracmasticses, ut dicit Gal. in quo nunc est. Præterea habet cerebrum præparatum ad hoc, nam est naturaliter calidum & siccum, quod patet ex operationibus & studiis & moribus animi: quia in perpetuo motu, semper uaria cogitat, pili nigri & adusti in prima ætate, & habet caliditatem & amplitudinem uenarum circa illam partem, & patitur uigilias, et non redundat superfluitatibus: & talia corpora redundant maximè humore melancholico. Et in hoc uiro maximè circa caput abundat hic humor, quia perpeffus est etiam aliquas imaginationes melancholicas, ut audiuius, quòd semel putauit cum spatiaretur in uilla, aliquem esse qui uellet eum comprimere retro: & hæc sunt signa manifestissima melancholice. Item uigiliæ, quæ indicant humorem siccum & frigidum: & humor melancholicus occupans caput inducit uigilias, quas nunc etiam patitur. Et hæc sunt signa humoris melancholici, et non pituitosi: & ita materia magis melancholica est, faciens hanc obstructionem ex prædominio. Dolorem coxendicium dico esse à pituita, et non esse mirum, quia uenter est frigidus, et est secundum rationem rectam. Humores adusti ascendunt ad caput cum uaporibus: & pituita, quia grauis & frigida, per uias ampliores decubuit ad coxas. Et quia humor melancholicus maximè est flatuosus, et magis quàm omnes alij, inde facti uapores, et ille dolor capitis, et hinc etiam uigiliæ. Quòd si humor pituitosus ascendisset, habuissimus signa pituitæ, quæ semper uertitur in catarrhum, si potest

potest extendi, quia hæc est materia propinqua ipsi blennæ, & sic descendisset per nares, per palatum, & si non fuisset excreta, sopores effecisset, et aliorum sensuum diminutionem. Sed signa hæc non uidemus, ergo magis à melancholico humore. Ergo ex symptomatibus et temperatura & causis, crediderim ego quod humor obstruens sit melancholicus à prædominio. Est quidem & pituita, quia raro humor simplex: & cum uentriculus sit frigidus, non possum negare quin etiam ascendat pituita, sed humor melancholicus dominatur. Et hoc de morbo, et causis illius, & symptomatis. Causæ repletionis capitis, & doloris, & grauitatis, & tinnitus ac surditatis, quæ? Dico omnia esse à causis intrinsecis, quia hepar calidissimum, et etiam secundum totum ambitum uenarum calidus est: & qui habent hepar calidum, semper sunt subiecti dolori capitis, teste Gal. 3. de locis affect. propter plurimos uapores ascendentes à toto ambitu: & caput etiam calidum attrahit, & aliquo modo facit ad attractionem, & aliquo modo etiam ad resolutionem & diffilationem materiæ. Et ita, cum adhuc fuit iuuenis, quia materia diffilabatur, non fuit ita affectus dolore capitis: tandem obstructis poris cum gessit galeam, quæ est frigida, non potuit fieri difflatio illius materiæ, quæ euaporauit ad caput. Item in Foroiulij sunt multe boreales constitutiones. Porro & ratio ætatis ac temperaturæ hoc docet: iuuenes enim habent humores subtiliores, quia inflammantur, & sunt in fieri: post paracmaстикam uerò ætatem materia iam est adusta & inflammata, & facta crassior, et sic uapores eleuati à materia crassa & adusta non potuerunt ita diffilari, itaq;

Ad 2 materia

materia est translata ad membrum debilius, & hæc materia semper fouetur: nam hoc est perpetuum, quod omnes superfluitates quæ multiplicantur, recedunt ad locum affectum & debilem. Et inde dolor coxendicum, quia pituita generata in uentriculo, per uias amplas decubuit in partem infirmam, & deuenit etiam materia ad neruos sensitiuos, & inde factus ille stupor quem habuit, quia illi nerui sunt in frigidati. An mala complexio? Fortè non est introducta adhuc in cerebro aliqua mala intemperies, quæ sit frigida, licet sint ibi humiditates frigidae: & sic non credo esse factam essentialiter læsionem in cerebro, sed tantum illa materia ex inferioribus deuenit ad illum locum, quia habet adhuc omnia signa illius calidæ & siccæ temperaturæ, ut sunt uigiliæ, et caliditas ad tactum: & sic non possum dicere esse ibi intemperiem uel naturalem uel aduentitiam cerebri frigidam. An possit curari? Licet scimus surditatem cum perseuerat post sex menses curari non posse, tamen ego sæpe uidi curatos post tres aut quatuor annos, & perfectè ideo distinguendum. Si intemperies est in tympano & neruo confirmata, dico quod non recipit curationem, quia neruus est frigidus & siccus, et tympanum seu membrana illa est etiam frigida & sicca. Cum autem natura omnia sua opera faciat mediante calore naturali, si in his membris introducatur intemperies frigida, extincto omni calore raro curantur. Et uidemus, quod quando morbi occupant membra frigida & neruosa, difficile curantur: & quando materiæ sunt fixæ in illis membris neruosis, non possunt curari omnino. Et si ille neruus est intrinsecus, & tympanum illud male affectum,

affectum, non possumus adhibere remedia, ut recte Bellocatus dicebat: & sic tum ratione loci, tum ratione naturæ illorum membrorum, non possumus curare talem affectum, uel talem surditatem. Sed quando est obstructio in partibus extrinsecis, semper tollitur surditas, licet durarit per decem annos: sed non quælibet obstructio, solum ea quæ obtinet extimam partem illius meatus extrinseci, & etiam cum non est crassa, & si est crassa, modo sit per congelationem, & non per calefactionem. Dico quod hæc obstructio est in profundo, quia non uidetur, & sic ratione loci erit cura difficilis: & ratione materiæ etiam erit cura difficilis, quia non est per congelationem, sed per calefactionem ex humore melancholico. Vnde illa medicamenta efficacissima & calidissima data à D. Iulio & adhibita, nihil effecerunt: & imposuit in aurem ualidissimè colliquantia, et tamen non potuit colliquari, quia materia illa faciens hanc obstructionem & surditatem, non est colliquabilis, & non obedit illi calefactioni, sed est melancholica compacta, & sic non obedit nisi cum maxima industria applicetur, & sic tum ratione loci, tum ratione materiæ, erit difficilis cura: & propter ea quæ dicta sunt, credo quod poterit curari, sed cum difficultate nō parua. Cum quibus? Dicam quod sentio. Omnino indiget duobus principalibus. Primum, ut materia ea quæ facit morbum, & tenet se sub forma causæ antecedentis, remoueatur, quæ est circa uentriculum & hepar, & ne ascendat ad caput. Secundum, ut illud quod factum est ibi, actu remoueatur. Quoad primum, euacuatio non est tentanda uno impetu, quia licet euacuetur materia, tamen intemperies il-

lorum membrorum manet & augetur: & sic quia habet
intemperies, ratione quarum continuè generantur hu-
mores, ideò uictus instituat bonus, ne aggreget excre-
menta. Postea continuè materia remoueat & diuersi-
sione & euacuatione, & prohibendo ne fiant obstru-
ctiones, quæ fiunt maximè in uentriculo frigido & he-
pate calido. Ex Aloë, Agarico & Rha barbaro, & po-
test addi aliquid Epithymi & Myrob. fiant pillule, qui-
bus poterit uti ter aut quater in mense. Et hoc esset
unum. Item maximè laudarem cauteria ad humores,
quæ facerent deriuationem, & etiam circa tibias, si nō
sufficit, ut sic materia antecedens prohibeatur. Postea
nollem purgare caput, quia est siccum & calidum, &
sic non tentandum, si modò tollatur illud fomentum infe-
rius: & licet sit ibi materia in cerebro, tamen illa facile
tollitur, nam est passio in sensibus, & non in cerebro
aliquis affectus, aut aliqua intemperies præter naturā:
& ideò nollem tentare caput, modò materia antece-
dens non ascenderet, facile enim caput sanabitur. Et
sic nihil facerem pro capite, nec sternutatoria, nec gar-
garismata, multò minus stillicidia, nec quidquam aliud.
Quoad aurem & morbum factum, credo quòd aliquid
sit faciendum, & credo ego quòd cauendum sit ab om-
nibus exiccantibus & calefacientibus tanquàm peste,
quia cum his faciemus illam materiam gypseam: & ita
haud dubiè indigebimus lubricantibus & humectanti-
bus & calefacientibus in gradu primo, ut fomentis &
traiectionibus, sed non cum aqua balnei, sed cum mollien-
tibus in primo gradu, ut sunt Chamæmilla, Malua, Al-
thea, Liquiritia, & omnia calida & humida in primo,
& ex

Et ex his fieret decoctio, ex qua fiat euaporatio ad aures, & cum alijs euaporationibus, ut oleo Amygdalarum dulcium, Chamæmelino & Altheæ, ut locus emolliatur. Vellem semper addere aliquid Croci, quod emollit, sed intensius, sicut & Myrrha, Bdellium, & alia quæ sunt in secundo gradu emollientia: sed magis ad emollietia in primo gradu declinare. Et hæc puto sufficere pro curatione huius uiri: & non fiant hæc uno aut altero die, sed semper & multo tempore. Item facerem linimentum ad partes extrinsecas circa aurem cum emollientibus, nam longo successu temporis etiam hæc deuenirent ad locum affectum. Abstineat ab omnibus stillicidijs, & aquis calidis. Ratione uentriculi de quo conueritur, posset potare illas aquas in modica quantitate, defendendo hepar & renes, ne calefiat totum corpus.

Consult. CVIII. De dolore in brachio ex præseruatione ab apoplexia.

REVERENDISS. Antistes sibi cōsulere cupiens, querit non tantum curationem symptomatum quæ iam patitur, & quæ tamen leuia sunt, sed etiam tanquam uir prudens, quomodo possit præseruari: uidet enim hæc symptomata esse prænuncia sæuarum egritudinum, & in hoc recte & sapientissime iudicat. Considerandus habitus corporis istius Domini, & symptomata, quæ sunt prænuncia futurarum egritudinum. Dispositiones præter naturam quas nunc patitur, sunt leues: patitur enim brachium dextrum leuem quendam dolorem, imò nō est dolor nisi cum facit insignem motum. In reliquis non laborat: & ideo non multum curat quod nunc est, sed quod

Aa 4 futurum.

futurum. Conqueritur etiam de grauitate aliqua audiat in parte dextra. In reliquis nihil habet præter naturam, bene dormit, bene comedit, egerit, & exercet operationes omnes inculpatas. Dicebat quidem se habuisse quædam symptomata circa uentriculum, sed nunc nihil conqueritur. Sunt tamen hæc symptomata consideranda, & redigenda in suas causas, quia sunt prænuncia grauiorum morborum. Primò dolor in brachio. Locus illius tristis sensationis est uariis: primò est periorostium, id est, membrana continens os illud inter iuncturam & iuncturam, qui dolor est necessario in membrana: nam os non sentit. Item percipit dolorem in utraq; iunctura. Causæ quæ? Hic non est abscessus, non est solutio continui: ergò in complexione est morbus. Sed morbus in complexione est duplex, cum materia, & sine materia. Audiuius à Reuerendissimo, quemadmodum consueuerit uti regione calida, in quarto scilicet climate, sed etiam in situ prope mare. Accessit in sextum clima, imò in finem sexti climatis, scilicet Tridentum, ubi mutauit aërem per duo climata: sed etiam situm plane contrarium, quia Tridentum est maximè borealibus uentis expositum, et regio sua est exposita Zephyris & meridionalibus uentis, et ita aër Lusitanus est totus contrarius aëri Tridentino. Hic aër multum potuit in corpore præparato, id est, senili. Et licet aliquam habuerit lassitudinem ex alapis sæpe replicatis in confirmatione, tamen quia per undecim postea dies sequentes semper fuit sanus, ideo non credo ego eam debilitatem esse factam propter illum motum, sed potius propter aërem. Nam semper unam partem magis exponimus aëri frigido

Frigido quàm aliam, ut fieri solet: & sic illud periostium
& membrana quia frigida, facile potuit affici & ladi
ab aëre frigidiorē & insueto, et in habentibus symbo-
lum facilis est transmutatio: & sic credo quòd sit facta
& impressa complexio frigida sine materia, & hæc su-
bita alteratio ad cōtrarium facit illum dolorem. Et hæc
complexio frigida impressa in membrana, non facile re-
cipit curationem: quia membrana recipiens impressio-
nem aliquam, amittit calorem naturalem & proprium,
per quem natura operatur & curat morbos, et ita est
debilis: & tunc contingit quod semper solet continge-
re: ubi enim aliquod membrum ad aliquā intemperiem
& plerunq; frigidam mutatum est, non potest fieri con-
coctio ut oportet illius alimenti & proprii, et sic mul-
tiplicatur materia cruda circa locum, & fit membrum
illud rheumatizans, non quòd aliunde defluat materia,
sed quòd excrementa redundant propter intemperiem:
nam qualis est complexio membri, talis est concoctio.
Et hæc excrementa etiā non facile diffantur, quia mem-
brum est frigidum, et ideo aggregatur materia. Ergo
si quærat a me, qualis sit cōplexio introducta in mor-
bo præter naturam: dico, quòd complexio frigida sine
materia à temperie aëris frigida: qua complexione stan-
te, abundant etiam materiae per uiam inconcoctionis. Et
sic sunt duo: primò, intemperies in parte: secundò, ma-
teria, & illa materia etiam est compressa ad partes la-
xiores & frigidas & spatiosas, ut sunt iuncturae, quod
sepe euenire solet: & sic patitur dolorem in uarijs lo-
cis, & sic etiam iuncturae sunt repletæ. Et quòd hæc ma-
teria non defluat aliunde, probatur: nam modicum est
nutrimentū

nutrimentum quod deuenit ad membrū, & sic est etiam paucum excrementum, et ideo non est magnus dolor, & illa uasa non extenduntur, & musculi & chordæ & nerui magis infrigidantur: et hæc est causa illius difficultatis motus. Et hanc credo esse potissimam causam illius doloris: primò frigidam impressionem & intemperiem: secundò materiam tantam aggregatā per uiam inconcoctionis, quæ tamen est pauca, quia nullum facit tumorem, nullum abscessum. Quod ad alia membra, an à capite defluat materia ad locum per uiam catarrhi? Non credo ego quòd catarrhus defluat ad illas partes, quia si semel inciperet ille fluxus, & cum plurima pituita sit in capite, credo quòd illud brachium longè seuiora accidentia pateretur, et solent fieri ut podagra, paralyses, morbi articulares &c. Sed cum ille uiuat, comedat, et exerceat operationes ut alij sani, et aliud nihil persentit, credo quòd non sit defluxus catarrhi ad illas partes, sed quòd sit tantum materia aggregata per uiam excrementi, propter imperfectionem concoctionis, & debilitatem illius membri. Præterea conqueritur Reuerendiss. Dominus se habere catarrhum copiosissimum, quòd plurimum expuit, et plurimū excernit per nares, & sentit difficultatem auditus. Credo hoc factum esse ex causis procatarteticis. Nam in die synodi per 13. horas continuas uacauit studijs, ut audio: & ex hoc studio si nihil aliud esset, possent fieri cruditates in uentriculo, & etiam in toto ambitu corporis: nam hepar non corrigit coctionis primæ uitium, et hinc plurimi uapores ascendunt ad caput, et maxime cum caput laboret in studijs. Et hinc studiosi plerunq; habent debilem uentriculum,

culum, quia ubi actio, ibi calor: nam est tantum unus calor: itaque cum capite laborant, destituitur uenter calorem & sua operatione, et sic replentur capita, quia plurimum laborant capite, unde plurimi uapores attrahuntur ad caput, qui non possunt diffolari, quia resoluitur calor cerebri ex multis laboribus, et inde tales studiosi semper habent caput repletum. Talis est etiam temperatura naturalis huius Reuerendi Domini: nam habet hepar calidum, quod testantur uenae amplae, multitudo carnis: & cum sit educatus in regione quarti climatis, ubi calores intensi, et sunt ibi homines nigri, ipse tamen abundans est sanguine bono & naturali, et habet colorem floridum etiam in senio, et ideo est quidem caliditas in hepate, sed non adurens: & ideo generat plurimum sanguinis, unde habet hepar calidum & humidum. Et in his plurimi uapores eleuantur, si in ullis alijs temperamentis: & sic & ratione temperaturae in hepate habet hoc quod sit subiectus repletioni capitis: & hic catarrhus non solum Tridenti, sed etiam in propria regione generatus fuit: & hinc plurima materia illius catarrhi deuenit ad dentes. Est in primo senio, quia primum senium incipit a septimo septenario, id est, anno 49. quia agit annum 55. & ideo nondum debebant cadere dentes: & dentes illi etiam sunt corrosi, et hoc indicat continuum catarrhum erodentem & decumbentem ad dentes. Et hoc notandum pro praeservatione. Hic est chorus symptomatum: primo brachium dispositum ad omnes affectus, & habet intemperiem frigidam, & ita timenda paralytis, & priuatio motus, item morbi articulares: magis tamen paralytim timerem.

Item

Item cum sit catarrhus, & nunc plurimum excernatur per nares & os, si ille catarrhus sisteretur, posset fieri apoplexia, & aliæ ægitudines frigida capitis. Et est unum quod dicebat nobis: solebat euomere materiam pituitosam, & hoc erat ei familiare, qui uomitus iam restitit, quia iam in senio uirtus expulsiua est debilis: & multum posse cum consueta euacuatio desinit, nouit Excell. V. & cum iam senescit, debebant euacuari illa excrementa, quæ generantur rōe senij: et hæc materia, augetur, et frigiditas corporis, et ideo refertur uiolenter aliò hæc materia. s. ad caput. Ideo timenda sunt alia symptomata et grauiora. Tēpore iuuentutis potuit illa materia difflari. Ergo habemus hic brachium affectum, & caput non quidē per se, nam omnes sensus habuit acutissimos: & signa sumpta à proprijs actionibus membri nunquā fallunt, & sensus interiores sunt proprii ipsi cerebro, & non habent aliud instrumentum quàm ipsum cerebrum, & illud membrum est sanum, cuius operationes sunt sanæ. Ergo si caput quid patitur, patitur per consensum partium inferiorum, & non propter propriam intemperiem. Quomodo ergo præseruabitur? Tollantur omnia illa, quæ faciunt incurrere in illas affectiones, in quas possunt incurrere, qui ita sunt affecti. Primò caueat ab omni aëre excessiuo, qui primū illum lesit: caueat uentos boreales, & in tempore frigido optimè muniat caput: deinde habeat optimam rationem uitæ, ne uentriculus & hepar aggregent pituitam, & uapores ascendentes ad caput: non labore in studijs, et in omnibus rebus non naturalibus habeat modum. Sed quia nō possumus bene ita uiuere quin sæpe delinquamus, nam anima præstantior corpore, ideo sæpe nego-

tia sunt obeunda, quæ nocent corpori, & ideo correctio
ne opus est. Consulerem ego, ut continuè utatur medi-
camentis & euacuationibus familiaribus & leuib, et
diuertantur materiæ ad partes inferiores: ut est usus
Rha barbari aut Aloës, quam magis probarem, quàm
Hieram, quæ magis exiccat quàm Aloë, quia habet aro-
mata exiccantia, usque ad tertium gradum. Caucrem ab
usu Agarici, et omnibus quæ euacuant electiue, quia illa
destruunt omnes mineras uirtutum. Item laudarem, ut
fierent cauteria in cruribus, & esset continuus usus ho-
rum cauteriorum. Nam quia uult præseruari, & hic ca-
tarrhus posset facere apoplexiam, quia iam etiam ten-
dit ad surditatem, ideo suaderem cauteria, sed postquàm
aliquoties usus esset illis pillulis. Ad brachium, quia ma-
teria nō influit aliunde, corrigenda intemperies illius lo-
ci. Et hoc tempore maximè laudarem stillicidium circa
illud os, ut cadat aqua, quo profundius penetret. Etiam
uellem suffumigium facere ex hac aqua, ut reciperet
illum fumum: hic enim fumus aperiet & rarefaciet po-
ros & meatus: & postea ubi lauabitur brachiū, in ea a-
qua, maior fiet impressio illius aquæ, quia hæc est cras-
sior quàm uapores, et sic aqua quoque pertransire pote-
rit. Ac si prius fiat euaporatio, postea in illa aqua la-
uet brachium, deinde stillicidio utatur. An facienda ali-
qua euacuatio capitis ante hæc localia? Caput est reple-
tum, & hic est maxima difficultas, ne localia attrahant
materiam ad brachium, & ubi semel incipit ille fluxus,
nulla est materia, quæ non affluat ad locum illum: &
sic & caput erit euacuandum etiam per caput purgia.
Sed tempus calidum uenit, & quod non fieri potest ad
perfe-

perfectiorem euacuationem, faciamus per vires, ut possumus, si ut uolumus non licet.

Consult. CIX. De uisus imbecillitate, & alijs quibusdam symptomatibus.

VIDENTVR accidentia, quibus infestatur Reuerendissimus D. Oeconomus, omnia ita sibi respondere, ut ab eadem causa dependeant. Et primò patitur obscuritatem uisus, secundò plurimum sputum, ultimò manus & pedes incalescunt, & ultra modum sudant. Dico hæc omnia referri in unam & eandem causam: nam assumpsit primò aquas thermarum, postea incidit in hos affectus: & non audiuius alias causas, quæ hæc potuêrunt efficere. Ergò uidendum an ratione potus aquarum hæc potuerint contingere. Prius dispositiones naturales considerabo. Est hepar calidum, & hoc patet ex omnibus signis, amplitudine uenarum, colore: & habet imbecillitatem uentriculi, ratione cuius abundat pluribus flatibus. Hæc duo membra sufficiunt ad hæc symptomata. Aquæ illæ sunt calidæ & siccæ, quia habent sulphur, alumen, calcem, salem, & hæc omnia sunt calida. Potauit has aquas, & hæc calefecêrunt hepar, & consequenter renes, & per consequens totum corpus: nam orta attestantur principijs: & qualis est temperatura hepatis, talis temperatura uenarum, & sic etiam totum corpus sequi solet: & sic sanguis redditus est crassior, & si sanguis, sequitur etiam quòd spiritus, qui semper proportionati sunt sanguini: nam nihil aliud sunt, quàm uapor sanguinis bene concoctus. Ergò si sanguis crassus, & spiritus sunt crassiores. Sanguis enim redditus est crassior,

crassior, propter hepar supercalefactum, & etiā spiritus, qui faciunt omnes operationes in toto corpore. Ille autem sensus, qui indiget spiritu lucidissimo & purissimo, meritò primò percipere debet hanc lesionem, & hic est uisus. Ergò hæc crassitudo spirituum coepit affligere uisum. Quòd autem sit in spiritibus causa huius diminutæ uisionis & læsæ, apparet, quia in instrumento nulla est læsio, nec in facultate, nō enim læsus discursus. Ergò læso in spiritibus. Sed hæc ratio ex remotione aliorum nō sufficit, sed ex proprijs signis & pathognomonicis iudicandum est: nam uidet clariùs ubi est multa lux, deterius uerò in obscuro. Sed in obscuro dilatatur pupilla, in claro constringitur. Et hæc sunt signa imbecillitatis: nam lux plurima illustrat oculum, & humidū aqueum, & crystallinum: & si spiritus qui deferuntur per illum sunt clari, non indigent magna luce illustrante exterius. Vnde qui habent spiritus claros, non possunt uidere, nisi semiclaudent oculos, ut quasi subumbrentur spiritus. Et contrà, est signum quòd sint crassi spiritus, ut in hoc casu: & ob id in tenebris dilatantur, quod fit propter multitudinē spirituum. Nam cum claudimus unum oculum, dilatatur altera pupilla, quia impetus spirituum, qui omnes deueniunt tunc ad unum oculum, facit dilatari pupillam. Sic in his fit, quia enim habent spiritus crassos, indigent plurimo spiritu, ut quod deest in qualitate, suppleat natura in quantitate: & sic fit maior dilatio pupillæ, quia quod deest claritati, conatur supplere copia spirituum. Et in claro constringitur pupilla, quia tunc spiritus non ueniunt ad pupillam, nisi quantum opus est ad illam lucem obscuram. Ergò hæc

hæc est causa quare læsa sit uisio : primò crassitudo spirituum, & hæc facta est propter crassitudinem sanguinis, & hæc propter calefactionem hepatis, et hepar supercalefactum ex potu aquarum . Et sic ex resolutione causarum patet , quòd potus aquarum fecerit diminutionem uisus . Item est alia causa : cùm habeat naturalem imbecillitatem uentriculi, quæ nõ est curata per potum aquæ, hinc plurimum saliuæ expuit, propter expulsionem flatuum : nam hæc non proueniunt ex uentriculo, nisi propter tria, ut aliquoties iam dictum in collegiis . Et sic saliuæ illa permiscetur cum spuma, & hæc indicat flatum, aliàs non posset expui . Et hi uapores generati ex debilitate uentriculi ascendunt ad caput, unde spiritus fiunt crassiores, ut uidemus in suffusionibus quæ ortum habent ex uentriculo . Causa inflammationis renum (nam urina arenosa & color indicant hoc) est eadem supercalefactio aquarum, ut & hepatis : & renes consentiunt hepati, tum propter propinquitatem, tum propter uenas communes . Præterea est sudor & supercalefactio manuum & pedum, et hoc est proprium symptoma : ubi supercalefit hepar, statim inflammantur manus & pedes . Ratio est, quia illæ partes minus habent carnis, et uenæ sunt magis exteriores in illis partibus, & sunt ibi multi nerui & ossa, et hæc ubi incaluêrunt, retinent calorem . Vnde in ferro est intensior caliditas, quàm in aqua feruente . Hac stante caliditate, cùm in toto ambitu uenarum aggregentur plurimi serosi humores propter hepar auarum, quod trahit ad se chylum inconcoctum, et non potest eum conficere : & hi humores crudi attracti ad ea loca calefacta diffillantur

diffillantur postea per cutim, & hinc apparet illa humiditas: & Gal. dicit quod materia sudoris est *ixor*, & serositas in uenis: ergo omnia symptomata dicta, ex caliditate hepatis & potu aquæ proueniunt. Sputum non prouenit ab aqua, sed hoc erat etiam ante aquæ usum. Et illæ aquæ non fecerunt impressionem in uentriculum, quod habebat renitentiam, & supercalefecerunt hepar, quod habebat symbolum: & ex his fit circulus. Plurimi flatus & uapores ascendunt ad caput ex uentriculo, & hi iterum ad uentriculum descendunt.

PROGNOSTICON. Nisi prouideat sibi bene, tandem incidet in flatum hypochondriacum.

CURA. Omnia sint temperata. Caueat à uino potentati, & omnia sua medicamenta sint moderata in caliditate & frigiditate: cum enim sint illa membra contraria, utriusq; cura habenda erit. Ergo hoc sit ei pro regula, quod omnia actu & potentia sint temperata. Non laboret, quia inflammat spiritus: & potius delinquat in nimietate somni, quam in uigijs: & utatur continuè quæ possint refrigerare hepar, & non infrigident uentriculum, & hoc est saccharum ros. quod assumat sæpe & semper & in magna copia: nam refrigeratio eius est satis mitis, ne infrigidetur uentriculus, & quod non potest facere agens debile in paucotempore, hoc faciet in longo spatio temporis, & magis etiam aget quam agens forte in paucotempore. Et admisceatur etiam aliquid quod facilem faciat transitum, ut sunt rosæ, ut Gal. 3. simpl. dicit, & iuuetur transitus cum diureticis: & si aliqua suspicio incidat

ne refrigeretur uenter, addamus Piper tenuissi-
me contritum, quia Piper est tenuissimæ substantiæ, &
sic secundum tempus calefaciet uenter, & uis
eius statim diffabitur, ut sunt illa quæ sunt tenuia &
calida. Gal. plurimum laudat Piper, unde ego sæpe præ-
cor modernis meliorem mentem, qui cum uident Gal.
uti Ptisana cum Pipere in febribus, putant Gal. dormi-
re, & dicunt quod melius sit uti Cinnamomo, & ita illi
ordinant Cinnamomum. Sed hi non uident istud myste-
rium Galeni, quod scilicet Piper calefacit uentri-
cum, & non hepar. Et dicit Gal. 4. de tuend. ualet. quod
Diasspoliticum & Diacalamentum & similia, pessima
sunt uentriculo crudo, quia ducunt humores crudos
ad hepar, & faciunt obstructions. Nam licet non sit
tanta caliditas in Cinnamomo, tamen est magis diutur-
na. Ideo saccharum ros. cum modico Pipere minutissi-
me contrito, ut facile exhalet, darem ego, & consu-
lerem in hoc Reuerendo uiro. Utatur etiam Rha bar-
baro unâ cum saccharo rosaceo, quod educit materias
calidas & etiam frigidas, & aperit obstructions si
quæ sunt, & confortat. Hæc esset præseruatio huius
uiri, & sic longo tempore curet se. Missionem sangui-
nis maxime laudarem, quia hepar calidum, prius lenita
aluo cum flore Cassiæ. Utatur etiam syrupo de Cicho-
rio, & cum Geniabin, & etiam sine aqua. Item Tro-
chiscis de rosis minoribus interdum uterem in brodio
pulli. Et non aggredederer morbum totis uiribus, ne fice-
ret deterior.

Consult.

Consult. cx. De brachio læso, & omniū principalium membrorum influxu destituto.

HISTORIA clara est, & satis constat quòd multiplex sit læsio in illo brachio, & quidem tot modis quot sunt principia. Primò est principium sensus & motus, secundò principium uirtutis uitalis, tertio principium uirtutis nutritiue. Et quodlibet horum principiorum habet suos riuulos. Primò sunt nerui, per quos deriuatur uirtus sensitiua & motiua: per arterias defertur calor & spiritus: per uenas uis nutritiua ab hepate. Hi tres riuuli sunt aliqua ex parte læsi, & secundum huius læsionis proportionem est affectus. Arteria fuit incisa & neruus. Et nos ex quadam necessitate consequentiæ concludimus, licet Medici id nobis non indicent, quòd etiam uenæ sint læsæ. Hinc sequitur quòd nō nutritur, quia uenæ non deferunt sanguinem, & percipit etiam perpetuam frigiditatem in isto brachio. Motus læditur propter neruos: sensus etiam. Hæc est res quæ sensui patet. Sed illud est dubium, utrum hi riuuli, scilicet nerui, arteriæ & uenæ, ita sint incisi, ut nulla planè sit continuitas: an sint ex parte incisi illi riuuli, an planè non sint incisi, sed potius propter materiam influxam sint obturati? Ego incipiam ab arteria & uena. Oportet credere historiæ. Omitto puncturam illam factam ex uulnere: sed quia fecerunt incisionem magnam, & cauterium etiam adhibuerunt Medici illi pro sanguine sistendo, quod cauterium adurit uenam, &

Bb 2 obducit

obducit callum, & sic constringitur: ergo probabile
ualde quod illa uena separata sit in totum: & quia ignis
exiccat, & hinc uena facta breuior, & sic non potest
bene continuari, quia ad hoc ut continuentur & con-
solidentur, requiruntur duo, ut sint molles, & ut se inui-
cem cōtingant. Sed hic sunt duo: primò, ignis qui adussit,
& fecit partem duriores, & secundò etiam breuior-
em: & sic & propter duritiem & propter breuita-
tem non potuerunt hæc continuari, et sic non est liber
transitus sanguinis & spiritus ad partes inferiores. Et
ita credo quod illæ uenæ & arteriæ sint incisæ, & hæ-
beant cicatricem non facile consolidabilem. Vtrum sint
omninò interceptæ & separatæ secundum totum, &
quod partes planè distent, & factus sit callus tam in
parte superiori quàm inferiori? Ego non possum certò
dicere, sed credo quod planè sint discissæ, & hoc ex
coniecturis meis dico. Quoad neruos est facta læsio.
Motus reuolutionis in manu & erectionis est impedi-
tus, & nonnullorum digitorum: & credo quod omnes
illæ læsiones non sint æquales, et non omnes ex uulnere.
Nam illi nerui qui sunt incisi ex uulnere, non recipiunt
curationem, & non possunt consolidari: et cum sit uul-
nus in una parte, nō credo quod omnes nerui sint æqua-
liter læsi, sed facto uulnere debilitatur locus, et ita af-
fluit materia, et recipitur etiam in neruis, et propter
frigiditatem & crassitudinem illa materia non facile re-
soluitur, et sic facta est obstructio. Et non solum hæc
læsio est ex uulnere, est etiam læsio in sensitiuis neruis,
& etiam motiuis, & sic credo illam læsionem neruo-
rum

rum esse ualde diuersam, & non solum ex uulnere. In superiori parte etiam non habuit motum: nunc autem incipit mouere humerum, cum antea non potuerit, quia materia affluxit ad illam partem. Vnde saepe euenit quod uulnerato pede fit bubo, propter interceptionem materiae. Ergo nunc mouet humerum propter medicamenta quae adhibita sunt. Ergo quantum est incisum, est incurabile, & quoad nervos, et quoad uenas & arterias. Qui uero sunt obstructi & refrigerati propter affluxum materiae, hi poterunt curari, et maxime cum antea fuerit catarrhus: non enim potuit mouere humerum, quem iam mouet. Quantum ad torturam oris sum anceps, an aliquid sit incisum: audio tamen quod continue melius habuit, et sic credo quod etiam materia defluxit ad illum locum. Sed quod est incisum non curatur, quod tamen certo non scio.

DE CVRA. Omnino tentet resolutionem, et non potest sequi nocumentum, si recte fiat ea resolutio. Utatur perpetuo resoluentibus, sed misceat cum emollientibus, ne quod subtile est resoluatur, et pars gypsea relinquatur. Utatur ergo his inuicem. Mollientia sint calida & sicca in secundo gradu, quia materia est crassa, ut Crocus, Bdellium, Myrrha. Emolliatur cum pinguedinibus, et oleis, ut oleo Amygdal dulcium & Chamamelino: item lapide Pyrite, quod Gal. dicit esse magicum. Vtrum lutum S. Bartholomaei conueniat & fouea illae? Placerent, sed oportet considerare quod ad illa ualida resoluentia egemus multa preparatione corporis, et est corpus cacoehymum, & hoc tempus potissi-

B b 3 mum

num est pro purgationibus, & maxime in corpore cholericco, ut istud est. Ergo balneum differatur usque ad Septembrem, et quia corpus non est prae paratum, oportunitum tempus expectetur. Interim tamen aliqua cerata uel emplastra applicentur, ut est oxycroceum illud, quod ponatur supra totum brachium, & singularis 15. diebus remoueat. Et consului in quodam iuvene nuper, qui amiserat motum in brachio, & nunc optime incipit se habere, et mouere brachium.

Consult. CXI. De fluxu pituitoso per urinam, vlcere in pudendis, tabe, manus contractione, & hypochondriaca affectione.

SYMPTOMATA quae patitur hic Magnus uir, sunt haec. Primo est defluxus per urinam, quem putat esse gonorrhoeam: secundo patitur ulcus circa taurum, quae est illa pars inter testes & anum: tertio arefactionem & tabem totius corporis. quarto contractionem manus dextrae: quinto imbecillitas uentriculi adest, & caliditas hepatis, unde patitur affectionem hypochondriacam. De primo. Conqueritur de gonorrhoea, uidendum quale sit symptoma, an fluxus seminis, uel aliud quiddam: nam multum refert hoc scire. Non credo illum affectum aut esse aut fuisse gonorrhoeam: primo, quia passus est illum fluxum longe ante tempus seminis, ut circa annum quintum aut sextum, & eo tempore nondum mouetur semen, quia nullum est instrumentum paratum ad illum fluxum seminis, & nondum habuit tunc

tunc semen: quia omnis illa materia ex qua debebat generari semen, transit in augmentum corporis, et nulla est superfluitas pro semine generando, & sic non fuit illa superfluitas seminis. Secundò uidemus, & locum & symptoma nō esse consentanea quòd sit gonorrhœa: primò, non apparet aliquid quod habeat rationem seminis, sed arenulæ apparent, & aliæ materiæ adustæ. Item sæpe minxit sanguinem, qui indicat talem materiam deuenire à renibus, quod sæpe contingit, cum nimirum relaxantur renes, et renes affecti sunt per se: & sic affectus est in renibus, et non in uasis seminarijs. Item fluxus seminis fit aut ob abundantiam seminis, uel propter caliditatem, uel propter amplitudinem uasorum seminalium: quod in hoc uiro non est, est enim sicciſsimæ temperaturæ, & sanguinis pauciſſimi: & qui non habet sanguinem, non habet semen multum, quia semen generatur ex optima parte sanguinis. Item non habet inclinationem ad Venerem, et ego noui ipsum adolescentem, et possem mira narrare de eius continentia. Item ex longo defluxu seminis ulcus fit non circa parietes tauri, sed circa pubem: & sic perforato peritonæo fieret ibi abscessus, et non transit per penem. Et hinc uidemus, quòd sæpe inflantur testes & uasa seminaria, & sæpe inflatur pubes, & Medici putant esse ramicem, cum sit propter inflationem illarum partium & artiarum & uenarum. Hic autem contigit inflammatio circa os uesicæ inter testes & anum, ubi chirurgi solent incidere & extrahere lapides. Nam continuus defluxus huius materiæ à renibus non per uasa seminaria,

sed per uasa urinaria, quia hæc materia est adusta & feruens, tandem circa collum uesticæ, ubi locus est angustus & carnosus, fecit ulcus, et sic forte inducta est fistula: & inde emittit urinam inuoluntariè, quia musculi ibi existentes læsi sunt, et quia os uesticæ est affectum. Et licet collum uesticæ esset affectum, et os uesticæ esset sanum, non exiret urina inuoluntariè. Sed ad os uesticæ non peruenit semen, sed habet aliam uiam: & hoc non debebat exulcerare partes uesticæ, sed alias partes uirgæ. Et sic non credo ego esse gonorrhœam in hoc corpusculo, quod adeò est extenuatum. Sed hoc ulcus est in tauro, propter materias acutissimas deuenientes ad os uesticæ, quæ fecerunt ibi inflammationem, & sic illa pars est perforata, et etiam inducta fistula, quod facile fit in partibus illis nervosis, et musculis uesticæ & ani, ubi facile fiunt fistulæ. Patitur præter hæc duo arefactionem totius corporis, & magnam caliditatem hepatis, cum frigiditate uentriculi & rugitu, et affectionem hypochondriacam. Causa horum symptomatum etiam querenda est: dispositio sua naturalis consideranda quantum ad hoc. Semper fuit calidus, et anno 18. ætatis suæ incidit in tabem, et fuit desperatus à Medicis, sed liberatus diuinitus, ut retulit nobis. Est longæ staturæ, et productus in longum, tamen omnia membra habet grandia, quod testatur caliditatem seminis seu materiæ, & eiusdem paucitatem, in prima eius generatione: non enim potuêrunt hæc membra in latum extendi propter paucitatem materiæ, et ideo prolongata sunt: et calor primò in longum extendit, deinde in latum.

& habet

Et habet etiam maximam raritatem texturæ. Et hæc duo sunt signa paucitatis materiæ et caliditatis, et ideo à quacunq; causa extrinseca facillimè patitur propter raritatem texturæ. Præterea et membra etiam principalia omnia sunt calida. Hepar ualde calidum generat plurimum sanguinem biliosum et melancholicum. habet pilos multos, et sic plurimum abundauit excrementis quæ sunt à calore immoderato. Item cor est calidum, quia iracundus et magnanimus, et constans in actionibus et audax, ut sciunt illi qui eum nouerunt. Cerebrum etiam calidum et siccum, quia adest promptitudo ingenij, quæ est ex siccitate cum tenuitate substantiæ. Ex caliditate cerebri habet mobilitatem et promptitudinem in actionibus, et fuit uersatilis ingenij undiquaq; et celerrimi, ut ego noui ipsum. Et inde merito cerebrum iudicatur calidum, ex proprijs et immediatis cerebri operationibus. His stantibus plurimus sanguis melancholicus generatur, et per consequens spiritus melancholici, qui et obscurantur. Vnde semper fuit religiosus, et considerando naturam melancholicam uidebimus quod omnes sunt religiosi, ut testatur quotidiana experientia. Ex hac temperatura non mirum si habet naturalem imbecillitatem uentriculi, cum sit uentriculus sine carne, et nullam habeat ferè pinguedinem omenti, et nullos musculos ferè quib. per antiperistasin fit calefactio uentriculi: et si Aristo. credere uolumus, ipsa etiam pinguedo calefacit positiuè. Ergo uentriculus est siccus, quod patet ex habitu totius corporis: quia si caro est sicca et muscoli, multò magis uentriculus qui est

est neruosus. Ergò uenter est frigidus & siccus, et
hepar est calidum. Et hæ sunt causæ hypochondriacæ
affectionis, ut sæpe dictum est hoc anno in colloquijs,
quomodo hæ fiant, et obstructiones, et eleuationes ua-
porum &c. ideò de his satis. Macies ferè tabida est,
propter duo efficacissima ad tabem: primò propter co-
piam pauci sanguinis, unde ferè semper patitur atro-
phiam, et ex qua sæpe homines ad tabem deueniunt, cum
scilicet membra non nutriuntur: secundò propter plu-
rimam caliditatem & siccitatem in toto corpore, unde
ariditas. Accedit tertium, maxima raritas texture, quia
plus diffatur quàm recipiatur ad membra & nutria-
tur. Item quodlibet membrum concoquit alimentum
proprium, et nutritur secundum propriam suam natu-
ram, teste Gal. Et cum omnia illa membra sint gracilia
à natiuitate, parum attrahitur nutrimenti & cōficitur.
Hinc etiam plurimùm abundat humoribus acerbis, ero-
dentibus, et acutis, stante caliditate hepatis & totius
corporis. Et quia orta attestantur suis principijs, & re-
nes plurimùm cōmunicant hepati, et propter situm, &
propter uias amplas, ideò etiam renes sunt calidissimi.
His stantibus non mirum si plurima materia excreta est
per uias urinales per totam uitam suam, & sic factæ
sunt illæ exulcerationes in uijs urinæ quas patitur: &
etiam ex dispositione illa, calculi & arenule genera-
tur, quæ apparent in urina: nam causa materialis ho-
rum est pituita, quæ sit multa in frigido uentriculo, &
ita excernitur per urinam hæc pituita, ut patet in hoc
uiro, quòd unà cum urina materiæ pituitosæ excernun-
tur.

tur. Causa efficiens est calor ingens hepatis & renum. Et ideo etiam facile generantur illæ arenulæ, quia pituita quæ est uiscida, est tanquam gluten, & arenulæ sunt ex bile, unde sunt flauæ. Passus etiam est chiragram: habuit enim primò dolorem chiragricum, què pessimè curatus est, & ipse nesciuit esse chiragram, & admiratus est cùm ei dicerem. Est autem chiragra de- fluxus materiæ catarrhalis ad iuncturas manuum. Et fuit pessimè curata, quia non debet curari cum remedijs extrà adhibitis: ipsi autem usi sunt relaxantibus & miti- gantibus, quo nihil poterāt facere deterius: hinc enim factum quòd magis affluxit materia, & facta ibi mate- ria gypsea obstruxit neruos & chordas, hincq; abbrevi- antur & dilatantur & contrahuntur. Et facta hac obstructione, etiam facta est arefactio. Et hoc corpus in quo est caliditas hepatis & uenter frigidus, est aptissimum ad articulares morbos, quia adest pituita, & bilis eam ducit. Et Auic. dicit quòd ad hoc requiruntur quatuor. Et passus etiam est in pede, ut mihi dixit. Hæc sunt symptomata & causæ, ad quas redigenda sunt omnia: quæ causæ fuêrunt adiutæ ab extrinsecis, & in rebus non naturalibus, in quibus plurimum deliquit.

DE PROGNOSTICO Quæ sunt naturalia non possunt bene remoueri, & uidemus omnia ista depende- re à dispositione naturali. Quoad ulcus, credo quòd non sit curandum, ut etiam sentiunt Excell. V. Quoad contractionem, uellem experiri aquam Apponitanam, etiam lutum illud aquæ Apponitanæ. Circa uentricu- lum & hepar, ut alterum refrigeretur, alterum calea- fiat,

fiat, credo ego quòd nulla arte id fieri possit. Dabo tamen ei consilium, & remedium unum quo utatur singulis diebus, & toto tempore uitæ suæ hoc faciat. Accipiat singulo mane, aut quandocunq; uoluerit, oxymel optimè & diligenter confectum, & mel rosaceum eodem modo confectum, & assumat una uice duo aut tria cochlearia, & hoc sæpe & semper fiat: sic enim ex longo usu huius medicamenti uenter pedetentim abstergetur, & corroborabitur sine calefactione hepatis. Non possem ego imaginari aliud remedium & melius & tutius, & ipse sentiet se optimè iuuari, si non desinat. Postea ter uel quater in mense 3 ij. aut iij. Rha barbari, admixta portione Cassiæ, sumat. Hieram uereor, quia suspectam habeo iam in corpore extenuato: & Galen. dicit quòd in sicco uentriculo nō sit exhibenda Hiera, de tuend. ualet. In Rha barb. non est tanta exiccatio, & etiam absterfio. Et singulis mē-sibus ter aut quater assumat hoc. Confert etiam ad calculos oxymel, de quo supra dictum, quod sæpe sum expertus: imò etiam actu frangit calculos. Corrigitur etiam fluxus materierum per uias urinæ cum melle rosaceo hoc modo sæpe assumpto. Porro leniunt etiam uē-trem oxymel & mel rosaceum. Et ita meo consilio non uellem uti alio remedio pro his omnibus quæ dixi. An aqua Veronensis conueniat, quæ semper contulit ipsi? Ego dicam quod sentio. Credo omnino quòd semper fuerit adiutus quantum ad passionē renum, nam sunt fræ-reæ & frigida, & sic refrigerarunt hepar & renes, & uia sunt corroboratæ, ne fieret illa dilatatio uia-rum: &

rum: & sic in quolibet defluxu materialium cōuenit illa aqua, ut in fluxu seminis, hepatis, & alui. Et sic credo quòd contulerit his affectibus. An uerò etiam ratione uentriculi conueniat, est apud me dubium: nam infrigidant hæ aquæ, quod testatur experientia: licet habeant caliditatem actu, & habeant sulphur, tamen potentia habent frigiditatem. Nam & Coriandrum habet in se partes calidas, & tamen infrigidat, & multa alia eiusmodi. Ita Philoniū propter calidas res quas habet non calefacit, sed infrigidat propter res frigidas. Item ultra hoc exiccat etiam hæc aqua. Si dicat quis, stomachus est laxatus, ergò indiget exiccatione: & hanc præstat hæc aqua. Dico quòd indiget exiccatione quæ euacuat, & non illa exiccatione quæ constipat, & sic magis affigit materiam ad uentriculum. Et indigemus hîc euacuatione materiæ, & tunc uenter euacuata materia per se confortabitur, quod fiet per pharmacum suprâ dictum. Et sic renibus quidem conferet hæc aqua, non autem uentriculo, qui fiet imbecillior. Si uult, ratione renum assumat, non autem uentriculi.

Consult. C X I I. De paralyfi sinistri lateris.

RES & egritudo est in propatulo, & ea quæ patitur sunt manifesta, & ideo ero breuis. Patitur Magnus uir impedimentum circa ambulationem in crure sinistro, & circa brachium eiusdem lateris, ita ut etiam oculus sinister ingrauescat, licet non sit affectus quantum ad uisionem: & sic illa dispositio occupat totam

tam partem sinistram, & est tantum in motu, non in sensu lesio. Queritur, quæ sit egritudo, et quod accidens, & sub quo genere ponendum, item à quo morbo dependeat. Quantum ad symptoma, utrum sit paralyssis? Si propriè uolumus loqui, dico quod non sit paralyssis: nam paralyssis propriè dicta, est particularis apoplexia, & apoplexia est paralyssis uniuersalis: sicut & spasmus & epilepsia differunt, quod scilicet spasmus est epilepsia particularis, & epilepsia spasmus uniuersalis. Ergo uersantur circa idem. Sed cum apoplexia semper habeat de perditionem sensus et motus, ita & paralyssis. Hic autem uidemus tantum esse impedimentum in motu, & nullum in sensu, et ideo dico quod non est passus apoplexiam nec magnam nec leuem. Iuxta Hipp. soluere apoplexiam leuem difficile, et forte impossibile. Sed quomodo erit apoplexia si non sentiatur? & sic potius erit subita motio alicuius humoris ad aliquod membrum, & ita non erit apoplexia, nec uera paralyssis. Est impedimentum in illa parte in motu, & sic nerui & musculi sunt affecti, & quod spiritus uel uirtus prohibetur uel propter intemperiem, uel propter obstructionem. Vtrum sit hic affluxus materiæ, aut sola intemperies? Audio eum pati granphum, quæ est conuulsio quædam leuis, propter subitum transitum materiæ ad musculos. Vnde est conuulsio leuis, quia est materia leuis & uaporosa, & sic credo illam membranam debilitatam. Vbi autem est intemperies sine materia, non fit ea subito. Ergo credo quod sit facta aliqua præcipitatio alicuius materiæ frigida & pituitosa, quia non habet dolorem, & est
in uno

in uno loco, & non habet calorem, ergo uidetur quod à materia frigida. Et ipse etiam dicit se à Medicis per calefacientia esse adiutum. Ergo habemus ægritudinem facientem hoc symptoma, & est intemperies cum affluxu materiæ frigida & pituitosa. Nunc de causa uidendum illius subitæ præcipitationis, an à capite, an ab alijs partibus proueniat. Ego habeo coniecturam unam à modo præcipitationis, quia occupauit totam illam partem sinistram, quod caput fuerit repletum, & sic uirtus expulsiua surrexit & expulit: nec credo quod tanta materia à uentriculo sit transmissa, sed quod à capite illa materia deuenit ad eum locum. An ibi generata propter aliquam intemperiem, an ab alijs membris eò deuenit? Ego non audio quod præcesserit aliquid, quod cerebrum sit obnoxium alicui nocumento, nec quoad sensus interiores, nec quoad exteriores. Quod passus est asthma, et quod materia à capite descenderit, fateor: sed inde non sequitur quod illa materia primogenio affectu genita sit in cerebro: & ita credo quod in toto corpore generatur illa materia, & sub modo uaporis ascendit ad caput, & sic præcipitatur ad diuersas partes: & ut hoc credam habeo indicia duo: primum est dispositio corporis, est enim totum corpus humidum, & hepar est calidum & humidum etiam in senectute, multò magis in pueritia tale fuit: omnes enim pueri calidi sunt & humidi, sunt item ingluuiosi, & plurimum ingerunt, & hinc fiunt plurimæ euaporationes, quia ubi calor & humiditas multa, ibi etiam multa fit euaporatio, & ita repletum est caput, teste Galeno

leno, I I I. de loc. affect. Qui habent hepar calidum, semper subiecti sunt repletioni capitis. Secundo, huic naturali dispositioni accessit postea ratio uictus, quia delectatus semper est conuiujs, & sic multiplicata sunt plurima excrementa. Quando erat puer, materia illa superabundans & superflua præcipitata est ad pulmonem, & fecit asthma: postea in iuuentute, ubi calor fit igneus & fortior, multiplicata est adustio: quia ubi plurimum de sanguine, ibi est plurimum de de fece sanguinis, & etiam de bile, & sic natura incitata, loco asthmatis generatus est fluxus hæmorrhoidū, per quem sanguis melancholicus & adustus expurgatur: quia in mutatione ætatis, ut anno XXI. id est, in tertio septenario, teste Aphor. 3. lib. mutantur ægritudines: & sic eo tempore facta est alia ægritudo, siue potius excretio, scilicet mariscarum. Nam & Galenus quærit, an Hæmorrhoidum fluxus sit ægritudo, uel sola excretio quedam. Et sic semper fuit sanus. Postea in senio, ubi iam calor extinguitur, & refrigeratur sanguis, & totus habitus corporis, multiplicatur pituita. Hinc in Augusto mense factis obstructionibus, ne materia exiret per mariscas, aggregata sunt excrementa: quia senes uolunt uiuere ut iuuenes, & accedunt ad conuiuia, quod sæpe soleo in senibus reprehendere, & ideo congregant multas superfluitates & frigidas & crudas, & sic ascendunt uapores frigidi ad caput, & repletur caput, quo repleto defluit materia ad partem affectam. Et sic habemus successum huius morbi ex historia rei. Materia est quidem in capite, sed per consensum partium

tium inferiorum, & maxime uentriculi. Quoad prognosticum, habemus quidem morbum factum, quod est considerandum: sed non uideo morbum fientem, & nullum plane uideo signum morbi fientis. Quando incandescebat, repletur caput: & facta est uertigo, quæ est ex bile & crudis humoribus in uentriculo, & non cecidit in terram, sed dixit ad seruum ut eleuaretur, quod non est mirum, quia habuit debile crus. Et sic non uideo quomodo generetur hic morbus. Neque erit ratione frigiditatis uentriculi, quæ non est magna, non enim expuit multum &c. Fames illa non est signum frigiditatis uentriculi, inò pituita relaxat os uentriculi, & non fit fames ex pituita in uentriculo, nisi sit & acida & pauca. Ergo non sequitur, habet famem multam, ergo uentriculum frigidum. Et sic non credo quod sit uentri- culus frigidus, nec quod sit in cerebro aliqua noxa, sed tantum esse morbum factum. Deniq; dicit, quod postquam habuit bonam rationem uictus, iam melius habeat. Et si haberet membra ista debilitata, et si comederet Manna, tamen generarentur superfluitates. Et sic non credo ego quod sit morbus in fieri, sed solum in facto esse. Ergo cura tota ad morbum factum dirigatur, & postea præseruetur, ne iterum aggregetur materia. Nam stante aliqua debilitate capitis, erit timendum ne incidat in maiores egritudines. Et sic credo quod tantum morbus factus sit curandus, & nullum membrum faciens curandum.

Petitur à nobis præcipue, an debeat accipere aquas Thermarum? Hæc autem assumi potest uario modo, uel per potum, uel aquam, uel foueam, uel lutum. Dico ego

Cc

quod

quòd nō sit differendum remedium ad mensem Septem-
brem, sed nunc debemus occurrere, quia morbus factus
est, & membra sunt debilia ex frigiditate, & nisi in
estate hoc fiat, multò minus fiet in autumno: & ideo
dico quòd in his caloribus aliquid sit faciendum: &
aër, IX. Therap. est pro ægritudine, quia ægritudo est
frigida & humida, et aër est calidus & siccus, & sic
est conueniens tempus operandi. Non autem darem
hanc aquam in potu hoc tempore, sed potius in Septem-
bri, quia calefacit non solum uentriculum, sed etiam
uenas, nervos & musculos, quod ex sudore, quem pro-
uocat, uidemus. Quoad stillicidium, dico quòd non con-
ueniet, quia illud membrum, scilicet cerebrum, non est
affectum, et morbo facto est occurrendum. Et sic non
sentio cum Medicis Venetis, qui consuluêrunt eius Ma-
gnificentiæ stillicidium tale. Sed pro parte affecta sua-
derem ego quòd fieret stillicidium: uerùm quia iam sunt
maximi calores, et aër balneorum nunc est pessimus,
& propter uapores & propter muscas, non consule-
rem quòd accederet ad balnea, sed quòd curaret sibi
afferri eam aquam tam calidam actu, ut fieri posset, &
sic fieret stillicidium pro parte affecta, et maximè cir-
ca uertebras colli, ubi ferme est causa omnium dolorum,
& etiam circa alias partes. Et quia habemus aërem
unà operantem, sentio quidem cum Medicis Venetis,
quòd conueniat stillicidium, sed non in capite, ut ipsi
dicunt, sed circa illas partes quas dixi, scilicet uerte-
bras colli, ut uideant Medici Veneti quòd & nos rem
intelligamus. Quoad foueas & lutum dimitterem nunc,
quia

quia non est tempus oportunitum. Interim tamen, ut est consuetudo nostra, et experientia edocti sumus, ne resoluatur illud quod est tenue, et indurentur partes crassiores, emolliatur quotidie illa materia, quando scilicet non est usus balnei. An conueniat cauterium? Ego credo quod omnino fieri debeat: sed maxima questio est, in quo loco fieri debeat. In cauterio habemus quatuor. Primum, corroborationem loci & exiccationem: ideo sepe applicamus ipsi loco affecto, ut Gal. applicat, sinapismos capiti & parti laese: et Albucasis capiti applicat cauteria. Secundum, ut fiat diuersio. Tertium, ut deriuetur materia à loco propinquo ad locum alium: ut cum in epilepsia facimus cauteria in crure, est auersio. Deriuatio est, ut cum patiente coxendice dextra, facimus cauterium in loco uicino. Ideo Gal. pro ualidissimo remedio phlebotomauit eundem locum in Ischiade. Quartum est euacuatio à loco, ut etiam euacuetur materia in loco existens, cum est morbus factus. Hic non indigemus diuersione, quia materia illa in loco, et imbibita in uenis, non potest trahi per auersionem: et ideo non facerem diuersionem in pede altero, quia illa diuersio esset uana & inutilis. Si ratione deriuationis, an conueniat circa partes affectas? Dico, quia tota pars à principio ad finem afficitur, nescio in qua parte debeat fieri cauterium pro illa deriuatione. An uero pro corroboracione loci? Hoc cauterium non debet fieri, nisi post euacuationem materiae illius loci, & ideo non pro corroboracione etiam loci conueniet cauterium. An pro euacuatione à loco, qui est quartus usus cauteriorum? Dico

Cc 2 quod

404 IO. BAPT. MONTANI CONS. MED.
quod nec hoc, quia totus ille locus patitur: igitur non
uideo quomodo cauterium conuenire possit. Ideo pri-
mo uellem euacuare materiam ad preservationem, &
non ad curationem: & facerem cauterium in brachio
dextro, et in crure dextro, non ut curarem morbum, qui
est in loco affecto, sed ut cum applico resoluentia ad il-
lum locum affectum, ne trahatur materia ad locum affe-
ctum. Facerem igitur cauteria in brachio & crure sano
propter diuersionem, quia tota pars sinistra est affecta:
& non facerem propter materiam in loco existentem,
sed propter preservationem, non ut tollatur ægritudo
facta. Et sic accipiat istud stillicidium circa illam par-
tem, ut diximus, et cauteria applicentur, prout indica-
uimus esse ex re Magnificentie suæ.

F I N I S.

Index

I N D E X

Eorum morborum potissimum, qui tertia Montani centuria disceptantur, curantur, aut proponuntur: summatim in seriem Alphabeti perstrictus.

A



- CTIONES & naturales, & animales lesæ pag. 86
 Ad caput corroborandum p. 107
 Ad Gallicum morbum utilis expurgatio pag. 73
 Ad uermes puerorum pa. 99. 127
 Aestuatio stomachi, & alia mala in muliere grauidā pag. 64
 Affectio hypochondriaca confirmata, cum alijs symptomatibus pag. 352
 Alopecia & Ophiasis pag. 289
 An hypochondriaca melancholia affectus adolescens ad balnea Apponensia mitti debeat? pag. 358
 Aquæ distillatæ per Alembicum, etiam à calidis herbis, frigidas habent demonstrationes pag. 256
 Articularis morbus, cum frigidity corpore, & omnium membrorum principalium imbecillitate, & catarrho pag. 123
 Ascites cum tympanite pag. 129
 Aurium surditas & tinnitus pag. 251
 Aurium tinnitus, hæmorrhoides, cum scabie pag. 213

B

- Brachium lesū, & omnium principalium membrorum influxu destitutum pag. 387

Cc 3

Cachexia

I N D E X

C

Cachexia, & dolor pectoris, cum pluribus alijs malis dispositionibus mulieris	pag. 110
Calor pedum cuiusdam, stupor, dolor dorsi, obstructio urinae, & difficultas in eiiculando semine, & clau= denda, aut aperienda manus	pag. 88
Catarrhus ad pectus descendens, febris putrida, quæ ad Hecticam uergere uidetur	pag. 15
Catarrhus, cum affectu quodam melancholico	p. 364
Catarrhus cum febre continua, spūto sanguinis, ac su= spicione hecticæ	pag. 233
Catarrhus, cum spūto sanguinis, & pure	pag. 345
Catarrhus defluens ad pectus	pag. 109
Catarrhus, dolor capitis, pleuritis, & febris	pag. 181
Catarrhus, fastidium, cruditas uentriculi in Germa= no	pag. 177
Catarrhus, flatus, rugitus, in intestinis, fluxus hæmor= rhoidalis, diminutio menstruorum, cachexia, & do= lor in pectore	pag. 110
Catarrhus, febris, iuncturarum dolor, uentriculi frigi= ditas, & hepatis caliditas, puellæ	pag. 114
Catarrhus, in articulari morbo, et alijs doloribus	123
Catarrhus multis alijs symptomatis coniunctus	p. 318
Catarrhus, qui suffocationem minabatur	pag. 51
Catarrhus falsus, podagra, & splenis durities, cum cae= lilitate cordis, hepatis, capitis, & renum	pag. 119
Catarrhus subtilis, & acutus ad fauces & tracheam arteriam descendens	pag. 50
Causæ omnium fluxionum	pag. 86
Cauterium	

INDEX

Cauterium	pag. 104
Cholicus Monachus	pag. 248
Cœlica anus	pag. 249
Contractio manus, cum plerisq; alijs malis	390
Cor, hepar, caput & renes calidi, catarrhus salsus, po- dagra, & durities splenis	pag. 119
Crurum contractio	pag. 302
D	
Defœdatio cutis	pag. 329
Destillatio à capite, & febris, in octuagenario, post apoplexiam, & paralyfim	pag. 24
Destillatio, poâagra, tremor splenis, & alia	pag. 200
Diarrhœa ciuis Patauini	pag. 154
Difficultas anhelitus, uertigo, & defœdatio cutis	pag. 329
Difficultas in emittendo spermate, & alia multa acci- dentia	pag. 83
Diminutio menstruorum cum pluribus alijs incommodis in muliere	pag. 110
Dislocatio, & contractio sinistri cruris	pag. 310
Dolores articulares	pag. 83
Dolores articulares in adolescente, pustulæ in toto cor- pore, & ophthalmia	pag. 66
Dolor brachij ad præseruationem apoplexiæ	p. 375
Dolor capitis diuturnus in muliere	pag. 100
Dolor capitis, pleuritis, febris, & catarrhus	pag. 181
Dolor dentium	pag. 180
Dolor dorſi	pag. 88
Dolor iuncturarum, febris, catarrhus, & alia in puel- la	Cc 4 la

I N D E X

la	pag. 114
Dolor pectoris in muliere, unà cum alijs difficultatibus	pag. 110
Dolor renum	pag. 73
Dolor spinæ, usque ad renes, & alia	pag. 41
Durities splenis, cum podagra, catarrho salso, & alijs affectibus malis	pag. 119
Dysenteria	pag. 247

E

Egestiones liquidæ, & loturæ carnis similes	pag. 42
Epilepsia cum alijs malis	pag. 61
Epilepsia puellæ	pag. 161
Epilepsia pueri	pag. 367
Erysipelas phlegmonodes in ancilla	pag. 248
Erosio uentriculi, cum multis alijs malis	pag. 32
Euacuatiuum in morbo Gallico	pag. 245

F

Fastidiū, uentriculi cruditas, et leuis catarrhus Vuolfgangi à Vuerter	pag. 177
Febris acuta mulieris grauidæ, cum æstuatione stomachi, & lypothymia	pag. 64
Febris continua	pag. 266
Febris continua ex bile, & pituita crassa	pag. 260
Febris continua cum catarrho, sputo sanguinis, ac suspicione hecticæ	pag. 233
Febris cum capitis dolore, pleuritide, & catarrho	pag. 181
Febris, cum præfocatione matricis in Iudæa muliere	pag. 252
Febris,	

INDEX

Febris, dolor iuncturarum, catarrhus, uentriculi frigiditas, hepatis caliditas, in puella	pag. 114
Febris, & destillatio à capite ad alias partes in senes octuagenario	pag. 24
Febris interpolata	pag. 263
Febris pestilens, cum lenticulis	pag. 62
Febris putrida, ad hecticam inclinans	pag. 15
Febris putrida in Hecticam commutata	pag. 254
Febrim putridam sequuta hectica	pag. 52
Febris quartana	pag. 261
Fluxionum omnium nomina, causæ, & signa	pag. 86
Fluxus pituitosus per urinam, cum ulcere in pudendis, tabe, manus contractione & hypochondriaca affectione	pag. 390
Fœtus quinq; mensium, an uiuere possit, nec nec	p. 23
Frigiditas corporis, & membrorum principalium imbecillitas, cum catarrho	pag. 123

G

Gallici morbi euacuatium	pag. 245
Gallici morbi suspicio	pag. 12
Gallicus morbus, podagra, hectica, & pruritus maximus	pag. 296

H

Hectica cum morbo Gallico & alijs	pag. 296
Hecticæ periculum, & principium post febrem putridam	pag. 52
Hecticæ periculum, ex putrida febre, & alia	pag. 15
Hepatica, & splenetica passionis in iam grandæuo Polono	pag. 169
Hepatis	

INDEX

Hepatis caliditas in puella, unà cum alijs doloribus multis	pag. 114
Hepatis inflammatio uentriculum debilitat	pag. 179
Hydrops ex Ascite, & tympanite	pag. 129
Hæmorrhoides & alia multa incōmoda mulieris	110
Hæmorrhoides, & aurium tinnitus, cum scabie	p. 213
Hypochondriaca affectio, præter innumera alia mala	pag. 390
Hypochondriaca melancholia, uide sæpius Melancholia hypochondriaca.	
Hypochondriacus dolor, & alia multa	pag. 41

I

Imbecillitas stomachi	pag. 110
Imbecillitas uisus, unà cum alijs symptomatis	pag. 382
Ischia	pag. 152

L

Lenticulæ, cum pestifera febre	pag. 62
Lypothymia leuis in grauida muliere, cum alijs necessitatibus	pag. 64

M

Macies, tremor cordis & alia plurima corporis mala	pag. 32
Manus clausa difficulter aperitur, aut aperta difficulter clauditur	pag. 88
Melancholia	pag. 155
Melancholia hypochondriaca	56. 118. 112. 216. 337
Melancholia Iudæi cuiusdam	pag. 191
Melancholia mulieris 35. annorum	pag. 173
Melancholiæ cura	pag. 275
	Melan=

INDEX

Melancholicus affectus, cum catarrho pag. 364

N

Nomina fluxionum omnium pag. 86

O

Ophiafis, & Alopecia pag. 289

Ophthalmia 282

Ophthalmia, cum alijs incommodis in adolescente p. 66

Ophthalmia in adolescente pag. 94

P

Paralysis sinistri lateris pag. 397

Pleuritis, cum dolore capitis, febris, et catarrho p. 181

Pleuritis pueri quinquennalis pag. 178

Pthysis pag. 139

Pthysis, seu ulcus pulmonis pag. 18

Podagra, hectica, & pruritus, coniuncta morbo Gallico
co pag. 296

Podagra, splenis durities, catarrhus salsus & alia
pag. 119

Podagra, tremor splenis, & destillatio pag. 200

Pomum odoriferum Vuolsgangi à Vuerter pag. 245

Præfocatio matricis, unà cum febre Iudææ mulieris
pag. 252

Priuatio sensus & motus in brachio sinistro pag. 81

Pruritus, & palpitationes sub musculis in iuvene p. 20

Pruritus in scabie humida pag. 221

Pruritus ingens in laborante morbo Gallico cum alijs
incommodis pag. 296

Pulvis catarrhosis utilis à coena, ita ut non bibat post
assumptum pag. 246

Pustula

INDEX

Pustula & scabies in cute, pruritus, & palpitaciones sub musculis, & frequentia suspiria. in iuvene	p. 20
Pustula in toto ambitu corporis, opl. thalmia, & articularis dolor	pag. 66
Quartana triplex	pag. 226
Renum debilitas in sene	pag. 44
Sanguinis sputum, cum pure & catarrho	pag. 221
Scabies, cum molestijs conformibus in iuvene	pag. 20
Scabies	pag. 218. 222. 223
Scabies humida, cum pruritu	pag. 221
Scabies, tinnitus aurium, & hæmorrhoides	pag. 213
Septuagenarius senex prope melancholicus	pag. 18
Signa omnium fluxionum	pag. 86
Splenetica & hepatica passionis in Polono sexagenario	pag. 169
Splenis durities magna post longam quartanam, in iuvene	pag. 225
Sputio saniei, causa tussis	pag. 10
Stupor in quodam, & alia multa	pag. 88
Stupor, cum uisus deprauatione	pag. 83
Stypticitas uentris, uigiliæ, tristitiaq;, & periculū melancholiæ in septuagenario sene	pag. 18
Suffusio oculorum	pag. 107. 289
Suppressio menstruum puellæ	pag. 72
Surditas	357
Surditas & tinnitus aurium	pag. 252
Tabes,	

I N D E X

T

Tabes, & manus contractio, cum multis alijs symptomatibus	pag. 320
Tensiones hypochondrij, & uentris, & alia	pag. 42
Timor & tristitia sine ulla causa, macies, tremor cordis, & erosio uentriculi	pag. 32
Tremor cordis, cum alijs symptomatibus	pag. 32
Tremor manus	pag. 223
Tremor splenis, cum podagra & alijs malis	pag. 200
Tristitia melancholice proxima	pag. 18
Tubercula pectoris & alia	pag. 83
Tussis, à sputo saniei proueniens	pag. 10
Tussis ingens puerperæ	pag. 250
Tympanites & Ascites in hydropico	pag. 129

V

Ventriculi cruditas, fastidium, catarrhus, in Germano quodam	pag. 177
Ventriculi frigiditas, cum alijs multis malis in puella	pag. 114
Ventriculus debilitatus, ob inflammatum hepar	p. 179
Vermes in pueris	pag. 99. 127
Vertigo	pag. 108
Vertigo, cum alijs malis	pag. 329
Vigilie, & alia grauia corpori mala in sene	pag. 18
Visio deprauata, stupor, dolores articulares, & tubercula pectoris	pag. 83
Visus debilitas in muliere quinquagenaria	pag. 115
Visus imbecillitas. uide imbecillitas uisus.	
Vlcus in pudendis, cum alijs malis	pag. 390
	Vlcus

INDEX

Vlcus pulmonis	pag. 18
Vnguentum ad lepram, seu scabiem exuitio uirtutis assimilatiuæ	pag. 223
Vrinæ obstructio, & spermatis difficultas	pag. 88
Vulnus cuiusdam in tertia uertebra, cum consequentis malis	pag. 81

Tertiæ Montani Consultationum Medicarum
cum capitulari suo Indice.

FINIS.

